

901
—
L-21 1914

1
2
3
4
5
6
7

ԸՆՏԻՐ

ՄԱՍԵՆԱԳԻՐԻՑ



ԵԶՆԻԿ

261

-21

ամբ

ԵԶՆԿԱՅ

ԿՈՂԲԱՑԻՈՅ

ԲԱԳՐԵՒԱԽԴԱՅ ԵՊԻՍԿՈՊՈՍԻ

ԵՂԾ

Ա. Գ. Ա. Ն. Գ. Ա. Յ



Ի ԳԵՆԵՏԻԿ

Ի ՍՈՒՐԵՆ ՂԱԶԱՐ

1914

ԶԵԿՈՒՑՈՒՄՆ

291-62



5713-57

Զթողացուցանէ չափ մատենիս
աւելի քան զկարևորաց ազգութն
կանխաբանել:

Օրինակ ապագրիս ձեռագրեալ
է ի թուիս Հայոց ԶԻԹ. յոր
յանխորշելի վրիպակաց տառիցն՝
որ ինչ ուրեք յայտնի գուշա-
կերն՝ ուղղեալ, զկարևորսն՝ որ-
պէս էր յօրինակին՝ աստղանիշ
ներքոյ գրօշմեցաք. և զանյօդա-
ւոր զմիահետ գրչագիրն արարաք
ի գիրս և ի գլուխս:

Յաւելուածն յետոյ մատենիս,
Եզնկայ Վարդապետի Խրամք,
ի վարս հարանց Նեղոսի սուրբ
հօրն ընծայի. այլ սա չիք ի յոյն
բնագրին. թէպէտ և մատենա-
գրութիւնք իսկ նորա ոչ ամե-
նայնն անկորուստ կան:

Ե Զ Ն Կ Ա Յ

ՎԱՐԴԱՊԵՏԻ

ԿՈՂԲԱՑԻՈՅ

—

ԳԻՐՔ ԱՌԱՋԻՆ

Ե Ղ Ծ

ԱՂԱԽԴՈՅ ՀԵԹԱՆՈՍԱՅՆ

Ա. ՅՈՒԺԱՄ զաներկութէն և
զնորին զմշտնջենաւոր զօրութե-
նէն ճառիցէ ոք, քանզի մարմնա-
ւոր լեալ է, պարտի զմիտս յըս-
տակել և զխորհուրդս սրբել,
զյոյզս շարժմանց պարզել, զի
յայն զոր առաջի եղ՝ հասանել

կարասցէ: Կա և որ ընդ ճառաւ-
զայթս արեգականն հայել կա-
միցի, պարտի զպատութիւն
աչացն՝ զաղան և զբիժն ի բաց
պարզել, զի մի՛ մթարքն՝ որ
զբօօք շողայցեն, արգել հայելոյ
ի յատակութիւն լուսոյն լիցին:

Եւ արդ քանզի մի էութիւնն
անքնին է և անհաս բնութեամբ,
առ նորա անքննութիւնն ընծա-
յութիւն անզիտութեան մատու-
ցանելի է, և առ էութիւն նորին
դաւանութիւն զիտութեան և ոչ
քննութեան: Զի որ էն՝ պարտի
զի մշտնջենաւոր իցէ և անսկիզբն,
որոյ ոչ սկիզբն յումեքէ առեալ
լինելոյ, և ոչ ունի զոք ի վեր
քան զինքն, զոր պարտ իցէ նմա
պատճառ կարծել կամ իմանալ՝
եթէ ի նմանէ իցէ առեալ սկիզբն
էանալոյ: Զի ոչ ոք է առաջին
քան զնա, և ոչ ոք է յետոյ նը-
ման նմա, և ոչ ընկեր հաւասար
նորին, և ոչ էութիւն հակառակ

նմա, և ոչ զոյութիւն ընդդիմա-
կաց, և ոչ բնութիւն հիւթաբեր
ի պէտս նորա, և ոչ նիւթ ինչ՝
յորմէ առնիցէ զոր առնելոց իցէ.
այլ ինքն է պատճառ ամենայնի,
որ ի լինելն և զոյանալ եկին ի
չպոյէ և ի զոյէ. որպէս երկինք
վերինք և որ ինչ յերկինս, և
երկինք երկելիք որ ի չուրց, և
երկիր, և ամենայն ի նմանէ և
ի նմա. յորմէ ամենայն, և ինքն
ոչ յումեքէ: Որոյ ըստ իւրաքան-
չիր կարգաց տուեալ է սկիզբն
լինելոյ աներեւութիցն անմար-
մնոց, և երկելեացն մարմնաւու-
րաց. որ բաւականն է որպէս ի
տալն զկենդանութիւնն, նոյն
պէս և ի զիտութիւն իւրոյ ա-
նարար էութեանն ժամանեցու-
ցանել, և յիւրոց արարածոցն ի
հաստումն ըստ իւրաքանչիր բը-
նութեանց ածել: Որ ոչ այնու
միայն զարմանալի է, զի ածն
ի չպոյէ ի զոյ զզոյսն, և եցոյց

յունչէ յինչ զչսն, այլ զի և անարատ և անխախուտ պահէ ըզէլեալսն. որոց և յառաջնումն իսկ աննախանձ ետ զիենդանութիւնն, առ ի յայտնելոյ զիւրոյ զբարերարութեանն հանդէս :

Քանզի ոչ եթէ կարօտ ինչ ոք իւկը էր, եթէ վասն այնորիկ խնայիցէ իւր միայնոյ սեպհականեալ զիենդանութիւնն . և անզօր և տըկար, եթէ անձին ևեթ խորիցէ զզօրութիւնն. և ոչ նիազ ի զիտութենէ, եթէ ինքեան ևեթ պահիցէ զգիտութիւնն. և ոչ կարօտ յիմաստութենէ, եթէ յորժամ այլոց բաշխիցէ զիմաստութիւնն իւր, կարծիք ինչ կարօտութեան ի ներքս մտանիցեն : Այլ կենդանի է և աղբիւր կենդանութեան . տայ ամենայնի կենդանութիւն, և ինքն կայ լի և յանսպառ կենդանութեան . և զօրացուցանէ զանզօրս մեծազօր զօրութեամբ,

և ինքն ոչ թերամայ ի զօրացուցիչ զօրութենէն . և պարզէ զիւտութիւն ամենայն անգիտաց, և ինքն բաւանդակ ունի յինքեան զամենագէտ զիտութիւնն . և բըզիւէ յամենեսին զանպակաս իմաստութիւնն, և ինքն մնայ անխախուտ յամենահնար իմաստութեանն :

Եթէ աղբերք մշտաբուղիք, որ ի նորա հրամանէ կարգեցան, հանապազ բղիսեն և ոչ պակասեն, որոց բղխմունքն զայլոց կարօտութիւնս լնուն, և ինքեամք ի նմին յորդութեան կան մըշտընշնաւորք, ո՞րչափ ևս առաւել այն՝ որ նոցա զյորդութիւն բղխմանցն յօրինեաց, որ աղբիւրն է բարութեան . որ զամենայն զոր արար գեղեցիկս արար, այս ինքն զբանաւորս և զանմտաւորս, զիօսունս և զանխօսունս, զասունս և զանասունս : Եւ բանաւորաց և մոտա-

ւորաց յիւրաքանչիւր առաքիւնութեանց կարգեաց ստանալ զբարութիւն, և ոչ զգեղեցկութիւն. զի գեղեցկութեանն տուիչ ինքն է, և բարութեանն՝ զանձնաշխանութիւնն արար պատճառ:

Բ. ԱՊԱ. Եթէ ինչ յարարածոց՝ որ գեղեցիկ է՝ այն ի բարւոյ արարչէ կարծիցի ոմանց, որպէս Յունացն հեթանոսաց և արանցն մոգուց և հերձուածողաց, որ չար իմն էութիւն հակառակ բարւոյ դնեն, զոր հիւզն կոչեն՝ որ թարգմանի նիւթ, մեր առաջին և նախաբարբառ պատասխանի այն է եթէ ի բարերար արարչէն չար ինչ չիք լեալ. և չիք ինչ չար որ բնութեամբ չար իցէ. և ոչ է արարիչ չարաց իրաց, այլ բարեաց:

Եւ արդ զ՞ր ինչ յարարածոցն բարի կարծիցեն, կամ զ՞ր չար. զի բազում անգամ զոր բարին կարծիցեն, միայն առանձինն՝

առանց ընկերին խառնութեան՝ վսասակար լինի, յամեննեցունց առ հասարակ վկայեալ: Արեգակն թէ բարի է, և առանց օդոյ խառնուածոյ այրիչ և ցամաքեցուցիչ է. նոյնակէս և լուսին խոնաւական բնութիւն, առանց խառնուածոյ ջերմութեան արեգական՝ վսասակար և ապականիչ է: Եւ օդ, առանց ցօդոյ խոնաւութեան և ջերմութեան՝ վսասակար և ապականիչ է. և ջուրք զհող երկրի ողողանեն և ապականեն. և երկիր առանց ջուրց պատափ և խորխոլի: Եւ այսպէս չորեքին բնութիւնքն, ուստի աշխարհս կազմեալ և կայ, առանձինն՝ ապականիչք են միմեանց, և խառնեալ ընդ ընկերին՝ օգտակարք և շահաւորք: Եւ զի այս այսպէս է՝ ամենեցուն յայտնի է որ կամին ուսանել:

Ապա ուրիմն է ինչ զօրութիւն

ծածուկ, որ զապականիչսն միշտ մեանց խառնուածովք արար օգտակարս իրերաց։ Եւ որ առողջ միտս ունին, ոչ զշարժունո՞ւ այլ զշարժիչն պարտին փառաւորել. և ոչ ընդ արբանեակսն, այլ ընդ վարիչն պարտին զարմանալ. և ոչ ընդ գնայունսն, այլ ընդ գնացուցիչն. քանզի և նորին իսկ իւրաքանչիւր փոփոխմամբք յայտ առնեն, եթէ ոմն՝ որ փոփոխէ զնոսա։ Արեգակն ծագելովն և վերանալով և ի մուտս դառնալով. և լուսին աճմամբ լոլով և նուազելով. և այլք ևս յարարածոցն ըստ իւրաքանչիւր բնութեանց շարժելովն և դադարելովն։ Եւ արդ չէ առողջ մոտաց զշարժիչն և զփոփոխիչն թողուլ, և շարժնոցն և փոփոխելեաց պաշտօն տանել և երկրագութիւն մատուցանել. զի որ շարժին և փոփոխի՛ չէ էական. այլ կամ լեալ յումիքէ

և յիմեքէ, և կամ հաստեալ ի չոյշէ։ Եւ որ էն և շարժէ զամենայն, ինքն ոչ շարժի և ոչ փոփոխի, քանզի էական է և անշարժական է։

Գ. Եթէ մի էութիւն մշտընչենաւրական է և պատճառ ամենեցուն լինելոյ, այնմ՝ և որ զբազմաստածեան պաշտամունսն մուծին՝ վկայեն, և պատճառեն այսպէս։ Մեք, ասեն, քանզի չեմք բաւական մերձենալ յամեննեցունց պատճառն, յին ի գոյն ի մշտնչենաւրն և յանմատոյցն, վասն այնորիկ այլովքն խոնարհազունիւք նմապաշտօն մատուցանեմք, և որովք նմա զպաշտօնն մատուցանեմք, հարկ է և զնոսա ողոքել գոհիւք և նուիրօք։

Եթէ որպէս վկայենն՝ մի է պատճառ ամենեցուն, և նոյն էական և մշտնչենաւր, յայտ է թէ այլքն ոչ էականք են և

ոչ մշտնջենաւորք . և զիմարդ
չէականքն և չմշտնջենաւորք ընդ
էականին և ընդ մշտնջենաւորք
ին երկրպագութիւն առնուցուն :
Եւ մանաւանդ մարմնաւորք և
երկելիք , որպէս արեգակնդ և
լուսինդ և աստեղք և հուր և
ջուր և երկիր , որ ի մոգուց և
ի հեթանոսաց պաշտին :

Ապա եթէ ասիցէ որ յայնպի-
սեանց . Բարիոր է , զի մի էու-
թիւն պատճառ ամենայնի ասէք .
արդ եթէ մի էութիւն է որ զա-
մենայն յամենայնի ազդեցուցա-
նէ և տիք ինչ նմա հակառակ ,
մեօ սխտաւորսն և զբարե-
ւոր որ ի նմանէ կարգեալ
են՝ զիմարդ հրամայէք անարգել :

Ասացուք , եթէ զերախտա-
ւորսն և զբարերաւո՞ որ ի նմանէ
կարգեցան՝ մեք ոչ հրամայեմք
անարգել . բայց դարձեալ և ոչ
զպաշտոն արարչին՝ արարածոցն
մատուցանել . զի չիք ոք բարե-

րար և երախտաւոր , բայց միայն
որ արար և ոչ խնայեաց . և պա-
հէ կենդանի զբանաւորսն անե-
րկոյթս , և ոչ նախանձի . զհրեշ-
տակաց ասեմ և զհոգւոց մարդ-
կան . և զգայականացն անշնչից
յիւրաքանչլւր կայանի :

Արդ բարիոր է արեգակն և
զեղեցիկ բնութեամբ , և մեզ և
ամենայն արարածոց՝ որ ի ներ-
քոյ երկնից՝ յօգուտ և ի դար-
ման , իբրև ճրագ մի ի մեծի
տան ի մէջ ձեղուան և յատակի
լուցեալ՝ առ ի զխտարն և զըս-
տուերն զերկուց մեծացն անօ-
թոց ի բաց ի միջոյ փարատե-
լոյ . բայց ինքն եթէ իցէ և եթէ
չիցէ՝ զայն ոչ զիտէ , զի չէ ի
բանաւորաց և ի մտաւորաց .
նոյնպէս և այլքն յանշնչոցն ա-
րարածոց : Եւ թէ ջուր թէ հուր
թէ երկիր թէ օդ , թէ իցեն և
թէ չիցեն՝ զայն ոչ զիտեն , և
զպաշտոն արարչին՝ յոր կար-

զեցան՝ անդադար մատուցանեն,
զարելով այնը՝ որ կազմեացն
զնոսա: Եւ մեք ոչ անարգեմք
զնոսա, և ոչ պաշտօն մատու-
ցանեմք նոցա. այլ հայեցեալ
ընդ նոսա՝ փառաւորեմք զկար-
գիչն նոցա և զյօրինիչ, զի մեզ
ի պէտս են, և կարգչին իւրեանց
ի փառու:

Զիարդ պաշտիցեմք զարեզակն,
որ մերթ կոչի իւրե զծառայ առ
ի սպասն՝ յոր կարգեցաւ՝ հա-
սանելոյ, և մերթ երթայ զօղէ
իւրե զարհուրեալ, և տայ տեղի
խաւարին լնուլ զմիջոց ի մեծի
տանս. և ընդ ժամանակս ժա-
մանակս ի խաւար դառնայ՝ առ
ի յանդիմանութիւն և յամօթ
իւրոցն պաշտօնէից. յայտ արա-
րեալ եթէ չեմ ես արժանի պաշ-
տաման, այլ այն՝ որ զիս և զա-
մենայն տիւ լուսաւոր պահէ, և
զցայզ զօղեցուցանէ. և երբեք
երբեք խաւարեցուցանէ՝ և իւրե

խօսուն բերանով անշունջն բո-
ղոքէ՝ եթէ չեմ արժանի պաշտօն
առնլոյ այլ պաշտօն հարկանե-
լոյ: կամ զլուսին՝ որ ամսոյ
ամսոյ հիւծանի, գրեթէ և մե-
ռանի, և ապա սկիզբն առնու-
կենդանանալոյ, զի քեզ զյա-
րութեան օրինակն նկարիցէ: ։
կամ զօդ՝ որ մերթ գոչիցէ վա-
րազացեալ՝ հրամանաւ, և մերթ
սարսէ ի գոչելոյն՝ սաստիւ: Եւ
կամ զհուր՝ որում և զքեզ իսկ
երկրորդ արարիչ կազմեաց յօ-
րինիչն, զի յորժամ կամիցիս՝
վառիցես, և յորժամ կամիցիս՝
խափուցանիցես: կամ զերկիր՝
որ հանապազ բրեմք, և ցանկ
կոխեմք, և զաղը զմեր և զա-
նասոնց մերոց ի նա հեղումք: ։
կամ զջուրս՝ զոր հանապազն
ըմպեմք, և զանուշութիւն նոցա
ի ժամանատութիւն ի փորի մե-
րում զարձուցանեմք, և զներքին
և զարտաքին աղտեղութիւնս մեր
նորօք սրբեմք: ։

Եւ այսու ամենայնիւ յայտ է՝
թէ զոր առ աստուածն ունին,
անարգեն շատք և անպատուեն։
Նա և դոդումն և սոսկումն ունի
զարարածն, յորժամ զպատիւ
արարչին ոք նոցա մատուցանիւ-
ցէ. և յայտ առնէ երկիր շար-
ժելովն, և լուսաւորքն խաւարե-
լովն, և օդքն գժդմելովն և բըսու-
մնելով, և ծով սաստկութեամբ
ալեացն սպառնալեօք։ Զի թէ
ոչ սաստ արարչին նահանջէր
զնոսա, մի մի ի նոցանէն բա-
ւական էր զամենեսին սատակել՝
առ ի խնդրելոյ զվրէժ անար-
գանաց հասարակաց արարչին։
Կամ ծով ծածկելով, որ տկար
աւազովն պաշարեալ՝ չիշխէ ան-
ցանել ըստ հրաման։ Կամ եր-
կիր կլանելով, որ ի վերայ ո-
չընչի կայ հաստատեալ, և յոշինչ
դառնալ և զարձուցանել չէ պատ-
շաճ զիւր զբնակիչն։ Կամ հողմ
պարտասեցուցանելով, որ կեն-

դանութիւնն է ամենայն չնչա-
ւորաց, և չիշխէ արգելուլ զկեն-
դանութիւնն՝ առանց հրամանի
կենդանապահին։ Կամ օդք եր-
բեմն զսառամանիսն չնչելով, և
երբեմն զխորշակն բերելով, և
լինէր ամենայն ինչ ոչ ինչ։

Այլ նա աւասիկ իբրև զկառո
իմն լծեալ ի չորից երիվարաց
զաշխարհս տեսանեմք, ի չերմու-
թենէ ի ցրտութենէ ի ցամաքու-
թենէ և ի խոնաւութենէ. և զօ-
րութիւն իմն ծածուկ կառավար,
որ զըորս կազեցողն ընդ մի-
մեանս ի հաշտութեան և ի հա-
ւանութեան պահեալ նուանէր։
Ամենայն կառք ի համազգեաց
երիվարաց լծին, բայց միայն
այսց կառաց՝ որ ի չհամազգեաց
լծեալ են. և որ ի համազգեացն
լծեալ են՝ երբեմն սայթափին,
երբեմն օձտեն և ի տագնապի
զկառավարն և զանձինս կացու-
ցանեն. և երբեմն խորտակութիւ-

իսկ կառացն զործեն . և յորժամ
ողջ կառքն իցեն , և ողջ կառա-
վարն , և վարժ երիվարքն , ուշ
եղեալ ի հանդէպ երեսացն ևեթ
արշաւին . և այս կառք զարմա-
նալիք ի հակառակ և յաննման
երիվարաց լծեալ և ծածուկ ձե-
ռամբ ուղղեալք , ոչ ի մի միայն
կողմն ի հանդէպ երեսացն ևեթ
արշաւին , այլ յամենայն կող-
մանս վարզին , և ընդ հանուր
արշաւին , և ընդ ընաւս սլանան ,
և ամենայնի բաւական են : Յոր-
ժամ ընդ արկելս ընթանան , չէ
ինչ արգել՝ թէ ընդ արևմուտս
ոչ արշաւիցին , և յորժամ ընդ
հիւսիսի վարգին , չէ ինչ արգել՝
թէ ընդ հարաւ ոչ սուրայցեն . զի
ձեռն կառավարին բաւական է
յամենայն կողմանս դիմեցուցա-
նել , և ընդ չորս անկիւնս տիե-
զերաց արշաւեցուցանել :

Դ. ԳԱՐԶԵԱԼ, առ այսպիսի
հշմարիտ ասացածս անպատշաճ

հարցուածս մատուցանեն . ուս-
տի՞ իսկ բնաւ են , ասեն , այդ-
պիսի անհարթութիւնք . զի թէ
Աստուած բարեաց արարիչ է և
ոչ չարաց իրաց , ուստի՞ է խա-
ւար , ուստի՞ են չարիք , ուստի՞
են աշխատութիւնք , ուստի՞ են
Ականք՝ մերթ ի ցրտոյ մերթ ի
խորչակէ : Կամ ուստի՞ են ան-
զամութիւնք , զի տեսանեմք եր-
կուս արս միազգիս ընդ միմնանս
գրգռեալ , միմեանց մահու և ա-
րեամբ ծարաւի են : Եւ այլք
զգերեզմանս կրկտեն , և զթա-
ղեալ մարմինս ընդ հողով՝ մեր-
կացեալ իսյտառակեալ՝ արկու
ցուցանեն , և զմեծարեալ զին ,
առ փութի չծածկելոյ , թերես
և շանց ևս կուր արկանեն : Եւ
է երբեք զի մին փախուցեալ եր-
թայցէ անձնապուր ուրեք զկեանս
անձինն շահել , և միւսն ցաս-
մամբ բորբոքեալ՝ սրով զկնի ըն-
թացեալ , ոչ գագարէ՝ մինչև յա-

գեցուցանէ զցասումն։ ուստի՞ է այն անյազ ցասումնն։ Եւ ոմն մերկանայ զհանդերձս ընկերին, և թէ ընդդէմ դառնայցէ յարեւէ ևս արկանէ։ Եւ ուրումն ի մտի եղեալ զողանալ զայլոյ ամուսնութիւն, և ելեալ անօրէնութեամբ յօտար մահիճս, չտայ լինել հայր որդւոց այնմ՝ որ օրինօքն ամուսնացեալ իցէ։ Եւ երբէք երբէք պատերազմունք շարժին, ուր մեղաւոր և արդար առ հասարակ կոտորին, և մահք տարածամք և ախտք չարաչարք։ Եւ զի՞ պիտոյ է մեզ բնաւ մի ըստ միոջէ թուել, այլ համառուտ իսկ ասել՝ թէ ուստի՞ է այս ամենայն, և ո՞վ է սկիզբն և գործիչ այնպիսի անպատճից, բայց եթէ իցէ ինչ չար զօրութիւն՝ որ զայն ամենայն անհարթութիւնս տայցէ գործել, և ինքն իսկ արարիչ իցէ նոցա. զի զԱստուած արարիչ ասել այնպիսի

իրաց անպատշաճ է, և ոչ ի նըմանէ ունել զգոյութիւն չարեաց։ Զիա՞րդ մարթ է զայնպիսխին յԱստուծոյ կարծել, զի Աստուած բարերար է և լաւութեանց աւրարիչ, և ի չարութեանց ինչ ի նա ոչ մերձենայ, և ոչ խնդալ ընդ այն ախորժէ, այլ և խոտէ ևս զգործոն և զգործելիս. զի անընտանի են չարիք ի բնութեանէ նորա։

Վասն որոյ կարծի՛ թէ էր ինչ ընդ նմա, որում հիւզն անուն էր՝ որ է նիւթ, ուստի զամենայն արարածս արար և զատոյց ամենարուեստն իմաստութեամբ, և զարդարեաց վայելչութեամբ. և յայնմ նիւթոյ պարտ է կարծել զչարիս, որ անիրան և անկերպարան էր և խառն ի խուռն օձտելով երթեեկէր, և կարօտէր Աստուծոյ արուեստզիտութեանն։ Եւ Աստուած ոչ եթող զնա հանապազ խառն ի խուռն վարել,

այլ եկն յառնել զարարածս, և
ի յուսութեանցն նորա յազնուա-
զոյնսն զատուցանել կամեցաւ.
և այնչափ ինչ արար ի նմանէ՝
որչափ Աստուծոյ վայելէր առ-
նել արարածս. և որ ինչ մրրա-
խառն էր ի նմանէ, և չէր պատ-
շաճ արարչութեան, զայն եթող.
և յայնմ մրրոյ են չարիք մարդ-
կան:

Ե. ՊԱՏԱՍԽԱՆՈՒԻ . արգարե
խսկ չարիքն որ լինին՝ ի տարա-
կուսի կացուցանեն զբազումս,
և բազում արք աւագք վասն
նորին խնդիրս մեծամեծս արա-
րին: Կէսք անսկզբնակից ինչ
ընդ Աստուծոյ կամեցան դնել:
և կէսք ըստ նմանէ նիւթ ինչ,
զոր հիւղն անուանեն, թէ ի նր-
մանէ արար զարարածս. և կէսք
հրաժարեցին բնաւ ի խնդրելոյ,
որպէս թէ ամեննին այնմ խըն-
գրոյ չիք սպառուած: Բայց մեզ
հարկ եղի ի սիրոյ բարեկամաց,

և յոչ ուղիղ հայելոյ ընդդիմա-
կացն, ըստ մերում տկարութեան
ապաւինեալ յԱստուծոյ չնորհսն,
միւել ի խնդիր ճառիցս. մանա-
ւանդ զի յուսացեալ ևս վստահ
իցեմք յուղղոց ունկնդրաց ի կա-
մացն մտադիրութիւն, ուստի
և լինիցի նոցա զճշմարիտն ու-
ստանել, և մեզ ոչ ի զոր ինչ
զբանս ծախել: Փանզի ոչ եթէ
անիրաւութեամբ ինչ յաղթել
ջանամք, այլ իրաւամբք զճշմա-
րիտն ուստանել:

Որով յայտ է թէ երկուց անա-
րարաց ի միասին չէ մարթ լի-
նել: Զի ուր երկու ոք ի միա-
սին իցեն, հարկ է թէ իցէ ինչ՝
որ զատանիցէ ի միջի: Արդ
զիարդ համարիցին զԱստուած.
իբրև ի տեղուջ ինչ յամենայն
ի հիւղն լինել, եթէ ի միում
ինչ ի մասին նորա: Եթէ զա-
մենայն զԱստուած յամենայն ի
հիւղն լինել ասիցեն, որչափ մեծ

ևս ասիցեն զԱստուած, գտանի հիւղն մեծ քան զնա: Քանզի յորում լից ոք, այն յորում էն, քան զայն ոք ի նմա էն՝ մեծ գտանի, զի բաւական եղև տանել բոլոր զնա: Եւ եթէ ի մասն ինչ միայն ի նմանէ, և ոյնպէս բիւրապատիկ իսկ մեծ քան զնա հիւղն գտանի, զի սակաւ ինչ մասն նորա բաւական եղև ընզ գունել զամենայն զնա: Եւ եթէ ոչ ի նմա, և ոչ ի մասին ինչ նորա, յայտ է՝ թէ այլ ինչ էր անջրպետ ընդ մէջ երկոցուն մեծ քան զերկոսին. և ոչ միայն երշ կու անսկզբնակիցք գտանին, այլ երեք. Աստուած, և հիւղն, և անջրպետն, և մանաւանդ մեծ ևս անջրպետն քան զերկոսին:

Իսկ եթէ էր երեք հիւղն անշ զարդ և անարդ և անկերպաշ րան, և զարդարեաց զնա Աստուած, քանզի ի յոռութեանցն նորա ի լաւն զարձուցանել կաշ-

մեցաւ, ապա ուրեմն էր երբեմն զի յանզարզս և յանարդս և յանկերպարանս էր Աստուած, և հարկ էր թէ իբրև զհիւղն իսկ և նա խառն ի խուռն վարէր:

Եւ թէ յամենայն ի հիւղն՝ որպէս ասենն՝ էր Աստուած, յորժամ զնա ի զարդ և ի յարդ և ի կերպարանս ածէր, ինքն յոմարթէր ամփոփել, զի չէր ուրեք մարթ ամփոփելոյ: Մի՛ թէ և զի՞նքն ընդ հիւղն ի զարդս ի յարդս և ի կերպարանս ածէր, քանզի չգոյր ուրեք տեղի ամփոփելոյ. որ յետնոյ ամպարըշութեանն է:

Ապա թէ ասիցեն՝ թէ հիւղն ի յԱստուած էր, ըստ նմին օրինակի պարս էր խնդրել՝ որպէս զատ ինչ^{*} ի նմանէ, որպէս զանասունս ի մէջ օպոյ՝ որք ի նմա են և զատուցեալք ի նը-

* զատիչ:

մանէ, թէ իբրև ի տեղւոջ՝ որպէս և ջուրք յերկրի:

Եւ գհիւղեայն ասեն՝ թէ անձան և անզարդ և անարդ և չարէր. եթէ ըստ նոցա մտացն իցէ, ապա չարեաց տեղի էր Աստուած. զի անհեղեղքն և անզարդքն ի նմա էին. որ անհնարին անօրէնութիւն է, կարծել զԱստուածոյ թէ երբեմն ասպնջական չարեաց էր, և ապա արարիչ չարեաց. նա և բաժանելի ևս՝ թէ ի նմա իբրև ի տեղւոջ էր:

Զ. ԱՅԴԻ հարկ է ի պատճառս չարեացն զալ, և ցուցանել՝ թէ ուստի լինին չարիքն, և չէ պատճառ չարեաց Աստուած՝ այնու զի առ ընթեր նմա գհիւղն գնեն:

Եւ արդ զո՞ր հիւղ առ ձեռն դնիցեն Աստուածոյ. ո՞չ ապաքէն զայն՝ ուստի զաշխարհս արար. որ անկերպարանն և անզարդ և անարդ էր: Զի տեսանեմք զաշխարհս ի պէսպէս կերպարանս

և ի զարդս և ի յարդս, ապա ուրեմն կերպարանաց և զարդուց և արդուց արարիչ է Աստուած, և ոչ բնութեանց: Խոկ եթէ արարչի այն զործ է՝ զբնութիւնս առնել, ոչ միայն արդս և զարդս և կերպարանս, յայտ է եթէ աւելորդ է կարծել՝ թէ ի նիւթոյ ինչ իմերէ յընթերակացէ արար Աստուած զաշխարհս, այլ յուընչէ և ի չպոյէ:

Նաև զմարդիկ տեսանեմք, զի ի չպոյէ առնեն ինչ. որպէս շինողքդ ոչ ի քաղաքաց քաղաքս առնեն, և ոչ ի տաճարաց տաճարս: Կոքա քանզի ամեննին յոչընչէ չկարեն ինչ առնել, քարինքն՝ զոր ի շինածսն յօրինեն՝ ոչ ևս քարինք կոչին, այլ կամ քաղաք կամ տաճարք. զի ոչ եթէ բնութեան զործ է քաղաքս կամ տաճարս, այլ արուեստին է՝ որ ի բնութեանն: Եւ արուեստն ոչ եթէ յընթերակացէ ինչ իմերէ՝

որ ի բնութիւնսն իցէ՝ առնու զարուեստգիտութիւնն , այլ ի դիպացն որ դիպին ի բնութեանցն : Քանզի ոչ եթէ անձնաւոր ինչ յանձնաւորաց զարուեստն կարէ ցուցանել , այլ ի դիպացն որք դիպինն . որպէս ի զարբնութենէ զարբինն , և ի հիւսնութենէ հիւսն : Զի մարդ և յառաջազոյն քան զարուեստն է . բայց արուեստն չէ՝ եթէ ոչ նախ մարդն իցէ . ուստի զարուեստն յոշընչէ ի մարդիկ պատշաճեալ հարկ է ասել : Եւ եթէ առ մարդկան այսպէս , որչափ ևս առաւել պատշաճ իցէ զԱստուծոյ իմանալ՝ թէ ոչ միայն արդուց և զարդուց և կերպարանաց արարիչ է , այլ յոշընչէ առնել բաւական է բնութիւնս , և ոչ արգասիս նիւթոյ՝ յորմէ Աստուած ընարեաց զբարին ի մի թեր , և զչարն մրրախառն ի միւս կողմն , ուստի ջանայ մրրախառն զյստակն պղտորել :

Ե . ԶԱՐԻՔԱՅՈ որ լինին ուստի՝ իցեն :

Հարցցուք և մեք . չարիքն որք լինին անձինք ինչ իցեն , թէ արգասիք անձանց :

Ասեն , ի դէպ է կարծել՝ եթէ արգասիք անձանց :

Եւ հիւղն , զոր ասեն անարգաստոր և անկերպարան , զի՞արդ անարգաստորն և անկերպարանն յայլս կարէր արդիւնս ծնուցանել , եթէ ոչ ի դիպացն լինիցին չարիքն , և ոչ ի նմանէ : Զի սպանութիւնն չէ անձն ինչ , և ոչ չնութիւնն անձն ինչ է , և ոչ դարձեալ այլքն մի ըստ միովէլ ի չարեացն . այլ որպէս ի դըպրութենէն դպիր կոչի , և ի ճարտարութենէ ճարտար , և ի բժշկութենէ բժիշկ , և այն ոչ եթէ անձինք ինչ են , այլ յիրաց անտի առնուն զանուանս , նոյնպէս և չարիքն ի դիպացն առնուն զանուանումն :

Ապա եթէ և զայլ ոք իմասնայցեն գրդիչ և գրգռիչ՝ ոք արկանիցէ ի միտս մարդկան զշարիսն, և նա ի գործոյն՝ զոր գործէ առնու զանուն չարութեան։ Բայց զայն պարտէ զիտել, թէ զոր գործէ ինչ ոք՝ ոչ ինքն նոյնէ. որպէս բրուտն յորժամ անօթս զործիցէ՝ ոչ ինքն անօթլինի, այլ զործիչ է անօթոցն, ուստի և զանուանումն արուեստին առնու, նոյնպէս և չարագործն ի չարն զործելոյ առնու զանուն չարութեանն՝ եթէ շուն իցէ և եթէ սպանող։ Ապա ուրեմն յիրաւի տօին մարդիկ արարիչք չարեաց, զի ինքեանք են պատճառք առնելոյ և չառնելոյ։ Եւ զչարիսն ոչ պարտիմք անձինս անուանել, այլ արգասիս անձանց և չար։

Իսկ եթէ ի նմին յամառութեան կացցեն՝ թէ արդարե անարդ և անարգասաւոր էր հիւղն,

և Աստուած ած զնա ի զարդ և ի կերպարանս և յարգասիս, ապա զԱստուած զնեն պատճառս չարեացն։ Լաւ էր լեալ՝ թէ նոյնապիսի կացեալ էր անհեղեղ և անարգասաւոր, քան զալ յարգասիսն և ի կերպարանս, և լինել պատճառ չարեաց այլոց։ Քանզի զի՞նչ մարթի ոք լինել՝ որ իցէ թէ անկերպարան իցէ. նա և ասելն անկերպարան՝ զկերպարանացն յայտ առնէ։ Իսկ եթէ էր ինչ անձնաւոր և կերպարանաւոր, աւելորդ է ասել արարիչ զԱստուած։

Այլ այնու, ասեն, զի յանարդութենէն և յանհեղեղութենէն դարձոյց ի զարդ և ի կերպարանս, յիրաւի կոչի արարիչ։

Այդ այնմ նման է, յորժամ ի քարանց ոք շինուածս առնիցէ՝ պատշաճելոյն և յօրինելոյն միայն արարիչ է, և ոչ բնութեանն։ Եւ արդ յի՞նչ ինչ արդեք արար Աստուած զանկերպարանն. ի լա՛

ինչ թէ ի յոռի: Եթէ ասիցեն՝
եթէ ի լաւ, զշարիսն որ լինին
պարտին խնդրել, թէ ուստի լի-
նին: Ուրեմն արգասիքն ոչ նոյն-
պիսի մնացին՝ որպէս և էինն,
այլ զի ի լաւն զարձեալ՝ լաւք
ևեթ երեսցին: Ալա եթէ ի յոռի
ինչ զարձան, իշխեսցի՞ն ասել՝
թէ չարեացն պատճառ Աստուած
է, զի նա զարգասիօն ի լաւ
անդր զարձոյց:

Այլ ասեն՝ թէ զյստակն ի մի
կողմն ընտրեաց, ուստի զարա-
րածոն արար, և զմբրախառնն
եթով:

Ասացուք. որպէս զի թէ կա-
րող էր և զայն յստակել և զչա-
րիսն ի միջոյ բառնալ, և ոչ
կամեցաւ զայն ի միջոյ բառնալ,
ապա պատճառս չարեաց պարտ
է զնա ասել. զի ի կիսոյն նորա
արար բարի արարուածո, և ըզ-
կէսն նորա եթով նոյնպիսի՝ յա-
պականութիւն լինելոյ բարուք

արարածոցն: Եւ թէ ճշմարտիւ
ոք քննիցէ զիրսն՝ գտանէ յան-
հընարին վտանգս եկեալ զհիւզն
քան զառաջին անկազմութիւնն,
զի նախ քան զընտրելն և զըզ-
զալն զվտանգսն չարեաց՝ յա-
պահովի և յանհոգութեան կայր.
և արդ յառնլոյ զազգմունս չա-
րեացն՝ ի տագնապի և ի տա-
րակուտի կայ: Եւ թէ կամիս ի
մարդոյ իսկ առ օրինակ. զի
նախ քան զպատկերանալն և լի-
նել կենդանի, անմասն էր ի չա-
րեաց. և յորժամ զայ ի չափ
հասակի մարդոյ, յայնժամ մի-
տի ի չարիս յիւրմէ անձնիշխա-
նութենէ: Նոյնպէս և ի բարե-
րարութենէն, զոր ասեն յԱստու-
ծոյ եղեալ հիւզեայն, գտանի՝
զի ի յոռութիւնս եկն:

Ապա եթէ ի չկարելոյ Աստու-
ծոյ բառնալ զչարիսն եթով նոյն-
պիսի, այնու տկարութիւն ածեն
զԱստուծով՝ կամ թէ բնութեամբ

սկար իցէ, կամ թէ առ երկիւ-
զի յաղթեցաւ յայլմէ զօրագունէ
քան զնա: Եթէ յաղթեալ կաս-
կածանօք ի մհծագունէ քան զնա
ասիցեն, հարկ է թէ զշարիսն
բոնադատիչս կամաց նորա գնեն:
Եւ ընդէ՞ր ըստ նոցա բանիցն
չարիքն ոչ լինէին աստուածք,
որ Աստուծոյն յաղթել կարէին:

Յ. ԳԱՐՉԵՎԱԼ, հարցցուք զիւ-
դայն. պարզ ինչ բնութիւն իցէ,
եթէ յօդուածով. զի ազգի ազգի
գործուածք իրացն յայսպիսի
քննութիւնս ածեն զմեզ: Զի ե-
թէ պարզ բնութիւն էր հիւզն,
և մենակերպ, և աշխարհս ի յօ-
դուածոց և ի պէսպէս բնու-
թեանց և ի խառնուածոց հաս-
տառեալ է, անհնարին է ասել՝
եթէ հիւզեայն լիալ իցէ: Վասն
զի չէ մարթ յօդուածոյիցն ի
միոջէ պարզ բնութենէ ունել ըզ-
հաստառութիւնն, քանզի յօ-
դուածոյին ի պարզական բնու-
թեանցն յօդին:

Եւ եթէ փ պարզական բնու-
թեանցն յօդեցաւ, ապա էր ժա-
մանակ յորժամ հիւզն իսկ չէր
ի միջի, զի ի պարզականացն
յօդելոյ եղեւ հիւզն. ուստի լեալ
իսկ երեկի հիւզն, և ոչ անարար:
Զի եթէ յօդուածով էր հիւզն,
և յօդուածոյին ի պարզականացն
ունին զանձնաւորութիւն, ապա
էր երբեք զի չէր իսկ հիւզն մինչ
չի պարզականացն ի միմեանս
յարեալ էր, և եթէ էր ժամա-
նակ՝ յորժամ զի հիւզն չէր, ա-
պա չզոյր ժամանակ յորում էր
անարար: Զի եթէ Աստուած ա-
նարար էր, և պարզականըն ևս
անարարք ուստի հիւզն յօդեցաւ,
յայտ է թէ չէին երկուքն միայն
անարարք, այլ հինգ:

Եւ արդ տեսցուք, հաւանք
ինչ ընդ միմեանս էին բնու-
թիւնքն, ուստի հիւզն յօդեցաւ,
թէ հակառակ իրերաց. նա-ա-
ւստիկ տեսանեմք զբնութիւնսն

միմեանց հակառակս.քանզի ընդշպիմակաց է հրոյ ջուր, և լուսոյ խաւար, և ցրոյ ջերմ, և ցամաքի խոնաւ։ Եւ ինքեան ինչ հակառակ և վսասակար չէ, բայց ընկերին. և անտի յայտ է՝ թէ չեն ի միոջէ նիւթոյ, և ոչ մի նիւթն ի չորից հակառակորդաց։ Արդ եթէ մինչ էր նիւթն՝ ոչ եւ թէ ինքեան հակառակ էր, այլ ընկերին. որպէս օպիտակ թխոյ, և քաղցր դառին։

Թ. Եկարդ զհիւղեայն խնդիր թողեալ՝ զոր նիւթն ամենայնի կոչեն, ի չարեացն խնդիր եկեսցուք՝ զոր ի նմանէն իմանան։ Զի յորժամ չարիքն յայտ լինիցին՝ թէ չեն անձնաւորք, անտի և հիւղն յանդիմանի՝ թէ ոչ էր ելքեք, և ոչ բնութիւն անձնաւոր։

Արդ զմարդկան իսկ չարեաց հարցցուք. արգասիք անձանց իցեն, եթէ անձինք ինչ չարիքն.

զի որ ինչ ի մարմինս և ի հուզիս շարժմունք խաղան, ոչ մարթի ասել՝ թէ այն մարդ իցէ, այլ կամական շարժմունք. զի մարդն անձնաւոր է, և բարքն չանձնաւորք, որպէս սպանութիւն կամ շնութիւն՝ որ ի բարուցն գործիցին։

Արդ եթէ այնք արարածք ինչ անձնաւորք իցեն, հարկ է և ըզպատճառն զոր դնեն արարած անձնաւոր կարծել. զի որոյ մասն ինչ արարած է, յայտ է եթէ նա մանելին իսկ արարած է. և ուրոյ մասնն չէ արարած, նա բնաւ իսկ չէ արարած։ Ապա ուրեմն էր երբեք՝ զի բնաւ չէր ամենելին ինչ արարիչ բովանդակ, մինչ չև Աստուծոյ զմարդն արարեալ էր, ուստի չարիքն լինին։ Քանզի մասանց չարեաց գտանի մարդն արարիչ, անտի յայտ է թէ և բաւանդակ իսկ չարեացն արարիչ Աստուծած է, զոր ամենելին

մի՛ երբեք լիցի ասել՝ թէ Աստուած չարեաց պատճառ իցէ, այլ այն որ իւրով կամօք զգործ չարեացն գործիցէ . և յումմէ չարն գործի՛ յիրաւի նմին և անուն չարութեան դնի, որպէս և յառաջագոյն իսկ ասացաք:

Փ. Եի արդ եկեսցուք յիրացն իսկ ի քնին, զի յորժամ ճշդիւ մրցութիւնք լինիցին՝ զիւրաւ զյայտնութիւն ճառիցն յանդիւման կացուցանիցեն:

Արդ զԱստուած բարի՞ և բարերա՞ ասիցեն: Հարկ է թէ բարի և բարերար ասեն, և չարութիւն ինչ ի նա ոչ մերձենայ: Եւ եթէ այն այնպէս իցէ. նախ զշնութենէ և զպոնկութենէ հարցցուք, և ապա զայլոցն նոյն պիտեաց: Եթէ Աստուծոյ կամօք գործէին այնպիսի չարիք, ընդգէ՞ր ի գործելեաց չարեացն վըրէժս պահանջէ. այլ այնու զի ըստ չարեաց գործոցն վրէժս

պահանջիցէ յայտ է եթէ ոչ աշխորժէ զչարիսն, այլ ատեայ, և պատիժս պատուհասից ի կերայ գործելեացն ածէ. որոց, ըստ իւրեանց անմտութեան, խրառք նորա չարութիւնք կարծին. որպէս և այժմ սպանողք յորժամ ի պատիժս մտանեն՝ ոչ բարերարս զպատժածուսն կոչեն, այլ չարարարս . քանզի այնպիսի բարք են չարագործաց՝ զիւրաւունսն անիրաւութիւն ասել: Բայց մեզ մի՛ լիցի այնպիսի ինչ ասել. այլ զչարիսն ոչ անձնաւորս կարծել, այլ կամածինս:

Ապաքէն պոռնկութիւն և շնութիւն՝ ի մերձենալոյ ի միմեանս առն և կնոջ լինին. եթէ յիւր կին ոք օրինօք ամուսնացեալ մերձենայցէ վասն որդէծնութեան և զաւակի սերելոյ, բարիք է մերձաւորութիւնն. ապա եթէ ուրուք թողեալ զիւր կին, զայլոյ ամուսնութիւնն թշնաւ

մանիցէ, զործ չարութեան զործէ: Եւթէպէտ մերձաւորութիւնն նոյն է, և օրինակ մերձաւորութեանն ոչ նոյնպիսի, քանզի մին բուն հայր լինի որդւոց, և միւսն զողունի: Նոյն բանք են և վասն պոռնկութեան . Եթէ վասն որդէնութեան ոք մերձենայցէ յիւր կին, յիրաւի է. ապա եթէ առ ցանկութեան օտար մարմնոց ցանկանայցէ, կարի խոկ անիրաւութիւն: Եւ յայտ է՝ թէ իրքն չարք յայնժամ լինին, յորժամ պէտք օրինօք ոչ վճաշենցին:

Նա և զսպանութենէ նոյն բանք են. յորժամ զըմբռնեալն չնուաթեան ոք սպանանիցէ, պատուհաս ի վերայ ածեալ վասն յան գընութեան, չառնէ չար ինչ: Ապա եթէ զանմեղն ոք, որոյ ոչ ինչ ի վճռականացն զործեալ իւցէ՝ սպանանիցէ, կամ վասն ինչ զերծանելոյ, կամ վասն սուտաւ

ցուածս հատանելոյ, չարութիւն զործէ. և զործն նոյն է երկոցունց, բայց օրինակն ոչ նոյնպիսի:

Նա և յինչս առնուլ նոյն բանք են. որ պարզե ի տեառնէ կամ ձիր ի բարեկամէ առնուցու, ոչ ինչ չարութիւն զործէ. խոկ որ բռնաբար յանաւագէն հանիցէ, չարութիւն զործէ. և առնուլն երկոցուն նոյն է, բայց օրինակ առնլոյն ոչ նոյնպիսի:

Նոյնպէս և աստուածպաշտութեան յօրինակէ անտի ցուցանի չարութիւնն . Եթէ զծմարիտն Աստուած ոք պաշտիցէ, զործ ազնուական զործէ. ապա եթէ թողեալ զծմարիտն, քարանց և փայտից՝ որպէս թէ Աստուծոյ՝ պաշտօն մատուցանիցէ, անհնարին վսաս զործէ. զի զօրինակ պիտոյիցն յանպատեհ իրս դարձոյց: Եթէ պատկեր ոք զործիցէ, և ոչ վասն սիրոյ սիրելոյն,

որ մահուամբ յաչացն վրիպեցաւ, կամ վասն զճարտարութիւն ցուցանելոյ, այլ ի պաշտօն առեալ երկիր պագանիցէ իբր Աստուծոյ, գործ չարութեան գործէ:

Եւ այսպէս կազմածոյ իրացինչ ևս՝ միտք գործողին գործեն զճարն, որպէս և երկաթ մերթի բարիս պաշտի, և մերթ ի չար. զի եթէ խոփ և գերանդի և մանզաղ որ գործիցէ, ի բարոք իրս պաշտեցաւ. ապա եթէ սուսեր և գեղարդն և ոլաք, և այլ ինչ զէն որ վնասակար մարդկանէ, գործ չարութեան գործէ. և պատճառ չարութեանն գործելին, և ոչ երկաթն:

Ժ. Ի Ա մարդիկ, ասեն, յանձնանց ինչ ունիցին զայնպիսի շարժմունս, թէ յԱստուծոյ լեալ իցեն, կամ թէ այլ ոք իցէ՝ որ զայն ի մարդիկ արկանիցէ: ՅԱստուծոյ մարդկան այսպի-

սի ինչ լինել՝ չթուի պատշաճ ասել. այլ ունել անձնիշխանութիւն և ազատութիւն առաջնոյ մարդոյն եղելոյ յԱստուծոյ, և ի նմանէն զնոյն իւրոց պայշատացն ժառանգել: Եւ արդ առեալ զանձնիշխանութիւնն, ում կամի՞ ծառայանայ, որ մեծ չնորհն պարզեեալ է նմա յԱստուծոյ. քանզի այլն ամենայն ի հարկէ ծառայէ աստուածական հրամանին. եթէ զերկնից ասիցես, կայ հաստատեալ և ոչ շարժի ի սահմանելոյ նմա տեղւոյն. և եթէ զարեգականէ կամիցիս ասել, սակայն և նա կատարէ զգատուցեալ նմա զշարժումնն և չիշխէ խուսափել յընթացիցն, այլ ի հարկէ ծառայէ տէրունական հրամանին: Նոյնպէս և զերկիր սեղմացեալ տեսանեմք, և բարձեալ բերէ զերաման հրամանառուին. և զայլօն ամենայն համակերտս ծառայացեալս հրա-

մանաց արարչին, և չիշխեն այլ
ինչ քան զայն՝ յոր կարգեցան՝
գործել. վասն որոյ գովիճմք զնու-
սա յաղագս զսահմանս հրամա-
նացն պահելոյ:

Բայց մարդոյ առեալ զանձնիշ-
խանութիւն, ում կամի ծառա-
յանայ. ոչ ի հարկէ բնութեան
բռնագատեալ, ոչ ի զօրութենէն՝
որ նմա վասն լաւութեանց չնոր-
հեցաւ կասեալ, այլ ի հնազան-
դութենէ միայն շահի զօգուտն
և յանհնազանդութենէ զիսաս.
Ի զայն ոչ եթէ առ եղեռանէ ինչ
լեալ ասեմք մարդոյն, այլ վասն
լաւութեանց: Զի եթէ իբրև զմի
ինչ յայլոցն բնութեանց լեալ
էր՝ զոր ի հարկէն ծառայեն Աս-
տուծոյ, ապա և վարձս ընդ կա-
մակարութեանն առնլոյ չէր ար-
ժանի, այլ իբրև զործի մի էր
արարչին, զոր թէպէտ ի չար
վարէր և թէպէտ ի քարի, ոչ
պարստաւանք ինչ էին նմա և ոչ

զովութիւնք, այլ պատճառ այն
էր՝ որ զնա այնպէսն վարէր,
նա և ոչ զլաւ ինչ գիտէր այ-
նունետե մարդն. քանզի չէր հը-
մուռ այլ իմիք, բայց այնմ ևեթ՝
յոր պատշաճեալն էր: Այլ Աս-
տուած այնպէս պատուել զմարդն
կամեցաւ, զի առ լաւութեանցն
խելամուտ լինելոյ՝ զանձնիշխա-
նութիւնն պարզեաց նմա, ո-
րով կարող իցէ առնել զինչ և
կամեսցի, և զանձնիշխանութիւնն
նորա ի լաւն խրառէ դարձուցա-
նել:

Որպէս հայր ոք յորժամ զոր-
դի իւր խրատիցէ՝ որ կարող իցէ
ուսումն ինչ ուսանել, չծուլալ
յուսմանէն՝ այլ յառաջապէմ լի-
նել ի լաւն ստիպէ. վասն զի
գիտէ եթէ կարող է յառաջապէմ
լինել, պահանջէ զուսումն՝ յոր
աւանգեցաւ: Նոյնպէս և զԱս-
տուծոյ պարտ է իմանալ եթէ
յօժարիցուցանէ զմարդն անսալ

հրամանաց նորա . բայց զկամակար իշխանութիւնն ոչ հանէ ի նմանէ , որով կարողն է անսալ և չանսալ հրամանացն . այլ խըրատէ և յօժարեցուցանէ զմարդն , զի լաւութեանցն ցանկացող լիցի , որովք արժանաւոր մեծաց պարզեց լինիցի , եթէ անսայցէ Աստուծոյ . այլ զի և չանսալոյն իշխանութիւն ունիցի . քանզի ոչ եթէ վայրապար ինչ կամէր Աստուած զայնպիսի պարզես տալ , որ յաւիտենական անեղծութիւնն է . զի վայրապար իսկ էր այն պիսոյն տալ՝ որ ոչ ունէր իշխանութիւն երկոցունց , անսալոյ այնմ՝ զոր Աստուածն կամէր , և չանսալոյ այնմ՝ զոր նայն չախորդէր : Բայց իրաւամբք այն է , յորժամ արժանի ըստ որոց գործեացն ոք ինչ առնուցու :

Եւ արդ զիա՞րդ երևէր ընտրութիւն գործոցն , եթէ ոչ ունէր մարդն իշխանութիւն երկոցունց ,

և անսալոյն և չանսալոյն : Եւ արդ յայտ է թէ անձնիշխան եւ զեւ մարդն՝ առնել զբարի և ժտել ի չար . իբր ոչ եթէ չար ինչ առաջի կայր՝ յոր ժտիցի , այլ այն եեթ առաջի կայր՝ կամ անսալ Աստուծոյ կամ չանսալ , և զնոյն եեթ պատճառ չարին իմանալ : Քանզի լեալ մարդն առաջին՝ առնոյր պատուէր յԱստուծոյ , և չհնազանգեալ աստուածական հրամանին՝ մոռքերէր ի չարիս , և անտի լինէր սկիզբն չարեաց :

Ուստի ոչ ոք կարէ անարար ինչ * և անձնաւոր զչարն ցուցանել . և դարձեալ ոչ յարարչէն , այլ յանսաստութենէ դիպեալ ստունզանովին , և յուրուք վարդապետութենէ դրդեալ . զի ոչ եթէ այնպիսի ինչ հաստատեալ բնութեամբ զմարդն ցուցանել կարէ ոք : Եթէ այնպիսի ինչ բնութիւն մարդոյն առեալ

* անարարիչ :

էր, ապա ոչ ի բնութենէ արարածոյ և յաստուածեղէն զրոց նմագարդապետութիւն ընծայանայր. որպէս ասէ ուրեք աստուածական բարբառն, եթէ ի մանկութենէ մարդիկ ի խնամս չարի միտոեալ են. զի ցուցցէ թէ որ միտին կամօք միտի, և ոչ ուրուք բոնութեամբ:

Արդ անսաստութիւնն եեթ որ արտաքոյ Աստուծոյ կամացն զործիցի պատճառ չարեաց իմանալի է. և նմին զայլ ոք վարդապետածուկ հաշուել, դրսիչ և ոչ բոնալապիչ, որ զմարդն ի լաւութեանցն մերկանալ կամեցաւ: Ապա եթէ զպատճառն ևս կամիցին խնդրել, զնախանձն որ առ մարդն եղև իմասցին զպատճառն: Եւ եթէ զնախանձուէն ևս ճշդիւք քննիցեն՝ թէ ուստի՛ եղև, ասասցուք եթէ յառաւելութենէ զմարդն պատռելոյ. քանզի միայն մարդ ըստ պատկերի

և ըստ նմանութեան Աստուծոյ եղև: իսկ եթէ այնու զԱստուած պատճառ չարեաց կամիցին ասել, անկանին յիմաստնարար խորհրդոյ: Եթէ զնորա ինչ հանեալ էր, և մարդոյն չնորհեալ, թերևս յիրաւի պատճառ չարեաց կարծէր տուիչն. ապա եթէ զնանոյնպէս որպէս եղևն պահեաց, և զմարդն այսպէս կամեցաւ առնել, պատճառ չարեաց՝ նախանձորդն է: Քանզի ոչ եթէ յորժամ իցեն ուրուք երկու ծառայք, և զմինն ի ծառայութեան ունիցի, և զմիւսն յորդէզիրս գրիցէ, և միոյն յարուցիալ ի վերայ զմիւսն սպանանիցէ, միթէ պատճառ չարեաց զոտքըն պարտ իցէ իմանալ, որ ոչ եհան ինչ ի ծառայէն և չնորհեաց միւսոյն:

ԺՅ. ԱՐԴԻ և զայն ևս հարցանեն, եթէ չար ինչ չկայր առաջի, ուստի՛ օձն զոր սատանայ

կոչէք՝ իմացաւ զհանգամանս չաւրին:

Ասեմք, եթէ սատանայ չար զսունգանելն մարդոյն Աստուծոյ իմացաւ, վասն որոյ զմարդն յայն յօժարեցոյց: Որպէս յորժամ իցէ ոք ուրուք թշնամի, և թագուցեալ զթշնամութիւնն՝ զալու կամիցի վնասել, և զիւտիցէ զհանգամանս վնասակարութեանն, և շուրջ եկեալ յածիցի հնարս խնդրել. ապա զըտեալ ժամանակ՝ յորժամ ոք ի բժշկաց թշնամոյն նորա պատուէր տայցէ յայս ինչ չնպել, և յայս նիշ կերակրոց չճաշակել, որով առողջութեանն կարիցէ հաօանել, և նորա լուեալ՝ վաղվաղակի ի կեղծիս բարեկամութեան կեղծաւորեալ զբժշկն պարսաւիցէ, և զօգուակարսն նմա վնասակարս թելադրեալ կարծեցուցանիցէ, և հակառակ պատուէրս հրամանաց բժշկին տայ-

ցէ, և այնու առնիցէ նմա վնաս. որ ոչ եթէ յառաջազոյն զիւտէր զհանգամանս վնասակարութեանն, այլ ի պատուիրելոյ բժշկին գտեալ հնարս՝ եղի վնասակար: Կոյնալէս կարծի և զստանայէ՝ նախանձելն նմա ընդ նախաստեղծ մարդոյն, և չգիտել զհանգամանս վնասակարութեանն. քանզի ոչ եթէ չար ինչ առաջի կայր՝ ուստի զհանգամանսն մարթ էր առնուլ, ուսեալ յԱստուծոյ պատուիրանէն՝ որ մարդոյն տուաւ արգելուլ զնաի ճաշակելոյ ի տնկոյ իմեքէ ի մահաբերէ, զայն յառաջադրեաց մարդոյն. որ ոչ եթէ անպիտան ինչ ի կերակուրս մարդոյ էր, և ոչ բնութեամբ տունկն մահաբեր, և վասն այնորիկ ինչ արգելաւ մարդն ի ճաշակելոյ ի նմանէ, այլ անսաստութիւնն եղի պատճառ մահուան մարդոյն, իբրև յանցաւորի՝ որ անցանիցէ

հիրամանաւ հրամանատուի՝ որ
նմա կարգեալ իցէ:

Արդ ժուեցոյց թշնամին զմարդն
անցանել զիրամանաւն Աստու-
ծոյ, որպէս զի ոչ եթէ ստուգեալ
զիտէր՝ եթէ այնու նմա վնաս
ինչ գործել կարիցէ, այլ կար-
ծօք ի թեթոււ մատուցեալ,
եթէ լիցի և թէ չլինիցի. և յե-
տոյ յԱստուծոյ պատուհասէն՝ որ
առ մարդն՝ եղեւ վասն պատուի-
րանազանցութեանն իմացաւ ե-
թէ պատուիրանք նորա մահ գոր-
ծեցին, և յիրաւի պատժեցան և
նա և մարդն՝ զոր յօժարեցոյց
յանսաստութիւնն, ճաշակել ի
փայտէն՝ որ ոչ բնութեամք մա-
հաբեր էր, այլ յԱստուծոյ ըս-
պառնալեացն եղեւ այնպիսի ի-
րաց պատճառ:

Եւ որպէս բժշկի ոչ կարեմք
մեղադիր լինել՝ վասն յառաջա-
գոյնն զգուշացուցանելոյ որով
օրինակաւ կարիցէ մարդն ա-

ողջանալ, և նորա թողեալ զպա-
տուէրս բժշկին՝ անսայցէ թշնամ-
ւոյն՝ որ զվասսարար խրատոն
տայցէ նմա, որով ոչ զպատճառս
վնասուն ի բժշկէն՝ որ յառաջա-
գոյնն գուշակեաց նմա՝ իմանալի
է, այլ ի թշնամւոյն որ ի պա-
տուիրանէ բժշկին նմա զվասն
հնարեցաւ. նոյնպէս և զսաւու-
նայէ ասեմք լեալ թշնամին մարդ-
կան՝ որ չկ ևս զիտէր զհանգա-
մանս չարեաց, այլ ի պատուի-
րանէն Աստուծոյ ուսեալ՝ կամե-
ցաւ վնասել մարդոյն, որպէս զի
եթէ առանց Աստուծոյ կամաց
ի ծառոյն ճաշակիցէ՝ առնուցու
պատիմ զմահ: Քանզի եթէ յա-
ռաջագոյն չէր զուշակեալ Աստու-
ծոյ մարդոյն չուտել ի կերակրոյ
ծառոյն, և նորա յանգէսս կե-
րեալ, չլինէր նմա պատիմ մահ.
կամ որպէս թէ առ ի չգիտանս
եկեր, կամ թէ առ չժուժալոյ
ի կերակրոյ ծառոյն, չէր ինչ

պատժի պարտական։ Քանզի և
մանուկ կաթնակեր՝ որ յայլ ինչ
կերակուր մոտքերիցէ, ոչ պատ-
ժելի է՝ այլ արգահատելի, որ
պէս թէ առ ի չգոյէ կաթին
յայն յօժարեաց։ Կա և օձն, որ
է սատանայ, յիրաւի պատժե-
ցաւ՝ վասն ընդ անազորոն թըշ-
նամութեան ընդ մարդոյն ունե-
լոյ։

Եւ արդ սկիզբն չարեաց զնա-
խանձն ասեմք, և զնախանձն
յառաւել զմարդն պատուելոյ, և
և զչարիսն յանհնազանդութե-
նէն։ Զի Աստուած այնպէս ա-
ռաւել զմարդն պատուեաց, և
նորա անսաստեալ՝ զընկէց զպա-
տուիրանն։ Ուստի զամենայն ինչ
որ լինի չար, ոչ բնութեամբ չար
զիտեմք, այլ զի առանց կամացն
Աստուածոյ գործին իրք ինչ՝ լի-
նին չար։

Կա և ընդ լինելն իսկ սատա-
նայի յԱստուածոյ, զիտաց՝ եթէ

անսաստել ումեք Աստուածոյ՝ չար
է և ոչ բարի. Քանզի ոչ եթէ
անմիտ ինչ ոք եղեւ նա յԱստու-
ածոյ՝ եթէ չզիտէր, եթէ որ ինչ
ըստ Աստուածոյ կամացն լինի՝
բարի է, և որ ինչ արտաքոյ
քան զնորա կամն՝ այն չար է.
և վասն այնորիկ յիրաւի տանջէ
զնա Աստուած, զի զիտէ նա զը-
բարին, և ոչ առնէ, և հմուտ է
չարին, և ոչ խորչի։ Եւ ոչ չար
և չարչարիչ հաստատեաց զնա
Աստուած. և ոչ փորձիչ՝ եթէ
նովաւփորձեալ զարդարս զլուես-
ցէ. և ոչ ինքն յանձնէ չար զը-
տեալ, և ոչ անարար և հակա-
ռակ Աստուածոյ. այլ մատոր ե-
ղեալ յԱստուածոյ, և հմուտ զի-
տութեան՝ թէ չար է հակառակ
կալ Աստուածոյ հրամանին, և
յայն զոր զիտէրն՝ թէ չար է՝
յանդզնեցաւ, զանսաստութենէն
ասեմք. և անսաստութիւնն ոչ
եթէ անձնաւոր ինչ յառաջազիւտ

Եհաս ի գիտութիւնն սատանայի,
այլ իբրև զմի ինչ եղեալ ի դի-
պաց կամեցելոյն:

Նա և զմարդոյ յիրաւի, ա-
սեմք, կրել պատուհաս ընդ որոց
գործիցէ. քանզի կամաւ երթայ
յուսումն այնպիսի իրաց, յորոց
յորժամ և կամիցի՝ և մեկնել
կարող է. քանզի և կամելոյն և
չկամելոյն ունի իշխանութիւն,
զորոյ զհետ երթայ և կարելն զոր
ինչ կամիցի առնել:

ՃԳ. ՈՐՈՎՀԵՏԵՒ, ասեն, չա-
րեաց արարիչ զԱստուած չկա-
միք ասել, այլ ի մարդկանէ ե-
ղեալ թելազրութեամբ սատա-
նայի ի հնազանդելոցն նորա և ի
խաբեցելոց, և յիրաւի կրեն պա-
տիժու. զի կարէին հատանել և
ընկենուլ ի բաց զչարիսն, և ոչ
կամեցան, և արդ վասն նորին
իսկ սատանայի հարցցուք. այն-
պիսի՞ արդեմք արար զնա Աս-
տուած եթէ ինքնին այնպիսի
չէր՝ և յօժարեաց ի չարաբարել,

Եթէ այնպիսի արարեալ էր
զնա Աստուածոյ, պատիժու ի նը-
մանէ չէր պարտ պահանջել, զի
պահեաց զպայման բնութեանն՝
յոր արարն զնա Աստուած. և
որ ոք ոչ կամօք ինչ գործէ, ընդ
այնը պատիժ չպարտի կրել.
բայց որ կամօք կարող է գոր-
ծել, և գործ ինչ յուսութեան
գործիցէ, յիրաւի պատժի, զի
ոչ եկաց յայնմ՝ զոր Աստուածն
կամի. ապա եթէ յԱստուածոյ բար-
ոք եղև, և անձամբ յանձնէ զար-
ձոյց զկամսն ի չար՝ հեռացու-
ցեալ զինքն ի լաւէն, յիրաւի
պահանջի ընդ որոց յանդզե-
ցաւն՝ պատիժու. զի զսաւանայ
մեք ոչ յԱստուածոյ սատանայ ե-
ղեալ զիտեմք. այլ զսաւան ա-
նուն՝ վասն խոտորելոյն էառ իւր
անուն. քանզի սատանայ յԵ-
րբայեցոց և յԱսորոց լեզուէ.
խոտորեալ թարգմանի. այլ զօ-
րութիւն իմն զգայուն լաւու-
չէր՝ և յօժարեաց ի չարաբարել.

թեանց հաստատեցաւ յԱստուծոյ, և ի թշնամութենէ ընդ մարդոյն ունելոյ՝ իւրն կամօք եղև բանսարկու. թողեալ զԱստուծոյ հպատակութիւն՝ սկսաւ անսաստել, և հակառակ կալ Աստուծոյ հրամանացն ուսուցանել մարդկան, և իբրև զապըստամբ յետս կացեալ թիւրեցաւ յԱստուծոյ : Եւ վկայէ բանիս աստուածական բարբառն, որ ապստամբ վիշապն կոչէ զնա՞եթէ հրամանաւ սպան զապըստամբ վիշապն : Եւ արդարև իսկ բանն Աստուած սպան զատանայ, այնու զի կոխելոյն զնա՞ետ իշխանութիւն : Արդ ապըստամբ կոչէ զնա զիր . եթէ նոյն պիսի՛ որպէս եղեն յԱստուծոյ՝ կացեալ էր, ապա ոչ ապստամբ կոչէր զնա. զի որ ապստամբ ոք, թողու զիւր պայմանն՝ որով ոչ անարար իսկ ցուցանի : Զի եթէ անարար էր, ապա ոչ յիւր-

մէն բնութենէն փոխէր. քանզի չմարթի բնութեան իմիք՝ առանց կամաց՝ մերթ բարի լինել, մերթ չար :

Ժ. ԻԱԿ արդ եթէ ոչ էր անարար, ասեն, ըստ ձեզ սատանայ, և ոչ այնպիսի եղեալ յԱստուծոյ, և անձամբ զանձն դարձոյց ի լաւէ անտի ի յոռին, որ է ի հնազանդութենէ յանհնազանդութիւն, արդ զայն ասացէք. գիտէ՞ր Աստուած եթէ այնպէս լինելոց էր, եթէ չգիտէր. թէ գիտէր և արար, ինքն է պատճառ՝ նորա ի լաւութեանցն դառնալոյ. ապա եթէ ոչ զիտէր, զիարդ առնէր զայն զոր ոչն զիտէր՝ թէ որպիսի ինչ ոք լինելոց. իցէ :

Անգիտութիւն կարծել զԱստուծոյ՝ անհնարին յիմարութիւն է. քանզի միայն ինքն կանխազէա է հանդերձելոց : Այլ քանզի բարերար էութիւն է Աստուած, ոչ կամեցաւ զազնուականութիւնն

իւր ծածկել. վասն որոյ յառաջագոյն զիտէր զսատանայէ՝ եթէ թիւրելոց է, և զմարդիկ յանցուցանելոց՝ առ ի չունկնդիր լինելոյ հրամանաց նորա, որով միանգամայն վասն անձնիշխանութեան մարդոյն երեելոյ առար զնա Աստուած. զի առաւելութիւն բարերարութեան նորա յայտնի լիցի մարդկան. վասն թողութեան տալոյ մարդկան յառաջագոյն գործելոցն մեղաց: Զի յորժամ զսատանայ ամպարըշտացեալ տեսանիցեն և չբարձեալ ի միջոյ, և վասն իւրեանց մեղացն իմանայցեն՝ թէ գոյ հընար թողութեան ապաշխարութեամբ. զի Աստուծոյ բարերարութիւնն ցուցանիցի, և մարդիկ զնորհն նորա գիտացեն. զի եթէ այն այնպէս չէր լիւալ, և ոչ բարերարութեանն նորա ոքիւլամուտ լինէր:

Նա բնաւ իսկ, ասեն, յեւ

թիւրելոյն սատանայի և խարեւոյ զմարդն՝ ընդէ՞ր իսկ ոչ եւ բարձ ի միջոյ, զի մի՛ զբազումս սպանանիցէ:

Ոչ եթէ չէր կարող Աստուած բառնալ զսատանայ ի միջոյ, քանզի չիք ամեննին տկարութիւն զԱստուծով. այլ զի չէր ինչ մեծ գործ Աստուծոյ զսատանայ ինքնին անձամբ սպանանել, և զարարած մի զիւր փոքր յոչինչ զարձուցանել, զի մի կարծիցի թէ վասն չժուժալոյ չարութեանն նորա սպան զնա: Երկրորդ անգամ՝ զի անձանօթ ևս լինէր առ յապայ մարդկան Աստուծոյ բարերարութիւնն, թէ յառաջագոյն սպանանէր զսատանայ. զի ոչ ոք ունէր նշանակ ինչ յայտնի բարերար կոչելոյ զԱստուած: Այլ թերեւս և կարծիք ինչ ի մէջ մտանէին՝ թէ հաւասար ինչ ոք էր նա Աստուծոյ և աճապարեաց ի

միջոյ երարձ. վասն որոյ պահեաց զնա, և ոչ կորոյս ի միջոյ, զի մարդիկ յորժամ լաւութեանցն հմուտ լինիցին, յաղթեսցեն նմա՝ փոխանակ այնոցիկ՝ որք յառաջնումն յաղթեցան ի նմանէ:

Այն իսկ մեծ և զարմանալի է, զի մարդն լլստուծոյ՝ վառեալ Աստուծոյ օգնականութեամբն, պատերազմեալ յաղթիցէ սատանայի: Որպէս մարտուսոյց ոք ամենայն հնարիւք հնարեալ զիւր աշակերտան թեքել, առ ի ցուցանելոյ զհանգամանս մարտիցն, որով մարթիցեն յաղթել ախոյանից, և առաքիցէ զնոսա ի հրահանգս մրցել ընդ ախոյանսն, և յաղթութեանցն ուշ առնել խրատիցէ, մինչև զիեանս անգամ արհամարհել. զի լաւ համարիթէ վասն անուան բարիոք մեռանիցին, քան թէ կենդանի կայցեն և վատանուն լինիցին:

Եւ նոցա զթելադրութիւնս վարդապետին ի մտի հղեալ, և ըզպարզնս ընդ յաղթութեանն, զեր ի վերայ լինիցին ախոյանին, և պսակեալ առ վարդապետին հասանիցեն, և նշանակ ճգնութեան ընդ ախոյանին՝ առ նազպսակն բերիցեն: Ապա եթէ զմարտուսոյցն զմտաւ ոչ ածիցեն, և յաղթութեան և պսակի ոչ ցանկանայցեն, կործանին վատանուն յախոյանէ անտի. յիւրափ այնուհետև թշնամանին և տանջին, և մահու պատիժ փոխանակ ընդ վատութեանն կրեն:

Նոյնպէս և զԱստուծոյ իմանալի է, թէ իւրովք պատուիրանօք վառէ զեղեցիկ զմարդիկ՝ առ ի պսակելոյ զյաղթողն, և յամօթ առնելոյ զվատացեալն. իսկ եթէ ոք յոչինչ զԱստուծոյ զպատուիրանսն համարիցի, յորժամ մրցել ընդ բանօարկուին մարտնչիցի՝ վազվաղակի կոր-

ծանի, քանզի չունի զնշանակս յաղթութեանն. և յիրաւի կրէ պատիժ պատուհասից այնպիսին, զի ոչ նմանեաց ընկերին՝ որ կոռւեցաւ և յաղթեաց:

Արդ վասն այնորիկ թողեալ է Աստուծոյ զսաւանայ իբրև ի հրահանգս կոռւանոցաց յաշխարհի, զի յորժամ իւր նահատակեալքն կոռւիցին և յաղթիցն նմա՝ պարծանք առաջնոյ յաղթութեանն նորա քակեսցին յայժմուն յայնպիսեացն մարդկանէ, որ լաւութեանցն ցանկութեամբ պարտիցեն զնա, և նըշան յաղթութեան զնահատակութեանն կանգնիցեն: Փանզի կոխան արկեալ ընդ ոտիւք մերովք՝ անկեալ դնի մեռեալ, և կործանի՝ առ ի լաւութեանցն ցանկութեան մերոյ ի պարտութիւն մատնեալ:

ԺԵ. ԱՐԴ յետ այսր ամենայնի հաւանութեանց՝ յամառեալ ըզ-

նոյն ի մէջ բերեն. բնութեամբ ին՝ ասեն՝ չարիք, և ոչ կամածինք:

Ասեմք. Եթէ բնութեամբ իցեն, ընդէ՞ր օրէնք ի թագաւորաց զնիցին, և սաստք ի յիշխանաց, և պատիժք ի գատաւորաց, ոչ ապարէն վասն կարճելոյ չարեացն: Եւս, թէ բնութեամբ իցեն չարիքն՝ ոչ պարտի օրէնսդիրն օրէնս զնել, և ոչ իշխանն պատիժս ի վերայ չարագործին ածել: Ընդէ՞ր պատժիցեն զայն՝ որ ոչ կամօքն չարիցէ, որում արգահատելն պարտէր, և ոչ պատիժս ի վերայ հասուցանել:

Եւ արդ այնպիսոյն եթէ կին շնայցէ, չպարտի մեղագիր լինել. քանզի ոչ կամաւ՝ որպէս ասենն՝ յօժարեցաւ ի չարն, այլ բնութեամբ բռնագատեցաւ: Եւ եթէ որգոյ իւրոյ սուր առեալ ի վերայ խաղայցէ, մի՛ լիցի

նմա մեղադիր, զի ոչ իւր կաշ-
մաւ երթայ, այլ չարն տանի
զնա յայն: Եւ եթէ ի դրացւոյ
և ի բարեկամէ թշնամանեսցի՝
մի՛ փոխարէն թշնամանեսցէ,
այլ առաւել արգահատեսցէ ևս,
զի ոչ եթէ նա ինչ թշնամանէ,
այլ չարն՝ որ բռնաբար վարէ
զնա: Նոյնպէս՝ յորժամ գուստը
զմայր անարգիցէ, և նու զկե-
սուր իւր, և կին զայր, և ծա-
ռայ զտէր, և եղբայր զեղբայր,
մի՛ ինչ տարցին ընդ միտ՝ որք
անարգեցանն, այլ արգահատես-
ցեն նոցա որպէս ի չարէն բռնա-
դատելոց:

Իսկ եթէ տեսանեմք՝ թէ թա-
գաւորն զիւրոց օրինաց վրէժս
պահանջէ, և պահանջմամբ վրի-
ժուցն զվասն կարձէ, և դատա-
ւորն զգողն և զաւագակն պրկէ
և քերէ՛ վասն զվասակարու-
թիւնն ի միջոյ բառնալոյ, և
հայր զորդի դժնեայ մահապար-

տեալ՝ դատաւորաց մատնէ, և
այլքն ամենեքիան զիւրաքանչիւր
զանցնիւր զանարգանաց վրէժս
պահանջէն՝ կամ անձամբ կամ
իշխանօք, յայտ է թէ չարիքն
որք զործին՝ կամածինք են և ոչ
բնականք: Բայց աղէ՛ դու զկա-
րին իսկ զոք շուայլեալ ցանկու-
թեամբ՝ պրկեա և մտրակեա,
տես թէ ընաւ ամենեին գտանի-
ցի ի նմա յիշատակ ցանկու-
թեանն: Եւ արգարե ոչ ինչ ընդ
վայր ասացեալ է բան իմաստ-
նոյն, թէ ծառայ որ ընդ ունկն
ոչ լսէ՛ ընդ մկանունս տան լսել
նմա:

Նա և յայլուստ ևս մարթեմք
իմանալ. զի մարդոյ բնութիւն
բարեաց ցանկացող է, և ոչ չա-
րեաց: Զի շունն, որ չնայ, մինչ
դեռ իսկ ի զործ չնութեանն ի-
ցէ՛ եթէ ոք շուն կոչէ զնա, ըմ-
բոստանայ. պոռնիկն, որ յայտնի
պոռնկի, զանուն պոռնկութեանն

չախորժէ լսել. նոյնպէս և գողն
և աւազակն, և այլ ևս չարա-
գործքն, թէպէտ և զգործ չա-
րագործութեան գործեն՝ զանուն
չարագործութեանն յանձն ոչ կա-
մին առնուլ: Նա և կեղծաւորն
կեղծաւորեալ, որ մեղմէիսանօք
ընկերին կամիցի վնաս առնել,
թագուցանէ զկեղծաւորութիւնն,
և որպէս թէ բարւոյ ինչ խրատ
տայցէ՝ հրապուրեալ արկանէ ընդ
վնասիւք զանմեկն. և եթէ ոչ
զեարւոյ զգէմո զգեցեալ մեղմե-
ղցէ, չկարէ ըստերիւրել յիրա-
ւանց զիբաւագէտն:

Նա և յորժամ զիխտ ոք իշ-
խան կամիցի ի քաղցրութիւն
ածել, չկարէ յայտ երթալ ասել՝
թէ զու խիստ ես, այլ քաղցրա-
խառն բանիւք մատուցեալ ողո-
քէ՝ թէ զու, տէր, քաղցր ես և
բարերար ամենեցուն, ամեներին
գոհ են զքէն, բոլորք առ իրա-
ւագէտս ունին. և այնպէս կարէ

մեղմով քաղցրացուցանել զիսը-
տութիւն իշխանին, և խոնար-
հեցուցանել ածել յիրաւուն և յար-
ժան: Նոյնպէս և առ ցասուցեալն
որումնալն և առ նախանձուն
քաղցրութեամբ ոք մատչի և ցա-
ծուցանէ. և անտի յայտ է՝ թէ
բարեաց ցանկացող է բնութիւն
մարդկան, և ոչ չարեաց:

Եւ եթէ գազանացն գազանու-
թիւն չար ինչ բնութեամբ կար-
ծեցուցանիցէ նոցա, զիտացեն՝
զի կէսքն յանասնոցն ի պէտս
արարան, որպէս և արջառ և
ոչխար և ամենայն ինչ որ ու-
տելի է և կրելի է. և կէսքն վասն
երկիւղ ի միտս մարդկան ծնու-
ցանելոյ: Զի թէ գազանք ահա-
զինք են, և վիշապք և օձք և
այլ ճճիք վնասակարք, և մարդն
այնչափ հաղարտացեալ է՝ մինչ
ըստ Աստուծոյ երկիւղին սահ-
մանս արտաքոյ ելեալ անսաստէ,
եթէ այնպիսի զարհուրեցուցիչք

էքին՝ մրչափ ևս առաւել չկայր
երբէք յակասաանի:

Նա և նոքին իսկ, որ չարքն
կարծին անմոտաց, երբէք երբէք
օգտակարք լինին և զերծուցիչք
ի մահուանէ: Զի՞նչ չար քան
զօն կայցէ, և ի նմանէ թերիա-
կէ. և ի սպանող դեղոց, որք ի
նենգութենէ մարդկան կազմե-
ցան, չե հասուցեալ և անդէն
բուժէ: Եթէ բնութեամբ չար ինչ
էր օձ, կամ չարի իրիք արա-
րած, ապա չգտանէր ինչ ամեն-
նկին ի նմա օգտակար, և ոչ
զգօնանայր երբէք ի գազանու-
թենէ անոփի իւրմէ. նա աւանիկ
տեսանեմք ի հնարագիտութենէ
թովչաց զգօնացեալ, և իբե ըզ-
չուան խաղալիկ է նոցա, և բա-
զում անզամ բնակեալ ի տան՝
չմեղանչեն բնակչացն:

Եւ արդ եթէ հեթանոս իցէ՝ որ
չար ինչ բնութեամբ կարծիցէ,
յանդիմանեսցի յիւրոց արուես-

տակցացն օճապաշտացն, որ այն-
չափ զգօնացուցանել զօն զի-
տեն, մինչև կոչել յուրթիւք ի
տունս, և կերակուրս մատուցա-
նել, որպէս Բաբելացիքն վիշա-
պին՝ զոր պաշտէինն. և սպան
զնա Աստուծոյ սիրելին՝ նովին
ընտելական կերակրովն:

Եւ եթէ մոզ իցէ, և չարի ա-
րարած զգազանսն վասն զա-
զանութեանն ասիցէ, ի հասա-
րակաց մտաց փաշաման կրեալ
ըմբերանեսցի: Զի եթէ գազանքն
չարի արարածք իցեն, և երկիր
բարւոյ, զիա՞րդ բարւոյն արա-
րած չարին արարածոց գայեակ
մտեալ՝ սնուցիչ լինիցի, որք ի
նմանէ կերակրին և ի ծոց նորա
հանգչին. զի երկու հակառակք
իրերաց՝ միմեանց ծախիչք են,
որպէս խաւարի լոյս, և ջեր սա-
ռամանեաց:

Արդ եթէ գազանք չարի ա-
րարածք էին, և երկիր բարւոյ,

ծախել պարս էր՝ զնոսա երկրի՝
և ոչ սնուցանել, սպառել և ոչ
սերել. ապա եթէ երկրի և զգա-
զանսն սնուցանէ և ոչ ապակա-
նէ, յայտ է՝ եթէ յորմէ արարչէ
երկրը լեալ է, ի նմանէ և զա-
զանքն արարեալ են. և չիք ինչ
չար բնութեամբ. քանզի չիք ինչ
չար արարիչ բնութեամբ։ Եւ
մանաւանդ թէ և զազանք իսկ,
զորոց ասեն՝ թէ ի չարէ արար-
չէ եղեալ են, ցուցանեն թէ չեն
ուստե՞ այլ յերկրէ; այնու զի
յերկրէ կերակրին և ի նմա բնա-
կեն, և անդրէն ի նոյն շրջեալ
հողանան։

Նա թէ և ի չարէ ինչ էին
չարք արարեալք, ոչ ինչ ի նո-
ցանէ օգտակար զտանէր, այլ
ամենկին իսկ վնասակար։ Իսկ
արդ եթէ տեսանեմք, զի կիսոցն
մորթքն պատսպարան մերկու-
թեան մերոյ լինին, և կիսոցն-
ճրագուն գեղնեղի լինի, և այլ

ինչ յանդամոցն, որպէս առիւ-
ծուն և արջոյ և այլոցն՝ ըստ
իւրաքանչիւր մի ըստ միոջէ,
յայտ է՝ եթէ ի բարւոյ արարչէ
լեալ են, վասն միոյ իրիք օգ-
տակարին զտանելոյ ի նոսա։ Զի
որ չար ինչ է, նորա և ամենայն
ինչ վնասակար է, և մորթ և
միս. այլ նոցա որպէս զմորթն
զգենումք, և ոչ վնասէ, և զմիսն
եթէ սիրու ուրուք առնոյր և ու-
տե՞ր՝ ոչ վնասէր. որպէս վարա-
զի՝ որ զազանագոյն է քան զա-
մենայն զազանս՝ ուտի միօն, և
ոչ վնասէ. նոյնպէս և նոցայն՝
եթէ ուտէր ոք՝ չվնասէր։

Եւ յարջառ, զոր ասեն՝ եթէ
ի բարւոյ արարչէ արարեալ է,
զտանի ինչ վնասակարութիւն։
Զցլու միս ուտել՝ դարման է
մարմնոյ, բայց եթէ զարիւնն ոք
ըմպիցէ՝ սատակի։ Նոյնպէս և
ի բանջարս է ինչ՝ որ առանձինն
սատակիչ է, և իտառեալ ընդ

այլ բանջարս՝ բժշկիչ պէսպէս ցաւոց լինի։ Զմանրագորն եթէ ոք լոկ ուտիցէ՝ սատակիչ է, և խառնեալ ընդ այլ արմատս՝ քընածու լինի քնահատաց։ Եւ ըզհազար՝ եթէ ի տօթ ժամանակի ուտիցէ ոք, քանզի զովացուցիչ է, զտապս ի փորոյն փարատէ։ և եթէ ի հով ժամանակի ուտիցէ ոք, վնասէ. և եթէ զջուրն քամնեալ անապակ ըմպիցէ ոք, սատակի. և եթէ զսերմն աղացեալ՝ ջրով ըմպիցէ ոք, ի ցանկութենէ արկանէ։ Եւ կանեփուկն թուփ ինչ է, որոյ սերմն նորա գեղ է, և նոյն դարձեալ կասեցուցիչ ցանկութեան։ Եւ մոլախինտգ, որ առանձինն ի յայտնի ինչ ժամանակի սպանող է, նովիմբ զմաղծս հնացեալս հնարին բըժիշկք հատանել։ Եւ կաղանչան ազգ ինչ՝ ասանձինն սպանող է, և խառնեալ ընդ այլ դեղոյ՝ մաղձագեղ է բուժիչ ի մահուանէ։

Արդ յայսպիսի իրս անհարթս առ ոչ ուղիղ հայելոյ, կարծեցին եթէ չար ինչ բնութեամբ իցէ. բայց Աստուած այսպէս իմաստուն զմարդն կազմեաց, զի և ի դարմանիչսն մարթիցէ վայելել. և որք վնասակարքն կարծիցին, և անտի ևս հնարիւք օգտակարութիւնս կարիցէ զտանել, առ ի յանդիմանելոյ զբարս անմտացն թէ չիք ինչ որ բնութեամբ չար է։

ՃԶ. ԲԱՅՅՅ թէպէտ և նոքա աստուածական օրինացն ոչ հաւատան, մեք յուղղորդ պատասխանուոյ զմեր ընտանիս մի՛ զըրկեսցուք։

Այնչափ ինչ չար ի զազանացն բնութեամբ ոչ գոյր, մինչեւ ածեալ զնորարախոն առ նորաստեղծն՝ նմանոցա անուանս հրամայէր գնել. և եթէ մօտ ոչ զային, զիա՞րդ միոյ միոյ ըստ իւրաքանչիւր ազգաց անուանս յօ-

րինէր. ապա եթէ մօռ գային, և ընտելութիւն ընդ մարդոյն ունէին, յայտ է՝ թէ ոչ չարք էին, և ոչ մարդոյն վնասակարք. այլ յետ զանցանելոյ մարդոյն զԱստուծոյ պատուիրանաւն՝ տրւան նմա զարհութեցուցիչք, առ ի չնպարտանալոյ հողեղինին՝ որ ի հողոյ եղեւ, և ի հող դառնալոց էր:

Եւ առաջնոյ չվնասակարութեան զազանացն մարդոյ՝ այժմու համբոյրս և ընտելութիւնս վկայեն: Զի ոմն զգայլոյ կորիւն սնուցանէ, և իբր զշան կորիւն՝ առ ընտելութեան ընդ անձն անկանին: Եւ միւսն զառիւծու կորիւն սնուցեալ՝ ածէ ի համբոյր և ի քծինս, մինչև պատել զսրնուցանելեաւն. և եթէ այլ ոք ի նա հուա գայցէ, չմոռացեալ բզբարս զազանութեանն՝ ի վերայ յարձակի. և նորա սաստեալ զազանին իբր շան, ցածուցանէ

յանսաստ զազանութենէն: Եւ այլ ոք զարջոյ թոժիւն սնուցեալ՝ կաքաւիչս ուսուցանէ, և նմանեցուցեալ բարուց մարդկան՝ զզազանաբարոյն ցածուցանէ: Եւ այլ ոք զկապիկս անպատականս բմբանեալս՝ հսպիտս և ընչապտուկս և ամենաչար ուսուցանեն: Եւ այլոց զքարբս իշգերպս կալեալթովչութեամբք յընտելութիւն մարդկան ածեն, չընցուցեալ զթոյնսն սպանողս:

Որդ եթէ չար ինչ էին զազանքն բնութեամբ, չէր հնար վնասակարացն ընդ իւրեանց վնասակարին ընտելութիւն ունել: Եւ եթէ զխորշակս և զսառամանիս ի վնասակարութեանն ի չարէ արարչէ կարծիցեն, զիտասցեն. եթէ ոչ ծիւն և սառամանիք պնդէին զլերինս, արշմատք խոտոց ոչ պարարէին. և եթէ ոչ տօթ չեռուցանէր զան-

դաստանս, պատուզք ոչ հասաւ նէին:

Ժէ. Եկ եթէ զախտս և զհիւ անգութիւնս և զմահս տարաժամս, և զբնաւ զմահ իսկ ի չարէ ինչ արարչէ իմանայցեն, եթէ աստուածական օրինաց հաւատային՝ անգստին յօրինացն առնէաք պատասխանի: Բայց ուրվէնետև ի չարէ արարչէ գնեն զայսպիսի անհարթութիւնս, հարցցուք և մեք ցնոսա. բարեացն արարիչ և չարեաց՝ ո՞քան զո հարուստ իցեն: Եթէ ասիցեն՝ եթէ բարեացն արարիչ հարուստ է, ստեն. զի եթէ հարուստ ոք էր նա քան զչարեացն արարիչ, ոչ տայր նմա զմիասաւ կարութիւնսն յիւր ի բարի աշարածսն արկանել. նա և տեղի ևս չէր պարտ տալ նմա յիւրումն վայրսն: Զի եթէ կարող ոք ինչ էր, նախ իւր տեղիս զատ ի նըմանէ առնէր, և ապա զարարածս՝ զինչ և կարող էր առնել:

Արդ զայն ասասցեն. կարո՞ղ էր զնա մերժել բարին յիւրոց ի բարիոք արարածոցն, եթէ չէր կարող: Եթէ ասիցեն՝ եթէ կարող էր, լուիցեն. եթէ կարող էր մերժել զչարն և ոչ մերժեաց, ինքն է պատճառ մնասուն. և եթէ ոչ էր կարող մերժելոյ ըզչարն, զտանի՝ զի հարստագոյն քան զնա էր չարն, որ բոնաբար նեղէ և ապականէ զբարիոք աշարածս նորա: Դարձեալ և այն ևս ոռւա է, զոր ասենն, թէ ի վախճանի յաղթէ նմա բարին. զի որ յառաջնումն չկարաց յաղթել, յայտ է՝ թէ և ի վախճանին չկարէ յաղթել:

Այլ մեք զցաւոց և զմահուսն բազում ինչ պատճառս ունիմք ճշմարիտ բանիւ ի մէջ բերել: Կախ այն իսկ՝ զի յորժամ մարդն զԱստուծոյ պատուիրանաւն անց, ապա եղև ընդ ցաւովք և ընդ մահուամբ. քանզի ցկինն ասաց՝

թէ ցաւովք և տրտմութեամբ
որդիս ծնջիր. և ցայրն՝ թէ աշ-
խատութեամբ և քրտամբք երե-
սաց քոց կերիցես զհաց քո, մին-
չև լիցի քեզ գարձ անդրէն յեր-
կիր՝ ուստի առար. զի հող էիր,
և ի հող գարձջիր։ Որով յայտ-
է, զի թէպէտ և բնութիւն մար-
դոյ՝ քանզի մարմնապատ է՝ ընդ
ցաւովք և ընդ մահուամբ կար-
ծէր, այլ թէ կացեալ էր ի պա-
տուիրանին՝ պահէր զնա կենդա-
նարարն կենդանի. որ յոչնչէն
կարող եղե զշունչ մարդոյն առ-
նել, և պահէ միշտ կենդանի և
անմահ, նոյն և զմարմինն՝ զոր
յերկրէ ստեղծ՝ կարող էր պահել
կենդանի։

Ժ. Ա. Յ. իբրև զայս լսեն թըշ-
նամիք ճշմարտութեանն, ազգի
ազգի զինուք վասին ընդդէմ
ստուգութեանն. զի կէսքն ասեն՝
թէ չէր մարթ մարմնաւորի ան-
մահ կալ. և այլքն ասեն, վասն

զի ոչ տեէր մարմինն ընդ շնչոյն
յերկար ժամանակս կեալ, հարկ
է անտեականին մնուանել։

Այլ զառաջինսն յանդիմանեն
Եղիա և Ենովք, որ ցայժմ կեն-
դանի են. և զայլսն՝ հասարա-
կաց համօրէնն յարութիւն։ Զի
եթէ այժմ վասն զի անտեական
են մարմինք՝ յայն սակս մնուա-
նին, ապա և ի յարութեան՝ ըստ
նոցա բանին՝ չտոկան ընդ շն-
չոյն. և այսու յայտ առնեն՝ թէ
զյարութիւն իսկ մարմնոյ խա-
փանել կամին, ուր աստուածա-
կան զիրք և արարածոց բնու-
թիւնք անդադար վկայեն զյա-
րութենէ մնոելոց։

Այլ ասեն. թէ ոչ մահկանա-
ցու իսկ էր մարմին, զիաբդ էր՝
զի վասն գոյզն յանցմանն ան-
կանէր ընդ մահուամբ, և ոչ ար-
գահատէր նմա արարիչն և ներէր
յանցմանն։

Զի ներող և արգահատող է

արարիչն, այն ամենեցուն իսկ յայտնի է. և առաւել յայնմանէ, զի յետ յանցանելոյ մարդոյն՝ իջեալ անմարմինն՝ իբր զմարմնաւոր ոք ոտնաձայն առնէր ի գրախտին. և մեզմով և աղերսալից բարբառով ասէր ցյանցուցեալն՝ ո՞ւր ես Ադամ, զի մի՛ տագնապեցուցեալ չուցէ ուշաբերել նմա ապաշխարութեան. և զի չեկն ի զղջումն յանցուցեալն, յիրաւի կրեաց պատիժ զմահ:

Գարձեալ և այլազգ ես. զի իւրոյ արարչին յառաջազոյն պատուիրեալ էր նմա՝ թէ յորում աւուր ուտես ի պտղոյ ծառոյն, ի նմին աւուր մեռանիս. և թըշնամին յետոյ եկեալ ասէր՝ ոչ մեռանիս, այլ իբրև զատուածս լինիս: Եւ արդ ո՞յր բանից պարտ էր հաստատուն լինել, այնք՝ որ յառաջազոյն զգուշացոյց, և կամէր ունկնդրութեամբ պատուի-

րանին զնա անմահ պահել, եթէ միւսոյն՝ որ պատրանօք ջանայր զնա մահկանացու առնել:

Եւ եթէ չէր արարչին յետ յանցանելոյ զպատուիրանաւն ըզմարդն մահկանացու արարեալ, հանապազ մարդն սատանայի հաւատայր, և ոչ Աստուծոյ, զի սա ասաց՝ եթէ ուտես ի պտղոյն, մեռանիս. և նա ասէր՝ թէ ուտես, չմեռանիս, այլ իբրև զատուածս լինիս: Արդ եղ մահ ի վերայ բնութեանս մարդկան արարիչ բնութեանն, զի իւր բանն հաստատեսցի, և չար խրատուն պարտաւորեալ գտանիցի. զի թէ պէտ առ ժամանակ մի վասն այսց երկուց պատճառանաց ընդ մահուամբ անկանիցի, այլ ըստ իւրում կարողութեան յարուցէ միւսանգամ, և յանսպառ յաւիտեանս կենդանի և անմահ պահեսցէ: Եւ որ զհրեշտակս և զհոգիս մարդկան յոչընչէ արա-

բեալ՝ կենդանիս և անմահս պահէ, նոյն և զմարմինս կարող էր կենդանի պահել՝ թէ չէր առաջնոյ մարդոյն զԱստուծոյ հրամանն զընկեցեալ:

ՃԹ. ԱՅԼ զի Աստուած մասուան չէ պատճառ, վկայեօցէ ամենարուեստ իմաստունն, որ ասէ՝ եթէ Աստուած զմահ ոչ արար, և ոչ խնդայ ընդ կորուստ մարդկան. այլ հաստատեաց Աստուած զմարդն յանեղծութիւն պատկերի իւրոյ մշտնջենաւորութեանն, և նախանձու բանսարշ կուին եմուտ մահ յաշխարհ: Եւ գարձեալ ինքն իսկ ասէ. ես ասացի՛ թէ աստուածք իցէք, և որդիք բարձրելոյ ամեներին: Այս ինքն՝ եթէ ես զձեզ անմահս արարի, եթէ կացեալ էիք յիմում հրամանին. բայց որովհետեւ ոչ կացէք յիմում պատուիրանին, գուք իբրև զմարդիկ մեռանիք, իբրև զմի յիշխանաց:

անկանիք. ես ոչ ընդ ձեր մահ կամէի, և ոչ ընդ իշխանին վատ խրատուին անկանել:

Այլ բնաւ իսկ, ասեն, ընդէ՞ր եմոյծ զնոսա ի կոփւս ընդ միշմեանս:

Այսու զանձնիշխանութիւնն սատանայի և զմարդոյն կամին խափանել. զի Աստուած՝ որ անշնախանձն արար զնոսա անձնիշխանս, ոչ կամէր թէ որպէս զանասունս ի հարկէ վարիցին, և ապա անձնիշխանութիւնն այնուհետեւ չլինէր անձնիշխանութիւն:

Բայց Աստուած թէպէտ և ունէր իշխանութիւն զիւրոյ արարածոյն զհանդէսն տեսանել, այլ ոչ ինքն դրդեաց զնոսա անկանել ընդ միմեանս: Իբրև ետես զստանայ նախանձու բորբոքեալ, թոյլ ետ անձնիշխանին ընդ անձնիշխանին ոգորել. քանզ զի գիտէր՝ եթէ ոչ ինչ տկարա-

գոյն է օորա անձնիշխանութիւնս
քան զնորայն . և ոչ նա կանշ
խագէտ , և սա ոչ կանխագէտ . և
ոչ նա բռնաւոր , և սա տկար
ոք : Եւ զի չէր բռնաւոր ոք ,
յայնմանէ յայտ է՝ զի ցկինն
պատրանօք մատուցեալ հարցաւ
նէր ; և ոչ բռնութեամբ զար
հուրեցուցանէր : Եւ զի չէր կանշ
խագէտ , ասէ . զի՞նչ է այդ՝ զոր
ասաց Աստուած , զի ի նմանէն
ուսցի զհանգամանսն :

Դարձեալ և ի Յոբայ փորձաւ
նացն է ուսանել՝ թէ չէ սատաւ
նայ բռնաւոր և կանխագէտ : Զի
եթէ բռնաւոր ոք ինչ էր նա , ոչ
յԱստուծոյ խնդրեալ առնոյր օ-
ճան և ապա մինէր ի փորձու-
թիւնսն . և եթէ կանխագէտ էր ,
ոչ մատչէր փորձել . քանզի զի-
տէր՝ թէ յորժամ ոչ կարէ յաղ-
թել , յամօթ լինելոց է :

Նա և ի տէրունական իսկ ի
փորձանացն իմանալի է՝ թէ չէ

կանխագէտ , այնու զի ասէր ինքն
իսկ՝ թէ որդի ես Աստուծոյ . և
յայտ առնէր , թէ պէտք և լուեալ
էր ի մարգարէիցն՝ թէ զալոց է
որդին Աստուծոյ , այլ զժամաւ-
նակ զալսուեանն ոչ զիտէր : Եթէ
զիտացեալ էր՝ եթէ արդարն որ-
դին Աստուծոյ էր այն , որ նմա
իբրև զմարդ երկէր , ոչ փորձէր
զնա և ոչ յամօթ լինէր . որ թէ-
պէտք և յաստուածեղէն զօրու-
թեանցն իմացաւ զգալուստ որդ-
ոյն Աստուծոյ , և տագնապեալ
ազաղակէր , թէ զիտեմ զքեզ ովկ
ես սուրբ Աստուծոյ :

Դարձեալ թէ կանխագէտ ինչ
ոք էր նա , ոչ զրգուէր զՀրեայսն՝
զնա ի խաչ հանել , թէ զիտաւ-
ցեալ էր՝ թէ մահն Քրիստոսի
ընկենոյր զնա յիշխանութենէ ,
ըստ այնմ զոր ասաց Տէրն՝ թէ
իշխան աշխարհիս այսորիկ ըն-
կեցի արտաքս . և դարձեալ՝ թէ
տէսանէի զսաւանայ իբրև բզ-

փայլակն անկեալ յերկնից . և
դարձեալ՝ թէ իշխան աշխարհիս
այսորիկ արդէն իսկ դատապար-
տեալ է . զի ցուցցէ թէ և յիշ-
խանութենէ անկաւ՝ որ աստուած
ծանալն կամեցաւ , և յաւիտե-
նական դատաստանացն պարտա-
կան եղեւ :

Ե . ԱՐԴ որովհետեւ վասն մա-
հու և ցաւոց ի վերայ մարդոյն
դնելոյ ցուցաւ յաստուածատուր
գրոց՝ թէ վասն անցանելոյ զպա-
տուիրանաւն Աստուծոյ մտին
յաշխարհ , ասասցուք և զայլ ևս
զպատճառոն՝ վասն որոյ տարա-
ժամ մահք լինին :

Բազում անգամ թերևս չարիք
ինչ մեծամեծք առաջի մարդոյն
կայցեն , կամ նեղութիւնք՝ ո-
րոց ոչ կարէ ժուժալ , կամ փոր-
ձութիւնք՝ որոց ոչ լիցի բաւա-
կան տանել , Աստուած կանխա-
գէտ և մարդասէր զթացեալ յիւր
արարածն՝ տարաժամ մահուամբ

զերծուցանէ զմարդն յայնպիսի
չարեացն , ըստ այնմ զոր զիրն
ասէ , թէ յառաջ քան զչարն ժու-
զովեսցի արդարն :

Դարձեալ և այլազգ ևս . առ-
նին մահք տարաժամք , զի յա-
մհնայն տիս և ի բոլոր ժամանակս
պատրաստական մարդոյն գուեալ՝
չզեղծիցի յաստուածպաշտութե-
նէ :

Բայց թէպէտ և յանիծից մտին
ցաւք յաշխարհ , սակայն են և
այլ ինչ պատճառք : Երբեմն վասն
մեղաց . ըստ այնմ՝ զոր ցանդա-
մալոյժն ասաց Տէր , թէ ողջա-
ցար՝ այսուհետեւ մի՛ մեղանչեր :
Եւ հայեցեալ ընդ հաւատոս մա-
տուցանելեացն , ասէ ցմիւս ան-
դամալոյժն՝ թէ թողեալ լիցին
քեզ մեղք քո . զի յայտ արասցէ ,
թէ են ինչ ցաւք՝ որ վասն մեղաց
լինին , և են ինչ ցաւք՝ որ ոչ
վասն մեղաց . որպէս յորժամ ա-
շակերտքն հարցին զՏէր վասն

կուրին թէ ոյր մեզ է վասն կուշ
րութեանդ, դորա՞ թէ ծնողաց
իւրոց, և նա ասէ՝ թէ ոչ դո-
րա և ոչ ծնողաց իւրոց, այլ
վասն փառացն Աստուծոյ՝ զի
փառաւորեսցի ի զմա Աստուած։
Եւ են ցաւք՝ որ ոչ վասն մե-
ղաց են, և ոչ Աստուծոյ ինչ ի
փառս, այլ ի չկշռելոյ խառ-
նուածոցն։ Քանզի մարգոյ մար-
մին ի չորից տարեց խառնեալ
է, ի խոնաւութենէ, ի ցամա-
քութենէ, ի ցրութենէ և ի
ջերմութենէ. և թէ մի ինչ պա-
կասիցէ կամ յոլովիցէ, ցաւս
գործէ ի մարմնի. և այն կամ ի
շատ ուժելոյ և յըմտելոյ լինի,
կամ ի սաստիկ պահոց, կամ
յանխորի կերակրոց, կամ յոյժ
ի տօթի աշխատելոյ, կամ կարի
ի ցրոյ Ակելոյ, կամ յայլոց
ինչ այնպիսեաց հակառակոր-
դաց՝ որովք անհարթութիւնք ի
մարմինս գործիցին։

Եւ պատերազմաց սկիզբն յա-
գահութենէ մարդկան եղև, ուս-
տի յափառակութիւնք սահմանաց
են և գիւղից և օտար քաղաքաց,
ընչից և ստացուածոց։

Նոյնպէս և պոռնկութիւնք՝
առ ի չկալոյ ի սահմանս ամուս-
նութեանն, զոր Աստուած ի բնէ
կարգեաց՝ թէ թողցէ այր զհայր
և զմայր իւր, և երթիցէ զհետ
կնոջ իւրոյ։ Զհետ կնոջ իւրոյ
ասէ, և ոչ զհետ կանաց. զի և
զառաջին սահման բնութեանն
հաստատեսցէ, ասաց Տէր ի սուրբ
աւետարանսն՝ թէ զոր Աստուած
զուգեաց, մարդ մի՛ մեկնեսցէ։

Եւ գիւահարութիւնք վասն
հպարտութեան մարդկան լինին.
քանզի եթէ որդի ուրուք մտա-
վարժ իցէ, զան ոչ ըմպիցէ. և
որ չէն մտավարժ՝ բազում ան-
գամ զծառայ այր առաջի նորա
գան հարկանեն, զի ի նա հայե-
ցեալ՝ ընդ այն լինիցի մտա-

վարժ. ապա եթէ և այնու ևս
ոչ խրատիցի, ի նա իսկ մատու-
ցանեն զանշանսն:

ԻԱ. ԱՅՍ ասացաւ վասն հար-
ցանելոյ ոմանց, թէ մեղաւորք
վասն մեղաց տանշիցին ի գի-
ւացն, տղայոցն անմեղաց ընդէ՞ր
տիրիցեն զեքն:

Զամենայն մարդիկ յորդէգրու-
թիւն կոչէ Աստուած, որպէս
մարգարէին ասէր, որդի անդրա-
նիկ իմ Խրայէլ. և գարձեալ՝
թէ որդիս ծնայ և սնուցի: Թէ
առարինացեալքն ընդ օրինօք՝
որդիք կոչէին, ո՞չափ ևս առա-
ւել զորոց ասէ՝ թէ ետ նոցա իշ-
խանութիւն որդիս Աստուծոյ լի-
նել:

Արդ քանզի իբրև յորդիս մա-
տուցեալ է ի մեզ Աստուած խը-
րատել, երբեմն հարկանէ առաջի
մեր իբրև զծաւայ՝ զանասուն
մեր, և երբեմն զանզս և զայ-
գիս. զի ընդ այն հայեցեալ՝ մըտ-

ցուք ընդ լծով Աստուծոյ երկիւ-
ղին. ապա եթէ այնու ևս ոչ
խրատիցիմք, ի մեզ իսկ մատու-
ցանէ զտանշանսն, կամ ցաւովք,
կամ խեղութեամբք, կամ դիւօք:
Տանշին և անմեղք՝ զի ի մտի
կալցին այլքն զբան իմաստոյն՝
որ ասէ. եթէ արդարն հազիւ
կեցէ, ամպարիշտն և մեղաւորն
ուր գտանիցին: Եւ այն յայն
սակս լինի՝ զի մի արդարն յար-
դաբութենէն ծուլասցի, և մի
մեղաւորն միշտ ի մեղսն կայցէ:
Եւ չէ այնմ պարտական Աս-
տուած, այլ չարիք մարդկան ա-
ծեն զԱստուած այնպիսի տան-
շանօք խրատել զմարդիկ, զի
որպէս այլոց հաւատովք հաստա-
տեաց զանդամալոյծն, և չնոր-
հեաց նմա թողութիւն մեղաց,
նոյնպէս և այլոց սակաւոց
տանշանօք՝ ածէ յերկիւղ և ի
խրատ զբազում, յորժամ դի-
պիցէ անմեղօք, և յորժամ դի-

պիցէ մեղաւորօք, որպէս ինքն
միայն ճարտար գիտէ: Եւ ոչ և
թէ ի գատալարտութիւն ինչ
ոգոց լինի մարդոյն տանջանքն
դիւաց, այլ առաւել ևս յարզա
հատութիւն, մանաւանդ՝ թէ ան-
մեղ ոք իցէ, և վասն այլոց եր-
կիւղ ի միտս արկանելոյ՝ յայն-
պիսի տանջանս մատնիցի, զոր
իբրև զմորակ կախեալ ի մեծի
տանս՝ ցուցանէ Աստուծոյ տես-
չութիւն, զի հայեցեալ ընդ այն
բազմաց՝ ամփոփեսցին և մոցեն
երկիւղի ընդ Աստուծոյ հնա-
զանդութեամբ:

Եւ է երբեք՝ զի վասն մեղաց
իսկ լինին այսպիսի տանջանք,
և է երբեք՝ զի պատահարք պա-
տահեն, և ապաւինեալք ի սրբոց
մարտիրոսացն նշխարս՝ փրկին
մարդիկ յայնպիսի տանջանաց,
որով զօրութիւնն Աստուծոյ՝ որ
ի սուրբսն է՝ երկի, և ինքեանք
յոգիս ինչ ոչ վասին:

Այլ զի զև զգես ոչ հանէ, զայն
իսկ յայտ արար, թէ սատանայ,
ասէ, զսատանայ հանէ, ապա
ուրեմն բաժանեալ է յանձնէ իւր-
մէ. այլ ես ասէ հոգւով Աստու-
ծոյ հանեմ զգես: Եւ ընդէ՞ր
ինքն որ Աստուծն էր՝ ասէր,
հոգւով Աստուծոյ հանեմ զգես,
այլ զի մարդկան ուսուսցէ, եթէ
ոչ արժանաւորք չնորհաց հոգ-
ւոյն սրբոյ լինիցին, ոչ կարեն
հանել զգես. որպէս առաքեալքն
մինչ ոչ նախ առին իշխանու-
թիւն՝ Տեառնէ, ոչ կարէին
հանել զգես: Նա և նմին իսկ,
որ ի տանջանսն իցէ, ետ իշխա-
նութիւն հանելոյ զգեն: ասէ,
այդ ազգ ոչ ելանէ իւիք՝ եթէ ոչ
պահօք և աղօթիւք: Ոչ եթէ մի
ինչ ազգ իցէ դիւաց՝ որ պահօք
և աղօթիւք ելանիցէ, և այլքն
ոչ, այլ ամենայն իսկ գունդքն
դիւաց ի պահոց և յաղօթից փա-
խըսական գնան:

Եթ. ԱՅԼ կախարդք, ասէն,
յղեն դևս և հանեն զդես:

Զի կախարդք զդես ոչ կա-
րեն հանել՝ բաւական է մեզ հա-
ւանեցուցանելոյ բանն Տեառն,
զոր ասաց՝ թէ սատանայ զսա-
տանայ ոչ հանէ. զի կախարդն
եթէ հանէր, ապաքն զիւօք հա-
նէր. և զգիւէ ասաց Փրիստոս՝
թէ դե զդե ոչ հանէ. ապա յայտ
է թէ այլազգ իմն իրք լինին,
որպէս ի նոցանէն իսկ ելեալ է
բանն՝ ոչ ի մէնչ: Ասեն. հանել
չկարեն, բայց անդէն կապել
մարթեն, զի հանապազ իսեղդ
ընդ անձն հոգւոց մարդոյն դեն
լինիցի: Եւ այն յԱստուծոյ արժա-
նիցն յիրաւի լինի. զի եթող ոմն
զԱստուծած, զսուրբս, զպահս,
զազօթս, և ի կախարդն՝ որ և
անձին չկարէ օգնել՝ ապաւինե-
ցաւ. զի ո՞ ոք ի կախարդաց
անցաւ և անդե և անմահ իցէ:
Նաև տեսանեմք իսկ զկախարդոն

միշտ ծնկեալս ի դիւացն, և մա-
նաւանդ մոլիքն. զի նախ ին-
քեանք զիւահարին, և ապա
այլոց իմն իմն խոստանան տալ,
որ չիցէ ի ձեռո՞ ոչ նոցա և ոչ
դիւացն, որոց բանիւ խօսին տալ
ինչ ումիք, բայց միայն Աստու-
ծոյ որ արարիչն և ոտուիչն է:

Եւ արդ քան անդէն կապել
կախարդացն զդեն՝ որպէս ա-
սենն, և խեղդ ընդ անձն միշտ
ոգւոց մարդոյն առնել, լաւ էր
թէ յայտնէր, և սրբովք աղա-
չեցեալ զԱստուծած՝ օգնականու-
թիւն գտանէր բուժելոյ ի չա-
րէն:

Այլ մեք ասեմք, թէ մտանե-
լոյ ի մարդ չունի իշխանութիւն՝
առանց Աստուծոյ թուլացուցա-
նելոյ. և այնր պէսպէս պատ-
ճառք են, որպէս ինքն-միայն
զիւէ, և յայտ անտի է՝ զի յոր-
ժամ ի խոզից երամակն մտա-
բերեցին մտանել, ոչ կարացին

մոտանել՝ եթէ ոչ նախ ի Քրիս-
տոսէ առին հրաման։ Եւ յոր-
ժամ զՅորքն կամեցաւ փորձել
սատանայ, ոչ իշխեաց ժոհել՝ եթէ
ոչ նախ յԱստուծոյ առ հրաման
փորձելոյ։ Եւ զՅուդայէ ասէ՝
թէ ընդ պատառոյն եմուս սա-
տանայ։ Զի թէ չէր Քրիստոսի
թուլացուցեալ և սատանայի՝ որ
գրգռէրն, և Յուդայի՝ որ վասն
կծծութեան եկն յայն, ոչ իշխէր
մոտանել ի նա. այլ վասն յան-
դիմանելոյ զանձնիշխանութիւնն
երկոցուն՝ թուլացոյց ըստ կա-
մաց երկոցունց։

Նա և մինչ գեռ տանջին իսկ
ումանք ի դիէ, եթէ ոչ յԱստու-
ծոյ տեսչութիւն լինէր նմա, չա-
րաչար մահուամբ սատակէր։ Նա
և զպաշտօնեայսն իսկ իւրեանց՝
եթէ ոչ յԱստուծոյ սաստ պահէր,
ազգի ազգի խեղութեամբք խե-
ղին, և անհնարին մահուամբք
սպանանէին. բայց վասն զի ոչ

են ձեռնհաս, ոչ իշխեն յայնպիսի
իրս մտաբերել։ Եւ այս յայտ
անտի է, զի թէպէտ և կանխաւ
զիտէ Աստուած՝ թէ ոմն կոապաւ-
րիշտ լինելոց է, ոմն կախարդ,
և ոմն սպանող, ոչ արգելու զնը-
կարիլ սալմիցն նոցա, և զփը-
չումն նոգոցն նոցա, զի նորա
բարերարութիւնն երևեսցի, և
նոքա յիւրաքանչիւր անձնիշխաւ-
նութեանն պարտաւորեսցին։

Եւ յայտ է՝ թէ որպէս առնե-
լոյն ինքն տէր է, նոյնպէս և ի
դարմանսն վայելեցուցանելոյ, և
ի լլկանաց չարին ապրեցուցա-
նելոյ. զի ոյր իւր ինչ ոք է՝ յիւրն
զընդայ և խնայէ, և որ ոչ է
իւր, նա զօտարին օցտէ և ցրէ.
որպէս ասէ յաւետարանին՝ թէ
զայլ ոչ վասն այլ իրիք զայ,
այլ զի յափշտակեսցէ և ցրուես-
ցէ. այլ ճշմարտից հաւատացելոց
ոչ սատանայ փորձութեամբքն
կարէ ստնանել, և ոչ կախարդք

դիւօք. որպէս ինքն Տէրն ասաց ցիւր աշակերտոն՝ Եթէ ահա ետու ձեզ իշխանութիւն կոխել զօծու և զկարիճն, և զամենայն զօրու թիւն թշնամոյն։ Եւ գարձեալ՝ թէ նշանք հաւատացելոց այս են. զդիս հանիցեն, և օծու ի ձեռն ասցեն, և զգեղ մահու ըմպիցեն, և ոչ մեղանչիցէ։ Եւ միանգաւ մայն իսկ ասացեալ, թէ անմեղի ումեք ոչ դեք մեղանչել կարեն, և ոչ զազանք սպանանել յօժարեն, որպէս ոչ Դանիէլի զազանքն վաստեցին, և ոչ երից մանկանցն հուր հնոցին։

Որպէս առաջնոյ մարդոյն՝ մինչ չել յանցուցեալ էր՝ հնազանդ էին, և ոչ մեղանչականք. և որպէս առ առաքելովքն վատթարեալ էր սատանայ, մինչեւ կախարդացն յահէ նշանացն՝ զոր առնէին՝ բերել զգիրս կախարդանացն զծանւ րագինս՝ և այրել առաջի առաքելոցն, և դիւացն աղաղակել՝

Եթէ դոքա են ծառայք Աստուծոյ բարձրելոյ։ Որոց նշանացն նըշանարք՝ և այժմ ի սուրբ եպիսկոպոս և ի ճշմարիտ վանականս երեխն. և զայնր զփորձ ոչ միայն քրիստոնեայք, այլ և հեթանոսք և մողք զիւեն։

Ի՞ւ. ԲԱՅՑ և զայն ևս պարտիմք զիւել, թէ հրեշտակք և զեք և ոգիք մարդկան անմարմինք են. զի զհրեշտակաց ասէ՝ արար զհրեշտակս իւր հոգիս, և զպաշտօնեայս իւր բոց հրոյ։ Հուզիս կոչէ զնոսա վասն արազութեանն, որպէս զի մսիցէ՝ թէ քան զհողմս թեթևք են, քանզի ոգւոյ և հողմոյ անուն եբրայեցերէն և յունարէն և ասորերէն նոյն է. նա թէ և հայերէն ոք մանր մինա զնիցէ՝ նոյնպէս զըստանի. յորժամ տագնապեալ ոք յումեքէ իցէ՝ ասէ, չետ ոգի կլանել, չետ ոգի առնուլ, և այնու զօդոյս՝ զոր միշտ ծծեմք՝ յայտ

առնէ: Եւ բոցեղէնս կոչէ զնոսա
վասն սաստկութեանն. որպէս
այլուր ասէ, հօրբք են զօրու-
թեամբ առնել զկամս նորա. այլ
ոչ եթէ ի բնութենէ հողմոյ և
հրոյ են. զի եթէ ի բնութենէ
հողմոյ և հրոյ էին, ապա և նոքա
յիրաւի մարմնաւորք կոչին և
ոչ անմարմինք. քանզի որ մար-
մնաւոր է՝ ի չորից հիւթից յօ-
դեալ է, որպէս մարմինք մարդ-
կան և բնաւ անասնոց. և որ ինչ
անմարմին է՝ նա պարզ բնու-
թիւն է, որպէս հրեշտակաց և
դիւաց և ոգւոց մարդկան:

Եւ արդ ուր իշխիցեն շնչել,
որք ասեն՝ թէ հրեշտակը ընդ
կանայս ամուսնացան, զի նոքա
հրեղէնք կոչին, և մարդիկ խո-
տեղէնք: Ուստի յայտ իսկ է՝ թէ
հրոյ ընդ խոտոյ ոչ ամուսնու-
թիւն լինի, այլ ծախումն: Եւ
երեքեան ջոկքս այսոքիկ, քանզի
համաբնեայք են, նմանագոյնս և

նովին իսկ անուամբ անուանին:
Ասի հրեշտակ ոգի, այլ ոգի հար-
կաւոր՝ որ է հնազանդ և կամա-
կատար, ասի և դև ոգի, այլ
ոգի չար վասն անհնազանդու-
թեանն և ապստամբութեանն .
զոր թէպէտ և ի մեր լեզու՝ այս
չար ասեմք, որպէս ի խտրանաց
հարցն մերոց առաջնոց ըստ սու-
վորութեան ի մեզ կարգելոյ, այլ
գիտեմք՝ եթէ այսն հողմ է, և
հողմն՝ ոգի, ըստ յառաջազոյնն
ասացելոյ: Քանզի յորժամ մեք
ասեմք՝ թէ սիք շնչէ, ասորնեայք
ասեն՝ այս շնչէ. և վասն տարա-
ծութեանն միայն և արագութեան
կոչին հրեշտակը և դևք և հոգիք
մարդկան՝ ոգեղէնք, որ է հող-
մեղէնք: Որպէս վասն սաստկու-
թեանն բոցեղէն կոչին հրեշտակը,
նոյնպէս և վասն արագութեանն
և տարածութեան հոգեղէնք, որ
է հողմեղէնք. բայց բնութիւն
նոցա ի վեր է քան զհողմ և քան

գհուր, նուրբ և արագ քան ըզմիտս :

Եւ չեն ինչ զարմանք՝ թէ նուքա մերոց դրացեաց արարածոց անուամբքս անուանին, ուր և նոցա արարիչն ոչ գարշի զայնպիսի անուանս զինքեամբ առնուլ՝ վասն իրիք իրիք տեսչութեանց : Կոչի Աստուած հոգի, այլ կայ ընտրութիւն ի միջի. ասէ, Աստուած հոգի կենզանի է. որ է կենարար. կոչի և հուր. ըստ այնմ՝ թէ Աստուած քո հուր ծախիչ է : Եւ արդ տեսցուք՝ թէ հուր միայն ծախիչիցէ Աստուած. նա աւանիկ նորին հոգւոյ միւսովկ մարգարէիւ յայտ արարեալ՝ թէ լոյս է. ըստ այնմ՝ թէ Տէր լոյս իմ և կեանք իմ, ես յումմէ՞ երկեայց :

Եթէ հուր ծախիչ ևեթ էր, զիարդ կոչէր լոյս կենարար. ոչ ապաքն յայտ է՝ թէ ուր սաստառիւնն պիտոյ է, անդ հուր

կոչի. և ուր քաղցրութիւն՝ անդ լոյս կենարար, այս ինքն ի վեր է քան զհուր և քան զլոյս . և այլ ինչ բազում անուանս առնու զինքեամբ վասն պէսպէս դարմանից :

Եւ յորժամ երեել սրբոց իւրոց կամէր, ոչ այլով իւկի կերպարանօք՝ այլ միայն մարդոյ կերպարանօք, զոր ըստ իւրում պատկերին արար, յայտնէր. և այն ոչ վայրապար ինչ լինէր, այլ զի զառաւել սէրն իւր՝ զոր ընդ մարդկան ունէր՝ ցուցանիցէ. և դարձեալ՝ զի յառաջագոյն կրթեսցէ զմարդիկ ածել ի զիւութիւն. զի յորժամ զորդին իւր իւրև զմարդ յաշխարհ առաքեսցէ, մի օտարութի ինչ զիրսն համարեսցին. մանաւանդ զի զիւութիւն՝ թէ ինքն իսկ այն կերպարանօք յայտնէր: Որպէս իշեալ ի դրախտն առ Աղամ՝ ոտնաձայն իւրև զմարդ առնէր: Եւ

եկեալ Որդւոյ առ Աբրահամ՝
երկուք հրեշտակօք, արժանի առա-
նէր ճաշ ի վրանի նորա ուտե-
լոյ: Եւ ի խօսս մատուցեալ ի
լերինն ընդ Աբրահամու, զեր-
կուս պատանիս իւր՝ զհրեշտակս
մարդկալերպեալո՝ ի Սոդոմ առ
զեղեցիկ ասպնջականն առ Դովտ
արձակէր: Եւ հրացուցեալ և չայ-
լայլեալ զհրեշտակն ի մորեն-
ուղն, ի մարդկեղն բարբառ ա-
ծեալ, տայր ընդ նախընծայա-
ցելոյ առն Աստուծոյ ընդ Մով-
սեսի խօսել: Եւ այրակերպեալ
զգօրավարն իւր զՄիքայէլ, զօ-
րագլխին իւրում Յեսովայ ի դաշ-
տին ցուցանէր: Եւ առաքեալ
հրեշտակ ի տուն Մանուէի խօ-
սել ընդ նմա, մարդկօրէն ըն-
ծայեցուցանէր: Եւ երբեք երբեք
զրե՛ թէ մարդացեալ իսկ՝ բե-
րան ի բերան և ձեռն ի ձեռն
ընդ բարեկամին իւրում ընդ
Մովսեսի խօսէր: Եւ առնն թա-

գաւորի ըստ սրաի իւրում գտե-
լոյ, թաղծելոյ ի հարուածոցն,
հրեշտակ ի կերպարանս մարդոյ
սուսէր ի ձեռն ցուցանէր: Եւ
Եզեկիէլի հրատեսիլ և բոցալեզու
ի կառս ազգի ազգի կերպարա-
նօք յօդեալ, և կառավար մարդ-
կակերպարան երևեցուցանէր, և
քերոբէս ազգի ազգի գազանօք
յօդեալ, և ձեռն ձգեալ իբրև
զմարդոյ քրոբէի ի միջոյ քրո-
բէից ցուցանէ: Եւ իւր իսկ եր-
բեմն իբրև զհինօրեայ, երբեմն
իբրև զմատազօրեայ, վասն այլ
և այլ տեսչութեանց կերպարա-
նեալ՝ ցանկալւոյ առնն երկէր:
Եւ այնպէս իւր և իւրոց ծառաւ
յիցն նոյնգունակ երկելով՝ զա-
ռաւել սիրոյն, զոր ընդ մարդոյն
ունէր, յայտ առնէր:

Այս ամենայն ասացաւ, զի
ցուցի թէ որ ինչ երկի՝ մար-
մաւոր է, և որ ինչ ոչ երկի՝
անմարմին, և ի մարմնաւորացն

են որ թանձրամարմինք են, և
են որ անօսր մարմինք. որպէս
Առաքեալ ասէ, թէ այլ մարմինք
երկնաւորացն, և այլ մարմինք
երկրաւորացս: Երկրաւորաց՝
մարդկան և անասնոց, թուչնոց
և սողնոց. և երկնաւորաց՝ ա-
ռեգական և լուսնոյ և աստեղաց:
Եւ զի զնոցանէ ասէ, և ոչ ըզ-
հրեշտակաց, անդէն զնովիմբ ա-
ծեալ ասէ՝ թէ այլ փառք արե-
գական են, և այլ փառք լուսնի:
Եւ միանգամայն իսկ ասա-
ցեալ թէ որ ինչ ի զգայնոցս շօ-
շափի կամ զննի կամ ազդի՛ այն
մարմնաւոր է, և որ զգայնոց ոչ
ազդի՛ անմարմին: Նուրբ է տարր
լուսոյ, այլ զի ակամք զննի՝
մարմնաւոր է. նուրբ է տարր
օդոյ, այլ զի ցրտութեամբն
ազդի մարմոյ՝ մարմնաւոր է.
նուրբ է տարր հրոյ, այլ զի ջեր-
մութեամբն ազդի մարմոյ՝ մար-
մնաւոր է. նոյնպէս և ջրոյ՝ որ

քան զծանունսն նրբազոյն է, և
քան զթեթեսն թանձրազոյն:

ԻՊ. ԵՒ արդ քանզի անմար-
մինք են հրեշտակք և գեք, յայն
սակս և ծնունդք ոչ գոն նոցա:

Այլ, ասեն, համբարուաց ծը-
նունդք գոն և մեռանին:

Նախ զայն տեսցուք, թէ բնաւ
գուցե՞ն այլ ինչ արարածք բա-
նաւորք քան զհրեշտակս և զգնս
և զմարդիկ. և ապա եկեսցուք
յայնր ի քնին, թէ իցե՞ն ի գի-
ւաց կէսք մարմնաւորք և կէսքն
անմարմինք: Զի չիք ինչ արա-
րած բանաւոր արտաքս քան զայս
երիս ջոկս, զհրեշտակաց, զգիւաց
և զմարդկան, յամենայն աստուա-
ծատուր գրոց և ի բնութենէ ա-
րարածոց յայտնի է: Բայց թէ-
պէտ և ասին ինչ անուանք ի
գրոց յուշկապարկաց կամ համ-
բարուաց կամ սպարկաց, ըստ
կարծեաց մտաց մարդկան ասին,
և ոչ ըստ բնութեան. քանզի

դիւաց է կերպարանս կերպարանս ցուցանել, և մարդկի ըստ կերպարանացն անուանս գնեն. որպէս յորժամք քաղաքք և գիւղք աւերեսցին, և անդ դեք բնակիցն, և կեղծո ի կեղծո յայտնիցն, և մարդկան ըստ կեղծեաց նոցա անուանս եղեալ՝ զոմն յուշկապարիկ, զոմն պարիկ, զոմն համբարու կոչիցն. նոյնպէս և զրոց ըստ մարդկան կարծեացն եկեալ՝ առ ի նշանակելոյ ըզսաստկոթիւն աւերածի աշխարհին, յուշկապարկաց ասեն բնակել յաւերակսն, զոր յոյն լեզու իշացուլս առէ:

Որդ ցուցցեն թէ գտանիցի՞ն իշացուլք ի Բաբիլոնի, ապա ուրիմն յայտ է՝ եթէ անուանք առանց անձանց են յուշկապարկաց և իշացուց. և զիբք ըստ սովորութեան մարդկան կարծեաց եկեալ, նոյնպէս անուանեցին՝ առ ի զաւերն Բաբիլոնի

նշանակելոյ, իբրև զծովացուլն՝ զոր ի կովէ եկեալ ասեն, և ըզպայն իմն ի մարդկանէ, և զառլեզն ի շանէ. և այն ոչ եթէ անձինք ինչ են, այլ անուանք ըզբանգտանաց, և բաջաղանք մուլորելոց մտաց ի դիւաց։ Զի ի մարմնաւորէ աներեւոյթ ինչ ոչ ելանէ, որպէս ոչ յաներեւութէ իմերէ մարմնաւոր. ոչ երբեք ի մարդկանէ եկեալ պայն՝ եթէ առ երես արարած իցէ, և ոչ ի կովուց ծովացուլն եկեալ՝ եթէ ի ծովակս բնակիցէ։ Զի մարմնաւորի չէ հնար՝ թէ ի ջուրս կեցցէ, որպէս և ոչ ջրականին՝ թէ ի ցամաքի կեցցէ. և ոչ ի շանէ ինչ եկեալ, եթէ ընդ աներեւոյթ զօրութիւնս ինչ կեցցէ, և յորժամքիրաւոր ոք անկեալ ի պատերազմի դնիցի՝ թէ լիզիցէ և ողջացուցանիցէ, զոր արալէզն կոչեն. այլ ամենայն՝ առասպելք են, և պառաւաց դրդջիւնք, և

մանաւանդ թէ ի գիւաց իսկ մուլորութենէ:

ԱՅ. ԱՅԼ և վիճեալ ևս պնտին ի բանիցն վերայ: Մին ասէ՝ թէ ի մերում գեւղ ծովացուլ զկով զործեաց, և զզոչիւնն հանապազ մեք լսեմք ամենեքեան: Եւ միւսն ասէ. զպայն իսկ իմ աչօք տեսալ է:

ՄԻԹԷ և զարալիզէ՞ն ևս ոք կարիցէ ասել՝ թէ և զայն ուրուք տեսեալ իցէ. և թէ յառաջին ժամանակոն արալէզք լիզէին զվիրաւորս և ողջացուցանչին, արդ ընդէ՞ր ոչ լիզիցեն և ողջացուցանիցեն. ոչ նոյն պատերազմունք են, և նոյնպէս վիրաւորք անկանին:

ԱՅԼ յայնժամ, ասեն, դիւցազունք էին:

Եւ մեք զդիցն իսկ պահանջեսցուք ի նոցանէ: Մարմնաւորք էին արդեք դիցն, թէ անմարմինք: Եթէ մարմնաւորք էին,

յայտ է թէ մարդիկ էին, և ըզմարդկան ուրուականս ի պաշտօն առեալ՝ դիս անուանէին. ապա եթէ անմարմինք էին, չէր մարթանմարմնոցն ընդ կանայս մարմնաւորս ամուսնանալ: Զի եթէ այնմ հնար ինչ էր, ոչ երբեք դադարէր սատանայ ի կանաց սատանայածինս ծնուցանել. զի որ անմարմին ոք է, նա և անսերմն է. վասն զի սերմն մարմնաւորաց է, և ոչ անմարմնոց. և առանց սերման ի կնոջէ ծնանել միումն ևեթ մարթ եղեկ՝ որ արարիչն է բնութեան մարմնոյ. և որպէս կամեցաւ, կարող եղեկ ի կուտէ ծնանել առանց ամուսնութեան:

Ուստի ամենայն իմաստնոց արտաքնոց յիւրաքանչիւր դիցն տկարութիւն հայեցեալ, չիմիւցին ասել՝ թէ ի կնոջէ ոք առանց ամուսնութեան ծնաւ: Եւ որպէս ոչ զոն ծնունդք դիւց,

նոյնպէս և ոչ մահ թէպէս և անմահ բնութեամբ Աստուածութիւնն և է որ մշտնջենաւորն է, և ոչ յումերէ առեալ սկիզբն լինելոյ, այլ և սկզբնաւորացն և բանաւորաց պարզեաց անախանձ զանմահութիւն, զիրեշտակաց և զդիւաց ասեմ, և զոգոց մարդկան։ Յորոց մարդիկ, քանզի յերկուց բնութեանց են՝ ի մարմնաւորաց և յանմարմնոց, յիրափ սերին ծննդեամբ, և զանյանումն ամուսնութեամբ։ և մեռանին մարմնովք, և ոչ ողջովք վասն պատուիրանազանցութեանն։

Այլ հրեշտակը և դեք ոչ յաւելուած ծննդեամբ առնուն, և ոչ պակասութիւն մահուամբ. այլ որպէս հաստատեցանն՝ նոյնպէս և նովին թուով կան, առանց յաւելուածոյ և նուազութեան։ Եւ ոչ այլ ինչ արարած գոյ՝ որ կարիցէ ի կերպարանս

լինել, որպէս զիշապացն և զնընանգացն համբաւեն. այլ միայն հրեշտակը և դեք՝ որք կարող են զօդս զնդել և պարզել, և ազգի ազգի կերպարանս երևեցուցանել։

Այլ և վիշապք, ասեն, և նընանգք կեղծս ի կեղծս լինին. յորոց մին անձնաւոր է և միւսն ոչ անձնաւոր։

Վիշապն՝ որ մարմնաւոր է, զիւր կերպարանսն ոչ կարէ փոխել։ Զի եթէ հնար ինչ էր մարմնաւորաց զկերպարանս փոփոխել, նախ մարդ՝ որ ասաւել քան զնոսա է՝ փոխէր զկերպարանսն յինչ և կամէր, այլ որպէս մարդոյ ոչ է հնար փոխել ի կերպարանս ինչ՝ յոր և կամիցի, նոյնպէս և ոչ վիշապին։

Նա և ոչ նհանգ ինչ անձնաւոր զոյ, բայց եթէ դե ի տեղիս բնակեալ իցէ, և մերթ կերպարանիցի, և մերթ վսաս գործիցէ։

Եւ ոչ վիշապք զտոհմականս արշեանց կրեն, և ոչ գրաստ գոյնոցա՝ եթէ զարդիւնս ի կալոց ուրեք կրիցեն, և ի զուր է կալ կալն ասել ումեք ի կալս՝ և ոչ առ առ։ Զի վիշապն որ ինքն գրաստ է, այնու զի անասուն և անխօսուն է, զիարդ՝ որ ինքն գրաստ է զայլ գրաստ վարիցէ. զի վիշապի այլազգ ինչ բնութիւն չէ՝ եթէ ոչ աձի, այն յայտ իսկ է։ Եւ զօծ յաղթանդամ, կամ զգազան ինչ ծովածին, կոչեն զիրք վիշապ. որպէս զմարդ յաղթանդամ հսկայ անուանեն, նոյնպէս և զօծ ցամաքային անձունի, և զգազանն ծովական լեռնաձև, զկիտացն ասեմ և ըզդելփինաց, վիշապս անուանեն. ըստ այնմ՝ թէ զու ջաղջախեցեր զգլուխ վիշապացն ի վերայ ջուրց, և ետուր կերակուր ժողովրդոց Եթովպացւոց։

Տեսանե՞ս, զի զձկունս մեծա-

մեծս ծովածինս՝ վիշապս կոչեն զիրք. և յայտ անտի է՝ թէ ըզդկանց ասէ, այնու եթէ ետուր կերակուր ազգաց Եթովպացւոց. թէպէտ և ասու այլք ի սատանայ առակեցին զվիշապն, որպէս և զայն՝ զոր Յորն զրեալ է։ Եւ այլ ինչ ոչ են վիշապք՝ բայց կամ օձք մեծամեծք ցամաքայինք, կամ ձկունք անարիք ծովականք. զորոց ասեն, թէ լեռնաբերձք և մեծամեծք են. և որս և կերակուր նոցա մանր ձկունք են, որպէս և օձից մեծամեծաց մանր մանր ինչ ճճիք կամ անասունք։ Եւ ոչ որս երեք՝ որպէս մարդկան՝ արարեալ են վիշապաց, կամ առնիցեն. և ոչ տաճարք իբրև մարդկան են նոցա ի բնակութիւն. և ոչ զոք ի թագաւորազգեաց և ի զիւցազանց ունին կապեալ առ իւրեանս կենդանի. զի կենդանիք ի մարմնաւորաց երկու ևեթ կան, Ենովք և Եղիա։

Այլ որպէս զԱղեքսանդրէ խա-
բէն գեկք՝ թէ կենդանի կայցէ,
որոց ըստ եզիպտական հնարո-
ղութեանն կապեալ արկեալ կա-
խարդանօք զդէ ի շիշ, կարծե-
ցուցանէին թէ Աղեքսանդրոս
կենդանի իցէ և մահ խնդրիցէ.
և գալուստն Քրիստոսի խայտա-
ռակեաց զիսաբէութիւնն, և ե-
բարձի միջոյ զգայթակզութիւնն
նոյնպէս և մոլորութիւնն դիւաց
խաբեաց զդիւցապնաշտու Հայոց,
եթէ զոմն Արտաւազդ անուն ար-
գելեալ իցէ դիւաց, որ ցայժմ
կենդանի կայ, և նա ելանելոց
է և ունելոց զաշխարհս, և ի սնու-
տի յոյս կապեալ կան անհա-
ւատք. որպէս և Հրեայք՝ որ ի
զուր ակնկալութիւն կապեալ
կան, եթէ Դաւիթ զալոց է՝ շի-
նել զԵրուսալէմ և ժողովել ըզ-
Հրեայս, և անդ թագաւորել նմա-
նոցա:

Եւ այնպէս ջանայ սատանայ՝

զի զամենայն ոք ի բարւոք ա-
կընկալութենէ վրիպեցուսցէ, և
ի սնուտի յոյս կապիցէ: Մեծա-
ցուցանէ յաչս մարդկան զվի-
շապս, զի յորժամ ահազինք ե-
րկեսցին ոմանց՝ առնուցուն զնո-
սա ի պաշտօն: Կարծեցուցանէ
թէ և նհանզք ինչ իցեն գետոց,
և շահապետք վայրաց. և յետ
կարծեցուցանելոյ՝ ինքն կերպա-
րանի կամ ի վիշապի կերպա-
րանս կամ ի նհանզի իմն և ի
շահապետի. զի այնու զմարզն
յիւրմէ արաբչէն թիւրեսցէ: Զի
եթէ էր ինչ նհանզն անձնաւոր,
ոչ երբեմն ի կնոջ կերպարանս
երկէր, և երբեմն փոկ լինէր և
լուզորդաց ընդ ոտոս անկեալ՝
հեղձուցանէր. այլ կամ կինն կին
կայր, կամ փոկն փոկ:

Նոյնպէս՝ և զոր շահապետ
վայրաց կոչեն, ոչ մերթ մարդ
երկէր և մերթ օձ, որով և զօ-
ձապաշտութիւնն հնարեցաւ յաշ-

խարհ մուծանել: Կոյնպէս և վիշտապն ոչ մի անգամ օձածե եւրեքը, և միւս անգամ մարդկանկերպ, որպէս յառաջազոյնն իսկ ասացաւ՝ թէ որ մարմնաւոր ինչէ, յայէ կերպարանս չկարէ փոխել:

Այլ թէ ի կալս ջորիք և ուղարկերկիցին՝ դիւաց կերպարանք են այն, և ոչ վիշտապաց. և եթէ ի դաշտս երագազանք ձգիցին, և հեծեալք իբրև զմարդիկ զհետ երէոյ արշաւիցեն, կեղծիք դիւաց են և ոչ ճշմարտութիւն ինչ իրաց. և եթէ ի գետս ի կանաց ինչ ի կերպարանս երկիցին, սատանայի կերպարանք են: Քանզի նհանգ ինչ անձնաւոր չիք, և ոչ ի մարդ իբրև զգե մտանէ վիշտապ, որպէս ոմանք ի շշելոյ գիշտահարին կարծեցին, քանզի մարմնաւորի ի մարմնաւոր չէ հնարմտանել: Եւս եթէ բառնայցի ի վեր այնովիսի վիշտապն, ոչ եթէ

եզամբք ինչ անուանելովք՝ այլ ծածուկ զօրութեամբ իւլիք յլլուտուծոյ հրամանէ, զի մի շոգին մարդոյ կամ անասնոյ մեղանչիցէ. որպէս որ բասիլիսկոսն կոչի ազգ ինչ օձից՝ հայելով միայն սատակէ զմարդ կամ զանասուն. ուստի յորժամ ի ջըրհորս գտանիցի՝ ճրագ առեալ իշանեն ի ներքս ըմբռնել, զի հայեցեալ ընդ ճրագն՝ ոչ մեզանչիցէ մարդոյն օձն:

Ի՞ԶԼ մեք ըստ գրոց սրբոց զհրեշտակս արբանեակս գիտեմք յօգնականութիւն մարդկան, ազգաց և թագաւորութեանց. ըստ այնմ զոր ասէն՝ թէ կացոյց սահմանս ազգաց ըստ թուոյ հրեշտակացն Աստուծոյ: Եւ գարձեալ այնու զոր ասէ յաւետարանի, թէ մի՛ արհամարհեք զմի ի փոքրկանց, զի հրեշտակք նոցահանապազ տեսանեն զերեսս հօրիմոյ՝ որ յերկինս, այսպէս իմն

երեի՝ թէ իւրաքանչիւր մարդոյ
հրեշտակ առանձինն պահապան
կայցէ, թէպէտ և այլք զադօթից
կարծեցին ասացեալ ի Տեառնէն,
որպէս թէ ազօթք նոցա՝ որ հա-
նապագ մտանեն առաջի Աստու-
ծոյ՝ կոչին հրեշտակք: Այլ և ա-
ռաքեալն ասէ. ոչ ամենեքեան
հոգիք հարկաւորք են առաքե-
լացուք ի սպասաւորութիւն վասն
այնոցիկ, որք ժառանգելոց են
զիրկութիւն. որ ի հարկի նմա-
կան, և փրկութեան սատարք
մեզ լինին:

Իէ. ԱՅԼ թէ սատանայ է, աւ-
սեն, զրգորչ չարեաց, յայլս արա-
րածոցն ընդէ՞ր մաղթէ զերկըր-
պագութիւն հեթանոսութեան, և
ոչ յինքն միայն կորզիցէ:

Զի բամբասեալ ի չարութեա-
նէ սատանայ, այն ամենեցուն
յայտնի է: Արդ եթէ իւր միայն
խնդրէր զպաշտօնն, վազվազակի
խրտուցանէր զպաշտօնեայսն իւր,

այնու զի չար և չարչարիչ կար-
ծիցի նոցա . այլ յօժարեցոյց
զկէսսն՝ լուսաւորաց երկիր պա-
գանել, և զայլս՝ օդոյ և հրոյ
երկրի և ջրոյ և հասակաց և
փայտից և քարանց, մինչև օձից
և գազանաց և ճճեաց անգամ.
զի միայն զնախանձն՝ զոր ի մտի
եղեալ էր գոռալոյ ընդ մար-
դոյն՝ կատարեցէ: Եւ արդ մի՛
ինչ վերտեսցին, որ արարածոցն
երկիր պագանեն՝ թէ զսատա-
նայի զկամս ոչ առնիցին. զի
արարածոց պաշտօն մատուցա-
նելոյ վարդապետ այլ ոք չէր,
բայց միայն սատանայ:

Եւ արդ զիմբրդ կարիցեն նը-
զովել զսատանայ, որք զկամս
նորա կատարեն. զի եթէ որք
զծմարիտն Աստուած պաշտեն,
և վարուք ինչ զեղծիցին, բամ-
բասին յաստուածական բարբա-
ռոյն՝ եթէ խոստանան զիտել
զԱստուած, և գործովք իւրեանց

ուրացեալ են ի նմանէ, ո՞րչափ
ևս առաւել նոքա առանց պաշ-
տաշխանատուութեան են, որոց
առեալ զպաշտօն ճշմարտին՝ ան-
շընչոց և անմռնչից արարածոցն
մատուցանեն:

ԵՅ. ԲՍ.33 թէպէտ և պէսպէս
զինուք վառեցաւ թշնամին ճըշ-
մարտութեան, Յունաց իմաստ-
նոցն կարծեցուցանելով՝ թէ նիւթ
ինչ միշտ առընթերակաց կայր
Աստուծոյ՝ ուստի զարարածոն
արար: Եւ քանզի նիւթոյ անուն
ի նոցա լեզու ի մրուք * մերձ
է, վասն այնորիկ զշարեացն
սկիզբն անտի կարծեցին:

Եւ Պարսից քէշին գտիչք առ
ի տարակուսելոյ՝ թէ ուստի չա-
րիքն լինիցին, ընդ նոյն արա-
ծետս վրիպեալք ի ճշմարտու-
թենէն՝ զնոյն բաջաղանս այլովք
պատմութեամբք կարկատեցին,

* նձու նիւթ. նձու մրուք:

որպէս թէ ի միոջէ ի հօրէ եր-
կու որդիք ծնան. մին բարի՝ և
բարեաց արարիչ, և մին չար՝ և
չարեաց զործոն: Ի նոյն խարափ
անկեալ և աղանդոցն, զոր թըշ-
նամին իբրև զորոմն ի մէջ ցու-
րենոյ սերմանեաց, զի կէսքն ե-
րիս արմատս զնէին, բարւոյ և
արդարոյ և չարի. և այլք եր-
կուս, բարւոյ և չարի. և ումանք
եւթն:

Եւ արդ եկեղեցւոյ Աստուծոյ
գործ այն է, զարտաքինսն իրօք
ճշմարտութեան առանց գրոց
յանդիմանել, և զկարծեալսն ներ-
քինս և ոչ ճշմարտեալս՝ զրովք
սրբովք յանդիմանել:

Ճիւզայն կարծիս, որովք Յոյն-
քըն մոլորեցան, բաւական հա-
մարեսցուք առաջնոց բանիցն
յանդիմանութեամբ վճարել. և
ընդ Պարսից քէշին գտողս, ա-
պաւինեալ ի շնորհսն Աստուծոյ,
մատիցուք ի պայքար:

Գ Ի Ր Վ Ե Ր Կ Ր Ա Ր Գ

ԵՂԾ

Ք Ե Շ Ե Ա Պ Ա Բ Ա Ւ Ց

Ա. ՄԻՆՉ չկ բնաւ էր ինչ, աւ
սեն, ոչ երկինք և ոչ երկիր և
ոչ այլ ինչ արարածք՝ որ յեր-
կինս կամ յերկրի, Զրուան ոմն
անուն էր, որ թարգմանի բախտ
կամ փառք։ Զհազար ամ յաշտ
արար՝ զի թերևս որդի մի լինից
ցի նմա, որում անուն Որմիզդ,
որ զերկինս և զերկիր և զամե-
նայն որ ի նոսա՝ առնիցէ. և յետ
հազար ամի յաշտ առնելոյ՝ սկը-
սաւ ածել զմոտաւ, ասէ. օգուտ
ինչ իցէ յաշտօ զոր առնեմ, և
լինիցի ինձ որդի Որմիզդ, եթէ
ի զուր ինչ ջանայցեմ։ Եւ մինչ

գեռ նա զայս խորհէք, Որմիզդ
և Արհմն յլեցան յարզանդի մօր
իւրեանց. Որմիզդն ի յաշտն առ
նելոյ, և Արհմն ի յերկուանալոյ
անտի: Ապա իմացեալ Զրուա
նայ, ասէ. երկու որդիք են յու
րովայնի անդ, որ ոք ի նոցանէ
վաղ առ իս հասցէ՝ զնա թագաւ
որ արարից. և ծանուցեալ Որ
մըզդի զիսորհուրդս հօրն՝ յայտ
նեաց Արհմենին ասէ. Զրուան
հայր մեր խորհեցաւ՝ թէ ոք ի
մէնչ վաղ առ նա երթիցէ, զնա
թագաւորեցուցէ: Եւ զայն լու
եալ Արհմենին՝ ծակեաց զորու
վայնն, և ել եկաց առաջի հօրն:
Եւ տեսեալ զնա Զրուանայ, ոչ
զիտաց եթէ ոք իցէ. և հարցա
նէք՝ եթէ ով ես դու: Եւ նա ա
սէ. ես եմ որդին քո: Ասէ ցնա
Զրուան. իմ որդին անուշահոտ
և լուսաւոր է, և գու խաւարին
և ժանդահոտ ես: Եւ մինչ դեռ
նոքա զայս ընդ միմեանս խօ-

սէին, ծնեալ Որմըզդի ի ժամու
իւրում լուսաւոր և անուշահոտ,
եկն եկաց առաջի Զրուանայ: Եւ
տեսեալ զնա Զրուանայ, զիտաց՝
եթէ Որմիզդ որդի նորա է վասն
որոյ զյաշտն առնէք. և առեալ
զբարսմունսն՝ զոր ի ձեռին իւ
րում ունէք, որտիք զյաշտն առ
նէք, ետ ցՈրմիզդ և ասէ. ցայժմ
ես վասն քո յաշտ առնէի, յայսմ
հետէ գու վասն իմ առնիցես:
Եւ ի տալ Զրուանայ զբարս
մունսն ցՈրմիզդ և օրհնել զնա,
մատուցեալ Արհմենի առաջի
Զրուանայ՝ ասէ ցնա. ոչ այնպէս
ուխտեցեր՝ թէ ո ոք յերկուց որդ
ւոցն իմոց յառաջ առ իս հաս
ցէ, զնա թագաւոր արարից: Եւ
Զրուանն առ ի չջրելոյ զուխտն՝
ասէ ցԱրհմնն. այ օուտ և չա
րագործ, տուեալ լիցի քեզ թա
գաւորութիւնն ինն հազար ամի,
և զՈրմիզդ ի վերայ քո արքայ
կացուցեալ. և յետ ինն հազար

ամի Որմիզդ թագաւորեսցէ, և
զինչ կամիցի առնել՝ արասցէ:
Յայնժամ սկսան Որմիզդ և Սրհ-
մնն առնել արարածու. և ա-
մենայն ինչ՝ զոր Որմիզդն առ-
նէր՝ բարի էր և ուղիղ, և զոր
ինչ Սրհմնն զործէր՝ չար էր և
թիւր:

Ե. ԱՅՍՊԻՍԻ անհաւատ և
դանդաշանաց բանից տիմարաց
մուաց կարկատելոց՝ չէր պարու
ամեննեին բնաւ առնել պատաս-
խանի. զի բաւական էր իւրեանց
իսկ անմտութիւնն յանդիմանել
զնոսա անզստին ի նոցին բա-
նից՝ որ ընդ մեմնանս կռուին,
և միմեանց հակառակ են: Բայց
քանզի այսու իմն մեծարոյ երե-
ւին առաջնորդք քէշին իւրեանց
հնազանդեցելոցն, և խեղդ ընդ
անձն արկեալ՝ ձգեն զնոսա ի
խորխորատ, հարկ է տալ պա-
տասխանի, և ցուցանել թէ ոչ
ինչ աւելի քան զոր Մանի, զոր
ինքեանք մորթեցին, ասեն:

Զի նա երկու արմատու բար-
ւոյ և չարի ասէ, և զայն ոչ յղու-
թեամբ և ծննդեամբ, այլ ինք-
նակացո՛ միմեանց հակառակ. և
նորա զնոյն ասեն՝ տենջանօք
Զրուանայն յղութեամբ և ծնըն-
դեամբ: Եւ եթէ նոյն քէշ է եր-
կոցունց, ընդէ՞ր ատիցեն մոզք
զզանդիկս, եթէ ոչ զի վարուքն
զատ են ի միմեանց. թէպէտ և
կերպարանօք և ոչ ճշմարտու-
թեամբ: Այլ ի քէշին մի են եր-
կոքեան, նորա երկարմատեանք,
և սոքա նոյնպիսիք. նորա արե-
ւապաշտք, և սոքա ծառայք ա-
րեգական, նորա ամենայն ան-
շընչոց շունչ կարծեն, և սոքա
նոյն օրինակ զնոյն իմանան:

Բայց զի Մանի կամեցաւ վե-
րագոյն քան զնոցայն կեղծեօք
վարս ցուցանել՝ թէ ամեննեին իսկ
ազատ ի կարեաց ցանկութեանց
իցէ, և ոչ քան զնոցայն միայն՝
այլ և քան զամննայն քէշից, ուս-

որի յանդիմանեալ յաղջկանց
խաղսելոյ՝ մորթազերծ մաշ
հուտամբ պակասեցաւ ի կենաց։
Ալրով յայտ է՝ թէ վարուք ենթ
մեկնեալ են ի միմեանց, զի նու
քա կերպարանոդր են, և սորք
գեղիքը, և յայտ յանդիման անձա
նագիւրք, այլ կրօնիւք նոյնք և
նոյսկիսիք։

Գ. ԱՐԴԻ մեր թողեալ զնոսա,
հարցցուք զոսա։ Զրուանն, զոր
յառաջ քանդամենայն ինչ տսեն,
կատարեալ ոք էր, թէ անկատա
տար։ Եթէ ասիցեն՝ եթէ կատա
րեալ էր, լուիցեն՝ եթէ կատա
րեալն յումմէ՝ կարօտանայր
խնդրել որդի, որ զայցէ և զեր-
կինս և զերկիր առնիցէ. զի ե-
թէ կատարեալ էր, ինքն իսկ
կարտ էր առնել զերկինս և զեր-
կիր։ Ապա եթէ անկատար էր,
յայտ է, թէ էր ոմն ի վեր քան
զնա, որ զնորա թերակատարու-
թիւնն լնուլ կարէր. և եթէ էր

ոք ի վեր քան զնա, նմա պարտ
էր առնել զերկինս և զերկիր և
զամենայն որ ի նոսա՝ առ ի
ցուցանելոյ զիւր զբարերարու-
թիւնն և զօրութիւն. և ոչ Զրուա-
նայ որդի շնորհել, որ զերկինս
և զերկիր և զամենայն որ ի նո-
սա՝ առնիցէ։

Այլ, ասեն, փառաց առնէր
զաշտն։

Հարցցուք. փառքն յումմէքէ՝
աշողեալ էին նմա, թէ վասն զի
մշտնջենաւորն էր՝ փառաւորէր։
Եթէ յումմէքէ սկարգեալ էին
նմա փառքն, հարկ է կարծել ե-
թէ էր ոմն ի վեր քան զնա զօ-
րագոյն և փառաւորագոյն, ուս-
տի ի նա փառքն հասին։ Ապա
եթէ չէր ոք ի վեր քան զնա, ի
զուր էր զյաշան հազարամեան
առնել. զի փառքն ոչ եթէ անձ-
նաւոր ինչ են, այլ ի յաշողութե-
նէ ուրուք անուանին փառք, որ-
պէս ի չաշողութենէ ուրուք աշ-

նուանի թշուառութիւն. և երակոթին ի դիպաց արգասիք են, և ոչ անձանց հաստատութիւնք:

Եւ այլ ևս. զի եթէ արեգակն և լուսին չե ևս էին լեալ, որով ժամքն և աւուրք և ամիսք և տարիք կարգին, հազար ամն ուստի երեւէր. զի չէին ի միջի լուսաւորքն, որք զթիւ աւուրց և ամսոց և տարեաց կարգէին. այլ յայտ է՝ թէ անմտութեամբ լի են բաջազանքն:

Դարձեալ թէ երկինք և երկիր և որ ի նոսայն՝ չէին, ուր առնէր զյաշտն կամ իւ: Յորժամ երկիր չէր և ոչ տունքը ինչ որ ի նմանէ, զբարսմունսն ուստի գտանէր ունել .ի ձեռին. կամ ընաւ զի՞նչ իսկ յազէր, զի առասունք չե ևս էին արարեալ: Եւ որ քան զամնայն անմտագոյն է, զհազար ամ ասեն, յաշտարար. և յետ հազար ամին յերկուացաւ, ասէ՝ թէ լինիցի՞ ինձ

որդի Որմիզդ, և եթէ չլինիցի, և ի զուր ինչ վաստակիցիմ: Եւ այնու ցուցանէ՝ թէ ոկար էր Զրուանն և կարօտ և առանց գիտութեան, և պատճառք չարեացն նոյն է, և ոչ Արհմն: Զի եթէ նորա չէր յերկուացեալ, որպէս ասենն, Արհմն ոչ լինէր՝ զոր չարեացն արարիչ համբաւեն. այլ ինքն երկմտեաց, որ անհաւատն է և լի անկարգութեամբ:

Զի ոչ երբեք ի միոջէ աղբերէ երկու բղսմունք ելանեն, մինն քաղցր և միւօն զառն. և ոչ ի միոջէ ծառոյ երկու պտուղք՝ մին անոյշ և մին զաժան: Արդ եթէ քաղցր զիտեն զԶրուանն, ոչ պարտին զդառն պտուղն զԱրհմն ի նմանէ համարել, և եթէ զառն հաշուին, չէ պատճառ զքաղցր պտուղն զՈրմիզդ ի նմանէ զնել: Եւ ի դէպ ելանէ նոցա աստուածական բարբառն, որ ասէ. կամ արարէք զծառն քաղցր, և զպր-

տուղ նորա քաղցր, և կամ արարէք զծառն դառն, և զպուղ նորա դառն, զի ի ծառոյ անտի պլուղն իւր ճանաչի:

Եւ թէ արարածք յիւրաքանչիւր յօրինուածս կան, և երբէք զահմանօքն եղելօք նոցա ոչ անցանեն, ո՞չչափ ևս առաւել Զրուանն՝ եթէ մշտնջենաւոր ոք էր, և արարածս առնելոյ ննարս խնդրէք՝ եթէ անձամք և թէ այլով և թէ որդովն՝ որպէս ասենն, պարտ էր կարգ ինչ ցուցանել և ոչ անկարգութիւն:

Զի ոչ երբէք տեսաք՝ թէ կովք էշս ծնան, և էշք եղինս, և ոչ գայլք մաքիս, և ոչ մաքիք ազուէսս, և ոչ առիւծք ձիս, և ոչ ձիք օձս. բայց միայն մի ինչ ծնունդ է՝ զոր մարդիկ հնարեցան արտաքոյ կարգաց բնութեան, ծնուցանել ի ձիոց և յիշոց ջորիս. և նոյնք անսերմն և անծնունդ են. զի ոչ յԱստուծոյ

կարգեցան՝ այլ ի մարդկանէ հնարողութենէ: Արդ Զրուանն եթէ արջառ էր, զկարիճն զԱրհմն զիարդ ծնանէր. և եթէ զայլ էր, զզառնն զՈրմիզդ հիմ ծնանէր. ոչ ապաքէն մարդկան մտաց բաշաղանք են:

Զի և Զրուանն իսկ մարդ լեալ է, այյր մի քաջ առ Տիտանօքն. և որպէս սովոր են Յոյնք և Արիք և ամենայն ազգք հեթանոսաց՝ զբաջս առ դիւցազունս ու նել, հայեցեալ ընդ այն քէշակարկատին Պարսից՝ թէ որովհետև մարդիկ աշխարհիս զնա առ աստուածս ունին, ես զերկնից իսկ և զերկրի և զամենայն արարածոց արարչութիւնն ի նմանէ կարծեցուցից:

Եւ զի ճշմարիտ է բանս, յայտ անտի է՝ զի մարդկօքէն բարուք զքէշն կարկատէ, և յլութեամբ և ծննդեամք զկրօնսն կցկցէ: Զի նախ երկուց արարչաց՝ զբարեց:

և զչարի ի միոջէ հօրէ զծնունգսն
համբաւէք. և ապա մայրենի և
քուրական առականօք զարարած
լուսաւորացն մուծանէ: Եւ զայն
ոչ վասն այլ իրիք, այլ վասն
մարմնասիրութեան և ախորժաւ
կան ցանկութեանն: Փանզի
հայեցեալ յազգն արիական՝ թէ
իգասէր էր, ըստ նմին նորին
մեղկ բարուցն նմա օրէնս կցկը-
ցեաց, զի յորժամ զաստուածոցն
իրեանց լսիցեն՝ թէ յանարժան
խառնակութիւնս մտաբերեցին,
և նոքա նոցին նմանեալք՝ զնոյն
անառակութիւնս անխտիր գոր-
ծեսցեն. յորմէ աստուածականն
հեռի՝ որ ի վեր է: Զի Աստու-
ծոյ որդի ունել՝ ոչ ամուսնու-
թեամբ վայելէ, այլ մշտնջենա-
ւորութեամբ, որպէս մտաց զբան,
և աղբեր զգետ, և հրոյ զջեր-
մութիւն, և արեգական զլուսա-
ւորութիւն: Եւ ոչ որպէս նոքայն
ժոին՝ թէ կարօտեալ էր՝ զի որ-

դի մի լինիցի նմա, որում ա-
նուն իցէ Որմիզդ:

Ով մորոսութիւն. չև ուրեք
որդի ի միջի, և նա չյղացե-
լոյն և չծնելոյն անուն դնէր: Ամենայն ծննդոց յետ ծննդեանն
դնին անուանք, և նա զիարդ
յառաջ քան զծնանելն դնէր նմա
անուն Որմիզդ, բայց թէ հաւա-
տայր՝ թէ և արդարեւ լինէր նմա
որդի. և եթէ հաւատայր՝ ընդէ՞ր
երկմտեաց, և եղև երկմտու-
թեամբն պատճառ ծննդեան Արհ-
մենի, ուստի չարիքն յաշխարհ
մտին: Եւ այն են զարմանք՝ զի
մինն ի հազարամեայ յաշտն առ-
նելոյ հազիւ լինէր, և միւսն
յառժամայն յերկմտութենէ ան-
տի:

Դարձեալ որ զայն գիտաց՝ ե-
թէ երկու որդիք են յորովայնի
անդ, զայն ընդէ՞ր ոչ ծանեաւ՝
թէ մինն բարի և միւսն չար:
Եւ թէ զիտաց և ոչ եղծ զչարն,

ինքն է պատճառ չարին, ապա
եթէ զայն չգիտաց, զիարդ իցէ
հաւատալի՝ եթէ զմիւսն ծանեաւ.
և եթէ յայնժամ ոչ իմացաւ,
յորժամ խաւարին և ժանդահոտ
ետես զնա՝ և յայնժամ արդեք
ոչ զիտաց: Այլ և զիտաց և եւ-
տես և արար զխաւարինն թա-
զաւոր. ինքն է պատճառ չա-
րեցն՝ այնու զի ոչ եղծ զչարն,
այլ և թագաւորութիւնն ևս ետ
նմա ինն հազար ամի: Եւ ում
թագաւորեցոյց զնա, եթէ ոչ
բարիոք արարածոցն եղելոցն
յՈրմըզգայ առ ի չարչարելոյ
զնոսա՝ խառնելով ի նոսա զիւր
չար արարածո:

Այլ և զՈրմիզգ, ասեն, թա-
գաւորեցոյց ի վերայ նորա:

Եթէ թագաւոր նորա իցէ Որ-
միզգն, զիարդ զբարիոք արա-
րածոն իւր տայցէ չարչարել: Ե-
թէ հայրն յորդոյն արարածո ոչ
ինայեց՝ այնու զի ի ձեռս չա-

րին մատնեաց. որդին զիւրսն
զիարդ ոչ զընդայցէ: Առ տկա-
րութեան ինչ, թէ առ չարակա-
մութեան: Եթէ առ տկարութեան
չգեմեղիցէ, ապա ոչ այժմ թա-
զաւորել է նմա, և ոչ ի վախ-
ճանի՝ որպէս ասենն՝ յաղթել
կարէ: Իսկ եթէ առ չարակա-
մութեան իցէ, զանի զի ոչ
միայն հայրն՝ որ թագաւորե-
ցոյց զչարն՝ է պարտ չարեաց,
այլ և որդին՝ որ կամակից եղեւ
հօրն և համարձակիչ չարին:

Դարձեալ զի զթագաւորու-
թիւնն որդոցն ետ, միում զինն
հազարամեան, և միւսումն զան-
սպառականն, ինքն յորում կար-
զի կայցէ: Զի մինչ չէրն ինչ՝
չէր իմիք թագաւոր, քանզի և
ոչ արարիչ իրիք էր. և յորժամ
որդիքն եղեն, նոքա եղեն արա-
րիչք՝ ոմն բարեաց և ոմն չա-
րեաց, և նոքին թագաւորք՝ ոմն
ժամանակեան և ոմն յաւիտենա-

կան. և մնաց Զրուանն դատարկ յարարչութենէ և ի թագաւորութենէ. զի արարիչ չէ, քանզի չէ իւր արարեալ. և թագաւոր չեղեւ, քանզի ոյր արարածոց լինէր թագաւոր։ Եւ յայտ է՝ թէ ոչ էր երբեք Զրուանն, և ոչ է։ Զի որ է որ, կամ արարիչ է կամ արարած։ Արդ սա քանզի ոչ արարիչ է և ոչ արարած, ոչ երբեք նաև Աստուած, և ոչ է և ոչ լինի։

Դ. ԱՅԼ իբրև Զրուանն, ասեն, զայն ի մտի խորհեցաւ՝ թէ ոք յորդոցն իմոց վաղ առ իս հասցէ՝ զնա թագաւոր արարից, զիւաց Որմիզդ և զիսրհուրդն յայտնեաց Արհմենին։

Թէ զհօրն խորհուրդ ծանեաւ Որմիզդ, զեղբօրն չարաճնոյ ըզ խորհուրդ ընդէ՞ր ոչ զիւաց՝ թէ ծակէ զորովայնն և ելանէ, և յառաջ երթայ առնու զթագաւորութիւնն, որ լինելոց էր առ

եղեռանէ նմա և արարածոցն իւրոց, զի նախ յառաջնումն իսկ յետս հարեալ վատթարիցէ զնա, և ապա զինն հազար ամի զեղջ և ապաշաւ լինիցի առ ի զար հայելոյ իւր յուղիլ յարարածսն, զոր աղաւաղեալ կամակորիցէ։ Եւ կամ Զրուանն, որ զերկուց որդոց զյուլութիւնն զիւաց յորդվայնի, յորժամ եկեալ առաջի կայր Արհմենն՝ ընդէ՞ր ոչ ծանեաւ զնա։

Գարձեալ որ զիւր որդին Որմիզդ անուշահոտ և լուսաւոր անդէն յորովայնին զիտէր, զմիւս որդին՝ թէ ժանդահոտ և խաւարին իցէ, ի՞բր ոչ զիւաց։ Ոչ ապաքէն յայտ է՝ եթէ ոչ իբր հաւաստիք պատմին ի նոցանէ, այլ առասպելք կարկասունք։

Եւ միւսն ևս՝ որ քան զամենայն անհաւատագոյնն է, զի մին ի հազարամեայ յաշտն առնելոյ հազիւ լինէր, և միւսն յառժա-

մայն յերկուանալոյ անտի: Եւ
եթէ ի յերկուանալոյ անտի ե-
ղև Արհմն որդի, ոչ պարտ էր
զնա իւր որդի կոչել, զի եթէ
իւր որդի էր, նմին նման զոյր
և նոյնպիսի. կամ թէ բարի էր՝
բարի, կամ թէ չար էր՝ չար:
Միթէ և նոյնպէս հայրն Զրուան
և բարի էր արդեք և չար, և ի
բարիոք երակէն նորա բարւոք
որդին եղեւ, և ի չար մայոէն նո-
րա չարն: Եւ թէ այնպէս ինչ
ոչ էր, ապա և ոչ նա զչարն իւր
որդի կոչէր, և ոչ թագաւորու-
թիւն տայր նմա: Այլ թէ ինքն
բարի էր, զչարն եղանէր և բար-
ւոյն տայր զթագաւորութիւնն,
որով ինքն քաջանուն լինէր, և
զբարի որդին իւր զ՛ըմիզդ չառ-
նէր միշտ սրտառուչ: Այլ յայսմ
ամենայնէ յայտ է՝ եթէ ոչ եր-
բեք լեալ է Զրուանայ հայր առ-
տուածոց, և ոչ տուիչ թագաւո-
րութեանց:

Ե. ԳԱՐԴԵԱԼ ասեն, զբարս-
մունսն զոր ի ձեռիխ ունէր՝ ցոր-
դին իւր ց՛ըմիզդ ետ, և ասէ.
ցայժմ ես վասն քոյ յաշտ առ-
նէի, յայսմ հետէ դու վասն իմ
առնիցես:

Արդ եթէ նա վասն նորա յաշտ
առնէր, զի որդի լինիցի նմա,
իսկ Որմիզդ վասն նորա յո՞ր
սակս առնէր. միթէ կասկած ինչ
ուստեք էր նմա, և այնր աղա-
զաւ պատուիրէր նմա վասն իւր
յաշտ առնել. միթէ յորմէ զոր-
դին խնդրեցաւ, թէ զուցէ ընդ
որդոյն տալոյ՝ զնա բաժ առ-
նուցու: Եթէ այն ինչ ի մտի
էր նորա, բարսմունք ինչ ոչ կա-
րէին օգնել. և ի տալ զբարս-
մունսն չասաց սա՝ թէ դու ինձ
յաշտ առնիցես. զի ցուցցէ թէ
էր ոմն՝ որում նա վասն որդոյն
յաշտ առնէր. և որդոյն պատուի-
րեաց վասն իւր նմին յաշտ առ-
նել:

Եւ եթէ էր ոք ի վեր քան զնա
և քան զորդին, որում զյաշտն
առնէին, զնա պարտ էր իմանալ
պատճառ իւրեանց և արարիչ առ
մենեցուն, և ոչ զջրուան պատ-
ճառ յլրմբզի և Արհմենի. և զնո-
սա արարիչ չարեաց և բարեաց:
Քան Զրուանայ որդի. արարիչ
տայր, ոք ի վերն քան զջրուանն
էր, ինքն իսկ իւրովի չկարէր
զերկինս և զերկիր և ոք ինչ ի
նոսա՝ առնել, որպէս յառաջա-
զոյնն ասացաւ, և զիւր զօրու-
թիւնն և զբարերարութիւնն ցու-
ցանել: Կամ թէ յորդոյն իւրմէ
Արհմենայ կասկած ինչ էր նմա,
և վասն այնորիկ զբարսմունսն
յլրմիզգ տայր, զի նոքօք յաշտ
արարեալ վերագունին՝ անկաս-
կած լինիցի. ապսքէն պարտ էր
ումեք ի միջի լինել, որում
զյաշտն առնէր: Եւ եթէ էր ոք
ի միջի՝ որում օրէն էր զյաշտն
առնել, ապա Զրուանն չէր մըշ-

տընջենաւոր, այլ յումեքէ եղեալ:
Եւ պարտ է խնդրել յումեքն նայն
եղել, և ով էր ում ինքն զյաշտն
առնէր, և ով այն որում որդոյն
հրամայեաց վասն իւր յաշտ առ-
նել: Զի ոչ է մարթ ումեք սկիզբն
առնուլ լինելոյ, եթէ ոչ յայլմէ
առնուցու զինելն. և Աստուած
միայն կարող իցէ առնել յոչըն-
չէ ինչ որպէս և կամի: Եւ արդ
ով իցէ ոք զջրուանն արար, ե-
թէ ոչ Աստուած, որում և զյաշտն
առնէր, ոք և որդի այնպիսի ետ
նմա, զի զերկինս և զերկիր և
ոք ի նոսա՝ առնիցէ: Եւ այն են
զարմանք՝ զի ինքն ոչ արար, և
որդոյն Զրուանայ կարող է տալ
զառնելն:

Այլ չէր ոք ի միջի, ասեն, ո-
րում Զրուան զյաշտն առնէր.
Եթէ այնպէս իցէ, և ոչ Զրուանն
իսկ էր. և մեծի ծաղու արժանի
է, զի չէրն չէին վասն չէին յաշտ
առնէր:

Տ. ԱՅԼ թէ և բախտ ևս էր՝
որպէս ասենն՝ Զրուանն, ապա-
քէն ուրուք բախտ էր, և ով էր
արդեք ոյր բախտն էր : Զի
բախտ անձնաւոր ինչ չէ, այլ
գէպք աջողութեան, որպէս յար-
դարութենէն արդարն կոչի, և ի
քաջութենէն քաջն, նոյնպէս և
ի փառաւորութենէ անտի բախ-
տաւոր : Արդ եթէ բախտ էր
Զրուանն՝ չը ինչ անձնաւոր. ուս-
տի յայտ է՝ թէ բնաւ և էր իսկ
ոչ Զրուանն :

Եւ եթէ որպէս ասեն՝ ի շեր-
կուանալոյ անտի յդացաւ
Արհմնն, յառաջնումն իսկ պարտ
էր նմա յերկուանալ՝ զի թող
անդէն ետ ընդ եռ լինէր նմա
որդի, և ոչ հազար ամ տառա-
պել և յաշտ առնել՝ զի որդի
ծնցի : Սակայն եղեւ նմա թէ չար
և եթէ բարի, և զչարութիւնն
յիւրոց բարուց առ, և ոչ ի
ծննդենէ անտի . քանզի չէր մարթ

միում արգանդի զչարեացն գոր-
ծօնեայ և զբարեացն արարիչ
ընդունել : Զի եթէ չար էր, չա-
րին ևեթ պարտէր ասպնջական
լինել . և եթէ բարի էր բարւոյն :
Քանզի բարին և չար ի միում
անկանել ոչ մարթէին, որպէս
զի ոչ գայլք և զառինք ի միու-
ջէ արգանդէ ծնանին . զորոց
զբարւոյն կողմն յՈւրմըզդէ զնեն,
զարջառաց և զոչիսարէ և զայլոց
պիտանացուաց . և զչարին կողմն
յԱրհմնայն, զգայլոց և զգազա-
նաց և զբճեաց վլսասակարաց :
Եւ զայն ոչ զիտեն՝ թէ որպէս
վլսասակարացն ընդ անվլսասա-
կարսն չմարթի բնակել, նոյն-
պէս և ոչ բարւոյն ընդ չարին
մարթէր ի միում արգանդի յդե-
նաւ : Զի զոր օրինակ չէ մարթ
զհուր և զջուր ի մի վայր առ-
նել՝ թէ զորցէ յոլովեալ կողմնն
ապականիչ ընկերին իւրում լի-
նիցի, նոյնպէս և ոչ բարւոյն և

չարի ի մի վայր մտանել հնար
էր. ապա թէ ոչ, կամ նա զսա
ապականէր, կամ սա զնա:

Արդ եթէ ի սերմանէ իցեն որ-
դիքն, չմարթէր միումն երկուս
սերմանս հակառակ միմեանց ար-
կանել, նա և ոչ միում արգան-
դի երկուս սերմանս այլ և այլս
ընդունել: Զի թէպէտ և բազում
արք ի մի կին մերձենայցեն՝ այլ
ոչ եթէ ամենեցուն սերմանքն
կոռուցին. քանզի առաջին ան-
կեալ սերմնն զայլսն իբրև զա-
ւելորդս ի բաց թքանէ: Եւ զիարդ/
էր՝ զի այն արգանդ երկուս սեր-
մանս միմեանց թշնամիս ընդու-
նէր:

Եւ զարձեալ ընդէ՞ր ոչ յաղ-
թեաց յաշտածին ծնունդն, և
եղն արգել յերկուական ծնրն-
դեանն. այլ իշեալ միմեանց թշ-
նամիքն հաշտութեամբ խաղա-
ղիկ ի միում արգանդի գառէին:
Նա և հայրն եթէ երկու որդիս

զիտէր յորովայնին՝ զմին բարի
և զմինն չար, ոչ խառն ի խուռն
պարտ էր խոստանալ զթագաւո-
րութիւնն, այլ այնմ միայն՝
վասն որոյ զյաշտն առնէր:

Բայց ապաքէն և Որմիզզն
մինչ չե ծնեալ էր՝ թերակատար
էր. և զիարդ թերակատարն
զխորհուրդն հայրենի իմացաւ.
զի որ զխորհուրդս ուրուք ճա-
նանաշել կարէ, նա ի վեր է քան
զնա. որ Աստուծոյ միայն է, և
ոչ մարդոյ: Ուստի Որմիզզ վե-
րագոյն է քան զհայրն և հզօր
և իմաստուն. զի մինչ գեռ յո-
րովայնի էր՝ զխորհուրդ հօրն
զիտաց. և ելեալ յորովայնէ ան-
տի կարող եղեւ զերկինս և զեր-
կիր առնել, զոր հայրն ոչ կա-
րաց առնել:

Եւ արդ՝ որ այնչափ հզօր և
իմաստունն էր քան զհայրն,
զտանի վատթարագոյն՝ զի ի
վատթարէն խաբեցաւ, այնու զի

զիսորհուրդ հօրն յայտնեաց նմա՝
ընդ ուրում անհաշտ թշնամու-
թիւնն պարտ էր ունել և ոչ բա-
րեկամութիւն:

Դարձեալ՝ թէ ծակել ևս պարտ
ինչ էր զորովայնն և ելանել,
նմա պարտ էր՝ որ զիսորհուրդ
հօրն իմացաւ, զի թող ինքն նախ
երթայր և առնոյր զթագաւորու-
թիւնն, և ոչ Ալհմենայ՝ որ ոչ
զիսորհուրդ հօրն զիտէր, և ոչ
թագաւորութեանն ինչ անդ էր:
Յայց թէ ծակեաց զորովայնն,
թերես և սպան իսկ զմայրն.
զոր պարտ է ինդրել՝ թէ ար-
դարե արդեք մայր զնյր նոցա:

Այլ ուստի՝ յայտ իցէ՝ թէ
մայր զոյր. մանաւանդ զի ասեն
իսկ՝ թէ մինչ չկ էր ինչ բնաւ,
ոչ երկինք և ոչ երկիր, Զրուան
միայն էր. որ մեծի ծաղու ար-
ժանի է՝ եթէ ինքն հայրն իցէ
և ինքն մայր, և նոյն սերմա-
նարկու և նոյն սերմնընկալ: Եւ

որ ևս վատթարագոյնն է, իբրև
ծակեաց, ասեն, Արհմնն զորա-
վայնն և եկն եկաց ասածի հօրն,
ոչ ծանեաւ զնա հայրն: Արդ զի-
արդ ոչ ճանաչէր, զի որ ուրեք
չէր՝ մինչ ինքնն միայն էր. ոչ
ապաքէն յայտ էր՝ թէ որ առ
այն եկն, մի ոք յորդոցն նորա
էր, և գտանի վատթարագոյն ևս
քան զվատթարն, զի նա զսա
ծանեաւ, և սա զնա ոչ ծանեաւ,
և յուրաստ էր յորդոյ անտի՝
թէ իմ որդին անուշահու և լու-
սաւոր է, և զու խաւարին և
ժանդահու ես: Եւ զիարդ ոչ էր
նորա որդի, որ ընդ բարւոք որւ-
դոյն նորա ի նմին արզանդի
յլացեալ էր. և զնմանէ յուրաստ
էր՝ թէ չես զու իմ որդի, և ըզ-
միւսմէն խոստուկ՝ թէ որդի իմ
է: Եւ եթէ իբրև ի չարէ յու-
րաստ էր, ապա և յզութեանն
զնա չէր պարտ արժանի առնել,
այլ անդէն իբրև ի չարէ յոր-

շել և սատակել, և ոչ միայն զնա,
այլ և զԱրմիզդ՝ որ զխորհուրդսն
ի վեր ենան:

Ե. ԱՅԼ և միւսն ևս անպի-
տանագոյն է՝ զոր ասենն, թէ և
զբարսմունսն ետ նմա՝ առնել
վասն իւր յաշտ, իբր ոչ եթէ
յԱրմըզդի կամ ի յազելն էր զօ-
րութիւնն՝ այլ ի գաւազանսն:
Զի եթէ ինքն հաւատարիմ էր
լինելի լինելոյ, ապա աւելորդ իմն
էր զգաւազանսն ի ձեռին ունել.
և եթէ ինքն չէր արժանի, և ոչ
գաւազանքն բաւական էին ար-
ժանի առնել յազելոյ զանար-
ժանն. զի բարսմունս ունել և
յաշտ առնել՝ մարդկան զործ է
և ոչ Աստուծոյ: Խսկ եթէ նա
Աստուած էր, և կարող էր զեր-
կինս և զերկիր առնել, զի՞նչ պի-
տոյ էր նմա բարսմունս ունել և
յաշտ առնել, զի զհայրն ի կաս-
կածանացն ալրեցուցէ: Որ
զերկինս և զերկիր կարող էր առ-

նել առանց բարսմանցն, զհայրն
զիանրդ ոչ կարէր անհոգ առնել
առանց զաւազանացն: Եւ արդ
յայտ նղե՝ թէ հայրն անմիտ և
տկար և յայլ ապաստան էր, և
որդին նոյնպէս տկար և անմիտ.
զի ոչ նա՝ որդի առանց յաշտ
առնելոյ կարաց ծնանել, և ոչ
որդին՝ առանց զգաւազանսն ի
ձեռն առնելոյ կարաց զնա ազատ
առնել ի կասկածանաց:

Ը. ՆԱ. Ե. Ականաց ևս չարին
երկոքին պատճառք եղեն, չար-
չարելոյ զբարւոք արարածս բար-
ւոյն: Զի Որմիզդ, ասեն, որ ինչ
բարի էր՝ զայն առնէր, և արս
արդարս և բարեզործս, և Արհմնն
զչար արարածս և զդես:

Արդ՝ եթէ դեքն չարի արա-
րածք և չարք էին բնութեամբ,
և ոչ մի ոք ի նոցանէ բարի ինչ
երեք իմանալ կարէր. նա և ոչ
Արհմնն իսկ զլխովին: Բայց արդ
տեսանեմք, զի միումն՝ որ կարի

վայելուչն իսկ է ի մէջ արարածոց, որպէս ասեն, Արհմնն եղեւ հնարագիւտ լինելոյ: Իբրև ետես, ասեն, թէ արարածս գեղեցիկս արարիրմիզդ, և լոյս զգիտաց առնել, խորհեցաւ ընդ դեօ' ասէ, զի՞նչ օգուտ է Որմըզդի, զի այն պիսի գեղեցիկ արարածս արար և ի խաւարի կան, զի լոյս ոչ զգիտաց առնել: Որդ եթէ իմաստուն էր, ընդ մօրն մտանէր, և արեգակն որդի լինէր, և ընդ քեռն անկանէր, և լուսին ծնանէր, և պատուէր տայր՝ զի մի ոք զխորհուրդն ի վեր հանցէ: Զայն լուհալ Մահմեայ գիւի՝ վաղվաղակի առ Որմիզդ հասանէր, և զխորհուրդն նմա ի վեր հանէր: Ո՞վ անմտութիւն և անհամ մորտութիւն, որ գերկնից և գերկրի և զամենայնի որ ի նոսա՝ զհանգամտնսն առնելով կարաց գտանել, զսակաւիկ ինչ զհայթայթանացն հնարս չմար-

թէր իմանալ: Եւ այսու ոչ միայն զՈրմիզդ անմիտ առնեն, այլ և զՈրհմնն՝ բարի բարի արարածոցն հնարագիւտ:

Որպէս և զմիւս ևս ասեն՝ թէ Արհմնն ասաց, ոչ եթէ չկարեմ առնել բարի ինչ, այլ չկամիմ. և առ ի հաստատուն զբանն առնելոյ՝ արար սիրամարգ: Տեսանես զի կամօք է չար՝ և ոչ ի ծնէ:

Որդ զի՞նչ պայծառագոյն քան զլոյս կայցէ, որում Արհմնն հնարագիւտ եղեւ. կամ զի՞նչ գեղեցկագոյն քան զսիրամարգ՝ զոր առ ի ցուցանելոյ զգեղեցկագործութիւնն արար: Եւ այսու յայտ է՝ զի թէ չար ոք էր բնութեամբ Արհմնն, ոչ հնարագիւտ լուսոյ լինէր, և ոչ արարիչ գեղեցկութեամբ չարք էին, չէր հնար Մահմեայն հանգամանաց լուսոյն առնելոյ գուշակ լինել, որում

ցայժմ՝ պաշտօնեայք այնր քէշի
երիցս յամի զոհս մատուցանեն.
ուստի յանդիմանեալ կշտամբին՝
թէ և նորա գիւապաշտք են. և
դեքն ոչ չարք ի բնէ, այլ կա-
մօք: Եւ եթէ ինքեանք գիւի զոհս
մատուցանեն, որովք երեսօք
գիւապաշտն հալածիցեն: Տե-
սանե՞ս զի ամենայն ինչ, որ ի
նոցանէ ասի, առասպելք են և
սնութի պատմութիւնք:

Թ. ԴԱՐՁԵՍԼ նորին որ զլու-
սաւորացն արարած յայսպիսի
պատճառանաց գնեն, չը ջեալ
զայս բանս՝ այլ իմն պատճառ
լինելոյ արեգական մուծանեն:
Արհմնն, ասեն, զՈրմիզդ ի ճաշ
կոչեաց. և եկեալ Որմըզդի՝ չկա-
մեցաւ զճաշն ուտել, եթէ ոչ նախ
որդիքն նոցա կոուիցեն: Եւ ի
խեթկել որդոյն Արհմենի զոր-
դին Որմըզդի, ի խնդիր եղեն
դատաւորի և ոչ գտին. ապա ա-
ռեալ արարին զարեգակն, զի
լիցի նոցա դատաւոր:

Անդ հնարագիւտ լինելոյ արե-
գական ասեն զԱրհմնն, և ասու
յայտնի իսկ արարչակից լուսոյ:
Եւ եթէ այլ ոք չգոյր դատաւոր,
և առ հայրն չկարէի՞ն երթալ,
կամ առ այն՝ որում հայրն և
որդին յաշտ առնէին ըստ առաս-
պելին:

Եւ արդ զիա՞րդ իցեն թշնամիք
միմեանց Որմիզդն և Արհմնն՝
որք ի միում արգանդի գայուա-
ցին, և ի միմեանց ճաշ երթա-
յին, և իրերաց գործակցութեամբ
զարեգակն ստեղծեալ՝ դատաւոր
կացուցանէին: Արդ զմին՝ Զրա-
կաշտ ոմն զեղխագործութեան
գնէ, եթէ ի մայրենի և ի քե-
ռական առականաց արեգակն և
լուսին արարան, զի ընդ այն
հայեցեալ ազգին՝ ի նոյն պըզ-
ծութիւնս անխտիր լինիցին. և
զմիւսն՝ վասն զամօթն ծածկելոյ
համբաւէ՝ թէ վասն դատաւորու-
թեանն արարին: Եւ քանզի ընդ

զրովք չեն կրօնքն, երբեմն զայն տսեն, և այնու խաբեն, և երբեմն զայս, և սովին պատրեն զոխմարս: Բայց թէ աստուած էր Որմիզդն, յոշընչէ կարող էր առնել զլուսաւորսն՝ որպէս զերկինս և գերկիր, և ոչ ի ժանշ զագործութենէ, կամ առ ի չգոյէ դատաւորի:

Ֆ. ԴԱՐՁԵԱԼ միւս ևս իմն ասեն, որ ամենկին չէ հաւատալի, թէ իբրև մեռանէր Որմիզդ՝ ըզսերմն իւր յաղբիւր մի արկ, և մօտ ի վախճան յայն սերմանէ կոյս մի ծնանելոց է, և ի նմանէ որդի եղեալ՝ հարկանէ զբագումս ի զօրացն Արհմենի, և երկու ևս նոյնպիսիք նոյնգունակ եղեալք հարկանեն զնորա զօրսն և սպառեն:

Նախ այնու յանդիմանին, զի ջուր՝ սերման ոչ պահիչ է, այլ կորուսիչ: Եւ ապա միւսովն կըշտամբին. քան աղբերն զսերմն

կենդանի տայր պահել՝ զինքն ընդէ՞ր ոչ զօրեաց պահել կենդանի, այլ այնպիսւոյ բարւոյ աստուծոյ որդի՝ ի չարէն որդւոյն սատակեցաւ: Եւ յայտ է՝ թէ որք յանկածութեանն յաղթեցին բարւոյն և որդւոյ նորա, և ի վախճանի նորին բոնանաւոց են, որոց այնչափ անչափ զօրս համարեն:

Դարձեալ՝ եթէ աստուածք նոցա մահկանացուք իցեն, ինչքեանք յարութեան ակն զիարդ ունիցին. և մանաւանդ երեքմատեանն յարութեան՝ զոր չէ պարտ յարութիւն համարել, այլ չյարութիւն: Բայց թէ արդարեկ՝ որպէս ասենն՝ թէ որդին մեռաւ, և յՈրմըզդէ և ի միւսմէ որդւոյն նորա ի խորաշետէ չէր օրէն թերահաւատ լինել՝ թէ չմեռանիցին. որովհետև միանգամ ամուսնաւորաց և մահկանացուաց ազգ է տոհմ աստուածոց նոցա:

Եւ զայնպիսի աստուած ոչ առ
աստուածս պարտ է ունել, այլ
առ չաստուածս : Զի որ ճշմա-
րիտ Աստուածն է, զամենայն ինչ
զիւր մշտնջենաւորութեամբ ու-
նի. որպէս զէութիւնն, նոյնպէս
և զյաւէժ կենգանութիւնն, և
զորդին միշտ ընդ իւր ունել՝ ա-
ռանց իրիք պատճառանաց և միջ-
նորդութեան, և զարարչութիւնն
ոչ ի հայթայթանաց, այլ ի կա-
մակար կարողութենէ : Եւ ոչ զոք
ունի իւր հակառակ՝ թէ ինքն
բարեաց արարիչ իցէ և միւսն
չարեաց. որպէս նոքա Որմզգգի
զբարի արարածոն գնեն և Արհ-
մենի զշարսն. զոր ոչ կարեն ցու-
ցանել, թէ հաւաստեաւ հայթ-
ցին, չար ինչ արարած՝ որ ի
բնէ չար իցէ, ոչ զԱրհմնն և ոչ
զդևս՝ զոր նմա արարածս գնեն.
որպէս բազում անգամ յոգնա-
գոյն օրինակօք ոչ մոռացաք յա-
ռաջին ճառսն յայտ առնել :

Այլ թէ Արհմնն չար կարծիցի
նոցա, վասն զխարամանի անունն
յանձին կրելոյ՝ առ ի յարեէ
զարեզակնատենչիկսն արկանե-
լոյ, ուստի և զանունն իսկ ըզ-
Խարամանոյ առ, նոյնպէս և
սատանայն անուն՝ ոչ բնութեան
ինչ անուն, այլ բարուց, որպէս
ի բարութենէ ոք բարի կոչի, և
ի չարութենէ չար, և այն ոչ եթէ
բնածին բարք են, այլ եկամուտս:
Եւ յայտ անտի է, զի բազում
անգամ զբազում անզգամս տե-
սանեմք զգօնացեալս, և զզգօնսն
անզգամեալս. զլկոփս զգաստա-
ցեալս, և զզգաստս լկտեցեալս.
այն՝ որ ի բանաւորաց ի կող-
մանէ անտի է:

ԺԱ. ՆԱ և անբանաւորացն ա-
նասնոցն վասն այլ և այլ բա-
րուցն ոչ երկուս արարիչն պարտ
է իմանալ, որպէս նոքայն առ
տիմարութեան կարծեցին՝ թէ
Որմիզգն զանասունս, զչորքու-

տանիս և զթոչունս և զձկունս
և զամենայն ինչ՝ որ բարի և
գեղեցիկ է՝ արար. և Արհման
զգազանս չարս և զթոչունս պիղծս
և զսողունս և զօծս և զկարիճս
և զամենայն վասակար ճճիս:
Եթէ երկինք և երկիր և օդք և
ջուրք Որմըզգի արարածք իցեն,
զիարդ վասակարքն արարեալք
Արհմենայ ի նորա երկրի բնաւ-
կիցեն, և զնոյն օդս ծծիցեն, և
նովին կերակրովք՝ որ յերկրէ
են՝ բուժանիցին, և ի նոյն ջուրս
պիղծ ճճիքն ընդ սուրբ ձկունսն
սնանիցին, և ի նոյն օդս գիշա-
կեր թռչունքն ընդ ազնուագոյն
թռչունսն շողայցեն. զորս պարտ
էր Որմըզգի բարիոք արարածոցն
սատակել և ոչ սնուցանել. քան-
դի նորա է երկիր և ջուրք և
օդք:

Եւ եթէ զազանք վասն մսա-
սակարութեանն ի չարէ ումեքէ
արարչէ կարծիցին, զմարդիկ ա-

ուաւել արժան է ի չարէ արարչէ
իմանալ, և ոչ զնոսա: Զի սոքա
աւելի վասակար են զազանացն՝
քան թէ զազանքն սոցա. զի սո-
քա ելեալ ի քաղաքաց և ի գիւ-
ղից՝ հետամուտք լինին կոտորե-
լոյ զգազանսն, և նոքա սրա-
ցեալք ի լերինս և յափափայս
ճեպեն անկանել վախստականք.
յորոց կիսոցն և մորիքն արտա-
քոյ ընտելութեան մարդկան են:

Նոյնպէս և սողնոցն զիօշխւն
միայն զմարդոյն առեալ, է որ ի
ծակս, է որ ի սորս, է որ ընդ
փապարս երկրի մտեալ զօղն.՝
և եթէ ի կարի նեղելոյ զնոսա
մարդկան՝ մեղանչիցեն, այն
մարդկան վսաս է և ոչ նոցա:
Եւ այնու ոչ ի չարէ ումեքէ պարտ
է զգազանսն և զճիս իմանալ,
այլ ի միոջէ բարւոյ արարչէ.
զկէսսն ի պէտս, և զկէսսն ի
զարդ, և զկէսսն զարհուրեցու-
ցիչս՝ վասն զտարապարտ հպար-

տութիւն մարդոյն ցածուցանեւոյ։ Դարձեալ ի նոցա վնասաւ կարութիւնն հայեցեալ՝ միմեանց չմեղանէել. զի թէ զնոցայն վնասակարութիւնն՝ որ ոչ խորհըրդով լինի՝ ատեալ պարտ իցէ, ո՞րչափ ևս առաւել զմարդկան մեղանչականութիւնն՝ որ խորհըրդով և նենգութեամբ լինիցի։

Նա և չքոտեօքն զկծեցուցանէ զմեզ, որպէս լուովն և ճանճիւ և մժխով և զոռեխով, և մնով մկամբ, և այլովք նոյնպիսեօք, որք չնշիկքն են, և զմեզ աշխատ կարեն առնել։ Զի է ի նոցանէ՝ որ զմեզ աշխատ առնէ, և է ինչ որ մերումն վնասակար լինի. որպէս և մուկն և ցեց և որդն, և որ ինչ նոցա նմանօղ իցէ։ Եւ նորօք ցածուցեալ զնսուցանէ զմիտս մեր. զի յորժամ զիտիւցեմբ՝ թէ և փոքրունքն կարող են մեզ վնասակար լինել, իշցուք ի տարապարտ հպարտութենէ՝ չունել զանձինս առ մեծարգիս։

Դարձեալ՝ և զինամն ևս Աստուծոյ զմուաւ ածել՝ թէ ուր փոքրունքն կարեն մնղանչել մեզ, զիա՞րդ կարէաք ապրել՝ թէ ընդ սողունս և ընդ գազանս բնակակիցս արարեալ էր զմեզ։ Այլ և յայն ևս հայել պարտիմք՝ թէ ո՞րչափ անսասունս վասն մերոց պիտոյից ընդ մեք հնագանդեաց, զծիս և զուգս և զփիզս և զարջառ և զոչխար. և ի լերանց և ի գաշտաց՝ զայծեմունս և զեղջերուս և զառինս և զվարազս, որոց կէսքն կրելիք են և կէսքուտելիք։

Եւ զայն ևս զիտել ետ մեզ, թէ որոց նա կամի՝ յաղթականք կարեմք լինել. և որոց ոչ կամի չկարեմք յաղթել՝ ոչ միայն արգաւորացն, այլ և չնշենոցն։ Զի՞նչ վատթարագոյն քան զլուն և ըզմուկն կայցէ. և զայն ոչ սպառել կարեմք, և ոչ յաշխարհէ մերժել։ Եւ այլն ևս ինչ մի ի

զուրս է, և զմեր պէտս ոչ հարկանիցէ, բայց միայն զի զկծեցուցանիցէ . յորժամ տեսանիցմք՝ թէ չեմք բաւական զնոսա սպառել, ծանիցուք զանձանց տկարութիւն, և զիջցուք ի զուրհարտութենէ, և նմա միայն տացուք զյաղթութիւնն, որ չընչենովքն զմեզ աշխատ առնէ, և զմեծամեծսն հնազանդէ մեզ. զոր օրինակ զփիղս և զուղտս և զառիւծս և զինծս և զյովազս. զորոց զկէսսն ի կրելիս, և զկէսսն ի զբուանս ընտելացուցեալ համբուրեցուցանէ:

ԺԲ. ԻԱԿ այլք այլազգ կարծեցին զսատանայէ, թէ Աստուածիսկ զնա չար արարա:

Արդ եթէ Աստուածոյ զնա չար արարեալ էր, ընդէ՛ր հալածէ եւ կեղեցի զգկս. եթէ վրէժխնդիրք չարեաց հաստատեցան դկք, ապա վնաս առնէ եկեղեցի այնոցիկ՝ որ նոքօքն խրատիցին, և

հակառակ կամացն Աստուածոյ կայ. զի նա ի խրատ արար զնոսա, և սա հալածէ : Բայց զի զհալածելն ոչ յանձնէ ինչ ունի՝ այլ յԱստուածոյ, յայտ անտի է եթէ ոչ նախ փչեաց Տէրն յերկոտասանսն հոգի, և ետ իշխանութիւն եթանասնիցն, ոչ կարէին հանել զգկս: Նա և ինքն իսկ եթէ խրատիչ զփտէր զնոսա, ոչ սաստէր ի նոսա. և ոչ աշակերտացն իւրոց հալածել հրամայէր, որոց իւրն հրաման տըւեալ էր մոանել ի մարդիկ:

Եւ զփարդ իցէ, զի հրեշտակը երբ լսեն զանունն Աստուածոյ՝ ուրախ լինին, և դկք ոչ երբեք. այլ առաւել, իբրև լսեն, քստմին: Եթէ կարճիչք յանցանաց էին դկք, ոչ երբեք ըզմարդիկ ի կուապաշտութիւն յօժարեցուցանէին, և ոչ ի պէսս աղանդս փիլիսոփայից և հերձուածողաց, ոչ ի բաշխս բախ-

ոից, և ոչ ճակատազրաց, և ոչ կապելոց հրամանաց. ոչ ընդ աստեղս պշուցանել՝ թէ նորա ինչ իցեն պատճառք բախտաւուրութեան և չուառութեան:

Եւ զի դիւաց զիւտ է կոաւ պաշտութիւն, վկայէ Գաւիթ՝ թէ ամենայն աստուածք հեթանոսաց գեք են: Եւ երանելին Պաւլոս ասէ, թէ զի՞նչ հաղորդութիւն կայ Քրիստոսի ընդ բելիարայ: Եւ ահաւանիկ, որպէս ասենն, հաղորդութիւն կայ նոցա ընդ միմեանս. զի եթէ վասն զի չար արար զնա Աստուած՝ չարչարիցէ, չէ օրէն զնա չար կոչել՝ այլ վրէժինդիր. զի չար յայնժամէր, թէ զիրամանն ոչ կանարէր:

Բայց ընդէ՞ր ոչ նա, այլ հրեշտակ Աստուածոյ եհար զանդրանիկոն եգիպտացւոց, և բազում անգամ զէրեայն յանապատի անդ: Զի եթէ նա յայն եղեալ էր, ընդէ՞ր ոչ նայն հարկանէր՝

այլ հրեշտակ: Եւ յաւուրս Գաււթի՛ ևթանասուն հազար յերկուտասան ցեղիցն Խորայելի, և ի բանակէ ասորեստանոյն՝ հարիւր ևթանասուն և հինգ հազար զօրս եհար հրեշտակ Աստուածոյ, և ոչ գեք: Ընդէ՞ր և յաւուրս Յեսուվայ որդւոյ Յովսեղեկայ՝ հրեշտակ ասէր բքանսարկուն, որ կայր նմա հակառակ. թէ սաստեսցէ ի քեզ Տէր՝ սատանայ: Ընդէ՞ր և որդիք սատանայի կոչին Հրեայքն՝ վասն զօրինօքն անցանելոյ, եթէ նա կայցէ ի հրամանին՝ զոր առ, և նորա անցին զպատուիրանաւն: Եւ բնաւիսկ սուտ ընդէ՞ր կոչիցի, որ արդարն կայցէ ի կարգին. զի ոչ ի նմանէ է չարութիւնն, այլ յայնմանէ՝ որ զնա այնպիսի արար, և զմէ՞ առաքիցի ի խաւարն արտաքին:

Այլ, ասեն, հանգիստ է նմա խաւարն: Նա աւանիկ ոչ զայն

աղաղակէր լէգէոնն զիւաց, այլ
թէ տանջանք պատրաստեալ են
նմա: Զի՞ կայ մեր և քո, ասէ,
որդի Աստուծոյ, զի եկիրդ այսր
յառաջ քան զժամանակն տան-
չել զմեզ: Եւ զի զվատթարու-
թիւնն նորա յայտ առնիցէ, ա-
սէ. ոչ ոք կարէ առնուլ զգոր-
ծիս հզօրին, եթէ ոչ նախ զհզօրն
կապիցէ: Արդ ընդէ՞ր կապէր
զնա, եթէ ոչ՝ զի զիտէր թէ կա-
մօք չարանայ, և յորժամ կամի՝
կարօղ է զգօնանալ:

Եթէ ի բնէ ի չարչարել եղեալ
էր զնա՝ ընդէ՞ր բամբասէր չարի
անուամբ, որ զբնութիւնն նոյն-
գունակ որպիսի եղեն՝ պահէր:
Նա և ոչ պատժոց արժանի էր,
վասն ստուգելոյ զբնութիւնն.
քանզի և ոչ զհուր ոք պատժէ,
թէ ընդէ՞ր այրէս, և ոչ զջուրս,
թէ ընդէ՞ր հեղձուցանէք: Եւ
միանգամայն և հրամանացն ևս
հարցուածք սովին մոօք լուծա-
նին:

Ճ. ՀՐԱՄԱՆԱՅԻ, ասեն, մե-
ռանիցին մարդիկ, թէ առանց
հրամանաց:

Նախ պարտիմք զիտել՝ թէ
զի՞նչ հրամանքն իցեն, և ուստի
բան հրամանացն ընդ աշխարհ
տարածեալ իցէ:

Հրաման կապեալ վասն մա-
հուան՝ յաստուածատուր զիրս
ոչ ուրեք գտանեմք, քանզի Տէրն
մահու և կենաց՝ և կարճել իշխէ
զհրամանն իւր և երկայնել: Որ-
պէս առ ջրհեղեղաւն ասէ. եղիւ-
ցին աւուրք կենաց մարդկանս
այսորիկ հարիւր և քսան ամ.
և վասն բազմութեան անօրէնու-
թեանն պակասեցոյ ի նոցանէ
զքսանն: Եւ որպէս առ Ագա-
մամքն ասէր, յաւուր յորում
ուսես ի պտղոյ ծառոյն, ի նմին
մեռանիս. և առ իւրում բարե-
րարութեանն, և վասն որդէ-
ծնութեան և մարդկան յաշխարհի
սերելոյ, ներեաց նմա ինն հա-

րիւր և երեսուն ամ, զի մի՛ գեւ զեցիկ օտեղծուածն իւր համօրէն ջնջեսցի: Եւ վասն արտասուացն Եզեկիայի արքայի՝ յաւելաւ նմա հնգետասան ամ: Եւ վասն ապաշխարութեան նինուէացւոցն՝ ոչ կորոյս զքաղաքն յաւուրն երրորդի ըստ քարոզութեան մարգարէին իւրոյ:

Եւ ոչ որպէս քաւդեայքն աստեղանշմարք, որ և զծննդոց պատճառս և զմահուանց՝ յաստեղաց իբրև ի կենդանեաց զնեն: Որպէս թէ յորժամ ծնանիցինն, անդէն և մահուանքն իւրաքանչիւր ուրուք անվրէպ սահմանիցին. և ըստ այն ոչ յառաջել ումեք մեռանել հնար իցէ, և ոչ յամենալ:

Այլ յանդիմանեն զնոսա և պատերազմացն դէպք. զի ի միում աւուր բիւրք բիւրուց մարդկան կոտորին այլ և այլ տիովք, կէսք մատաղօրեայք, և կէսք եւ

րիտասարդք, և այլք ի կատարեալ հասակի ծերութեան. որոց ծնունդքն ի միում ժամու չէին, և մահքն ի միասին եղանին:

Եւ դարձեալ՝ թէ յաստեղաց էին պատճառք ծննդոց, ընդէ՞ր ի հնդիկս ոչ ոք երբեք սպիտակ ծնաւ, և ոչ յայլ աշխարհս այն պիսի ինչ երեակ. մի՛ թէ անդր միայն ոչ եհաս աստղն սպիտակարար, և ոչ յայլ աշխարհս աստղն սեագործ: Եւ ատամունքն հնդկին ուստի՝ իցեն այնչափ սպիտակ:

ԺԱՐՉԵԱԼ բախտաւորութեանց և չուասութեանց՝ զաստեղմն զնեն պատճառս. որպէս թէ աստեղատոնք ինչ իցեն, և ըստ դիպելոյ պատճառաւորաց աստեղացն յաստեղատունսն նոյնպիսիք և ծնունդքն լինիցին:

Մինչ դեռ առիւծն, ասեն, յաստեղատանն իցէ՝ և ծնանիցի

ոք, թագաւոր լինելոց է, և մինչ
գեռ եղն է և ծնանիցի ոք, հզօր
և բարենշան զալոց է, և մինչ
գեռ խոյն է՝ և ծնանիցի ոք, մե-
ծատուն լինելոց է, և որպէս
նայն թաւ և ասուեղ է. և յոր-
ժամ կարիճն է՝ և ծնանիցի ոք,
չար և մեղանչական լինելոց է:
Եւ այլքն ևս այլոց ազգի ազգի
իրաց պատճառք լինին։ Որպէս
թէ յորժամ կոռոնոսն յաստե-
ղատունն մտանիցէ, թագաւոր
մեռանի. որ եղեն իսկ երկիցս,
որպէս ասենն, առ թէողոսիւ
կայսերք. և քաւդեայքն պնդեալ
էին՝ թէ մեռանի թագաւորն, և
նա ոչ մեռաւ, զի յամօթ լի-
ցի սափասուտ արուեստգիտու-
թիւնն։

Արդ նախ զայն ասասցեն. ո՞
ենան զայնպիսի երկրական ա-
նուանս՝ զգիշակեր և զինոտա-
կերս յերկինս, զի պատճառք
ծննդեան մարդկան լինիցին. զի

որ ոք ուրուք պատճառ ծննդեան
կարիցէ լինել, նա ի վեր քան
զնա՝ որոյ պատճառն է՝ պարտի
լինել իմաստութեամբ։ Արդ հա-
սարակաց մտօք հայեցեալ, տես-
ցուք ո՞ ի վեր իցէ, մարդն՝ որ
անասնոյն տիրէ, թէ անասունն՝
որ մարդոյն ի հարկի կայ. և
ոչ միայն ի հարկի կայ, այլ և
կերակուր նորա է։ Եւ զազա-
նացն զկէսսն փախստականս ե-
ղեալս տեսանեմք, և զկէսսն յան-
տառախիտ մայրիս ամրացեալս՝
յորժամ զբարբառ միայն մար-
դոյն լսիցեն։ Քանզի զահ և զեր-
կիւզ մարդոյն՝ արկեալ է ա-
րաբչին ի վերայ զազանացն և
սողնոցն և անասնոցն և թոշնոց,
վասն առաւել զնա պատուելոյն.
զորոյ և զարարածն նորանշան
իմն ընծայեցուցանէ, թէ ստեղծ
որպէս ձեռօք, և փշեաց շունչ
կենդանի որպէս թէ բերանով.
և այնու, զի առաւել պատուա-

կան ցուցանիցէ գնա յայտ առանէ:

Այլ զի Աստուած ի յօդապատմարմնոց ի վեր է, այն յայտնի է ճշմարտից: Եւ եթէ վասն նորա եղեն գազանքն և անասունքն, որպէս փորձ իրացն իսկ ցուցանէ, զիաջրդ էր՝ զի յերկինս եւլանէին և մարդկան ծննդեան պատճառք լինէին. որք այնչափ հեռի են ի կենդանութենէ, որչափ ճրագ մի՛ որ ի մարդկանէ կազմեալ իցէ լուսառու լինել տան ի գիշերի: Եւ չկենդանիքն զիաջրդ կարիցեն կենդանեացն պատճառ ծննդեան լինել:

Այլ թէ չէին կենդանիք, ասեն, և ոչ գնայունք էին. բայց զի գնան, յայտ է՝ թէ կենդանիք են:

Արդ լուիցեն. եթէ ամենայն ինչ որ գնայուն է՝ կենդանի իցէ, ապա և ջուրք որ գնան՝ կենդանի համարեսցին. և կրակ

վասն շարժելոյն՝ կենդանի կարծեսցի. և օդք և հողմք վասն չնշելոյն՝ կենդանի հաշուեսցին. և տունկք և խոտոց բոյսք, որթէպէտ յամրագնացք են, սակայն աճելով երկին՝ թէ գնայունք են: Եւ արդ որպէս ոչ ամենայն գնայուն՝ կենդանութիւն մտաւոր և բանաւոր ունի, նոյնալէս և ոչ արեգակն, և ոչ լուսին և աստեղք, և ոչ երկինք իսկ՝ ընդ որով նոքա շրջին՝ կենդանութիւն ինչ մտաւոր և բանաւոր ունին: Այլ երկինք և երկիր անօթք ետեղակալք են հաստատեալք յարարչէն, ունել ամփոփ ընդ ինքեամք զամենայն՝ որ ի միջի նոցա է. և լուսաւորքն իբրև ճրագունք լուցեալք, վասն զիսաւարն ի միջոյ մնձի տանս փարատելոյ: Եւ են հարկաւոր բնակաւորք. ճրամանաւարարչին իւրեանց, ի վայելս ամենայն կենդանեաց, և իւրեանց

ինքեանք չեն, քանզի ոչ գիտեն՝
թէ իցեն և թէ չիցեն։ Որպէս և
երկինք և երկիր և ջուրք և փայտք
և քարինք են վասն որոց եղենն,
և իւրեանց ինքեանք չեն. քանզի
ոչ գիտեն՝ եթէ իցեն և թէ չի-
ցեն, այնու զի չեն մտաւորք և
բանաւորք։

Գարձեալ, որպէս ասենն, թէ
յորժամ առիւծն իցէ յաստեղա-
տանն՝ թագաւոր ծնանելոց է.
թէ այնպէս էր բազում անզամ
բազում թագաւորաց պարտ էր
ծնանել. զի ոչ մի միայն ծնա-
նի՝ յորժամ առիւծն յաստեղա-
տանն իցէ, այլ բազումք։

Եւ եթէ արզարև առիւծն էր
պատճառ ծննդեան թագաւորաց,
ապա ոչ թագաւորի որդի թա-
գաւոր լինէր, այլ ոյր ուրուք և
դիմէր ծնունդն մտանելոյ ա-
ռիւծուն յաստեղատունն։ Իսկ
եթէ տեսանեմք՝ եթէ թագաւորի
որդի թագաւոր լինի, որպէս

Դաւթայ որդի Սողոմոն ի հօրն
աթոռ նստաւ, և նորա որդին ի
նորա աթոռ. և մի ըստ միոջէ
կարզ թագաւորացն Յուդայ ձը-
գեցաւ մինչև յմակաբէացիսն։
Նոյնպէս զասորեստանեայցն և
զբարելացւոցն՝ որդի ի հօրէ առ-
նուին կ արգաւ զթագաւորու-
թիւնն։ Որպէս և ի Սասանայն
ումեմնէ՝ սասանականքն որդի ի
հօրէ կարգաւ առին մինչև ցայ-
սօր զթագաւորութիւնն սասա-
նականացն. և չգտաւ առիւծն
յերկինս մտեալ յաստեղատունն.
զի զթագաւորութիւնն յայլ ազգ
ուրեք կարասցէ փոխել յերկրին
արևելից։

ԺԵ. Եի յայտ է՝ թէ որպէս
թագաւորութեանն չէ աստղն
պատճառ, նոյնպէս և ոչ զօրու-
թեանն, և ոչ մեծատուն առնե-
լոյ. մանաւանդ իսկ զի տեսա-
նեմք զմեծատունս աղքատա-
ցեալս, և զաղքատս մեծացեալս։

Մի՛ թէ զայն ևս կարիցին ա-
սել՝ թէ մի և նոյն ասուղ մեծու-
թեան և աղքատութեան կարէ
պատճառք լինել, և զօրութեան
և տկարութեան. քանզի և ըզ-
հզօրս երբէք երբէք տկարացեալս
տեսանեմք, և զտկարսն զօրա-
ցեալս. և զշարսն զգօնացեալս,
և զզօնս չարացեալս։ Եւ ո՞ւր
իցէ այն, զոր ասենն, եթէ որ
ինչ ի ճակատազրին զրեալ է
հրամանացն, այնմ չէ հնար վը-
րիպէլ. այլ որ փառաւորն զրե-
ցաւ՝ փառաւոր է, և որ չուառն՝
չուառ. և ուր հրամանքն իցեն
և յումմէ հրամանքն, ըստ այնմ
և մեռանին. և վրիպէլ չէ հնար
ի սահմանելոյ հրամանէն։

Ո՛ հրաման տկար, և անզօր
սահման, զոր և գողքն և աւա-
զակքն կարեն խախտել, յորժամ
ի վերայ հասեալ՝ զոմն յընչից
և յարևէ արկանիցեն։ Եւ եթէ
ի սահմանելոյ ինչ հրամանէ իրքն

գործիցին, չէ պարտ՝ ոչ թագաւ-
որաց մահու հրաման տալ, և
ոչ դատաւորաց քերել և սպա-
նանել զմարդասպանն. որք ըզ-
պատուհասն ի վերայ ածելով
յայտ առնեն՝ թէ ոչ ըստ սահ-
մանելոյ ինչ հրամանացն եղա-
նին մեղքն մեղանչականացն,
այլ ի բռնաւորութենէ չարագոր-
ծութեանն։

Եւ կամ յորժամ հէն յաշխարհ
արշաւիցէ՝ տեռազերծ առնել և
կոտորել զմարդիկ, մի՛ զօրս ժու-
ղովեսցեն, և մի՛ գունդս առ
գունդս կազմեսցեն՝ հանելոյ ըզ-
հէնն յաշխարհէ. այլ իրաւունս
տացեն՝ թէ հրամանք են աշխար-
հին ի հինէ կոտորել, մեք ըն-
դէ՛ր գառնայցեմք ընդդէմ հրա-
մանացն. այլ գումարելով զօրսն
և հանելով զթշնամին յաշխար-
հէ, ցուցանեն՝ եթէ ոչ ըստ սահ-
մանելոյ ինչ հրամանի կոտո-
րածքն գործիցին, այլ ի բռնաւ-

ւորութենէ հինին՝ որ եկեալ ժլաւ տութեամբ կոտորէ զաշխարհ, և մերկանայ յընչից և յստացուածոց:

Փջ. ԲԱՅՅ զայն ևս գիտել պարտ է՝ թէ զամենայն ինչ լզվաս, որ ի վնասակարաց գործիցի, յառաջագոյն գիտէ Աստուած:

Եւ եթէ գիտէ, ասեն, զվասս՝ որ գալոց են ի վերայ մարդկան, ընդէ՞ր ոչ արգելուցու:

Եթէ ո՞րչափ վնասս արգելու Աստուած ի մարդկանէ՝ այն ոչ ամենեցուն յայտնի է, այլ նմամիայն՝ որ զամենեցուն զինամս ըստ իւրաքանչիւր պիտոյից բաշխէ: Կարճէ երբեք և զվասս վնասակարացն, զի մի՛ այնպէս երևեսցի՝ թէ չկարիցէ արգելու զվասսն: Դարձեալ թուլացուցանէ և վնասակարին՝ յագեցուցանել զկամս իւր յընկերին, զի մի՛ թուիցի ընդ հարկաւ վարել

զբանաւորսն, այլ զի յիւրաքանչիւր զործոց անցնիւր հանդէսք երկիցին:

Եւ կանխաւ գիտէ զամենայն, և կանխազիտութիւնն չէ պատճառ չարեաց: Քանզի և ոչ յորժամ տեսանիցէ ոք զընկեր իւր ընդ լպիրծ տեղիս գնացեալ, և ասիցէ՝ թէ զլորելոց է, նա ինչ եղև պատճառք զլորման ընկերին: Եւ ոչ, յորժամ ընդ աւազակուա տեղիս դիմեալ զընկերն ոք տեսանիցէ, և ասիցէ՝ թէ եղենն զտանէ, նա ինչ իցէ պատճառք վնասուն: Եւ ոչ, յորժամ զազնուականի ուրուք զորդի յազակառանս հասեալ տեսանիցէ ոք, և ասիցէ՝ թէ կորուսանելոց է զինչն հայրենիս, նա ինչ իցէ պատճառք վատնելոյ ընչիցն: Նոյնպէս և ոչ Աստուծոյ յառաջգիտութիւնն է պատճառք բարեաց կամ չարեաց:

Գիտէ Աստուած կանխաւ զա-

մենայն . այլ է ինչ՝ զոր կամի ,
և է ինչ զոր ոչ կամի : Կամեցաւ
ածել ջրհեղեղ , և ոչ իւր այն
կամք էին՝ թէ ջրհեղեղաւ մարդիկ
և անսառուն առ հասարակ սա-
տակիցին , այլ անարժան խառ-
նիցն ազգին յանդզնութիւնն ած
զնա յայն՝ առնել զոր ոչն կա-
մէր . որպէս ինքն իսկ ուխտէ
մարգարէիւն՝ թէ ոչ կամիմ զմահ
մեղաւորին , այլ զգառնալն նո-
րա և զկեալ :

Կամէր՝ թէ չէր յանցուցեալ
Աղամայ . և քանզի կանխաւ զիւ-
տէր զյանցանելն , յառաջագոյն
պատուիրեաց նմա՝ չուտել ի
պտղոյ ծառոյն . և զի ոչ ան-
սաց հրամանին , յիրաւի պատ-
ժեցաւ : Կանխաւ զիտաց զՅա-
կոբայ՝ թէ առաքինի լինելոց է ,
և զԵսաւայ՝ թէ յանպիտանու-
թիւնս կործանելոց է . և վասն
այնորիկ մինչ չև ծնեալ էին , և
մինչ չև մի ինչ բարի կամ չար

զործեալ էին , ասէ . զՅակոբ սիւ-
րեցի և զԵսաւ ատեցի : Եւ յա-
ռաջագոյն հայեցեալ ի նախան-
ձաւորութիւնն Յովսիայ արքայի
Յուղայ , ազդ արար կանխագոյն
մարգարէիւն՝ թէ յառնելոց է ի
նոցանէ թագաւոր , որ զկուա-
պաշտութիւնն որդւոցն իսրայելի
եղծանիցէ : Եւ յառաջագոյն ծա-
նուցեալ զազնուականութիւնն
կիւրոսի պարսկի . կանխաւ զու-
շակեաց՝ եթէ արծակելոց է ըզ-
գերիս ժողովրդեանն : Եւ յայտ
է՝ թէ կանխաւն զիտել առաւե-
լութիւն է սփանչելի էութեանն :

Ճ. ԶԲԱՐԻՆ կամել և ոչ ըզ-
չար՝ բարերարութիւն մարդասէր
բնութեան էր . յառաջագոյն հա-
յեցեալ ի հետութիւն Փարաւո-
նի , ասէ . ես խստացուցից ըզ-
սիրտն Փարաւորի :

Եւ թէ նա խստացոյց , ասեն ,
ընդէ՞ր եհար հարուածովք զնա
և զերկիրն եզիպացւոց :

Այլ Առաքեալ մտանէ ջատաւ
զով Տեառնն իւրոյ՝ թէ ոչ նա
խստացոյց զֆարաւոն, այլ ինքն
անձամբ զանձն։ Եւ ասելն Աս-
տուծոյ՝ թէ ես խստացուցի, այն-
պիսի ինչ է՝ որպէս ոք յորժամ
զընկեր իւր կամ զծառայ մե-
ծարիցէ, և նա հպարտացեալ ար-
համարիցից զմեծարիչն. և նա
ասիցէ՝ թէ զի՞ դնեմ նմա մեղ,
ես անձամբ արարի ինձ թշնա-
մանս՝ զի ածի ի պատիւ զանար-
ժանն։ Նոյնպէս և զԱստուծոյն
իմանալի է՝ թէ ես ներելովն
իմով եղէ պատճառք խստանա-
լոյն նորա. զի ոչ յառաջնումն
սատակեցի զանդրանիկն նորա։

Այլ կամեցաւ, ասէ, Աստուծած
ցուցանել զբարկութիւնն իւր, և
յայտնի առնել զզօրութիւնն իւր
զոր ած բազում երկայնմտու-
թեամբ ի վերայ ամանոցն կազ-
մելոց ի կորուստ։ Ուստի յայտ
է՝ թէ երկայնմտութիւնն Աս-

տուծոյ եղև պատճառ խստու-
թեան սրտին ֆարաւոնի, այնու
զի զվերջին հարուածոն յառաջ-
նումն ոչ ած ի վերայ նորա։

Այլ զի չէր քարացուցեալ Աս-
տուծոյ զսիրտն ֆարաւոնի, այ-
նու իմանալի է՝ զի մերթ հաւա-
նէր արձակել զժողովուրդն, և
մերթ չհաւանէր։ Եւ անօթս կազ-
մեալս ի կորուստ ինքեանք զան-
ձինս արարին, և ոչ Աստուծած,
զորմէ ասէն Առաքեալ՝ եթէ կամի,
զի ամենայն մարդիկ կեցցեն, և
ի գիտութիւն ճշմարտութեան ե-
կեսցեն։ Եւ ոչ ապաքէն և նորա
յամենայն մարդկանէ էին։

Եւ ոչ որպէս ընդդիմակաց
կողմն ասէ՝ եթէ ոչ ըստ կամել
է, և ոչ ըստ ընթանալ, այլ ըստ
Աստուծոյ ողորմելոյն. զի որում
կամի՝ ողորմի, և որում կամի՝
խստանայ։ Եւ ըմբերանեալ զդի-
մակաց կողմնն երանելոյն, ա-
սէ. դու ո՞վ ես, ո՞վ մարդ, որ

պահանջես պատասխանի յԱստուծոյ. եթէ և այնպէս ինչ էր, դու ոչ էիր՝ որ համարս պահանջէիր յԱստուծոյ, մի թէ ասիցէ՞ կաւն ցբրուտն՝ թէ ընդէ՞ր այդպէս ստեղծեր զիս: Բայց զի ոչ այնպէս է, նորին իսկ ի նմին թղթի գրեալ՝ ասէ. թէ որում կամիք՝ ընծայեցուցանէք զանձինս ձեր ի հնազանդութիւն, եթէ արգարութեան, և եթէ հնազանդութեան մեղաց: Եւ առ Տիմոթէոս գրեալ՝ ասէ. եթէ ոք սրբէ զանձն իւր, եղեւ նա անօթ կազմեալ պիտանացու ի գործ տեառն իւրոյ: Եւ մարգարէն ասէ, եթէ ախորժեսջիք և լուիջիք ինձ, զբարութիւն երկրի կերիշիք:

Եւ այսու ամենալյնիւ և այլովք բազմօք յայտ է՝ եթէ ոչ նա անօթս բարկութեան կազմէ ի կորուստ, և ոչ անօթս ողորմութեան ի փառս, այլ ինքեանք

զանձինս կամ ի կորուստ կամ ի փառս: Եւ զի չիք ակնառութիւն առ ի յԱստուծոյ, ասէ. միթէ Հրէից միայն Աստուածիցէ՝ և հեթանոսաց ոչ. այո՛ և հեթանոսաց. զի նոյն Աստուածէ՝ որ արդարացուցանէ զթլիատութիւնն հաւատովք և զանթըլիատութիւնն նովին հաւատովք: Եւ դարձեալ՝ թէ զորս կոչեաց ոչ միայն ի Հրէից, այլ և ի հեթանոսաց: Եւ այլուր՝ թէ մի է Տէր, և մի հաւատ, և մի մկրըտութիւն, և մի Աստուած ի զերայ ամենեցուն և ընդ ամենեսեան և ամենայնիւ:

Դարձեալ՝ յառաջազոյն սպառնացեալ գերութիւն ժողովը դեանն, ուխտէր՝ թէ ես խօսեցայ, արդ արարից և ոչ դարձուցից: Եւ ոչ թէ իւր այն կամքէին, այլ նոցա ամպարշտութիւնն ած զնա յայն՝ որ ոչն կամքը: Եւ եթէ ի նմին հեստու-

թեան յետ սպառնալեացն՝ նոցա
չէր աղուացեալ, ոչ մատնէր ըզ-
նոսա ի ձեռն թշնամեացն։ Լաւ
համարէր զիւր բանսն շրջել,
քան զնոսա ի ձեռս այլազգեաց
մատնել. որպէս ի նինուէացւոցն
ապաշխարութիւնն հայեցեալ, ոչ
կործանեաց զքաղաքն։

Դարձեալ և զԵրեմիա յառա-
ջագոյն նկատեալ ասէ, մինչ չեւ
նկարեալ էր յորովայնի, ծանեայ
զքեզ։ Ծանեայ զքեզ, ասէ. զի
ցուցցէ՝ եթէ յառաջագոյն զիտէր
թէ որպիսի՞ ոք լինելոց է. և
դրոշմեաց զնա ընդ սուրբս այ-
նու՝ զոր ասէ, թէ մինչ չեւ ե-
լեալ էիր յարգանդէ, սրբեցի
զքեզ, և մարգարէ ազգաց ետու.
զքեզ։

Նոյնպէս և զԱմամուէլ և զՅո-
վաննէս և զՊաւոզոս. որպէս և
ասէ իսկ՝ թէ ընտրեաց զիս յո-
րովայնէ մօր իմոյ աւետարանել
զՈրդին իւր ինեւ. և զամենայն

իսկ սուրբս, որպէս ասէ Առա-
քեալ՝ թէ զորս յառաջագոյնն
ճանաչէր, յառաջագոյն սահմա-
նեաց կերպարան ակից լինել
պատկերի Որդւոյն իւրոյ։ Եւ
դարձեալ՝ թէ ընտրեաց զմեզ յա-
ռաջ քան զլինելն աշխարհի։

Եւ զի բարեաց կամեցօղ է Առ-
տուած, ուսուցանէ Տէր մեր յա-
սելն՝ թէ այս են կամք Հօր ի-
մոյ, որ յերկինս է, զի ամենայն
որ տեսցէ զՈրդի և հաւատասցէ
ի նա, ընկալցի զկեանսն յաւի-
տենից։ Եւ դարձեալ՝ թէ իմ կե-
րակուր այն է, զի արարից ըզ-
կամս Հօր իմոյ. և այս են կամք
Հօր իմոյ, զի զամեննայն զոր ետ
ցիս Հայր՝ ոչ կորուսից ի նմա-
նէ. այլ յարուցից զնա յաւուրն
յետնում։

Այդ կամի՝ զի ամենեքեան որ
հաւատան յՈրդի, մի կորիցեն.
այլ զի յարիցեն յաւուրն յա-
ռութեան։ Եւ գործն յարութեան

յետ ազգաց բազմաց լինելոց է։
Բայց Աստուած զբարւոք կամսն
և ունէր ի բնէ, և ունի։ և ոչ
են եկամուտ ի նա կամքն, այլ
բնակաւորք ըստ անձառ բարե-
րարութեանն։ Եւ որպէս յառա-
ջագոյն ասացաք, իւր կամքն
միշտ բարեախորժք, և կամի՛ զի
և իւր բանաւոր արարածքն ցան-
կացողք բարեաց և գործօնեայ
արդարութեան լինիցին։

Բայց քանզի գիտէ՝ թէ կէսք
զան ըստ կամաց նորա, և կէսք
ոչ զան, վասն այնորիկ զկիսոցն
առաքինութիւն՝ վասն զայլս ի
բարւոք նախանձ յորդորելոյ՝
անդստին յորովայնէ քարոզէ.
նոյնպէս և զայլոցն զանպիտաւ
նութիւն. իբր ոչ թէ ինքն զոմն
յորովայնէ անպիտան ստեղծա-
նիցէ, և զոմն պիտանի։ Եւ թէ
այնպէս ինչ էր, զի՞ պիտոյ էր
զպիտանին զովել և զանպիտանն
պարստել, թէ ինքն արարիչ է

պիտանութեանն և անպիտանու-
թեան. նա և ոչ մեղադիր պարտ
էր լինել անպիտանութեանն, թէ
իւր զնա այնպէս ստեղծեալ էր
յորովայնէ։

Եւ արդ յայտ է՝ եթէ ասելն
Աստուծոյ, թէ զՅակոբ սիրեցի
և զԵսաւ ատեցի, կանխաւ գիւ-
տել է՝ թէ սա սիրելի լինելոց է
յիւրոց բարուց, և նա ատելի։
Եւ զի յիւրոց բարուց եղեւ ա-
տելի Եսաւ, ասէ Առաքեալ. մի
ոք պոռնիկ կամ պիղծ իբրեւ
զԵսաւ, և մի՛ ոք արմատ դառ-
նութեան ի վեր երեւեալ՝ զայլս
նեղիցէ։ Եւ յայտ արար՝ թէ յիւ-
րոց կամաց եղեւ այնպիսի Եսաւ,
և ոչ յԱստուծոյ ստեղծուածոց.
որպէս և այլուր ասէ՝ թէ արար
Աստուած զմարդն ուզիդ, և նո-
քա խորհեցան խորհուրդ չարու-
թեան։ Եւ մարզարէիւն ասէ. Ես
տնկեցի զքեզ որթ վայելուչ, և
զիա՞րդ դարձար ինձ ի դառնու-
թիւն որթդ խոպանացեալ։

ԺԷ. ՈՒՍՏԻ յայտ է՝ թէ Ասու
տուած զգործուածն ամենեցուն
գեղեցիկ գործէ. և ի բարութիւն
և ի չարութիւն դառնալոյ զանձնիշխանութիւնն արար կա-
մակար, զի յոր կողմն և կամի-
ցի՝ կարող իցէ դառնալ. և ըստ
գործոցն և զհատուցումնն նոյն-
պիսի առնուցու. և մի իբրեւ
զանասուն վարիցի՝ որոց ոչ
գործք ինչ բարիք կան, և ոչ
հատուցման ակնկալութիւն, այ-
նու զի անասունն է, և չգիտէ
ընտրել զշար ի բարւոյ խորհրդ-
դիւ, բայց ի բնական բարուցն.
որովք յիշատակօք միայն վարի
յօգտակարն, և խորշի ի մաս-
սակարէն:

Յորս են և ազգմունք ինչ բնա-
կանք՝ որովք հանդերձելոց իրիք
իրաց ազգ լինիցի նոցա. որպէս
ձիոյն՝ ի սմբակէն վարելոյ. և եւ
զինն՝ ձմերանի ընդ ալուց կողմն
նստելոյ, և մօտ ի գարունն ընդ

դրաց կողմնն դառնալոյ. և ծիծ-
ուան՝ յառաջ քան զաշունն ի ջե-
րին տեղիս ի ձմերոց երթալոյ. և
խորդոյն՝ իմանալ յառաջա-
զոյն զձմերունս կարեւորս, և
վաղ ի մարմանդ տեղիս փութա-
լոյ. և ճայից՝ վաղագոյն տար-
մատարմ շրջելոյ. և աղաւնեաց՝
համազունդ երամ խաղա-
լոյ. և ազուաւոց՝ ի ծմակաց վա-
ղագոյն ի ջերին տեղիս զնալոյ. և
անգեղց՝ ի հեռաստանէ զգիշոյ
անկանելոյ դիտաւորութեան:

Եւ այլոցն ևս ամենայն անաս-
նոց և թռչնոց. որպէս և մըր-
ջեան՝ յամարանոյն պատրաս-
տելոյ զկերակուր, և ընդ երկու
զհատն կտրելոյ՝ զի մի բուսա-
նիցի, և ի ջեր ժամանակս հա-
նելոյ զկտիկն յորջէ անտի և
ցամաքեցուցանելոյ. և մեղուաց՝
զդուրս մեղուանոցացն յառաջ
քան զցուրտն ականամուռվ խըն-
լոյ. և արջոյ՝ յառաջագոյն քան

զձմեռն ի բայոց մտանելոյ. և էրէոյ՝ կանուխ ի լերանց ի դաշտ դիմելոյ. և եղջերուաց՝ գտակաւ զժամանակ խառնիցն իմանալոյ. և իշավայրաց քինացելոց՝ զարու յաւանակս ի մատաղութեան կորելոյ: Եւ այս ամենայն ազգեցութիւնք բնականք են յանասունսն, և ոչ խորհրդականք, որ յարարչէն նոցա տնկեալ են ի նոսա՝ առ ի յօժարելոյ յօդակարն և խորչելոյ ի պատակարացն:

ՃԹ. Եի ոչ միայն յանասունսն են բնական ազգեցութիւնք, այլ և ի մարդկան, որ խօսունք և իմաստունք են: Որպէս յորժամակն խաղայցէ, բնական ազգեցութեամբ վասն զնորոգ ոք տեսանելոյ լինի՝ ասեն՝ նշանակ, որք այնմ ստէպ միտ դնեն: Յորժամ յերանս կամ յայլ անդամս միս խաղայցէ, նշանակ հեծանելոյ ուրուք է՝ ասեն, կամ

հանդերձս ազնիւս ազանելոյ, կամ սիրելոյն պատահելոյ, կամ զան ըմպելոյ: Նոյնպէս և յորժամ ուսն կծիցէ կամ ձեռն, մին՝ ասեն՝ ճանապարհի գնալոյ նշանակ է կամ անձրեւի, և միւսն՝ առնլոյ ինչ յումկըէ կամ տալոյ: Նոյնպէս և փնչելն, և լեզուին կծել, և ունկանն հարկանել, և ըմբանին կծել, ոչ եթէ յայսոյ իմենքէ լինի, այլ ի բնական ազգեցութենէ անտի՝ զոր տնկեալ է արարչին յանդամսն: Զի յորժամ ի խորհրդական զգուշութենէն զեղծիցի, բնական ազգեցութեամբն պատսպարեսցի:

Եւ յօրանշելն և ձգտել, որպէս կարծեցին ոմանք, ոչ ի դիւէ լինի՝ այլ ի մեղկութենէ և թուլութենէ մարմնոյն: Ուստի զստէպ յօրանշելն և ձգտելն՝ հըմուտ բժիշկք ի մթերելոյ մազասոց ասեն, զոր և փորձն իսկ յայտ առնէ. զի յորժամ ստէպ

ոք յօրանջիցէ, սարսափիւն զայ
զոսկերօքն և քստմունք գնան
ընդ անդամոն:

Եւ ոչ փնչելն ի հրեշտակէ,
այլ կամ ի ցրտոյ՝ կամ վասն
այլ իրիք բնական ազդեցութեան:
Նա և յոգոցն հանել՝ երբեմն յիշ-
շատակաւ լինի, և երբեմն առանց
յիշելոյ զոք: Եւ զի բնական ազ-
դեցութիւնք են և ոչ ի դիւց,
յայտ անտի է՝ զի և յանասնոց
բնութիւնս գտանին նոյնք: Եւ
յոգոցն հանել՝ յորժամ ոչ զոք
կամ զինչ ինչ բարի կամ զկա-
րիս յիշելոյ լինիցի՝ բնական ազ-
դեցութիւն է, առ ամփոփելոյ
զոմն ընդ երկիւղիւ արարչին. և
ճանաչելոյ զիւրոյ բնութեանն
տկարութիւն: Եւ յորժամ յիշա-
տակաւ լինիցի, կամ առ սիրոյ
սիրելոյ լինի, կամ առ անար-
ժանս ինչ և զվասս աշխարելոյ:
Որպէս յորժամ ի լրջեաց ծու-
լայցէ, զիշերական երազովքն
ամփոփի ընդ երկիւղիւ:

Ի. Եկ երազոցն այլ և այլ
պատճառք են: Ե ինչ՝ զոր ցե-
րեկ ընդ բերան ածիցէ մարդն,
ի նոյն և ի գաղարել մարմնոյն
և ի քունն զբաղնուն միտքն. և
է ինչ՝ զոր բնաւ չիցէ ածեալ
զմտաւ, և տեսանէ յերազի: Եւ
այնը երկու պատճառք են:

Կամ հաստատոն ինչ տեսա-
նել իբր ընդ հայելի օրինակաւ՝
յԱստուծոյ չնորհացն ազդեցու-
թենէ, վասն ի լաւութիւնս ըզ-
մարդն յորդորելոյ, և ոչ յայտ
յանդիման ճշմարտութեամբ. որ-
պէս Յովսեփայ և Գանիէլի մե-
ծամեծ իրաց տեսիլք յայտնե-
ցան:

Եւ մի՛ իմն ի հակառակորդէն.
քանզի նա անմարմին է, որպէս
շունչ մարդոյն անմարմին. և ա-
ծեալ կերպարանս կերպարանս
առաջի նկարէ, մերթ զկանաց՝
վասն ի ցանկութիւն զրգուելոյ,
և մերթ զահազին զազանաց և

զսողնոց՝ վասն զարհուրեցուցաւնելոյ. որպէս և Յոբն ասէ՝ թէ և երազովք զարհուրեցուցանես զիս։ Եւ բազում անգամ ի կանաց կերպս եղեալ, զարս խաբէ յերազի. և Է երբեք յարանց կերպս դարձեալ, զկանայս յանցուցանէ։ Իբր ոչ եթէ արռուական և իգական անդամք կայցեն նորա, այլ խտղտեալ զամանցանկութեանն՝ տայ հեղուլի բաց զարութիւնսն։ Եւ ոչ, յորժամ ի մարդ մտեալ իցէ, և յարուական կամ յիգական բարբառս պատճառիցի, պարտ է հաւատալ՝ թէ արութիւն կամ իգութիւն գուցէ նորա։ Եւ ոչ, յորժամցուցանէ՝ թէ ի զանէ կամ ի սրոյ երկնչիցի, հաւատալի է. զի նմա զան՝ Աստուծոյ սաստնէ, և սրբոց շնորհք՝ զոր ի Հոգւոյն սրբոյ ունիցին։ Կամ ի յարթնութեան կամ ի քաղցրաքուն հանգստեանն ցուցանէ՝ թէ

ի զանէ և ի սրոյ երկնչիցի, զի զմարդիկ յայն ապաստան արարեալ՝ ծուլացուցանիցէ խնդրելոյ յԱստուծոյ զօգնականութիւնս. զոր և Տէրն իսկ յայտ արար ասելովն, եթէ այս ազգ ոչ ելանէ՝ եթէ ոչ պահովք և ազօթիւք։

Եւ ոչ ամենայն թալանալ և ցնորել մարդկան ի գիւէ է, այլ է՝ որ ի մաղձոյ է, և է՝ որ ի մաղասէ, և է՝ որ յուղղոյն սնանալոյ, և է՝ որ ի ստամոքսէ խանգարելոյ, և է՝ որ յորովայնէ խստանալոյ, մինչեւ ցփրփրել անգամ և զաչս յեղյեղուլ։

Ին. ԱՅԼ յուղղոյն սնանալոյ՝ և ի մտաց իսկ անկանի մարդ, և խօսի ընդ որմս, և կազի ընդ հողմս։ Ուստի բժիշկք յամառին՝ թէ բնաւ չիք դեւ որ ի մարդ մտանիցէ. այլ ցաւք են այն, և մեք զարմանովք կարեմք բժշկել։

Այլ մեք զայն ոչ ասեմք, քան-

զի ճշմարիտ է մեզ բան աւետարանին՝ եթէ բազում դեւք, իբրեւ տեսանէին զՅիսուս, աղաղակէին և ելանէին ի մարդկանէ. և նա սաստէր ի նոսա և ոչ տայր խօսել նոցա. հանգերձ այլովք նոյն պիսեօք: Եւ լուսնութն որք ասին, ոչ եթէ լուսնոյ վասանեալ՝ այնպիսիք կոչին, այլ դաս ինչ է դիւաց՝ որ ըստ լուսնոյ յայտնին:

Եւ փորձել այնչափ իշխէ սատանայ, որչափ հրաման առնու: Եւ յայտ ի Յոբայ փորձանացնէ. զի եթէ ոչ նախ առ հրաման յԱստուծոյ, ոչ ժողովաւ փորձել զնա. և ի խոզից երամակէն, յոր ոչ իշխեցին մտանել դեւքն՝ եթէ ոչ առին հրաման ի Տեառնէ:

Ի՞. ԱՅԼ են ոմանք՝ որ վիճին, եթէ բնաւ իսկ սատանայ ոչ փորձէ զմարդ:

Այլ յանդիմանին յԱռաքելոյ, որ ասէ՝ թէ բազում անգամ կա-

մեցայ զալ առ ձեզ, և խափանեաց զիս սատանայ: Եւ դարձեալ ասէ՝ թէ ոչ է մեզ մարտ ընդ մարմնոյ և ընդ արեան, այլ ընդ իշխանութիւնս և ընդ պետութիւնս և ընդ աշխարհակալս աշխարհի խաւարիս այսորիկ: Եւ յաւետարանին ասէ՝ թէ սատանայի իսկ արկեալ էր ի սրտի Յուդայի սկարովտացւոյ, մատնել զնա: Եւ դարձեալ՝ թէ ընդ պատառոյն եմուտ սատանայ: Դարձեալ. ինդրեաց սատանայ խարբալել զձեզ իբրեւ զցորեան:

Եւ փորձելոյն այնչափ տայ նմաիշխանութիւն, որչափ մարդն հանդուրժել կարէ. որպէս երաշնելի Առաքեալ ասէ՝ թէ հաւատարիմ է Աստուծած, որ ոչ արկցէ զձեզ ի փորձութիւն՝ առաւելքան զկար ձեր, այլ արասցէ ընդ փորձութեանն և զելս՝ զի համբերել կարասջիք: Եւ Տէր մեր ուսուցանէ յաղօթսն ասել

մեզ՝ թէ մի՛ տանիր զմեզ ի փոր-
ձութիւն, այլ փրկեա զմեզ ի չա-
րէ։ Զի ցուցցէ թէ և աղօթիւք
կարեմք ապրել ի փորձանաց չա-
րին։

Ի՞՞ Եթի՞ այդպիսի իցէ, ասեն,
փորձելոյ վասն հաստատեալ է
զնա Աստուծոյ։

Այլ մէք ի վերագոյնսն իսկ
բազում վկայութեամբ գրոց սըր-
բոց ցուցաք, թէ ոչ ի չարչարել
և ի փորձել արարեալ է զնա Աս-
տուծոյ. այլ և նովաւ՝ որ ի չա-
րութիւնն կործանեցաւ, գործ
բարւոք գործէ Աստուած, թէ-
պէտ և չարն ոչ այնպիսի մտօք
մատչի փորձել, այլ համարի
յաղթել, և գտանի պարտառ-
բեալ։ Թուլացուցանէ ըստ չա-
րեաց կամաց նորա փորձել զա-
ռաքինիս. և մտեալ ի փորձու-
թիւնսն նորա՝ իբրեւ ի բովս,
զտին և ընտրին իբրեւ զոսկի
սուրբ ելեալ ի հալոցաց։

Արդ եթէ չարեաց արբանեակ
արարեալ էր զնա Աստուծոյ, ոչ
յաւուրսն Աքաբաբայ՝ հոգի սուտ
լինէր ի բերան մարգարէիցն
ստոց. այլ նմա պարտ էր հար-
կանել զայն սպասաւորութիւնն։
Եւ ընդէ՞ր հոգի՝ որ ոչ դաւանէ
զՏէր Յիսուս՝ չիցէ* յԱստուծոյ,
որ զԱստուծոյ սպասն ոչ խա-
փանէ. և ընդէ՞ր մարդասպան
կոչիցի, որ կեցուցիչն է փոր-
ձութեամբք. և ընդէ՞ր որք ոչն
հաւատան ի Տէր Յիսուս՝ որդիք
չարին կոչէին, եթէ նա Աստու-
ծոյ բանիւ իցէ փորձիչ։ Եւ եթէ
չարին կամարարի Աստուծոյ որ-
դիք իցեն Հրեայք, ընդէ՞ր և ոչ
Աքրահամ այնպէս անուանիցի.
և ընդէ՞ր սուտ և մարդասպան
անուանիցի չարն, եթէ ի ճշմար-
տութեան կայցէ և ոչ ի ստու-
թեան։

* իցէ։

Եւզրեսցուք՝ թէ Հրեայն յանձնէ խօսիցի սուտ, նա ընդէ՞ր կոչիցի հայր Հրէին՝ որ ոչ սուտ առնէ զբնութիւնն, այլ որպէս եղեւն՝ այնպէս խօսի: Եւ ընդէ՞ր ասիցէ Առաքեալ՝ թէ հնազանգելոց է փրկչին մերում հանդերձ մահուամբ և սատանայ, և անկանելոց է յիշխանութենէ և ի պետութենէ իւրմէ՝ որ աստուածանալն անձամբ կամեցաւ: Եւ ընդէ՞ր կապիցի և ի տանջանս մատնիցի. ոչ ապաքէն՝ զի իւրովք կամօք զԱստուծոյ սպասն խնդրէր առնուլ ի մարդկանէ, և ի կուպապաշուութիւնս ձգէ. և դիւթութեամբ և հմայիւք և քաւդէութեամբ վրիպեցուցանէ զմարդիկ յԱստուծոյ ճշմարտութենէն:

Եւ թշնամի կոչի՝ վասն զորոմնն ի մէջ ցորենոյն սերմանելոյ. ուստի յայտ է՝ եթէ ոչ բնութեամբ է թշնամի, այլ կա-

մօք: Եւ եթէ բնութեամբ էր նմանանաչեն զԱստուած Հայր, զՈրդին զիա՞րդ կարէր ճանաչել և աղաղակել՝ թէ դու ես Որդին Աստուծոյ: Եւ դարձեալ զառաքելոցն նորա ասել՝ թէ արքն այնոքիկ ծառայք են Աստուծոյ բարձրելոյ:

Եւ յայսմ ամենայնէ յայտ է՝ եթէ ոչ է բնութեամբ չար, այլ կամօք. և ոչ չար և չարչարիչ արարեալ է զնա Աստուծոյ, այլ չարակամ բարուքն նորա առաքինեցուցանէ զարդարս. և նորա ոչ ինչ զոյ յայնմ չնորհ:

Ի՞. Եի ոչ լուսաւորքն, որպէս յառաջագոյն ասացաք, կենդանիք ինչ են և պատճառք բարեաց կամ չարեաց, այլ միայն յոր կարգեցանն՝ զայն սպասաւորութիւն հարկանեն: Որպէս ասաց Մովսէս, թէ արար Աստուած զլուսաւորսն մէծամեծս, և եղ զնոսա ի հաստատութեան

Երկնից՝ լուսատու լինել յերկիր։
Ուստի յայտ է՝ թէ վասն լուսատու լինելոյ միայն արարան,
և ի նշանս և ի ժամանակս և
յաւուրս, յամիսս և ի տարիս։
Ոչ իբրեւ զկենդանիս, այլ իբրեւ
զլուսաւորս լուսատու լինել որք
ի ներքոյ երկնից, և զնշանս ասուտուածգիտութեան ցուցանել, և
զանձրեւաց և զօդոց փոփոխանց։ Որպէս և Տէր մեր ասէ.
յորժամ տեսանիցէք ընդ առաւոտս զերկինս կարմրացեալ, ասէք՝ թէ անձրև լինելոց է, և
լինի. և յորժամ հարաւ չնչիցէ,
ասէք՝ թէ խորշակ մեծ լինելոց
է, և լինի։

Քանզի ընդ ծագել արեգական,
օդոյն զխոնաւութիւն ջուրց առեալ՝
զճառագայթիւք արեւու
արկանէ, և քանզի չեւ եւս է
թանձրացեալ և ամպացեալ օդն,
սակաւիկ մի արգելվովն զնշոյլսն՝
կարմրացուցանէ միայն զարեւն,

և ոչ մթացուցանէ. ուստի երեւի՝
թէ անձրեւի նշանակ է։

Նոյնպէս և լուսին ի խոնաւութենէ օդոց նեղեալ, ջանայ յիւրմէ զխոնաւութիւնն ի բաց պարզել. ուստի մերձեալ խոնաւութեանն, և ի նա չհասեալ՝ բակ առեալ ծրանայ շուրջ զնովաւ. որով յայտ առնի անձրեւաց նշանակ։ Եւ այն ոչ միայն ի լուսնի, այլ և ի ճրազի՝ որ նուազագոյն լոյս է ևս երեւի։

Խ. ԵԽ ոչ երկինք շրջին, զորմէ ասեն արտաքին իմաստունքն՝ թէ մերթ ի շրջելն ծածկեն զլուսաւորսն, և մերթ յայտնեն։ Եւ եթէ զամենայն օր շրջիցին՝ զիարդ զարեւն աւուր աւուր ի նոյն արեւելս ածիցեն, և զլուսին յամսեան հազիւ ի նոյն տեղիս։ Եւ այլ ևս աստեղք են, որ ի տարւոջ հազիւ մի անզամ հասանեն ի նոյն տեղի. և են, որ որպէս ասենն, յերկոտասան

ամ ի նոյն տեղի . և է , որ ի
տարւոջ և ի կիսում . և է , որ
յերեսուն ամի:

Այլ ի փորձ իրացն այլազգ
յայտ առնի: Զի աստեղքն , որք
զցայդ յերկինս են , և զցերեկ
անդէն գտանին . թէ երկինք շըր-
չէին , ոչ ի նոյն շաւիլս՝ յորս
ցայգն տեսանէաք՝ ի նոյնս և ըզ-
ցերեկն գտանէին . այլ քանզի
ընդ նոյն շաւիլս գնան , որպէս
և տեսանեմք իսկ և զլուսին և
զաստելս ի նոյն շաւիլս , յայտ
է՝ թէ նոքա գնան , և երկինք
կան անշարժ ետեղակալք: Որ-
պէս և աստուածատուր իսկ զիրք
հաստատութիւն կոչեն զերկինս;
Եւ որ ինչ հաստատութիւն է ,
չէ շարժուն:

Իսկ այլոց ի գրոց պատճառս
առեալ , ասեն . ի նոյն իսկ զիրս
զրեալ է՝ թէ եղ զնոսա ի հաս-
տառութեան երկնից . ուստի
յայտ է՝ թէ բեւեռեալք են , և ոչ
գնայունք:

Այլ թէ այնպէս իցէ , յորժամ
զԱղամայ ասէ թէ եղ զնա ի
դրախտին փափկութեան , բեւե-
ռեալ համարեսցին , և մի՛ զնա-
յուն: Իսկ եթէ զԱղամայ շըր-
ջելն՝ եղ կոչեն աստուածատուր
զիրք , յայտ է՝ թէ և զլուսա-
ւորացն զգնացո՝ եղ անուանեն
զիրք:

Մանաւանդ զի և ի բազում
իսկ տեղիս գտանեմք զգնացս
լուսաւորացն . որպէս յորժամ
ասիցէ Յեսու որդի Նաւեայ , թէ
կայցէ արեգակն հանդէպ ձորոյն
Գաբրաւոնի , և լուսին դէպ դաշ-
տին Ելոնայ : Եւ չասաց՝ թէ
երկինք զադարեսցեն ի գնացից
իւրեանց , այլ լուսաւորք . ուստի
յայտ է՝ եթէ երկինք ետեղակալ
են , և լուսաւորքն գնայունք:
Եւ առ Եզեկիհաւ ասէ . դարձցի
շողն անդրէն յետս գտասն աշտի-
ճանօք աքազեան ապարանիցն:
Որով երեւի՝ թէ արեգակն դար-

ձաւ յետս, և ոչ երկինք: Եւ յիշ-
կլեսիաստէսն գրեալ է՝ թէ ծագէ
արեգակն, և մտանէ արեգակն,
և ի տեղի իւր ձգի. ինքն ծա-
գեալ անդ գնայ առ հարաւով,
և պատի առ հիւսիսեաւ. զի
ցուցցէ՝ թէ ցերեկ առ հարաւա-
կողմամբ գնայ ընդ արեւմուտս,
և զցայգ առ հիւսիսեաւ դառնայ
յարեւելո՞ ընդ լերանց ստորո-
տովք, որպէս ասեն իմաստունք.
և ոչ ընդ ծով, որպէս ասենն,
և ոչ ի ներքոյ երկրի. զի ի ներ-
քոյ երկրի ոչխնչ է, որպէս ասէ
Յոք՝ թէ ձգեաց զերկիրս ի վե-
րայ ոչընչի, և յԱսորիսն ասի՝
թէ կացոյց զերկիր ի վերայ ո-
չընչի: Եւ ընչի իմիք յոչընչի չէ
հնար գնալ, և ոչ ցամաքական
ընութեան ընդ խոնաւութիւն
ջուրց:

Այլ, ասեն, մեք իսկ աչօք
տեսանեմք, զի ի ծովէ ելանէ:
Եւ զայն ոչ զիտեն՝ թէ վասն

զի ցամաք ուրեք ի ծովէ անտի
ոչ երեւի, յայն սակս թուրի՝ թէ
ի ծովէ անտի ելանիցէ: Որպէս
յորժամ թէ յարեւմուտս ոք մօտ
իցէ, և լեառն ինչ յարեւելից
կողմանէ կայցէ, թուրի նմա՝ թէ
ի լեռնէ անտի ելանիցէ արե-
գակն: Եւ յամենայն տեղիս, որ
ընդ անբաւ ինչ ոք ուրեք կայ-
ցէ, թուրի նմա՝ թէ անտի ուս-
տեք ի մօտէ ելանիցէ արեգակն:
Նոյնպէս և նոցա՝ որ մօտ առ
ծովուն կայցեն, քանզի ոչ կարէ
ակնբաց ի ցամաք զործել, թուրի՝
թէ ի ծովէ ելանիցէ. որ ոչ ի
ծովէ անտի ելանէ, այլ ի ծա-
գաց երկնից: Որպէս և Դաւթի
ի Հոգւոյն սրբոյ ուսեալ, ասէ՝
թէ ի ծագաց երկնից են ելք
նորա, և հանգիստք նորա մին-
չեւ ի ծագս նորուն:

Այլ և ցող սաստիկ, ասեն,
արկանէ յաշխարհին. ուստի
յայտ է՝ թէ ի ծովէն ելանէ:

Եւ զայն ոչ զիտեն՝ թէ զօդոյն, որ ցայգ ուռնու ի խոնաւութենէ ջուրց, հասեալ ջերմութեան ճառագայթից արեգականն՝ շրթեցուցանէ ի բաց զտամկութիւնն, ուստի ոչ միայն անդ, այլ յամենայն երկրի ընդ արեւածայրս ցող անկանի:

Եւ եթէ երկինք շրջիցին, զիարդ զկոռնայն և զայլոց աստեղաց պատճառաւորաց ասիցեն յաստեղատունսն մտանել, որոց մտանելն ապաքէն գնալով լինիցի, և ոչ առանց գնացից:

Ի՞ԶԼ և երկիր, ասեն, ի միջոցի կայ: Եւ տան օրինակ ինչ այսպիսի՝ թէ զփամփուշտ, յորժամ փչել կամիցիս, ընկեաի ներքս հատ մի կորեկան, և փուժն՝ որ ի փամփշտին արգելու՝ առնու զկորեկահատն և ի միջոցի ունի, ոչ ի վեր տայ գալ և ոչ ի խոնարհ ձգել: Նոյնպէս, ասեն, և օդս՝ որ է ի մէջ գնդին

երկնից՝ փակեալ կայ, և ունի զաշխարհս ի հասարակածի. ոչ ի վեր տայ վերանալ և ոչ ի խոնարհ հակել:

Նախ յիւրեանց իսկ բանիցն յանդիմանին, զի ասեն՝ թէ որ ինչ թեթեւ է, ի վերին կողմն գնայ, և որ ինչ ծանր է, ի խոնարհ: Որպէս և փորձ իսկ իշրացն յայտ առնէ. զի ծուխ և շոգի երկրի և բոց հրոյ, քանզի թեթեւք են, ի վեր կողմն գնան. և զքար և զերկաթ և զփայտ և զայլ ևս ինչ նոյնպիսիս, որչափ և ի վեր ոք ձգիցէ՝ ի խոնարհ միտեալ իջանեն: Եւ եթէ զսակաւ ինչ զծանրութիւնս ոչ կարէ օդն ի վեր առնուլ ունել, որշափ ևս առաւել զայնչափ ծանրութիւն երկրի չէ հնար օդոյ ի վեր ունել, այլ Աստուծոյ բանին՝ որ կացոյց գնա ի վերայ ոչընչի:

Եւ որ երկմտիցէ ոք՝ թէ զիարդ

կարիցէ այսչափ ծանրութիւն ի վերայ ոչընչի կալ , հայեցեալ յերկնիցն հաստատութիւն՝ որ ոչ ի վերայ իրիք կայ , և հաւանեսցի՝ թէ որ զերկինս բանիւ հաստատեաց ի վերայ ոչընչի , նոյն և զերկիր կացոյց ի վերայ ոչընչի , և նորին հրամանն ունի և զերկոսին անշարժս և ետեղակալս : Ըստ այնմ՝ թէ ինքն ասաց , և եղեն . հրամայեաց , և հաստատեցան : Եւ կացոյց զնոսա յաւիտեանս յաւիտենից . հրաման եդ , և ոչ անցցէ :

Եւ այլ ևս ասեն : Թէ ի վերայ ոչընչի կայ երկիր , զիա՞րդ ասէ Դաւիթ՝ թէ հաստատեաց զերկիր ի վերայ ջուրց , և դարձեալ՝ թէ ինքն ի վերայ ծովուարկ զհիմունս նորա , և ի վերայ գետոց պատրաստեաց զնա :

Որ զայդ ի Դաւթայ լոււաւ , զմիւսն ի Յոքայ և յԵսայեայ լուիցէ . զի նորա ի վերայ ոչընչի

ասեն , և սա ի վերայ ջուրց : Արդ ոչ եթէ հակառակ ինչ միամեանց են զիրք , այլ զոր միոյն թողեալ է , միւսն առնու նովին Հոգւով : Որպէս տեսանեմք իսկ՝ զի որ ինչ Մովսէսի չէ ասացեալ , այլ մարգարէք լցին նովին Հոգւով : Մովսէս ասէ . ես ստեղծ Սստուած զմարդն հող յերկի , և փչեաց ի նա շունչ կենադանի : Եւ փչելն դեռ ևս ի միջի կայ կարծելոյ՝ թէ իցէ արարած շունչն թէ չիցէ : Արդ զայ Զաքարիա մարգարէ նովին Հոգւով վարեալ , և ցուցանէ զարարած շնչոյն : Ասէ . որ հաստատէ զհոգի մարդոյն ի նմա . և Եսայիաս ասէ՝ թէ զամենայն շունչ ևս արարի :

Նոյնպէս և ոչ զհրոյ , և ոչ զջրոյ , և ոչ զօդոյ , և ոչ զփայշատականց , և ոչ զորոտմանէ , և ոչ զխաւարէ ճառէ ինչ Մովսէս . զորս յերկուց ի մեծ անօթոցն ,

յերկնից և յերկրէ, պարտ է իւ
մանալ՝ թէ ամենայն ինչ որ ի
միջի նոցա գտանի՝ հարկ է զի
ընդ նովին արարեալ իցէ. ըստ
այնմ՝ թէ արար Աստուած զեր-
կինս և զերկիր և զամենայն որ
ի նոսա:

Իէ. ԱՅԼ զի մի՛ պատուօք ինք-
նակացութեան տգիտաց կարծի-
ցին, որոց արարածն ի Մովսէսէ
ոչ ճառեցաւ, առ ի հատանելոյ
զպատճառն պատճառախնդրացն՝
այլովք մարգարէիւք նոյն Հոգի
ընծայեցուցանէ զարարածն նո-
ցա:

Նախ Դաւիթ իսկ, որով զա-
մենայն իմանալի զօրութիւնսն
և զերեւելի արարածս ի փառա-
տրութիւն արարչին կոչէ, յորժամ
ասիցէ. օրհնեցէք զնա երկինք
և երկիր և հրեշտակք և զօրու-
թիւնք և հուր և հողմք և մըրիկք՝
որ առնեն զբան նորա: Եւ որ ի
պաշտօն մտանեն, և զարքանե-

կութիւնն հարկանեն, յայտ է՝
թէ արարածք են:

Եւ ձիւն և սառն և կարկուտ
և մըրիկք՝ թէ յայլմէ արարչէ
էին, ոչ կոչէր զնոսա Հոգին ի
փառատրութիւն, այլ իբրև զօ-
տարութիս մեկուսի դնէր: Բայց
նա տեսանեմք աւանիկ՝ զի ոչ
զնոսա միայն, այլ և զվիշապս
և զգազանս և զխաւար և զփայ-
լատակունս, զոր ի չարէ դնեն,
ի նոյն փառատրութիւն նորին
Հոգւոյ կոչեցեալ և Գաւթաւ և
երեք մանկամքքն ի հնոցի անդ
ընծայեցուցանէ. զի ցուցցէ՝ թէ
յումմէ արարեալ են, ի նորին
և ի փառատրութիւն յիրաւի կո-
չին:

Եւ ոչ որպէս Մարկիոնն դան-
դաչէ՝ թէ արդարոյն արարածոց
պարտ է օտարին բարւոյ պաշ-
տօն մատուցանել վասն բարե-
րարութեան . զորոյ անհամու-

թիւնն ի դէպ ժամանակի յան-
դիմանեսցուք:

Ի՞. Եկ արդ թէպէտ յայնմա-
նէ իսկ յայտ է թէ որ ինչ ի
փառատրութիւն արարչին կոչի,
նորա արարած է, այլ և զմիոյ
միոյ իսկ ի նոցանէ զարարած
մարթի ի գրոց ցուցանել:

Նախ զհրեշտակացն, որպէս
ասէ Դաւիթ՝ թէ արար զհրեշտակս
իւր հոգիս, և զպաշտօնեայս իւր
բոց հրոյ: Ապա և զհրոյ, և զայ-
լոցն ևս մի ըստ միոջէ. զփայ-
լատակունս իւր յանձրեւս արար:
Եւ փայլատակունք ոչ եթէ այլ
ուստեք են, եթէ ոչ ի բնութենէ
հրոյ: Եւ զխաւարէ ասէ. եղիր
զխաւար, և եղեւ զիշեր: Եւ զո-
րոտմանէ և զհողմոյ միանգա-
մայն ասէ Ամովս՝ թէ որ հաս-
տատէ զորոտումն և հաստատէ
զհողմ, Տէր ամենակալ անուն է
նորա: Եւ այսպէս զոր միոյ մար-
գարէի թողեալ իցէ՝ միւսովն լը-
նու Հոգին սուրբ:

Արդ եթէ Գաւիթ ասէ՝ եթէ
ի վերայ ջուրց է երկիր, և Յո-
քաւ և Եսայեա՝ թէ ի վերայ ու-
չընչի կայ, ոչ ինչ է ընդ այն
զարմանալ, և ոչ զմարգարէու-
թիւնն հակառակ միմեանց հա-
մարել. քանզի և այն ճշմարիտ
է, և այս հաստատուն: Եւ առ
օրինակ ի մարմնոյ. որոյ ի վե-
րայ մորթ և միս է, և ի միջի
երակք և խողովակք արեան, և
ի ներքոյ գարձեալ նոյնպէս մորթ
և միս. և է մարմին և վերոյ
քան զերակս արեանն և ի ներ-
քոյ քան զերակսն: Ըստ նմին
օրինակի և երկիր ի վերայ ջրոց
է: Քանզի ի միջի իւրում ունի
զջուրս, և ի ներքոյ քան զջուրս.
և ի վերայ ոչընչի հաստատեալ
կայ ետեղակալ, և ունի յինքեան
զամփոփ զլոյծ բնութիւն ջրոցն:
Եւ երկոցունց մարգարէութեանցն
մի և նոյն դիտաւորութիւն է,
և չիք ինչ այլաբանութիւն ի

միջիք : Քանզիք ոչ այլ և այլ Հոգի
ետուն զմարզարէութիւնն , այլ
նոյն և մի Հոգի , որ արժանի
արար զմին պատմիչ առնել այ-
լոց իրաց , և զայլսն մնացելոցն
ի նմանէ :

Արդ զի երկինք ոչ շրջին զի
ամենայն ինչ որ չէր և եղեւ՝ ա-
րարած է և ոչ ինքնակաց , ա-
ռաջին բնութեանցն օրինակք և
զրոց վկայութիւնք բաւական
էին հաւանեցուցանել զմուա-
վարժու : Բայց քանզիք ի նմին
յամառութեան կան՝ զամենայն
ինչ կենդանի և չնչաւոր համա-
րելով , ոչ հեղգասցուք ըստ մե-
րում կարի և այնմ եւս առնել
պատասխանի :

Գ Ի Ր Ք Ե Ր Ր Ո Ր Դ

ԵՂԾ

ԿՐՈՆԻՑ ՅՈՒՆԱՑ
ԻՄԱՍՏՆՈՑՆ

Ա. ԼՈՒՍԻԿԻՆ , ասեն , քան զա-
րեգակն երեսուն օր անցեալ ընդ
ամենայն աստեղատունսն , այս
ինքն ընդ ամենայն երկինս , հա-
սանէ ի նոյն տեղի . և արեգակն
ի տարւոջ : Եւ երկինք զմի տիւ
և գիշեր առածեալ զինքեամբք ,
շրջին ի նոյն տեղի : Եւ եւթն
աստղ միայն է զնայուն , և այլն
ամենայն բեւեռեալ են յերկինս .
և որ զնայուն աստեղքն են՝ ա-
րեգակն և լուսին , և այլ ևս
հինգ աստեղք , ոչ եթէ յարեւե-
լից յարեւմուաս զնան՝ այլ յա-
րեւմոից յարեւելս :

Եւ տան օրինակ ինչ՝ որ ոչ
նման է, եթէ յորժամ անիւ
շրջանակիցի, և մրջիւն մի ի
խեցին գնայցէ յարեւմտից կող-
մանէ ընդ արեւելս, վասն ա-
նուին արագագոյն ընդարեւմտից
կողմն շրջելոյ թուի՞ թէ մրջիւնն
յարեւելից յարեւմուտս կոյս ըն-
թանայցէ. որ ոչ յարեւելից յա-
րեւմուտս կողմն գնայցէ՝ այլ յա-
րեւմտից յարեւելս, և անիւն
սոէպ շրջելովս այնպէս երեւեւ
ցուցանէ:

Եւ երկինք, ասեն, որչափ ի
վեր են՝ դոյնչափ ի խոնարհ են,
և դոյնչափ յամենայն կողմանց
շուրջ զերկրաւ, և զերկիրս շուրջ
ջուր պատէ, և զջուրն և զերկիր՝
օդ, և զօդն և զջուր և զերկիր՝
հուր: Եւ լուսնի չիք իւր լոյս
առանձինն, այլ յարեգակնէ զայ
ի նա լոյսն. և յայտ անտի է,
ասեն, զի յորմէ կուտէ արեգակն
իցէ, յայնմ թերէ սկսանի ի

նմա լոյս ծնանել. և ըստ հեռա-
ւորութեան արեգականն՝ սակաւ
զայ ի նա լոյսն, և ըստ տակաւ
տակաւ մերձենալոյն՝ յաճախէ
ի նա լոյսն. և յորժամ մօտ հա-
սանէ ի նա՝ լնու. և յորժամ
անցանէ զարեգակամբ՝ սկսանի
տակաւ նուաղել, և որչափ ի
բացն հեռանայ՝ այնչափ պակասէ
ի նմանէ լոյսն, մինչեւ ամեննեւին
նուաղէ. և յորժամ միւս անգամ
հանդիպի, ծագէ ի նմա սակա-
ւիկ ինչ ի լուսոյն վասն հեռա-
ւորութեան. և որչափ մերձենայ,
այնչափ առ սակաւ սակաւ աճէ
ի նա լոյսն:

Եւ լուսին, ասեն, ի ներքոյ
է քան զարեգակն և քան զամե-
նայն աստեղս. և քանզի ի ներ-
քոյ է, յորժամ կշիռ դէպ արե-
գական պատահիցէ՝ յայնժամ
խաւրի արեգակն: Եւ պատճառս
փոփոխմանց տարերաց չորից
բնութեանցն զաստեղս՝ իբրեւ

զկենդանիս ինչ՝ դնեն։ Զայս աւմենայն ասեն հայթայթանօք, զի զերկինս և զլուսաւորսն կենդանիս և աստուածս կարծեցուսցեն։

Բ. ԱՐԴԱՐԵՒ, որպէս երանեւին Առաքեալ ասէ, թէ իմաստութեամբն Աստուծոյ ոչ ծանեաւ աշխարհ զԱստուած։ Եւ զինչ զարմանք են ընդ նոցաթէ զերկինս վասն անչափ մեծութեանն, և զլուսաւորս վասն առաւել պայծառութեանն աստուածս կարծէին, յորժամ ի փայտս և ի քարինս և ի գազանս և ի ճճիս անզամ աստուածս խնդրէին, զորս իւրեանց իսկ բնութեան բարքն կշտամբեն. այնու զի արարչախնդիր և աստուածախոյզ են, և անկեալք ի միոջէ ճշմարտէն՝ ի բազումս ունառեցին, և ոչ ուրեք եղեւ կայ և հաստատութիւն։ Զի խնդրելն զԱստուած, զովութեան արժանիէր. և ոչ զմին եւեթ՝ այլ զբա-

զումս մուծանել, անհնարին ամպարշտութիւն է։

Գ. ԵԽ առաւել Յունաց իմաստունքն դսրովին. զի հասեալ ի վերայ իմաստութեան չծանեանի մաստութեամբն զարարիչն։ Քանզ զի դնեն և նոքա մի ինչ ինքնակաց պատճառ ամենայնի. որոյ ոչ յումերք եղեալ, այլ ինքն անձամբ ինքնակաց առաջին գտեալ, և երկրորդ աստուած և արարիչ զնեն զմիտս. և երրորդ զշունչ, զոր ոգի ամենայնի կոչեն։

Զերկուսն ի միոջէ պատճառէ անտի գնելով, ցուցին՝ թէ մերձեցան ի գրունս ճշմարտի զիտութեանն, և ի նոցանէ այլ անթիւ իմանալիս երեւելիս աստուածս ծննդեամբ ստեղծանելով, անձամբ անձին փակեցին զդրունս հաւատոյ զիտութեանն՝ զի իբրեւ զարեգակն և զառագայթս գնեն զԱստուած և զաստուածսն իմանալիս երեւելիս,

և բնաւ իսկ զաշխարհ մշտնջենաւորակից նմա. և յամենայնի գնորա ոգին իբրեւ շունչ ամենայնի, և յերկինս և ի լուսաւորսն և ի հուր և յօդսն և ի ջուրս և յերկրի, մինչեւ ցքարինս և ցփայտս և ցծառս և ցարմատս խոտոյ անգամ: Եւ այնու կենդանութեամբ, ասեն, ամենայն արարածք գնորա բնութենէն կախեալ կան, որպէս ճառագայթք արեգական զանուէն կախեալ կան: Եւ ինքն մի է և բազում, և բազում է և մի, որպէս արեգակն մի է և բազում, զի մի անիւ է և բազում ճառագայթք: Եւ զայս ոչ ամենեքին այսպէս ասեն. այլ են բազում կրօնք փիլխոփայից:

Դ. ՊիլթԱԳՈՐԵԱՆՔՆ և պերիպատիկեանքն միութիւն և խընամակալութիւն ասեն, և չզոհել աստուածոց: Եգ կրօնս Պիւթագորաս՝ զշնչաւորաց միս չճաշակել, և ի գինոյ ժուժկալել:

Եւ ի լուսնոյ և ի վեր զամենայն ինչ որ է՝ անմահ համարել, և որ ինչ նորա ի ներքոյ՝ մահկանացուս: Եւ փոփոխումն չնչոց ի մարմնոց ի մարմինս մինչ ցանասունս և ցճճիս անգամ: Եւ լոռութեան կրօնս սահմանեաց, և յետոյ զիւր անձնն աստուած անուանեաց:

Իսկ պղատոնեանքն, աստուած և հիւղ և իդոս, որ առաջինն՝ նիւթ է, և երկրորդն՝ առանձինն ինչ ուրութք: Եւ զաշխարհս՝ արարած և եղծանելի: Եւ զշունչ՝ անարար և անմահ և աստուածական, որոյ երեք մասունք են՝ բանական, ցասնական և ցանկական: Եւ զկանայս հասարակաց ամենեցուն համարել. և մի ումեք մի կին առանձինն ունել. այլ զոր արքն կամիցին և կանայքն ախորժիցեն, այնց ընդ այնս լինել: Եւ փոփոխումուն չնչոց յայլ և այլ մարմինս մինչ

չեւ ցճճիս և ցսողունս անգամ։
Միանգամայն և աստուածս բաշ
զումս ի միոջէ ելեալ սահմանէ։

Իսկ ստոյիկեանքն մարմին զա-
մենայն ինչ եղին, և զերեւելի
աշխարհս Աստուած համարին։
Իսկ ոմանք ի հրոյ էութենէ հա-
մարին ունել սմա զբնութիւն։
Եւ Աստուած զմիտս սահմանե-
ցին, իբրեւ թէ շունչ ամենայնի
իցէ տարերն երկնից և երկրի.
մարմին նմա՝ զամենայն ինչ որ
է եղին, և աչս՝ զլուսաւորսն։
Եւ զմարմինս ամենեցուն կորըս-
տականս, և զջունչս փոփոխելիս
ի մարմնոց ի մարմինս։

Իսկ եպիկուրեանքն ասեն։ ան-
հատ և անբաժին մարմինք էին
զառաջինն, և անտի եկաց ամե-
նայն ինչ։ Եւ վախճան լաւու-
թեան զցանկութիւն սահմանե-
ցին։ Եւ թէ ոչ Աստուած զոյ,
և ոչ խնամակալութիւն՝ որ վա-
րիցէ զամենայն։ Այս են կրօնք
փիլիսոփայից։

Ն. ԲՈՅՅ հեթանոսութեան
սկիզբն ի Աէրուքայ ժամանա-
կաց անտի եղեւ, զի որ լաւ ոք
եկեալ յաշխարհ մեռանէր, վասն
յիշատակի քաջութեանն զպատշ-
կերն երանգօք ի նկարու հանէին,
և անտի ուսեալ տիմարաց՝ տա-
կաւ ի պաշտօն առնոյին։ Եւ
կոոց և դրօշելոց հանգամանք՝
առ Թարայիւ հարբ Աբրահամու,
և անտի իւրաքանչիւր ոք իւրով
արուեստիւ զնոյն դրօշէր. դար-
բինն՝ զարբնութեամբ, հիւսնն՝
հիւսնութեամբ, արծաթագործն
և պղնծագործ և քարակոփ և
բրուտ՝ իւրաքանչիւր արուեստիւ։
Եւ անտի կարգեալ հասանէր յե-
զիպտացիս և ի բաբելոնացիս և
ի փոխգացիս և ի փիւնիկեցիս
գործ դրօշագործութեան և խոր-
հուրդք նորին, և ապա ի Հել-
լէնս, որ են Յոյնք, առ Կեկրո-
պեաւ. և և յետոյ առաւել աս-
տիք առ կոռնաւն և թէաւ և

Դիաւ և Ապողոնիւ և առ այլովք
բազմօք, զորս մի ըստ միոջէ
աստուածս անուանէին:

Եւ Հելլէնք կոչին Յոյնք՝ յառնէ
միոջէ, որում Հեղինոս անուն
էր յելլադացւոց աշխարհին: Բայց
այլք ասեն՝ եթէ ի ձիթենւոյն,
որ յԱթէնս բուսաւ իւրովի. վասն
զի ձիթենի յունարէն էլէա*
կոչի:

Բայց Յոյնք ի Յաւանայ, որ
էր մի յառաջնորդաց աշտարաշ
կագործութեանն, վասն որոյ Մե-
րովզս ամենեքին կոչին յաղագս
բարբառոյն բաժանելոյ. քանզի
բաժանումն յունարէն մերիս-
մո՞ս *** կոչի:

Եւ առաջին կրօնք՝ խուժականք
և սկիւթականք և հեթանոսա-
կանք կոչէին, մինչեւ եկն Աքրա-
համու աստուածպաշտութիւնն և
աղաւաղեաց զայն:

* Ε'λαια. *** Μερισμός.

Եւ յուղայութիւն ի Յուղայէ,
որ է հրէութիւն, ի չորրորդէ
որդւոյն Յակոբայ. յորմէ թա-
գաւորութիւն էր, և կալաւ ա-
նունն զամենայն ազգն յուղայա-
կան:

Եւ ի վախճանի հրէութեան,
քրիստոնէութեան անուն ի Քրիս-
տոսէ. որ նախ յԱնտիոք անուա-
նեցաւ աշակերտելոցն:

Զ. ԱՐԴԻ ի խնդրելն փիլիսո-
փայից զԱստուած ի բնական օ-
րինաց՝ որ ի միտսն անկեալ է,
որպէս յառաջազոյնն ասացաք,
զովութեան արժանի է. բայց ի
բազում Աստուածսն անկանել,
և զաշխարհս նմա մշտնջենաւո-
րակից գնել, անհնարին ամ-
պարշտութիւն է: Եւ ի դէպ ե-
լանէ նոցա առաքելական բանն՝
եթէ ծանեան զԱստուած, և ոչ
իբրեւ զԱստուած փառաւորեցին:

Զի Աստուածոյ փառաւորու-
թիւնն այն էր, թէ յարարածոցն

մեկնեալ էր զպատիւ արարչին, որով և արարածքն իսկ իւրաքանչիւր շարժմամբք և փոփոխմամբք զարարչէն քարոզեն։ Արդ եթէ աստեղքն ըստ նոցա բանդագուշանացն աստուածք իցեն, երկինք և արեգակն և լուսին՝ որք անխօսքն և անմոռւնչ են, զի՞նչ աւելի իցէ պատճառն քան զպատճառաւրսն։ Եւ մանաւանդ յորժամ զնորին իսկ զմիտսն և զշունչ, թէ մարթիցի Աստուծոյ շունչ ասել, ամենայն արարածոց չնչաւորաց և անշնչից բնութեամբ ի նորա էութենէն դնեն. որ անհնարին ամպարշտութեանն է, զԱստուծոյ զիւրոյ էութեանն կենդանութիւն՝ հոգեւորաց և չնչաւորաց և անշնչից առ հասարակ համարել. և ոչ առաւել արարած կենդանութիւն ի հրեշտակս և ի գեւս և ի մարդկան, որ բանաւորքն և մտաւորքն են. և յայլ չնչաւորսն՝ բնական կենդանու-

թիւն ի չորից հիւթոց խառնեալ և յօդեալ, որք յորժամ քակտիցին, և կենդանութիւնն ի նոյն չորեսին հիւթոն լուծանի։

Են ոգիք հրեշտակաց և դիւաց, և շունչք մարդկան։ Արդ և յիւրեանց բանիցն իսկ ոչ ամաչիցեն, որք զշունչն անարար անմահ և աստուածեղէն յԱստուծոյ բնութենէ անտի ասեն. և դարձեալ տանջանս և պատիժս շնչոցն յանցուցելոց դնեն, որ յետնոյ հայ հոյութեանն է՝ եթէ էութիւնն Աստուծոյի մասունս բաժանիցի, և ի բազում շունչս կոտորիցի. և դարձեալ զիւրոյ զկէս բնութիւնն միւս կէսն տանջիցէ, և կէսն ի փառս և կէսն յանարգանս, և մի թերին յանոյշս և միւս թերին ի դժոխս։

Եւ դարձեալ ասեն, թէ ոչ կենդանութիւն ինչ է յամենայնի, զիա՞րդ իցէ զի ամենայն ինչ շարժի. և սերմանք և տունկք

արկեալք յերկիր բուսանին. և
յէցս մարդկան և յանասնոց ան-
կեալ սերմանք զան ի ծնունդս
և յաճումն. զորմէ և ոչ մէք յու-
րաստ ինչ եմք, վասն փորձոյ ի-
րացն զարդեանցն յայտ առնելոյ:

Այլ ինդիր այն է՝ թէ այն
կենդանութիւն ոչ Աստուծոյ էու-
թեանն կենդանութիւն է, այլ
արարած կենդանութիւն այլազգ
ի բանաւորսն և ի մտաւորս, և
այլազգ յանասունսն և յամե-
նայն շնչաւորսն, և այլազգի
բնականսն՝ որպէս ի սերմանս և
որ յէցս մարդկան և անասնոց
անկանին: Յորոց մարդկանն ա-
ռաւել և պատուականագոյն է,
յորում և բնական կենդանու-
թիւն է ըստ մարմնոյն, և բա-
նաւորն սրանչելի ըստ շնչոյն:
Զի մարմինն և նոցա ի չորից
հիւթոցն կայ, և ոգին ոչ ի չո-
րիցն հիւթոց յօդելոց, այլ ի
պարզական և ի սուզական բնու-

թենէ. և այլոց անասնոց ոչ
նոյնպիսի, այլ ի բնական և յա-
գեցական բնութենէ. և սերմանց
ոչ նոյնպիսի, այլ ի բնական և
յանշնչական խաղացից:

Ե. ՆՈՅՆՊէՍ և ոչ ի լուսա-
ւորսն շնչաւորութիւն ինչ բա-
նաւոր է, այլ բնական և խա-
ղացական շարժմունք. ուստի ո-
մանք և հրեշտակս վարիչս եղին
նոցա: Այլ մէք զգրոց սրբոց
զհետ երթիցուք որ զանձրեւացն
ասէ՝ թէ չև ևս էր Աստուծոյ
տեղացեալ յերկիր: Եւ ոչ որպէս
ոմանք զանդաշեցին՝ թէ սատա-
նայ ունէր իշխանութիւն շար-
ժելոյ և փոփոխելոյ զօդս. ըստ
այնմ զոր Առաքեալն ասէ՝ թէ
ըստ իշխանութեան օդոյս այսու-
րիկ: Իշխան օդոյս այսորիկ կոչէ
զնա՝ վասն յերկնիցն անկանելոյ
և յօդս թափառելոյ. և յայտ
անտի է զոր ասէ՝ թէ օդոյ խա-
ւարիս այսորիկ, զի ցուցցէ՝ թէ

ի լուսոյ ի խաւար կործանեալ
է, և չէ օդոյն փոփոխիչ՝ մերթ
յանձրեւս, մերթ ի ձիւն, մերթ
ի կարկուտ:

Այլ զի Աստուծոյ գործ է այն,
և ոչ սատանայի, ասասցէ Դա-
ւիթ հոգլովս սրբով ի մօտոյ՝
թէ հանէ զամպս ի ծագաց երկրէ,
և զիայլատակունս յանձրեւս ա-
րար. և հանէ զհողմս յըշտեմա-
րանաց իւրոց. և դարձեալ՝ թէ
դնէ զձիւն իբրեւ զասր, և զե-
ղեամն իբրեւ զիոշի ցանեաց. և
արկանէ զսառն իբրեւ զպատառս.
հանդերձ այլովքն: Եւ մի մար-
զարէն ասէ՝ թէ կոչէ զջուր ծովու,
և հեղու զնոսա ի վերայ երեսաց
երկրի: Եւ Յոբ ասէ՝ թէ ո՞ ծնաւ
զշիթս անձրեւի, և յորովայնէ
ոյր ելանեն սառամանիք, և զե-
ղեամն յերկինս ո՞ ծնաւ, որ ի-
շանէ իբրեւ զջուր ծորեալ. զի
ասիցէ՝ թէ իմ գործ է, և ոչ այլ
ուրուք:

Նոյնպէս և զլուսաւորսն շար-
ժել՝ նորա բանին գործ է, և ոչ
այլոյ ուրուք. և ոչ միայն եւթն
աստեղքն զնայունք են և այլքն
առանց զնացից, այլ ամենէքեան
զնայունք. կէսքն յամրազնացք,
և կէսքն արազազնացք. և ոչ
յերկինս բեւեռեալ են, որպէս
յառաջազոյնն ասացաւ, թէ իբրեւ
զշոնչանն շրջիցին, և զնոսա մերթ
յայտնեսցեն և մերթ ծածկեսցեն:
Եւ որ առաւել ծաղուն արժանի
է, թէ արեգակն յարեւմտից յա-
րեւելս զնայցէ, և ընդէ՞ր ոչ զա-
րեւմուտս արեւելս կոչիցեն, և
զարեւելս արեւմուտս:

Այլ բնաւ իսկ, ասեն, ոչ ու-
րեք մտանէ արեգակն. և զի ոչ
մտանէ անտի յայտ է, զի ցայդ
ի նորա լուսոյն ի լուսնի ամանն
լոյս ծագէ. քանզի ինքն երթեալ
հեռացեալ յայլ կողմանս երկնիցն
գտանի:

Եւ թէ ասիցես՝ թէ նա յեր-

կինս իցէ ցայգ, խաւարս որ լինի՝
ուստի իցէ.

Ասեն, յերկրիս ստուերէ լի-
նիցի:

Անդ որ ի վեր յերկինս խաւար-
լինի, ուստի՞ իցէ. ոչ ապաքէն
յայտ է՝ թէ ուրեք ծածկի ցայգ.
որպէս և ի մտիցն է տեսանել:
Զի իբրեւ ի վերուստ ի խոնարհ
իշանէ, և դարձեալ յելանելն՝
իբրեւ ի ներքուստ ի վեր ելեալ
համբառնայ:

Եւ ի զուր է ճամարտակելն նո-
ցա, զի այնչափ մեծութիւն եր-
կնից տան քան երկրի. զի աս-
տուածատուր զիբք զերկինս թզաւ-
ասեն և զերկիր քլաւ. և ոչ ա-
ւելի զթիզն քան զբիլն գտանեմք:

Է. ԳՐՁԵԱԼ, և լուսնի՝ թէ ոչ
իւր առանձինն իցէ լոյս, նախ
նոցա բանն ստի՝ զոր ասեն, եթէ
ի յաճախելն յամենայն իմիք՝
աճէ հիւթն որ ի նմայն է, և ի
լնուլն՝ լնու, և ի պակասելն՝

պակասէ: Որպէս փորձ իրացն
իսկ յուղիզս ամենայն մսեղեաց
ցուցանէ, և ի ծառս և ի տունկո
խոնաւութիւնն: Եւ յԵւրոպն տե-
ղիք ինչ են ծովուց, որոց ջուրն
ըստ աճել լուսնին՝ աճէ, և ըստ
լնուլն՝ լնու, և ըստ պակասելն՝
պակասէ: Եւնոքա այսչափ ժմեր-
տեալք՝ մինչեւ զամենայն մարդ-
կան աչս կամին ունել, որ ցայգ
ի մտանել արեգականն՝ առաւել
պայծառացեալ զլոյս լուսնի տե-
սանեն:

Զիահրդ արագագոյն քան զա-
րեգակն զշանձնաւոր լուսինն ա-
սիցեն. զի նա, ասեն, յերեսուն
աւուր կատարէ զընթացսն, և
արեգակն ի տարւոջ: Զորս փորձ
իրացն յանդիմանէ, և աստուա-
ծատուր զիլքն, որ ասէ՝ թէ ա-
րար երկուս լուսաւորս մեծա-
մեծս, և եղ զնոսա ի հաստա-
տութեան երկնից: Եւ զի զառաւել
պայծառութիւն արեգականն ցու-

ցանիցէ, ասէ. արար զլուսաւորն մեծ՝ յիշխանութիւն տուբնջեան, և զլուսաւորն փոքր՝ յիշխանութիւն գիշերոյ, և զաստեղս։ Ուստի յայտ է՝ թէ յիշրաքանչիւր իշխանութիւնս կարգեալ են, ոչ մի ի միոջէ առնու զլոյսն։

Եւ զանելն և նուազել լուսնի՝ իբրեւ ընդ պատենիւք իմն մտանել և ելանել ասեն իմաստունք։ Եւ նշանս անտի տան, զի է երբեք՝ յորժամ յաճմունսն իցէ և լնլոյն, շուրջ զանօթովն ծանրանայ, որպէս թէ ընդ սակաւ ինչ փեսեկութն ծերպից՝ նշոյլք երեւեսցին։

Եւ գարձեալ խաւարելոյ արեցականն եթէ լուսնին պատահել պատճառ իցէ, յորժամ լուսինն մթանայցէ՝ նմա զի՞նչ պատահիցէ։ Եթէ զաստղ պատճառ պատահելոյն գնիցեն, ահա ոչ տեսանեմք այնչափ մեծ աստղ յերկինս՝ որ պատահելոյ լուսնին՝

ծածկել կարիցէ զլուսինն. և ոչ աստղ ցածազոյն զոյ քան զլուսինն թէ ի ներքոյ նորա հանդիպեալ զնա խաւարեցուցէ։

Նա թէ և զարեզական լոյսն արգելու կարէր լուսինն, ապաքն զիւր լոյսն ծագէր յերկիր, զի գոնեայ իբրեւ զլուսնակայ երեւէր տիւն և ոչ ամենեւին խաւարչուտ։

Թ. ԱՅԼ ճշմարիտ է բան գրոյն, որ ասէ՝ թէ դարձուցից զարեզակն ի խաւար, և զլուսինն յարիւն։ Զի ցուցցէ՝ թէ Տէր է լուսաւորացն, և լուսաւորելոյ և խաւարեցուցանելոյ, առ ի կըշտամբութիւն արեւապաշտացն և լուսնապաշտացն։

Եւ չէ հնար լուսնի յերկիր իշանել. որպէս կախարդաց տեսեալ ի ժամանակի հրամանաւ Աստուծոյ զլուսնոյն արիւնագոյն լինելոյ զկերպարանսն՝ դիւինմանել լուսնի բարբանջեն, թէ զլու-

սին իջուցանիցեն, որում չեն մարթ լինել, թէ որ քան զբազում աշխարհս մեծ է՝ թէ ի կալ մի փոքրիկ ամփոփիցի, և կթիցի անստինն:

Եւ քանի անթիւ բիւրուց կախարդաց են յերկրի. եթէ իւրաքանչիւր ոք ի նոցանէ իջուցանել կարէր զնա, ոչ երբեք տային նմա ելանել յերկինս: Այլ զի ոչ երբեք իջանէ՝ յայտ անտի է, զի ոչ զիջանելն ոք տեսանէ զնորա, և ոչ զամբառնալն: Եւ եթէ կացեալ միտ դնիցես, անդէն անդէն մթացեալ անօթն լուսաւորի առ սակաւ սակաւ, մինչև ամենեւին յարդարի: Զի թէ իջանելոյ ինչ հնար գոյր, թէպէտ և զիջանելն ոք ոչ տեսանէր, սակայն զհամբառնալն ամեներեան տեսանէին: Այլ լուսաւորացն այնչափ ինչ է, որպէս աստուածատուր զիրք ասեն՝ թէ եղիցին ի նշանս և ի ժամանակս և յաւուրս և ի տարիս:

Արդ եթէ լինին ինչ ի նշանս կամ չերմոց կամ ցրտոց աստեղք, ոչ եթէ իբրեւ զկենդանիս ինչ լինիցին, այլ իբրև Աստուծոյ կարգեալ յայն՝ զի մի դատարկք ինչ յարարածոցն Աստուծոյ իցեն: Եւ Յունաց իմաստուկըն այնու զսրովելի են, զի թողեալ զպատճառն՝ պատճառաւորացն պաշտօն մատուցանիցեն. որպէս երանելի Առաքեալն ասէ՝ թէ սպասաւորեցան և պաշտեցին զարածու և ոչ զարարիչն:

Ժ. Եկ զարձեալ, ոչ որպէս ասենն է՝ եթէ զերկինս ջուր պատիցէ, այլ ընդ երկիր և ի վերայ երկրի են ջուրք. և ըստ երկիր անդք ոչինչ է և ոչ եթէ ջուրք: Եւ վկայեսցեն նոցա Հերակլի արձանքն՝ յորս զրեալ է, ասեն, թէ յայսմ վայրէ ոք անդք մի ժանացի երթալ:

Եւ օդ ընդ ջուրս և ընդ երկիր խառն է. և զի ընդ ջուրս

օդ խառն է՝ ի զեռնոցն յայտ է,
որ ի ջուրսն զօդոյն կենդանու-
թիւնն ծծեն։ Եւ զի ընդ երկիր
նոյն օդ խառն է, յորժամ անձրեւ
լեալ իցէ և արեւ տայցէ, ի գո-
լորշոյն՝ որ ի սրտէ երկրին ի
վեր ցոլանայ՝ յայտ յանդիման
երեւի։ Եւ զի ընդ օդս հուր
խառն է, ի փայլատականցն՝ որ
ի շփելոյ ընդ միմեանս հողմոյն
և ամպոց արձակին՝ յայտ յան-
դիման ցուցանին։ Եւ դարձեալ,
թէ յապակի սպիտակ՝ ջուր ար-
կեալ յարեւու ունիցիս, լուսա-
ւորութեան արեւուն մտեալ ընդ
սպիտակութիւն ապակւոյն, և ընդ
յստակութիւն ջրոյն օդով թա-
փանցանց անցեալ՝ հուր ծնու-
ցանէ։ Եւ զի ընդ ջուրս հուր
խառն է, ի քարանցն հանելոյ
ի ջրոյ՝ զոր ընդ միմեանս շփե-
ցեն և հանիցեն հուր՝ յայտ յան-
դիման ցուցանի. և զիշերի, յոր-
ժամ առ ծովեզեր կայցես և

զջուրն ժքթիցիս, նշոյլք լուսոյն
հատանին։

Եւ զեռունքն որ ի ջուրսն ի
ներքս են, ի չորից հիւթոցն յօ-
դեալ են, յերկրէ և ի ջրոյ, յօդոյ
և ի հրոյ, որպէս և ամենայն
մարմնաւորք՝ որ ի ցամաքին են։
Զի այնպէս կազմեաց Աստուած
զաշխարհ. նախ զըրս հիւթոն
մեկնեալս արարեալ, ապա նորօք
յօդեաց զամենայն. և միոյ ա-
րարչի գործ է ամենայն ինչ, և
նոյն վարէ և տածէ զբնաւ։

ՓԱ. Եի ոչ, որպէս գլուխ փի-
լիսոփայիցն նոցա Պիւթազորաս
և պերփատիկեանքն ասեն, մի
միութիւն՝ պատճառ ամենայնի,
և խնամակալութիւն. զոր ոչ ի
նմանէ ասեն, այլ թէ զօրութիւն
ինչ իցէ առանձինն ինսամակա-
լութիւնն։ Եւ որպէս պատճառ
ամենայնի ի միոջէ միութենէ
տայ՝ և զինամակալութիւնն ի
նմանէ գնէր, գեղեցիկ և գովու-

թեան արժանի կարգէր. բայց զի յայլմէ զպատճառսն կարգէ, և յայլմէ զխնամակալութիւնն, պարստանաց արժանի է և ոչ յարգանաց :

Եւ դարձեալ՝ զի աստուածոցն ոչ հրամայեաց զոհել, այնու զովելի է. բայց զի ոչ յայտնի քարոզեաց՝ թէ մի Աստուած է և ոչ բազումք, այնու կարի դրովելի:

Գովելի և առաւել գովելի, զի վասն կարեաց և ցանկութեանց յաղթելոյ՝ ի կերակրոցն կրօնաւորեցաւ. բայց զի փոփոխմունսն ոգուց ի մարմնոց ի մարմինս եւս, այնու յոյժ եպերելի է: Որպէս թէ արդարոցն մեռելոց ոգիք յայլ ի սուրբ մարմինս փոխիցին, կամ ի մարդկան կամ յանասնոց սրբոց. և այն նոցաիրեւ ընդ հատուցման բարեաց գործոց լինիցի: Եւ մեղաւորացն ոգիք յաղաղի մարմինս փոխիւ-

ցին, կամ ի մարդկան կամ ի գաղանաց և ի ճճեաց և ի սողնոց. և այն նոցա ընդ հատուցման չարեաց գործոց լինիցի:

Եւ զմիսն չուտել՝ եթէ վասն զկարիս մարմնոցն խափանելոյ հրամայէր, բարւոք և յիրաւի առնէր. ապա եթէ իբր ի պղծոյ իմերէ արարածոց հրամայէր հրաժարել, վատթարագոյն: Այլ յայտ են պատճառքն՝ ուստի զմիսն շնչաւորացն հրամայէր չուտել. որպէս թէ հոգի աստուածեղին իցէ ի մսեղինս. և վասն այնորիկ չիցէ պարտ ուտել զմիս կենդանեացն: Վ ասն որոյ և մոգքն նախ յագեն, և ապա սպանանեն զանասունսն զի յանզգայ ելանիցեն շունչքն ի մարմնոց անտի: Եւ զայն ոչ զիտեն՝ թէ երկուս մահ սպանանեն. մի յազելովն, և միւս ևս փողոտելովն:

Նոյնպէս և Պիտթագորաս ոչ հրամայէ անասունս զոհել դից,

որպէս թէ չիցէ պարտ զոհել
աստուածս աստուծոց։ Քանզի
հոգի աստուածեղէն ասէ յանաւ
սունսն. և յայտ անտի է՝ զի
երկիր պազանել հրամայէ, և
զոհել ոչ։

Կարի անարժան գործ էր, և
ի լուսոյ ի վեր զամենայն ինչ
անմահ համարել։ Յայտ առնէ,
թէ զայն ամենայն աստուածս
կարծէր. և անտի և ի խոնարհ
մահկանացուս դնելով. ցուցաւ
նէր՝ թէ հուրդ և օդ և երկիր՝
կենդանիք ինչ իցեն և մեռանիւ
ցին. որոց ոչ զկենդանութիւնն
զգացեալ, և ոչ զմահու ազդումն
առնուն, որ շնչաւորացն է և ոչ
անշնչոց։

Եւ հինգամեայ լոսւթիւնն, զոր
նոր յաշակերտութիւն եկելոցն
սահմանեաց, թէպէտ և մեծի
ժութկալութեան օրինակէր քան-
զի և ոչ հարցանել ինչ իշխէին՝
բայց միայն լսել, այլ ոչ ինչ

կարի յօգուտ էր։ Զի թէ յառաջ
քան զհինգամեայ զժամանակն
վճարէր ոք ի նոցանէ, թէպէտ
և կարի քաջ ի լսելոյն իմաստւ-
նանայր, ոչ ինքն վայելէր յի-
մաստութեան՝ քանզի ոչ իշխէր
խօսել, և ոչ այլ ոք՝ վասն զի
ոչ լսէր զիմաստութիւնն։

Եւ որ անհնարին յիմարու-
թեանն է, յետոյ՝ ասեն՝ զիւր
անձնն Աստուած անուանեաց.
որ յառաւել հպարտութենէն զիւ-
պեցաւ նմա. զի ոչ եկն ըստ բանի
իմաստոնոյն՝ թէ որչափ ի մեծու-
թիւն հասանիցես, ի խոնարհու-
թեան կալջիր զանձն։

ԺԲ. ԻԱԿ Պղատոն, որ աս-
տուածն և հիւղ և իդոս զնէ էու-
թեամբ, ցուցանէ թէ կերպարա-
նաց արարիչ է Աստուած, և ոչ
բնութեանց։ Ուստի և ալզանդացն
առեալ նովին դանդաշեն՝ թէ որ-
պէս Աստուածն էութեամբ էր,
նոյնպէս և հիւղն և իդոսն՝ որ

է առանձինն ինչ ուրուք, որպէս
Աստուծոյ արուեստգիտութիւնն՝
առանձինն էր և հիւղեայն նիւթն՝
և ի կերպարանս եւեթ կարաց-
ածել զհիւղն՝ որ խառն ի խուռն
վարէր, և ոչ ի զոյէ ի զոյ ած
զամենայն՝ որպէս և կարօղ ա-
մենայնի, որ տկարութիւն ար-
կանէ զԱստուծով, թէ կարօտ
եղիւ յայլմէ նիւթ մուրանալ.
որով ոչ ինչ առաւել քան զա-
րուեստագէտոսն գտանի, թէ իբ-
րեւ զնոսա կարօտ նիւթոյ իցէ:
Եւ զաշխարհ արարած և եղծա-
նելի ասէ. և երբեմն նա և այլքն
մշտնջենաւորակից Աստուծոյ:

Եթէ արարած և եղծանելի է,
զիա՞րդ մշտնջենակից Աստուծոյ
իցէ. և եթէ մշտնջենակից իցէ,
որպէս ասենն՝ թէ որպէս ստուեր
իրիք ոչ երբեք հեռանայ յիմե-
քէն՝ նոյնպէս և ոչ աշխարհն
երբեք զատ յԱստուծոյ, թէ այն-
պէս իցէ, զուր է ասելն՝ թէ ա-

րարած եղծանելի է աշխարհս.
բայց թէ զայն ևս իշխիցեն ամ-
պարշտել՝ թէ որ պատճառ ստուե-
րին է, ի միջոյ բառնալոց իցէ:
Ապա թէ այն ոչ լինիցի, քանզի
և չինի իսկ, և ոչ ստուեր ի
միջոյ բառնալոց է. և տարա-
պարտ են գանդաչանքն:

Եւ շունչքն՝ թէ վասն զի յԱս-
տուծոյ էութենէն իցեն՝ անաւ-
րարք և անմահք իցեն, երեք
մասունքն ի նոսա ուստի իցեն՝
բանականն և ցաննական և ցան-
կական: Զի թէպէտ և մինն է.
յԱստուած, զի նա է աղբիւր ա-
մենայն բանաւորութեան, այլ ի
ցասմանէ և ի ցանկանալոյ ի
վնր և ազատ է Աստուած. քանզի
առանց կարեաց և առանց մա-
սանց է աստուածականն:

Եւ եթէ ինքն՝ որպէս ասենն՝
լաւութեանց վասն կոյս վճարե-
ցաւ յաշխարհէ, այլոց զիա՞րդ
հրամայէլ զկանայս հասարակաց

համարել, և ոչ իւրում կնոջ եւ էթ սկել:

Եւ զաստուածեղէն շունչսն ընդէր և նա իբրեւ զառաջինսն-փոփոխելիս ի մարմսոց ի մարմինս համարէր, մինչեւ ի սողունս անգամ և ի ճճիս: Որոյ հայհոյութիւնն՝ ի բունն իսկ գնայ, ըստ նորա ամպարշտութեանն. որպէս թէ զկէսն յիւր յինքեան ունիցի, և զկէսն իւր ի սողունսն և ի ճճիս տանջիցէ. որ ոչ նորա է, որ անբաժին և անքանակ և անհատ և առանց մասանց է:

Եւ եթէ, որպէս զանդաշենն, բազում Աստուածք ի միոջէ Աստուծոյն ելեալ իցեն, ընդէ՞ր ոչ բազում աշխարհք իցեն, և ոչ բազում երկինք, և ոչ բազում արեգակունք՝ և ոչ բազում երկիրք: Այլ թերեւս դատարկս Աստուածս եհան յիւրմէ. և դատարկք աստուածքն ում պիտոյ իցեն:

ՃԳ. ԻՍԿ ստոյիկեանքն մարմապիցը հայեցեալ յերեւելի աշխարհս, զամենայն ինչ մարմին կարծեցին. և զերեւելի աշխարհս աստուած համարեցան: Որք աշղանդամիտք են ի փիլիսոփայից, ոչ ինքեանք զիմանալի ինչ զմտաւ կարացին ածել, և ոչ յայլոց ուսանել կամհցան, եթէ է ինչ զօրութիւն՝ որ զերեւելիսս շարժէ, և զշարժիչն պարտ է Աստուած իմանալ և ոչ զշարժունան:

Իսկ ոմանք ի նոցանէ ի հրոյէ ութենէ ասեն զբնութիւն աշխարհիս, վասն զարեգակն առաւել զարմանալի համարելոյ, և զբնութիւն հրոյ սաստկագոյն իմանալոյ: Եւ հայեցեալ ի միտսթէ զամենայնէ մոօքն նկատել մարթեն, վասն այնորիկ զմիտս աստուած համարեցան. իբրեւ զըունչ երկնից և երկրի և ամենայնի որ ի նոսա, և աչս զլուսաւորսն, որք ըստ անբաժան

անմոռութեանն՝ և ոչ պատասշխանի առնելոյ արժանի են:

Եւ զմարմին իբրեւ զայլսն կուրըստական համարին, և զշունչոն փոփոխելի ի մարմնոց ի մարմինս, զոր և ոչ նոքա յայտնի կարեն առնել, և ոչ այլքն աւագագոյնք քան զնոսա: Զի ամենեկրեան առասպելս արկանեն, և թէպէտ և կէսքն հասին ճշմարտութեանն, չկացին ի ճշմարտութեանն:

Ճ. ԻԱԿ եպիկուրայքն բնաւինքնակաց իսկ համարին զաշխարհս: Որպէս թէ նախ հողամագք ընթանային. որպէս յորժամ շողն ընդ երդ մտանիցէ, և հողամագք իմն երեւին ի շողն, այնպիսի՝ ասեն՝ մարմինք անհատք և անբաժինք էին զառաջինն և անտի թանձրացեալ յօդեցաւ ինքն աշխարհս: Եւ թէ ոչ թստուած և ոչ խնամակալութիւն ինչ է, որ վարիցէ զաշ-

խարհս: Զորս և փիլիսոփայքն ինչ յընչաց քերեն, և ամենեւին չհամարին զնոսա աղանդս: Զորոց և Առաքեալ ասէ՝ թէ առանց Աստուծոյ շրջէին յաշխարհի: Ուրոց այնքան կամակոր յամառութիւն եղեւ, մինչեւ յայնչափի ի բազում ի նախրաց փիլիսոփայիցն աստուածոց և ոչ մի աստուած ըմբոնել: Տեսանե՞՞ս՝ զի զործ ստահակութեան այնչափի բոնացեալ ըմբոնելեացն, մինչեւ անաստուած հանել յաշխարհէ:

Ճ. Ա. Աներուքաւ եղեւ, ասեն, սկիզբն հեթանոսութեան: Ուստի յայտ է՝ թէ ցայն վայր աստուածապաշտք էին, և եկեղեցի Աստուծոյ ի սկզբանէ աշխարհի էր: Զորմէ և Դաւիթ ի Հոգւոյն սրբոյ ուսեալ, մատուցանէր ազօթս՝ թէ յիշեա զեկեղեցի քոզոր ստացար ի սկզբանէ:

Բայց թէպէտ և հեթանոսութիւնն եմուտ յաշխարհ, այլ աս-

առուածպաշտութիւնն ոչ ամենեւ
ւին պակասեաց : Եւ յայտ անոտի
է , զի գնացեալ Աբրահամ ի հեւ
թանոսացն եկն աստուածապաշ-
տաց պատահեաց . Մելքիսեդեկայ
քահանայի Աստուծոյ բարձրելոյ ,
և քահանայ ոչ երբեք անուանի՝
եթէ ոչ ժողովուրդ գուցէ նորա .
և Աբիմելքայ՝ որ Աստուծովն
եւեթ խօսէր ընդ Աբրահամու ,
և ոչ դիւք : Եւ բարեկամքն Յօ-
բայ և Եղիուս Աստուծով միայն
ամենակալաւ խօսէին ընդ նմա :

Եւ այնպէս ոչ եթող երբեք
Աստուած զաշխարհսառանց վկա-
յութեան . որպէս մարգարէն առ
հրէութեամքն ասէր իբրեւ յեւ-
րեսաց Աստուծոյ՝ թէ յամենայն
ուեղիս արկանեն խունկս և մա-
տուցանեն պատարացս անուանի-
մում : Զի ցուցցէ թէ յամենայն
դարս աստուածապաշտք գտա-
նէին , որք յանդիմանէին զհեշ-
մակապատսն ;

ՃԶԼ , ասեն , ընդէ՞ր յա-
մեաց զալուստն Քրիստոսի , և
կորեան այնչափ ազգք՝ առանց
աստուածպաշտութեան :

Եթէ չէր աստուածաբարոզս
աստուածպաշտութեանն յամե-
նայն դարս առաջեալ , թերեւս
զոյր մուտ այնպիսի բանից . բայց
զի ոչ երբեք դադարեաց ի վկա-
յութիւն տալոյ , անձանց մեղ
դիցեն չհաւանօղքն , և մի Աս-
տուծոյ :

Զեկն Քրիստոս ի տղայութեան
աշխարհի . զի տղայոցն կաթն
պիտոյ էր , և ոչ հաստատուն կե-
րակուր . և ոչ յեռանդան երի-
տասարդութեանն , յորժամ ելեալ
զեղոյր մոլորութիւն դիւապաշ-
տութեանն : Այլ նախ կրթեաց
քարոզովքն և մարգարէիւք՝ իբ-
րեւ կաթամք , և ապա եկն տալ
զկատարեալ վարդապետութիւնն
իբրեւ հաստատուն կերակուր :
Քանզի և ոչ տղայոյ ոք հաստա-

տուն կերակուր տայ, և ոչ մեծամեծ խորհուրդս յայտնէ, և ոչ աւագ բանս խօսի, մինչեւ ի կատարեալ չափ հասակին հաշտանիցէ:

Որպէս Առաքելոյ՝ առեալ զինքեամբ զերեսս ամենայն մարդկութեան, ասէ. մինչ տղայն էի, իբրեւ զտղայ խորհէի. այլ իբրեւ եղէ այր, զտղայութեանն խափանիցի: Զի ցուցանիցէ՝ թէ ի հասուն հասակի եկն յաշխարհ ի կատարեալ զիտութիւնն, որպէս յայսմ աշխարհի մարթի հասանել զիտութեան: Այլ ի վայելումն կատարելոյ զիտութեանն, և զանձն և զայլս անգը հրաւիրեաց ասելով՝ թէ այժմ փոքրի շատէ զիտեմք, այլ յորժամ եկեսցէ կատարումն՝ դէմ յանդիման տեսանեմք:

Ուստի յայտ է՝ թէ առ ամենայն կարօղ է Աստուած, և յաշմենայնի բաւական: Կարօղ էր

ևս վաղ յառաջին յաւիտեանսն առնել զաշխարհ. այլ այնպէս կամեցաւ զի ոչ կարի վաղ առնիցէ, և ոչ յոյժ անազան, այլ յորժամ դէպ և պատշաճ իցէ: Զի մի վաղն առնելով՝ լեալքն վնասիցին, կարծեալ թէ մշտնջենակիցը նորա իցեն. և մի դարձեալ անազանն առնելով՝ կարծիք տկարութեան լինիցին և առաջին և միջին և վերջին խորհրդոցն:

Նա և զմարդն, զոր ժառանգ ամենայնի կամեցաւ առնել, ոչ նախ քան զժառանգութիւնն արար. այլ նախ զերկինս և զերկիր, զջուրս և զնուր և զօդ և զբոյսս և զտունկս, զգազանս և զանասունս և զթոչունս: Նախ զտունն, և ապա զտնակալն. նախ զստացուածսն, և ապա զստացողն. նախ զժառայօն, և ապա զտէրն. զի մի, յորժամ յետոյ լինիցին՝ որոց իշխանն եղեւ. կար-

ծիս վնասու առնուցու՝ թէ իւր արարածք իցեն։ Այլ յորժամ նախ զնոսա արարեալս տեսա նիցէ, ծանուցեալ առնուցու ի միտ թէ է իմն զօրութիւն, որ արար և ետ զնոսա ընդ ձեռամբ նորա. և զպատիւ փառաւորութեանն մի՛ անձին առնել խորհիցէ, այլ իւրում տիրարարին՝ որ ձրի նմա զայն շնորհեաց։

Նոյնպէս և զզալուստ Որդւոյն իւրոյ յայնմ ժամանակի պատշաճեաց, յորում գիտէր թէ յօ գրւտ լինելոց է։ Եւ եթէ բժիշկ ըստ պէսոպէս հիւանդութեանց՝ ազգի ազգի գեղս ախտացելոցն մատուցանել, զի որ սկզբան ցաւոյն դէպ իցէ՝ զայն ի սկզբանն մատուցանեն, և որ յընդմիջելն՝ զայն ի միջոցի, և որ ի պառաւել ցաւոյն՝ զայն հուսկ յետոյ, ո՞րչափ ևս առաւել ամենահնարին՝ յորմէ ամենայն հանգամանք հնարողութեան բաշ-

իւեալ են, ի գէպ ժամանակի առնէ զոր առնէ. ոչ առաջին և երկրորդ և վերջին խորհրդով, այլ միանգամայն ըստ կամելոյն՝ զգործն արդեանցն կատարէ։ Եւ ոչ յետոյ ծնանի ի նմա կամելն. այլ իբրեւ կանխազէտ գիտէ զամենայն, մինչ չի ինչ լեալ իցէ, թէ ո՞րպէս պարու իցէ առնել, և յոր ժամանակի, և յոր պէտու։ Եւ ոչ խառն ի խուռն ինչ առնէ, թէ առ ապա զզջանայցէ և եղծանիցէ զստեղծուածն իւր։ Եւ ոչ իմկի կարօտանայ, թէ առնելոյ ինչ յումեքէ կամ յիմեքէ ակնունիցի. այլ բաւանդակ յինքեան ունի զամենայն կարողութիւն առնելոյ և հաստատելոյ զամենայն, և անխարխար պահելոյ։ Եւ չունի զոք ընդ իւր զովողակից՝ իբրեւ զեղբայր, կամ իբրեւ զընկեր, կամ իբրեւ զօտար ոք գործակից. այլ միայն զիւր զօրութիւնն և զիմաստութիւնն, որ

իւրոյ էութեանն ծնունդ է և
մշտնջենաւրակից, և զիւրոյ ըզ-
բնութեանն չոգին, որ ի նմանէ
է և միշտ առ նմա անքակ և ա-
ռանց բաժանելոյ:

Ֆէ. Եի յայսմ ամենայնէ յայտ
է եթէ ոչ հիւղ ինչ, որ է նիւթ,
էր ընթերակաց Աստուծոյ, ուստի
ասեն Յունաց իմաստունքն զա-
րարածս արարեալ, և ի նմանէ
չարեաց յաշխարհ մտեալ, որպէս
ասեն աղանդքն՝ որ ի նոցանէ
առին պատճառս զհիւղեայն աս-
տուածացուցանել դնել աստուած
հակառակ Աստուծոյ: Եւ ոչ այլ
ոք արարիչ էր չարեաց, որպէս
մոգքն խաբին՝ թէ Խարամանն
արար զչարիս. այլ մի միայն
Աստուած է արարիչ, և նոյն բա-
րեաց և ոչ չարեաց, և մշտնջե-
նաւր արարիչ: Զի և մինչ չե-
արարեալ էր զարարածս ի մտի
իւրում ունէր յառաջգիտու-
թեամբ զպայման կազմածոյ ա-

բարածոց: Եւ չէր երբեք յորժամ
չէր արարիչ, այնու զի ունէր
յինքեան զկարողութիւնն ամե-
նեցուն բաւական լինելոյ:

Եւ բազում պատճառք էին Աս-
տուծոյ, որովք եկն զարարածսն
առնել: Նախ զճարտարութեանն
խելամտութիւն չէր պարտ դա-
տարկ թողուլ. զի մի իբրեւ
զտկար ոք պարտեալ ինչ գտա-
նիցի՝ առ ի չկարելոյ առնել
զայնս, զորոց խելամտութիւն
յինքեան ունէր կանխակալ գի-
տութեամբ: Երկրորդ անզամ,
քանզի բարերար է բնութեամբ,
չէին իրաւունք զբարերարու-
թիւնն անօգտակար պահել: Եւ
այլ ինչ բազում նման սոցին
էր զԱստուծով, վասն որոց կազ-
մածոյ աշխարհի արար սկիզբն:

Որպէս ոք եթէ ճարտարութիւն
իրաց ինչ զիտիցէ, եթէ զնուա-
զածութեան և եթէ զբժշկութեան,
եթէ զհիւնութեան, և արդեամբք

զճարտարութիւնն ցցուցանիցէ, ի զուր ունի զհանգամանս ճարտարութեանն՝ ուստի ոչ ինքն վայելեսցէ, և ոչ այլոց զիտութիւն արուեստին ցցուցանիցէ։ Նոյնպէս և որ բարերար ոք իցէ, եթէ բարերարութեանն վայելեւ լիք չիցեն, ում շահ իցէ բարերարութիւնն։ Զի բարերարութեանն առաքինութիւն այն է՝ յորժամ այլքն ի նմանէ վայելեսցեն. եթէ չիցեն՝ որք վայելիցեն ի բարերարութեանն, զինչ շահ իցէ ի բարերարութենէ անտի։

Նոյնպէս և Աստուծոյ որ զամենայն ճարտարութիւն արուեստ զիտութեան ունէր յինքեան, եթէ չէր արարածս արարեալ՝ ի զուր կարծէր ունել զճարտարութիւնն, յորժամ չէին՝ որք ի ճարտարութենէ անտի երեւէին։ Նա և ոչ բարերարութիւնն բարերարութիւն ցուցանէր, եթէ արարածս չէր արարեալ՝ որք ի

բարերարութեանն վայելէին։ Այլ նա այնպէս բարերար է, զի ոչ միայն զառնելն չնորհեաց նոցա, այլ և յուրախութիւնս լաւութեանցն վայելել։

Դարձեալ՝ թէ չէր Աստուծոյ արարածս արարեալ, և զիտաէր իսկ ոք ոչ թէ բնաւ իցէ Աստուծած, յորժամ չէին ի միջի՝ որք զկարողութիւն զիտութեանն ստանային։ Ուստի քանզի յիւր զիտութիւնն ածել կամեցաւ, և թէ է ինքն՝ ցուցանել, յօժարեաց արարածս առ իւրոյ զիտութեանն ընծայեցուցանելոյ, զի վայելիցեն ի բարերարութեանն նորա։ Եւ զպէտս աշխարհիս վասն մարդոյ արար ի սպասաւորութիւն ամենայն իրաց՝ կարեւորաց. և զմարդն յիւր փառս, զի փառաւորեսցէ զՏէրն և ծանիցէ զբարերարութիւնն։

Եւ այսպէս ոչ երբեք էր Աստուծած դատարկ յարարչութենէ.

քանզի միշտ ի մտի նկարեալ
ունէր զորս առնելոցն էր։ Եւ զի
չէր ի դէալ կամօքն հւեթ և խոր-
հըրդօք ունել զկարողութիւնն;
վասն այնորիկ առ յայտնելոյ
զկամսն և զիսորհուրդս՝ ած յայտ
զարարածս, զի իւր կարողու-
թիւնն երեւեսցի և արարածքն
ի նորա բարերարութեանն վայե-
լեսցեն։

Այլ մի՛ ոք ինքնակաց զաշ-
խարհս իշխեսցէ համարել, և մի՛
ընթերակաց ինչ Աստուծոյ, զի
մի՛ զմեծութիւն զօրութեան նորա
խախտիցէ. այլ ամենեցուն նա
չնորհեաց զլինելն, որք ոչն էին
յառաջազոյն։ Ընդէ՛ր զզօրու-
թիւնն նորա ի միջոյ բառնալ
կամիցին՝ և արուեստագէտ միայն
նիւթոյ իմիք զնա համարիցին,
և ոչ ի չգոյէ ի գոյ ածել զհա-
սակս ամենայնի։ Զգոյր ինչ ժա-
մանակակից Աստուծոյ, և ոչ
նիւթ ինչ ուստի առեալ զարա-

րածս կազմիցէ, այլ ինքն է ա-
մենայն բնութեանց արարիչ, և
ոչ միայն կերպարանաց կազմիչ,
և ոչ էութեան էականաց իրիք
խառնիչ, այլ գոյանալոյ գոյա-
ցելոցն գոյարար։

Զայսպիսիս պարտին ասել
մարդիկ զԱստուծոյ, և այսպիսի
պատմութեանց լինել պատմիչք.
որով Աստուծած փառաւորի, և
մարդիկ ոչ վնասին։

Այլ ըստ Աստուծոյ արժանեաց
որք արժանաւոր իցեն պատմիչ
լինել, բայց եթէ Աստուծոյ բա-
րեկամք՝ որք վասն նորա սի-
րոյն և զկեանս աշխարհիս ար-
համարհեցին, և մահուչափ վասն
կենդանի յուսոյն՝ որ առ Աս-
տուծած՝ գուն գործեալ, մատնե-
ցին զանձինս ի կորուստ մար-
մոց, ուստի փրկութիւն ոգւցոցն
գտանի։

Եւ արդ ի զուր իսկ ջանան
իմաստունքն Յունաց զԱստուծոյ

ճառել, այնու զի պարարիչն և
զարարածս ի միմեանց ոչ կա-
րացին ընտրել, որք մթով դի-
ւացն խաւարեալք՝ ծնունդս բա-
զումո և անթիւ աստուածոց մուշ-
ծանել դանդաչեցին:

Որպէս Եսիոդոս ոմն իմաստուն
ի նոցանէն՝ բազում ծնունդս աս-
տուածոց համարէր: Եւ Հոմերոս
զրաբանեալ, զնորին հետ երթեալ,
պաճուճեալ բանիւք զնոյնս ճա-
մարտակէ: Եւ այլք բազումք
ի փիլիսոփայից առասպելական
բանիւք բանդագուշեալք, խոս-
տանան զԱստուծոյ պատմու-
թիւնս կատարել: Որք զԱստուածն
ոչ ճանաչէն, և ոչ զարարիչն յա-
րարածոց մեկնել զիտեն, զիարդ
զԱստուծոյ ճառել մտաբերիցեն:
Եւ մանաւանդ որ քան զամենե-
սինն իմաստնագոյն համարին
զՊղատոն, որ վասն Աստուծոյ
և վասն ոգւոց և վասն արարա-
ծոց խօսել յօժարեցաւ:

Եւ արդ ընդ նմա իսկ մարտի-
ցուք զոսութեան բանիւք, որ
քան զամենայն փիլիսոփայսն
աստուածապաշտագոյն եր եւի
Յունաց: Զի նորա առաւել գտանի
չծանուցեալ զԱստուած, և ոչ
զարարչութիւնն արարածոց: Զի
յորժամ զնորա մեծարոյ կարիսն
գձեսցուք, և հանցուք զնա յա-
չաց իւրոցն խաբեցելոց, ապա
ցուցցուք թէ ով Աստուած է,
և զինչ նորա արարածք:

Եւ մի ինչ, զոր առաւել ան-
ճառ համարի Պղատոն, այս է՝
թէ միշտ էր Աստուած, և արա-
րածս ինչ ոչ ունէր. զորոյ զկամսն
սիրեմ վասն զԱստուածն ինդրե-
լոյ, և զամբարատաւանութիւնն ոչ
զովեմ:

Գ. Ի. Բ. Ք. Զ. Ա. Ր. Բ. Ո. Ր. Դ. Գ.

ԵՂԾ

ԱՂԱՆԴՈՅՆ ՄԱՐԿԻՈՆԻ

Ա. ՄԱՐԿԻՈՆ մոլորեալ մուծանէ օտարութիւն լնդգէմ աստուծոյն օրինաց, եղեալ ընդ նմակ զհիւղն էութեամբ և երիս երկինս: Ի միոջն, ասեն, բնակեալ է օտարն. և յերկրորդումն օրինացն աստուած. և յերրորդումն զօրք նորա. և յերկրի հիւղն, և կոչեն զնա զօրութիւն երկրի:

Եւ այնպէս կարգէ զաշխարհէ և զարարածոց, որպէս օրէնքն ասեն: Այլ և յաւելու թէ հազորդութեամբ ընդ հիւղեայն արար զամհնայն զոր արար. և որպէս թէ էգ ոք ինչ և կին ամուսնութեան էր հիւղն: Եւ յետ

առնելոյ զաշխարհս ել ինքն զօրքն հանդերձ յերկինս, և հիւղն և որդիք նորա մնացին յերկրի, և կալան զիւրաքանչիւր՝ իշխաւ նութիւն, հիւղն յերկրի, և օրիւնացն աստուած յերկինս:

Եւ տեսեալ օրինացն աստուածոյ՝ թէ զեղեցիկ է աշխարհս, խորհեցաւ առնել ի սմա մարդ: Եւ իջեալ առ հիւղն յերկրի, ասէ. տուր ինձ ի կաւոյգ քումմէ, և յինէն տամ ոգի, և արասցուք մարդ ըստ նմանութեան մերում: Տուեալ նմա հիւղեայն յերկրէ իւրմէ, ստեղծ զնա և վշեաց ի նա ոգի, և եղեւ Ազամ ի շունչ կենդանի. և վասն այնորիկ անուանեցաւ Ազամ, զի ի կառոյն արարաւ: Եւ ստեղծեալ զնա և զամուսինն նորա, և եղեալ ի դրախտին՝ որպէս և օրէնքն ասեն, զային հանապազ պատուիւրէին նմա, և ուրախ լինէին ի նմա իբրեւ յորդւոչ հասարակաց:

Եւ տեսեալ, ասէ, աստուծոյն օրինաց որ տէրն էր աշխարհի՝ թէ ազնուական է Ազամ և արժանի սպասաւորութեան, հնաւրեցաւ՝ եթէ զիարդ կարասցէ գողանալ զնա ի հիւղեայն, և յիւր կողմն միաբանել: Առեալ զնա ի մի կողմն, ասէ. Ազամ, ես եմ աստուած և չիք այլ ոք. և բայց յինէն այլ աստուած քեզ մի լիցի. ապա թէ ունիցիս զոք այլ աստուածս բայց յինէն, զիտասչիր զի մահու մեռանիցիս: Եւ իբրեւ ասաց զայս ցնա և յիշատակեաց նմա զանուն մոհու, զահի հարեալ Ազամայ՝ սկսաւ տակաւ զանձն մեկնել ի հիւղեայն:

Եւ եկեալ հիւղեայն՝ պատուիւրել նմա ըստ սովորութեանն, տեսանէր՝ զի ոչ անսայր նմա Ազամ, այլ խորհեալ ի բաց մերժէր, ու չմերձենայր առ նա: Յայնժամ հիացեալ ի միտո իւր հիւղեայն, իմացաւ՝ թէ տէրն աւ

բարածոց նենգեաց նմա: Ասէ.
յականէ աղբերն պղուրեալ է
ջուր նորա. զի՞նչ է այս, չե հս
բազմացեալ Ագամայ ծննդովք,
և գողացաւ զնա անուամբ աս-
տուածութեանն իւրոյ յինչն: Ո-
րովհետեւ ատեաց զիս, և ոչ պա-
հեաց ընդ իս զգաշնն, ես արա-
րից աստուածս բազումս, և լցից
նոքօք զաշխարհ գոյիւ իւրով,
զի խնդրից՝ թէ ով իցէ աս-
տուած, և ոչ գտանիցի:

Եւ արար, ասեն, կուսս բա-
զումս և անուանեաց զնոսա աս-
տուածս, և ելից նոքօք զաշխարհ:
Եւ ընկդմեցաւ անուն աստուեոյ,
որ տեառնն արարածոց, ի մէջ
անուանց բազում աստուածոց, և
ոչ ուրեք գտանէր: Եւ մոլորեցաւ
ծնունդ նորա նոքօք, և ոչ պաշ-
տէր զնա, զի ձգեաց զամենեսին
առ ինքն հիւզն, և ոչ եւ թոյլ
և ոչ միում ի նոցանէ պաշտել
զնա: Յայնժամ, ասեն, բարկա-

ցաւ տէրն արարածոց, զի թո-
ղին զնա և անսացին հիւղեայն.
և մի լստ միոջէ, որ ելանէին
ի մարմնոց իւրեանց, արկանէր
զնոսա առ ցասման ի գեհեն. և
զԱղամ արկ ի գեհեն վածն ծա-
ռոյն. և այնպէս արկանէր զայր
ի գեհեն զամենեսին, մինչեւ
ցրսան և ինն գար:

Եւ տեսեալ, ասեն, աստուծոյն
բարոյ և օտարի, որ նստէր յեր-
բորդ երկինս, թէ այնչափ ազգք
կորեան և տանջեցան ի մէջ եր-
կուց նենգաւորաց՝ տեառնն ա-
րարածոց և հիւղեայ, ցաւեաց
նմա վասն անկելոցն ի հուր և
տանջելոց: Առաքեաց գորդի իւր
երթալ փրկել զնոսա, և առնուլ
զնմանութիւն ծառայի, և լինել
ի կերպարանս մարդոյ ի մէջ
որդւոց աստուծոյ օրինացն: Բը-
ժըկեսջիր, ասէ, զբորոտս նոցա,
և կեցուսջիր զմեռեալս նոցա,
և բացջիր զկոյրս նոցա, և ա-

րասջիր ի նոսա բժշկութիւնս
մեծամեծս ձրի. մինչ զի տեսա-
նիցէ զքեզ տէրն արարածոց, և
նախանձիցի, և հանիցէ զքեզ ի
խաչ: Եւ ապա ի մեռանելն քում՝
իջես ի գժոխս, և հանցես զնոսա
անտի. զի չեն սովոր գժոխք՝
ընդունել ի միջի իւրեանց ըզ-
կեանս: Եւ վասն այնորիկ ելա-
նես ի խաչ, զի նմանեսցիս մե-
ռելոց. և բացցէ գժոխականն
զբերանն իւր՝ ընդունել զքեզ.
և մոցես ի մէջ նորա, և թա-
փուր արասցես զնա:

Եւ իբրեւ եհան զնա ի խաչ,
ասեն, էջ ի գժոխսն, և թափուր
արար զնա: Եւ հանեալ զոգիսն
ի միջոյ նորա, տարաւ յերսորդ
երկինսն առ հայրն իւր: Եւ տէրն
արարածոց զայրացեալ, առ ցաւ-
մանն էցել զպատմուճանն իւր
և զվարագոյր տաճարին իւրոյ.
և խաւարեցոյց զարեզակն իւր,
և զգեցոյց թուխս աշխարհին իւ-

րում, և նստաւ ի սուզ առ տըրտ-
մութեանն:

Ոպա երկրորդ անգամ իշեալ
Յեսու կերպարանօք աստուածու-
թեան իւրոյ առ տէրն արարա-
ծոց, զնէր զատ ընդ նմա վասն
մահոն իւրոյ: Եւ տեսեալ տեառն
աշխարհի զաստուածութիւնն Յե-
սուայ, զիտաց՝ թէ զոյ այլ աս-
տուած արտաքոյ քան զնա: Եւ
ասէ ցնա Յեսու. դատաստան
կայ իմ ընդ քեզ, և մի ոք լիցի
դատաւոր ի միջի մերում, այլ
քո իսկ օրէնքն՝ զոր զբեցեր: Եւ
իբրեւ եղին զօրէնսն ի միջի,
ասէ ցնա Յեսու. ոչ զու զբեցեր
յօրէնսդ քում՝ թէ ոք սպանա-
նիցէ, մեոցի. և ոք հեղու զա-
րիւն արգարոյ, հեղցեն զարիւն
նորա: Եւ ասէ. այո ես զբեցի:
Եւ ասէ ցնա Յեսու. արդ տուր
զքեզ ի ձեռս իմ՝ զի սպանից և
հեղից զարիւն քո, որպէս սպա-
ներն զու զիս և հեղեր զարիւն

իմ. զի արդար եմ իրաւամբք
քան զքեզ, և երախտիս մեծա-
մեծս արարի յարարածսն քում:
Եւ սկսաւ համարել զերախտիսն,
զոր արար յարարածս նորա:

Եւ իբրեւ ետես տէրն արա-
րածոց՝ թէ յաղթեաց նմա, և
ոչ զիտէր զի՞նչ խօսիցի, քանզի
յիւրոց օրինացն պարտաւորե-
ցաւ, և չգտանէր տալ պատաս-
խանի, զի եղեւ մահապարտ փո-
խանակ մահուանն նորա, ապա
յովոքս անկեալ աղաչէր զնա թէ/
փոխանակ զի մեղայ և սպանի
զքեզ յանգէտս, քանզի ոչ զի-
տացի՝ թէ աստուած իցես, այլ
մարդ համարէի զքեզ, տուեալ
քեզ ընդ այնը վրիժուց՝ զամե-
նեսեան որ կամիցին հաւատալ
ի քեզ՝ տանել յո՛ և կամիցիս:
Ապա թողեալ զնա Յեսուայն՝
յափշտակեաց առ զՊաւոսու, և
յայտնեաց նմա զգինսն, և ա-
ռաքեաց զնա քարոզել՝ թէ զնոց

զնեալ եմք մէք. և ամենայն որ
հաւատայ ի Յեսու՝ վաճառեցաւ
յարդարոյ անոի բարւոյն:

Այս սկիզբն է աղանգոյն Մար-
կիոնայ. թող զայլ բազում թար-
մատարսն, և զայս ոչ ամենէքին
զիտեն, այլ սակաւք ի նոցանէ.
և աւանդեն զուսումսն միմեանց
ի բերանոյ. ասեն, օտարին՝
զնովք զնեալ է զմեզ ի տեառնէն
արարածոց, և թէ որպէս կամ
իւ զնեալ իցէ, զայն ոչ ամենէ-
քին զիտեն:

Բ. ՊԱՏԱՍԽԱՆԻ. արդարեւ
որպէս երանելին Առաքեալ ասէ,
թէ իմաստութիւն աշխարհիս այ-
սորիկ յիմարութիւն է առաջի
Աստուծոյ: Զի՞նչ առեալ կամ
զի՞նչ կցկցեալ կամ ոյր բանիւ
խօսին: Թէ ճշմարիտ է նմա օ-
րինացն աստուած, յորմէ զա-
րարածս ամենայն դնէ, ապա օ-
տարին՝ զոր նմա պոզօղ մուծա-
նէ՝ չեր պարտ նորա արարածոցն

ցանկանալ, թէպէտ և ի տանշանս էին կամ ի հանգստեան։ Զի թէ աստուած էր, և իւր իսկ արժան էր արարածս առնել, և ոչ այլոյ արարածոց ցանկանալ։ Այլ զի ոչ ինչ արար, յայտ է՝ թէ բնաւ և էր իսկ ոչ։ Զի թէ էր իբրեւ զլստուած պարա էր նմա զամենայն կարողութիւն յանձին ունել. և թէ ինքն յանձնէ իմաստութիւն ինչ այնպիսի ոչ ունէր, գեթ յարարիչն աշխարհի նայեցեալ՝ իցիւ ուսանել ի նմանէ զարուեստն։ Բայց եթէ նմա նմա նօղ չկարէր լինել, գոնեայ հիւղեայն լիցի նմանօղ, որ ընդ գետինն քարշէր՝ և եղեւ հազորդ արարչութեան արարչին։

Այլ յայտ է թէ մտաց բարբաջանք են աղանդն, և ոչ ճշմարտութիւն։

Արդ նախ զաստուածն օրինաց և զհիւղն նմա հաւասար գնել՝ ի փիլիսոփայից գողացեալ դնէ.

որք տկարութիւն արկանէն զԱստուծով՝ թէ չկարաց յոչնչէ ինչ առնել, այլ ի նիւթոյ ընթերակացէ։ Եւ թէպէտ բիւրապատիկ յանուն օտարին և որդւոյն նորա Յեսուայ՝ զոր բարերարն կոչեն՝ ապաւինիցին, չեն ինչ ընդհատ ի հեթանոսաց։ Քանզի որպէս նորա աստուածս բազումս ասեն, նմա նապէս և սորա աստուածս ըզնոյնսն քարոզեն. և բազմապատիկ մահապարտք են, զի արարեալք յօրինացն աստուծոյ՝ յօտարի անուն խրախուսեն իբրեւ զտիրապրուժս. որ և ի մարդկան միջի ոչ պաշտի։ Զի ոչ իշխէ արքայից արքայի ծառայ՝ կայսր խրախուսէլ, և ոչ կայսեր ոք ծառայ՝ ի սասանականն խիզանել. ապա թէ ոչ՝ զլսապարտ զտանի։

Դարձեալ և նորա ծնունդս աստուածոց բազմաց ասեն. և սորա յամուսնութենէ օրինացն

աստուծոյ և հիւղեայ ասեն արարեալ զամենայն արարածս . և զի՞նչ աւելի իցեն քան զմոզս , որք յամուսնութենէ զնեն զաստուածսն իւրեանց : Արդ ցուցցեն . ո՞ր հոգի ետ նոցա զայն օրէնս . զի ի Հոգւոյն սրբոյ , որ ի մարգարէս և յառաքեալս խօսեցաւ , ուրացեալ են :

Դ. ԱՅԼ Պաւղոս՝ ասեն , յափրշտակեցաւ յերբորդ երկինս , և լուաւ զայս բանս անճառս զորս մեք քարոզեմք :

Նա աւանիկ Պաւղոս ասէ . զոր ոչ է պարտ մարդկան խօսել : Արդ Մարկիոնն , թէ մարդ ոք իցէ , ապա և նմա անճառ էին բանքն : Որ և մարդ իսկ է , և վատթարագոյն քան զամենայն մարդիկ . որոյ թողեալ զծմարտութիւն Հոգւոյն , և նստի առասպելս կարկատէ : Եւ այնչափ յանդգնեալ սատանայութեանոգւոմն , մինչև ի պատգամաց Հոգ-

ոյն սրբոյ քաղ հանել . զկէս աւետարանի ընտրել առնուլ՝ և զկէսն իբրեւ զխոտան ի բաց թողուլ . նոյնպէս և զառաքելական թղթոցն , և զի՞ն կտակարանս ամենեւին ուրանալ , որպէս թէ յանզգամէտ տուեալ իցեն և ոչ ի բարոյ :

Եւ Առաքեալ ասէ՝ թէ անպատում են բանքն , զոր լուայ . և Մարկիոնն ասէ՝ եթէ ես լուայ : Արդ Առաքելոյն՝ որ անճառ ըզբանսն համարի՝ պարտ է անսալ , թէ Մարկիոնի՝ որ ի քարշ անկեալ ընդ վայրս զբանսն ածէ :

Դ. ԴԱՐՁԵԱԼ՝ թէ մշտնջենաւոր էր օրինացն աստուած , ապաքն պարտ էր կանխագէտ և ամենագէտ էանալ . և թէ չէր կանխագէտ և ամենագէտ , ապա և կատարեալ իսկ չէր : Այն աւանիկ կատարեալ երեւի այնուզ զի գերկինս և զերկիր ամենայն արար . և ոչ միայն մի երկինս՝

այլ երկուս, և զօրս բազումս։ Եւ որ այնմ ամենայնի բաւական եղեւ, զայն զի՞ոչ կարէր զիտել՝ թէ է ոք ի վեր քան զնա, յորմէ կասկած կայր նմա։ Եւ եթէ զիտէր, ընդէ՞ր ոչ ամրացոյց զիւր տեղին, զի մի՛ լինէր անգր մուտ հակառակորդին՝ որ կայր և ապստամբեցուցանէր զարարածս նորա ի նմանէ։

Եւ դարձեալ՝ բարին, զոր կոչեն, եթէ որպէս ատենն՝ ընութեամբ բարի էր, և չարութիւն ի նմա ոչ գոյր, զի այլոցն բարի խորհեր՝ նմա չար ընդէ՞ր խորհեցաւ, առնել զնա սրտառուչ յիւրոցն արարածոց։ Զի սա հանապազ առնէ մարդիկ. և նորա միշտ հանեալ ի սմանէ, առնէ զսա թախծալից. որ ոչ բարւոյ զործ է՝ այլ չարի։

Ն. ԴԱՐՁԵԱԼ, և զոր արդարն ասեն՝ թէ արդարեւ արդար էր, յետ բաժանելոյ զիշխանու-

թիւնսն, իւր զերկինսն երկոսին առնլոյ, հիւղեայ և որդւոցն նորա զերկիր միայն թողլոյ, զիարդ էր զի միւսանգամ նորա աշխարհին ցանկացեալ, ասէր՝ թէ տուր ինձ ի կաւոյդ քումմէ, և յինէն տաց ոզի, և արասցուք մարդ ըստ նմանութեան մերում. որ ոչ արդարոյ զործ է՝ այլոյ աշխարհի ցանկանալ՝ այլ անիրաւի։

Կամ հիւղեայն զիարդ ընդ միւս հարեալ էր, ընդ մի անգամ բաժանելոյն ի նմանէ՝ դարձեալ հազորդութիւնս առնել, և անձամբ անձին նենգել և մասընմուտ առնել օտարի յիւր աշխարհն, զի առնիցէ անդ զԱդամն և զամուսինն նորա, որ մերթի սա տայր ձեռն և մերթ ի նա։

Բայց և տէր արարածոց զարդարն միայն զիարդ կոչիցեն. զի և յառաջնումն, որպէս ասեն, ոչ միայն ինչ արար, այլ հաշ-

սարակ արարին զինչ և արարին .
և յերկրորդումն ի հասարակաց
նիւթոյ արարին զմարդն , և եր-
կորին զոյգ ուրախ լինէին ի
նմա : Զի թէ՝ որպէս ասենն՝ ար-
դար միայն էր օրինացն աս-
տուած , յայտ է՝ եթէ զարդա-
րութեան և պատուիրանս տայր
նմա . և եթէ չար միայն էր հիւզն ,
հարկ էր՝ եթէ չարեաց հւեթ
խրատ տայր նմա :

Եւ ո՞ւր էր զի երկորին ուրախ
լինէին ի նմա՝ որ հակառակ
միմեանց տային զպատուէրս .
մինն զբարեաց իբրեւ զբարի . և
մինն զչարեաց իբրեւ զչար : Զի
ոչ արդարոյ , որ բնութեամբ ար-
դար իցէ , մարթի զչար ինչ պա-
տուէր տալ . և ոչ չարի , որ բնու-
թեամբ չար իցէ , զբարոյ խրատ
տալ :

Այլ և ուրախ լինէլ չարին
ուստի՞ էր , որ միշտ խաւարին
և գժղմագոյն էր . կամ արդարոյ

նենգել , որ ի բնէ արդարակորով
և իրաւախորհ էր , որում չէր
մարթ իւր միայն խորհել զմարդն
հասարակաց ստեղծուած : Այլ
իբրեւ արդարոյ պարտ էր խոր-
հել՝ թէ որպէս ի միասինն ա-
րարաք զնա , առ հասարակ ար-
ժան է մեզ և վայելել ի նմա :
Յայց ոչ իբրեւ զարդարակորով ,
այլ իբրեւ զնենգաւոր և զկաս-
կածուտ առեալ մեկուսի զմարդն
զեղծուցանէր՝ թէ ես եմ աս-
տուած , և չիք այլ ոք բաց յի-
նէն : Եւ ի դէպ էր Ադամայ ա-
սել՝ թէ մինչ առնելն կամեցար
զիս , զոյր այլ աստուած , յոր-
ժամ զիողն խնդրեցէր . և արդ զի
խորհելդ զիս քեզ կամիս միայն ,
որ զու միայն իցես աստուած ,
և այլ ոք ոչ :

Այլ թերեւս ի համբաւէ մա-
հուանն զարհուրեցաւ՝ զոր թէ
կամէր թէ չկամէր սակայն կրեաց :
Եւ զայն ոչ զիտէր՝ թէ առ նեն-

գելն նենգէ նմա հիւղն, և ընկղմէ զմի անուն նորա ի մէջ բազում աստուածոց՝ զոր առնէր զայշակղութիւն մարդոյն։ Եւ այնպիսի վասուոչ յետնամեղն եղեւ պատճառ, այլ որ նախն նենզգեաց։ Զի թէ նորա զայնպիսի արուեստ չէր ցուցեալ, հիւղն ոչ իմանայր. այլ ինքն եղեւ վարդապետ, և իւրոյ նենգութեանն, և հիւղեայ խորամանկութեանն։

Զ. Եի իբրեւ տեսանէն՝ թէ ոչ ոք պաշտէ զնա՝ բարկացեալ արար զնոսա մահկանացուս, և որոց ոգիքն ի մարմնոցն ելանէին՝ արկանէր զնոսա մի ըստ միոջէ ի գեհեն։

Արդ քան զնոսա արկանէր ի գեհեն, զնա՝ որ պատրեացն զնոսա՝ ընդէ՞ր ոչ արկանէր ի գեհեն. մի թէ վասն զի ոչ կարէր յաղթել նմա։ Ապա եթէ բանազոյն քան զնա էր հիւղն, զի ետ ի ձեռո զիւր պատրեալսն նմա չարչարել։

Բայց և արդարն թէ արդարեւ արդար էր, չէր պարտ այնուհետեւ զմարդիկ առնել. զի գիտէր եթէ խաբելոց է զնոսա հիւղն։ Այլ իբրեւ արդարոյ արժան էր խորհել՝ թէ զի՞նչ օգուտ է զի ես առնեմ, և այլ հանէ զնոսա յինէն։ Նա և տանջել իսկ չէր օրէն զնոսա. զի գիտէր՝ թէ այլոց բանիւ մեղանչեն։

Է. ԱՅԼ միւսն ևս, զոր ասեն, ամպարշտագոյն է քան զամենայն. թէ իբրեւ ետես բարին՝ որ յերրորդ երկինս նստէր՝ զայնշափ զքսան և զինն ազգաց զուզիս տանջեալս ի գեհենի, գթացեալ ի նոսա՝ առաքեաց զթեսու զորդի իւր, երթալ առնուլ զնմանութիւն ծառայի, և ի կերպարանս մարդկան լինել։

Եթէ այնչափ զթած էր, ետ ընդետ իսկ ընդէ՞ր ոչ յղեաց զորդին իւր՝ երթալ փրկել զնոսա, այլ յետ քսան և ինն ազգաց այնշափ ոգլոց ի գեհենի տանջելոց։

Այլ նախ՝ երրորդ երկինս աւսել ուստի իցէ նմա. զի Մովսէս երկուս երկինս ասէ։ Այլ որպէս յամենայնի մոլորեցան հերձուածօղք, նոյնպէս և յայսմ. զի ոմն տասն երկինս ասէ, ոմն եւթն, և Մարկիոն երիս։ Եւ ի գրոց սրբոց կամին հաստատել զմոլորութիւնն իւրեանց՝ թէ երկինս և երկնից երկինս բազմաբար ասեն գիրք։

Յորժամ ոչ յումեքէ սանձաշարին հարցուածովք, արտաքոյ գրոց սրբոց բարբանջեն. և իբրեւ վտանգին, ապա ի գիրս ապաւինին։ Բայց երկինս և երկնից երկինս յայն սակս գտանեմք ի գիրս, զի յերբայեցւոց լեզու երկին չմարթի ասել, որպէս և ոչ յասորի լեզու՝ ջուր կամ երկին. այլ մին բազմաբար ասի։

Եւ յայտ անտի է, զի եւթանասնիցն թարգմանեալ ի յոյն լեզու, ասեն. ի սկզբանէ արար

Աստուած զերկին և զերկիր, իբրեւ զմիոյ երկնէ յայտ արարեալ։ Եւ յասորի լեզու քանզի չմարթի երկին ասել, ասէ. ի սկզբանէ արար Աստուած զյաթն երկինս և զյաթն երկիր. թէպէտ և միաբար չմարթի ասել նոցա զմիոջէ երկնէն, սակայն յաթն ասելով՝ որ է տարր՝ իբրեւ զմիոջէ տարեք միոյ երկնի յայտ առնէ թարգմանութիւնն։ Կա և զերեւելի հաստատութիւնս, որի ջուրց մեկնեցաւ, երկին թարգմանեցին եւթանասունքն, ուստի յայտ է՝ թէ զերին երկինն և ներքին՝ երկու երկինք են, ոչ երեք կամ բազումք։

Այլ ասեն. Պաւղոս ասաց՝ թէ յափշտակեցաւ այնպիսին մինչեւ յերրորդ երկինս։ Եւ զայն ոչ գիտեն, թէ չև ևս յայտ է՝ թէ մինչեւ ցերրորդ երկինս ասիցէ, կամ թէ մինչեւ ցերրորդ ինչ մասն ի բազում մասանց միոյ

երկնիս ասիցէ. զի բանն ի յոյն լեզու յերկոսին հարկանէ: Եւ մանաւանդ զի առանց արթերն ասէ որ էն. զի ոչ ասէ թէ մինչ չեւ ցերրորդ երկինն, այլ թէ ցերրորդ երկնի* առանձինն ասելոյ: Ուստի տայ ակնարկութիւն, եթէ ի մասն ինչ երրորդ ի բազում մասանց երկնի յափշտակեցաւ Պաւղոս. վասն ուրոյ ածէ զնորին զկնի, թէ յափշտակեցաւ այնպիսին ի գըրախտն: Եւ գրախտն ոչ եթէ յերրորդ երկինս իցէ, և կամ բնաւ ի յերկինս ուրեք, այլ յերկրի. զոր և ինքեանք իսկ վկայեն՝ թէ իբրև արարին զմարդն, ի գրախտի անդ եղին, որ է յերկրի և ոչ յերկինս:

Բայց թէ և կոչի բարձրութիւն ինչ երկինք, որպէս յորժամ ասիցէ զիր. թռչունք երկնից և

* Εὐως τρίτου δυραγού.

ցօղք երկնից, և ամպք և հողմք երկնից. ոչ եթէ յերկինս իցեն, այլ զի ի բարձրութեանն են՝ երկնից կոչին: Նա և զծառոց անգամ, որք ի սակաւ ինչ բարձրութեան են, ասեմք՝ թէ երկնաբերձ են. և զծխոյ թէ յերկին կցի: Ըստ նմին օրինակի և Պաւղոսի զերրորդ երկինսն ասել ի մանալի է:

Սկսիր յառաջնմէն, և էջ յերկրորդն, և հաս յերրորդ օդդ՝ որ ի գրոց երկին կոչի, և գտանես զոր ինչ երանելին Պաւղոս ասէ. և լուաւ բանս անճառս, զոր ոչ է պարտ ումեք խօսել: Թէպէտ և Ալաքեալ և անօթը ընտրութեան էր, սակայն էր ընկեր Պետրոսի, լծակից որգւոցն որոտման և քարոզակից Բառնաբայ, զիարդ էր զի նմա միայն պարտ էր լսել և խօսել զբանսն անճառս և իւրոց ընկերացն ոչ. ոչ ապաքէն մի շնորհք էին յա-

մենեսին, և մի և նոյն Հոգի և
ի նոսա: Այլ անճառ բանքն ոչ
եթէ նմա ճառելիք էին և յայլոց
ընկերացն անճառք. այլ ըստ
այնմ զոր յառաջնութիւն թղթին
կորնթացւոց ասէ. զոր ակն ոչ
ետես, և ունկն ոչ լուաւ, և ի
սիրտ մարդոյ ոչ անկաւ այն՝ զոր
պատրաստեաց Աստուած սիրեւ
լեաց իւրոց:

Ե և զայս իմանալ՝ թէ ոչ զի
ես միայն արժանի եղայ խորհըր-
դոյն, որ տրուաս եմ առաքելոց,
այլ թէ և Պետրոս՝ որ զլուխն
է առաքելոց՝ տեսանիցէ, չկարէ
ճառել. և թէ լսիցէ, չկարէ պատ-
մել: Քանզի անպատում է և ի
վեր քան զմիտս և զլեզու մարդ-
կան, և վասն այնորիկ ասէ Ա-
ռաքեալ. թէպէտ և տեսի, չկա-
րեմ պատմել. թէպէտ և լուայ,
չեմ բաւական ճառել:

Դարձեալ, ոյր աստուած ոյր
աստութոյ արարածոց խնամա-

կալ լինէր, եթէ ի տանջանս էին
և թէ յանդորրու: Կամ զանցա-
նելն զֆեսուայ ի նորա աշխարհն՝
զիարդ ոչ ինքն զգայր, և ոչ ոք
ի զօրացն նորա, և ոչ այլոց զե-
լանէլն նորա անդրէն: Եւ եթէ
զնորայն իբրեւ զաստուծոյ չկա-
րէին իմանալ, և զայնչափ հոգ-
ւոց՝ զորս եհան առ նոքօք յիւր
յերկինսն՝ զսօսաւինն զիարդ ոչ
առնուին. և կամ պահապանքն
ոգւցն արգելականաց ընդէլ՝ ոչ
առնէին ազդ տեառն իւրեանց.
այլ յայտ է՝ եթէ սնոտի բանք
են և անհաւատ պատմութիւնք:

Ը. Եւ եթէ նմանութեամբ
միայն եղեւ մարդ, և կերպա-
րանօք եւեթ էր խաչն և չարչա-
րանք և մահն, ապա և փրկու-
թիւն ինչ ոչ զործեցաւ: Այլ և
փրկէր իսկ ընդէլ զայլոյ արա-
րածս, զոր իւր չէր արարեալ.
որ ոչ բարոյ զործ է՝ այլ ա-
պիրատի, սպրդել գաղտ մտանել
յայլոյ տուն և նենգել նմա:

Բայց զայն ևս հարցցուք. մարմաւոր ոք էր Յեսուն, եթէ անմարմին; Եթէ ասիցեն՝ թէ անմարմին էր, լուիցեն. զի եթէ անմարմինն եկն, և ասո՞ որպէս ասենն՝ մարմին ոչ զգեցաւ, յայտէ՝ եթէ ոչ ետ ինչ, և ոչ առ, ոչ մեռաւ, և ոչ փրկեաց. և ի զուրէ ասելն Մարկիոնի, եթէ արեանն Յեսուայ եմք զինք: Զի ոչ հեղաւ արիւնն նորա, և ոչ նորա զնեցան, այնու զի կերպարանօքն ասեն զիաչն և զմահն, և ոչ ճշմարտութեամբ: Եւ յանդիմանեն զնոսա Հրեայք, որ ցայսօր պնտեալ են՝ թէ հարքն մեր հանին զիխուս ի խաչ: Ուստի յայտ յանդիման ցուցանի, եթէ ոչ կեղծեօք ել Քրիստոս ի խաչ, այլ ճշմարտութեամբ: Քանզի և ճշմարտի յարութեանն մերոյ՝ կացոյց զիւրոյ անձինն զյարութիւն օրինակ:

Թ. Եի եթէ, որպէս ասենն,

զօրէնս արդարոյն դատաւոր և միջնորդ խնդրեաց Յեսուն, անդըստին իսկ յօրինացն բազմապատիկ մահապարտ գտանի՝ զի նախ քան զիաչելութիւնն իւր զբազում յափշտակեաց: Եւ ոչ միայն ինքն, այլ և զայլս բազումս ընտրեաց ի նոցանէն, և առաքեաց՝ զի աշակերտիցեն և ձգիցեն առ նա:

Եւ ոչ միայն այնչափ, այլ և զօրութիւն զգեցոյց նոցա՝ կոխել զզօրս տեառնն իւրեանց, և արկ սուր և բաժինս ի տան նորա, և վառեաց հուր յարարածս նորա. մինչեւ կարճել և խափանել զօրէնս նորա յաւուրցն Յոհաննու մկրտչի, և աւետարանել զիւր արքայութիւնն, արձակեալ քարոզել, և հնծողս բազումս՝ քարոզել, և հնծողս բազումս՝ հնձել, զոր ոչ ինքն սերմանեաց: Եւ այն մինչչեւ մեղուցեալ ինչ ուրուք էր նմա, ոչ ի խաչ հանեալ և ոչ զարիւն

նորա հեղեալ, առ աւար զտուն
նորա, և խախտեաց զթագաւու-
րութիւն նորա, և նա լոեալ կայր
և ոչ ինչ մեղանչէր նմա:

Եւ զիարդ ասիցեն, թէ խա-
չելութեամբն գնեաց զՄարկիոնն.
զի ահաւանիկ զայն ամենայն
ժողովս բազմաց, մինչ չեւ ելեալ
էր ի խաչ, կորպեաց յինքն:

Այլ, ասեն, զնոսա բժշկու-
թեանց գինս տարաւ. զհիւանզս
բժշկեաց, և զբորոտս սրբեաց.
զմեռեալո յարոյց, զանդամա-
լոյծ հաստատեաց, և զգեւս հա-
լածականս արար: Եւ իցէ ոք
բժիշկ, յորժամ զորդի ուրուք
բժշկիցէ, վարծս ոչ առնու, այլ
զբժշկեալն ի զլխովին գինս բժշ-
կութեանն խնդրիցէ: Եւ զրես-
ցուք՝ եթէ բժշկեալքն էին ինչ
նմա անկ վասն երախտեացն.
իսկ զորս ոչն բժշկեաց, ընդէ՞ր
հրապուրեաց եհան ի տեառնէ
իւրեանց. որ ոչ բարւոյ զործ
էր, այլ նենգաւորի:

Եւ զօրէնսն զիա՞րդ իշխէր գա-
տաւոր խնդրել՝ որոյ այնչափ
վնաս յառաջագոյն քան զմահն
իւր արարեալ էր ի տան նորա.
մանաւանդ զի և զիտէր իսկ՝ թէ
պարտաւորեն զնա օրէնքն, և ոչ
արդարացուցանեն: Որդ եթէ յիս-
րայէլացւոյ կերպարանս եկն ի
տուն նորա, սակայն պարտաւո-
րելոց էր: Զի զրեալ էր յօրէնսն՝
թէ ամենայն Հրեայ, որ լուծցէ
զօրէնս, սպանցի. և որ ոչ թլփա-
տեսցի, և ոչ զշաբաթս պահեսցէ,
մեոցի, և նա ելոյծ զօրէնսն և
խախտեաց զկրօնսն, մահապարտ
էր յօրինացն: Եւ թէ յայլոց ազ-
գացն ի կերպարանս եկն առ
նոսա, նախ՝ զօտարազգիօն իսկ
կոտորել հրամայեալ էր նոցա,
և ոչ խնայել, և ապա՝ ի վերայ
եկացն և պանդխտաց հրաման
կայր, եթէ ոչ պահիցեն զկրօնս
օրինացն, մահուամբ մեոցին.
համայն և այնպէս յօրինացն մա-
հապարտ էր:

իցէ ոք որ մտանիցէ զաղու ի
տուն ընկերի իւրոյ զեղծել ինչ,
և ի բուռն անկեալ՝ չլինիցի մա-
հապարտ։ Եւ կամ իցէ ոք, որ
մտացեալ՝ զայլոյ զորդիս կամ
զծառայս յապիմակս և ստահակս
յօժարեցոցանիցէ հանել, և հա-
սեալ ի վերայ՝ ոչ հանիցեն զայն
ընդ կառափն։ Եւ կամ իցէ ոք,
որ իբրեւ զգէտ մտեալ՝ զայլոյ
զթագաւորութիւն զաղու լրտե-
սիցէ, և ծանուցեալ լրտեսն ոչ
սատակիցեն վաղվաղակի։

Նոյնպէս և Յեսուն յառաջ քան
զխաչելութիւնն բազում ինչ այս-
պիսի վխաս զործեաց ի տան ար-
դարոյն. և ըստ օրինացն, զոր
դատաւորն ինդրեաց, բազում
մահուց պարտական գտանի։ Զի
օտարութի մի եկեալ յայլոյ տուն,
զայնչափ մեծամեծ աղէտս զոր-
ծեաց ի նմա. զօրէնսն և զմար-
գարէսն նորա արգել, և զիւր թա-
զաւորութիւնն աւետարանեաց։

Արդ ով էր նա՝ որ այնչափ
մեծամեծս կարաց գործել, եթէ
ոչ Տէրն ամենայնի, որ ասաց՝
թէ ամենայն ինչ տուաւ ինձ ի
հօրէ իմմէ։ Ուստի յայտ է՝ թէ
ոչ իբրեւ զօտար ոք առ յափշտա-
կութեամբ, այլ ի հօրէ տուաւ
ի ձեռս նորա, և իբրեւ զՏէր օ-
րինացն դադարեցոյց զօրէնսն.
և յառաջ քան ի խաչ ելանել ե-
ցոյց զթագաւորութիւնն իւր։

Ո՞ անմիտք. զի՞ ոչ իմացայք,
եթէ հայր Յիսուսի է Տէրն ա-
մենայնի, այնու զի զամենայն
ետ ի ձեռս նորա. և նա է Տէր
աշխարհի, և ոչ զորմէ զուքն
կարծեցէք՝ որ չէր իսկ։ Զի ամե-
նայն որ արտաքոյ քան զնա աս-
տուած անուանի, չէ նա ի բնէ
աստուած։ Եւ բազում ինչ և այլ
է, որով ցուցանի՝ թէ Տէր մեր
յիւրսն եկն և ոչ յօտարութիս.
և ինքն և Հայրն իւր՝ են մի Տէր
աշխարհի։ Եւ առաւել ի վիրա-

ւորէն, որ մինչ դեռ յԵրուսա-
ղեմէ յԵրիքով իշանէր՝ վիրաւո-
րեցաւ յաւազակաց, ցուցանի՝
թէ ոչ օտարոտի ոք էր վիրաւո-
րին Քրիստոս, այլ մերձաւոր և
դարմանիչ նորա: Որպէս և ինքն
խոկ ասաց ցփարիսացին, թէ
ուղիղ գատեցար: Եւ յոչխարէն
և ի դրամէն, որ կորուսեալ էին
և գտան, յայտ է՝ եթէ յիւրօն
եկն և ոչ յօտարոտիս:

Ժ. ԳԱՐԶԵԱԼ, զմիւս քանն Ա-
ռաքելոյ, զոր ուղիղ ասացեալ
է, խախտեն. թէ յորժամ խա-
փանեսցէ զամենայն տէրութիւնս
և զիշխանութիւնս. զի պարտ է
նմա թագաւորել, մինչեւ դիցին
ամենայն թշնամիք նորա ի ներ-
քոյ ոտից նորա: Եւ ասեն՝ թէ
տէրն աշխարհի խափանէ զինքն
և զաշխարհ իւր յաւիտեան:

Ո՞ անմիտք. եթէ յիւր ձեռս
է շինելն և քակելն, և զայս աշ-
խարհ՝ վասն զի ծերանայ և հնա-

նայ՝ քակիցէ, ընդէ՛ր ոչ այլ նոր
և գեղեցիկ քան զայս առնիցէ:
Թէ մինչ չէրն աշխարհ՝ գիտաց
խորհել և առնել բանիւ, այժմ
զի լուաւ և տեղեկացաւ՝ թէ զոյ
այլ աշխարհ օտարին՝ զեղեցիկ
և ազնուականագոյն քան զնո-
րայն, զմէ ոչ առնիցէ լաւագոյն
քան զնորայն, այնպէս զի և ըն-
տանիք օտարին նորայոցն ցան-
կանայցեն՝ վասն գեղեցկութեանն
և պայծառութեան: Զի որպէս
զառաջինն կարօղ եղեւ բանիւ
առնել, այնպէս թէ կամի և այլ
ազնուագոյն քան զայն կարօղ
է առնել: Եւ որ այնպէսն կարօղ
է, ընդէ՛ր խափանիցէ զանձն՝
լինել պատուանդան ընդ ոտիւք
այլոյ, և ոչ առնիցէ իւր աշխարհ
նոր և գեղեցիկ քան զառաջինն,
և թագաւորիցէ ինմա յաւիտեան:

Բայց թէ արգելուցու զնա օ-
տարին: Եւ թէ այնչափ զօրագոյն
քան զնա է՝ մինչ զի և արգելուլ

կարիցէ, ապա ոչ է տէր ամենայնի՝ որպէս ասէ ինքն, այլ ծառայ այլոյ տէրութեան:

Կամ զայն ուստի ցուցանիցէր՝ թէ աստուած օրինացն քակելոց է զաշխարհս: Եթէ վասն զի գրեալ են ի մարգարէսն նորա՝ եթէ երկինք զալարեսցին իբրեւ զմագաղաթ, և երկիր իբրեւ զմոմ հալեսցի, այլ և զայն գրեալ է ի մարգարէսն՝ թէ արարից երկինս նոր և երկիր նոր: Ուստի յայտ է ըստ մարգարէութեանն, թէ զայս քակէր՝ այլ նոր առնէր, որպէս և դուք իսկ ձեզէն վկայեցէք:

Բայց և միւսումն ևս արարէք պատասխանի, թէ ո՞իցէ որ զիշխանութիւնսն և զպետութիւնս խափանիցէ: Եւ եթէ դուք ո՞չ զիտիցէք յԱռաքելոյ՝ զի Քրիստոս խափանէ զիշխանութիւնսն, և զնէ զամենայն թշնամիս ի ներքոյ ուսից իւրոց: Եւ ոչ այն՝

զորմէ դուքն ասէք, որ չէն իսկ և ոչ արարեալ ինչ նորա, և ոչ առնէ. այլ Տէր մեր և Հայրն իւր, որք կարօղ են առնել զամենայն, և հնազանդեն զամենայն թշնամութիւնս ընդ ուժիք:

Ֆ. Եի դարձեալ՝ թէ ձեռնհաս ինչ ոք էր օտարն, որպէս Մարկիոնն ասէ, ազատել զոզիսն ի տանջանաց անտի, ընդէր ոչ բոնութեամբ իսկ ձեռն արկ և կորզեաց զոզիս տանջանաւորացն յինքն. այլ նախ թոյլ տայր՝ զի տանջիցին, և ապա հանէր. և զայն ոչ համարձակութեամբ, այլ կաթկածանօք և արեան գնոց գնելով:

Այլ, ասէն, վասն ողորմութեան արար. տեսեալ զոզիս տանջանաւորացն նեղեալս ի դըժոխս, առաքեաց զորդին իւր՝ փրկել զնոսա: Եթէ փրկեաց զնոսա, վերջինքն զի գործիցեն, որ ի նոյն դժոխս անկանելոց են:

Եթէ վասն ողորմութեան արար՝
զոր արարն, պահեալ իցին զգա-
լուսու որդւոյն իւրոյ մինչեւ ի
վախճան աշխարհի և ապա ա-
ռաքեալ, զի ի վերայ ամենեցուն
առնէր ողորմութիւն, և հանէր
ի կեանս, քան փութացաւն և
առաքեաց ի կէս դարին, և չիք
հնար վերջնոցն՝ որ անկան անդր՝
թէ ելանիցեն. քանզի այնուեհե-
տեւ զգուշացաւ նոցա տանջիչն:

Այլ յոյժ մոլորեալ են, և մո-
պացան զայն՝ թէ չիք ծառ չար
որ առնիցէ զպուղ բարի. և ոչ
քաղեն խաղող ի փշոց, և ոչ
թուզ ի տատասկէ. և իւրն զիւրն
ընդունի:

Եւ միւսն ևս զոր ասեն՝ թէ
ոչ ընդունին զժոխք զկեանս,
վասն այնորիկ ել ի խաչ, զի
իջեալ իբրեւ զմեռեալ՝ ընկալցին
զնա դժոխքն:

Իսկ արդ ոչ ոք առաքիցի անդր
կենդանի, կամ մարդիկ յանցաւ

ուրք, կամ սատանայ և դեւք
կենդանւոյն. թէ այնպէս իցէ,
և զնոսա ոչ ընդունին:

Կամ Յեսուն իբրեւ զմեռեալ
յո՞չոգաւ. մի՞ թէ ի գերեզմա՞ն
երկրի, զոր զիրք դժոխք կոչեն.
և ահա անդ չեն ոգիք, և ոչ
հուր որ տանջիցէ զնոսա: Եւ
եթէ ասիցեն, ի գեհենն չոգաւ
իբրեւ զմեռեալ, չիք մուտ բա-
նիցն. զի ոչ տայ թոյլ Առաքեալ՝
թէ երկուս մահս մեռաւ, այլ
մի՞ զոր մարմնովն կրեաց զխա-
չին, և հնազանդ եղեւ մահու
խաչին: Եւ ոչ զնէ՝ թէ այլ ոք
դատեաց զնա և արկ ի գեհեն,
այլ թէ շայր ետ զնա ի մահ:
Եւ դարձեալ, թէ ինքն ետ զանձն
իւր փրկանս փոխանակ բազմաց,
մահուամբ մարմնոյ, և ոչ տան-
ջանօք ոգւոյ:

ԺԲ. ԱՅԼ այնչափ, ասեն, հա-
կառակ են օրէնք արդարոյն՝ չնոր-
հացն Յեսուայ, զի անդ երանու-

թիւն մեծատանց տայ, և եղկութիւն աղքատաց, և աստ երանութիւն աղքատաց, և վայ մեծատանց: Անդ ասէ, մի՛ սպանաներ: և աստ ասէ, թէ որ բարկանայ ընկերի իւրում տարապարտուց, պարտաւոր է գեհենի: Անդ ասէ, մի՛ չնար. և աստ ասէ՝ թէ որ հայի ի կին մարդ առ ի ցանկանալոյ, անդէն չնացաւ ի սրտի իւրում: Անդ ասէ, մի՛ երդնուցուս սուտ, այլ հատուչջիր Տեառն զերդմունս քո. և աստ ասէ, ամենեւին մի՛ երդնուցուք:

Եւ արդ զիա՞րդ իցեն օրէնքն և չնորհք միմեանց հակառակք: Զի Աբրահամ վասն զօտարս և զաղքատս ընդունելոյ՝ բարեկամ Աստուծոյ կոչեցաւ. և Քրիստոս ասէ՝ թէ աղքատն ի գոգն Աբրահամու չոգաւ, և մեծատունն ի տանջանս հրոյ: Քրիստոս աղքատաց երանութիւն տայ, և ողորմածաց՝ թէ ողորմութիւն գտա-

նելոց են, և օրինացն ասուուած այնչափ ցուցանէ ողորմութիւն, մինչեւ զգրաստու թշնամւոյն անկանելոյ բեռամբ՝ չհրամայէ զանց առնել. թէ և ի ժողովրդենէ ոք իցէ, և եթէ յօտար ազգաց. և զուլ ի մօր կաթն չհրամայէ եփել, և ոչ գհաւ ի ձուոց կամ ի ձագուց վերայ նստեալ՝ ի միասին միանգամայն առնուլ: Անդ ասէ, սիրեսցես զընկեր քո իբրեւ զանձն քո. և աստ ասէ, սիրեսցես զՏէր Աստուծած քո յամենայն սրտէ քումնէ, և սիրեսցես զընկեր քո իբրեւ զանձն քո. զի զայսց երկուցպատուիրանաց կախեալ կան օրէնք և մարգարէք. և ասէ, ոչ եկի լուծանել զօրէնս կամ զմարգարէս, այլ լնուլ զնոսսա:

Արդ զիա՞րդ հակառակ օրինացն իցէ, որ եկն լնուլ զօրէնս և զմարգարէս: Եւ ասէր ցըռըրուն զոր սրբեաց, թէ երթ մատոպատարագ վասն սրբութեանդ

քոյ, որպէս պատուիրեաց Մովշ սէս յօրէնսն։ Եւ ցօրինականն, որ եհարց ցնա, թէ զի՞նչ ինչ արարեալ՝ զի զկեանս յաւիտենից ժառանգեցից, ասէ. զպատուիրանս օրինացն գիտես։ Եւ հարցեալ կրկին՝ թէ զ՞ր պատուիրանս, ասէ. զմի՛ շնարն, զմի՛ զողանար, զմի՛ սպանաներ։ Որով յայտ արար՝ եթէ ոչ հակառակ օրինացն ուսուցանէր, այլ նմին միաբան։

Դարձեալ, չբարկանալն չսպանանելոյն ոչ եթէ հակառակ ինչ է, այլ կարի քաջ միաբան, զի թէ ոչ ոք բարկանայցէ, և ոչ զգործ սպանութեան մտաբերէ։ Կոյնպէս և ոչ ցանկանալն չընալոյն ոչ եթէ ընդդիմակաց ինչ է, այլ առաւել հաւանագոյն։ զի եթէ ոչ ցանկանայցէ, և ոչ ի զգործ շնութեան ժորի։ Եւ ամենեւին չերդնուլն՝ սուտ չերդնոյ ոչ եթէ ընդդէմ ինչ է, այլ յոյժ

ընկերակից. զի եթէ ոչ սովորիցի ոք սոտէպ երդնուլ, և ոչ սուտ երբէք երդնուլ։ Անդ քանզի յանուն կոոցն երդնուին, ասէ. հատուտչիր Տեառն զերդմունս քո։ Ասէ. յիս երդնուցուս՝ որ կենդանի եմ, և մի՛ ի կուռսն՝ որ ոչ են կենդանիք։ Իսկ աստ զի կատարեալս առնիցէ Փրիստոս զիւր աշակերտեալսն, ասէ. ամենեւին մի՛ երդնուցուք, այլ եղիցի ձեր այոն այո, և ոչն ոչ։ և թէ որ ինչ աւելի է քան զայն, ի չարէ անտի է։ Եւ թէ որ աւելի քան զայոն և զոչ է՝ ի չարէ անտի իցէ, որչափ ևս առաւել որ սուտ յահաւոր անունն երդնուցու։

Եւ դարձեալ՝ չբարկանալովն և չցանկանալովն, զոր ուսույցն^{*} Յեսու, այնչափ առ աստուածս ունի զօրինացն աստուած, զի

* ուսուցին։

զնորա ասացիալսն հաստատէ յաւ և ետարանի. և նորա մոլին թէ հակառակ ուսուցանէ նոցա Յեսուն: Նոյնպէս վասն կերակրոց և ի հնումն և ի նորումն գտանմք, զի յԱստուծոյ տուեալ են ի դարման: Անդ ասէ. զեն և կեր զամենայն անասուն և զթը ըշունս ուտելիս. և ասու ասէ՝ թէ ամենայն ինչ որ մտանէ ընդ բերան մարդոյն, ոչ պղծէ զնա. այլ որ ինչ ելանէ ի բերանոյ անոի, այն պղծէ զմարդն: Եւ յամենայնէն իմերէ մի ինչ և միսն է: և եթէ պիղծ ինչ էին կերակուրքն՝ նախ ինքն իսկ ոչ ճաշակէր ի նոցանէ, և ապա այլոց հրաման տայր ճաշակել:

Իսկ եթէ ոչ ուրեք գտանեմք ասացեալ նորա ի նորումն՝ թէ զայս ինչ մի ուտիցես, յայտ է՝ եթէ զիստրութեանս կերակրոցն՝ որք ըստ օրինացն էին՝ դադարեցոյց, այնու զի ընդ մեղաւորս

և ընդ մաքսաւորս և ընդ փարիսացիս ուտէր և ըմպէր: Եւ զզատկէն ասէր ցաշակերտսն՝ թէ ցանկանալով ցանկացայ ուտել զզատիկս զայս ընդ ձեզ: Մի թէ և զզատկէն ասիցեն՝ թէ ձուկն էր և ոչ գառն. քանզի Քրիստոս զամենայն կերակուրս ուտէր անխորի, որպէս յայտ է յաւետարանին:

Իսկ թէ ասիցեն՝ թէ Քրիստոս յետ յարութեանն եկեր զծուկն և ոչ զմիս. վասն այսորիկ և մեք զծուկն ուտեմք և ոչ զմիս, ասելի է՝ թէ ապա և նորա այժմիկ մի կերիցեն ձուկն, այլ ի յարութեան անդ, որպէս և նա յետ յարութեանն կերաւ ձուկն՝ զոր եզիտ առ ձկնորսսն:

Այլ զի և ձուկն միս է՝ այն ամենեցուն յայտ է. զի որոյ մարմին և արիւն, ճարպ և ոսկերք են, հարկ է՝ թէ մսեղէն է և կենդանի: Եւ է ձուկն՝ որոյ

իբրեւ խոզի պառակաց թամբ ի վերայ կողիցն կայ. և արիւն այնչափ ելանէ, որչափ յոչիւրէ ոչ ելանէ. և կերակուրս ժանու զայն ուտէ, զոր և ոչ զազանք և անասունք ուտէն: Եւ զծուկն իսկ առաւել պարտ է զազան կոշէլ, որ զիւր համազգիսն անխըստիր ուտէ. և զի այնչափ սուրբ են անասունքն քան զնա՝ զի ի նոցանէն զոհք և ողջակէզք մատչին Աստուծոյ, և ի ձկանց ոչ ինչ այնպիսի:

Այլ և ի խորհուրդ և յօրինակ մեծի խորհրդոյն՝ որ յայտնելոց էր, ոչխար և արջառ տպաւորէին, և ոչ ձկունք. որպէս զառն՝ որոյ արեամբ փրկեցան անդրանիկք որդւոցն իսրայէլի յԵգիպտոս, և խոյն՝ որ սպանաւ փոխանակ Խոահակայ, խորհուրդ էին ճշմարիտ զառինն՝ որ բառնայ զմեղս աշխարհի. և երինջն՝ զոր արտաքոյ բանակին սպանանէին

յողջակէզ, լսու որոց օրինակի և Քրիստոս արտաքոյ քաղաքին չարչարեցաւ: Եւ Դաւիթ ասէ, հանոյ եղիցի Տեառն իբրեւ զորթ մատաղ, և ոչ իբրեւ զծուկն փափուկ. զի ձուկն թէպէտ և զայ յառակ, ի գերեզմանի առակ զայ և ոչ ի կենդանութեան. լսու այնմ զոր Տէրն ասէ՝ թէ որպէս եղեւ Յունան ի փոր ձկանն զերիս տիւս և զերիս զիշերս, նոյն պէս պարտ է որդւոյ մարդոյ մոռանել ի սիրտ երկրի, և լինել անդ զերիս տիւս և զերիս զիշերս: Եւ այսպէս ոչ գտանեմք ի զիրս սուրբս՝ եթէ զծուկն սըրբեաց և ետ ի կերակուր, և ի մոյ հրաժարեցոյց իբրեւ ի պղծոյ և ի խոտանէ իմեքէ:

Այլ և յօրէնսն զրեալ է՝ եթէ ետու ուտել ձեզ զանասունս և զթոչունս իբրեւ զբանջար խոտոյ. բայց միայն մեռելոտի և արիւն մի ուտիցէք, զի շունչ

անասնոյ արիւն իւր է։ Եւ առաքեալքն ի թղթին՝ զոր յերուսաղեմէ յԱնտիոք գրեցին, ըզնոյն հաստատեցին՝ թէ պահել ձեզ յարենէ և ի հեղծուցելոյ և ի մեռելուուոյ և ի պոռնկութենէ։ և չասացին՝ թէ ի մսոյ։ Նա և յօրէնսն գուտելի անասունսն սուրբս կոչէ և զշուտելիսն պիղծըս իբր ոչ եթէ պիղծք ինչ բնութեամբ էին, այլ զշախորժականսն մտաց մարդկան պիղծս կոչէ. զի զիտէր, թէ է ինչ՝ զոր ախորժեն ուտել, և է ինչ՝ զոր ոչ ախորժեն ուտել. և ըստ նմին նմա օրէնս եղ։

Այլ զի չիք ինչ պիղծ ի կերակրոցն, զայն ի Տեառնէն լուիցուք. թէ չիք ինչ որ մտանիցէ յորովայն մարդոյ՝ թէ կարիցէ զմարդն պղծել. այլ որ ինչ ելանէ ի մարդոյ անտի, այն պղծէ ըզմարդն։ Եւ Առաքելոյ յառաջագոյն հայեցեալ մարգարէու-

թեամբ ի տարապարտ հպարտութիւն աղանդաւորացն, ասէ. կարծեն զկերակուրս, և արգելուն զամուսնութիւն՝ զոր Աստուածարար ի մխիթարութիւն հաւատացելոց, որ գոհութեամբ վայելեն. զի սրբի բանիւ Աստուծոյ և աղօթիւք։ Իբր ոչ եթէ պիղծինչ իցէ և սրբիցի. այլ որ նոցապիղծն կարծէր վասն զոհելոյն, և զայնմանէ ասէ Առաքեալ՝ թէ սրբի բանիւն Աստուծոյ և աղօթիւք։ Վասն որոյ և ի միւսում թղթին ասէ՝ թէ յորժամ կոչիցէ ոք զձեզ յանհաւատից և երթայցէք, զամենայն ինչ զոր զնիցեն առաջի ձեր, կերիջիք. և մի խղճիցէք։ Ուստի յայտ է՝ թէ մի ինչ յամենայնէ միսն էր. Եւ գալրձեալ՝ թէ որ ինչ վաճառիցի ի մակեղոնի, որ է ի մսավաճառնոցի, կերիջիք. և մի խղճայցէք։

Այլ ասեն, թէ ասէ Առաքեալ՝

թէ լաւ է ոչ ուտել միս, և ոչ
ըմպել զինի, և ոչ որով եղբայրն
իմ գայթակղեսցի. և դարձեալ
թէ ոչ կերայց միս յաւիտեան,
որով եղբայրն իմ գայթակղիցի:

Ասացուք. եթէ ձկամբն գայ-
թակղիցի եղբայրն, ապաքէն և
գայն չիցէ պարտ ուտել. քանզի
վասն գայթակղութեան չէ պարտ
ուտել, և ոչ թէ վասն զի պիղծ
ինչ կայցէ ի կերակրոցն: Եւ մա-
նաւանդ զինով, որով բազումքն
խկ գեղիսանան. և ոչ այնչափ
միսն յանցուցանէ, որչափ զինին
զիղծէ զըմպելիսն, և գայթակ-
ղցուցանէ զտեսօզն: Եւ զիա՞րդ
իցէ, զի ի մսոյ պահեն և ի
զինոյ ոչ զգուշանան Մարկիոն-
քըն, զի բանն յերկուցունց վե-
րայ կայ. ասէ ոչ ուտել միս, և
ոչ ըմպել զինի. և զնովիմբ ա-
ծեալ զպատճառսն, ասէ, թէ և
ոչ՝ որով եղբայրն իմ գայթա-
կղիցի կամ տկարանայցէ: Որով

ցուցանի՝ թէ վասն գայթակղե-
լոյն եղ զայնպիսի միտս ի միջի,
և ոչ եթէ զկերակուրսն պիղծ
համարէր, որ ասէն՝ թէ է որ
հաւատայ ուտել զամենայն ինչ:
Թէ հաւատաս ասէ՝ եթէ բանիւ
Աստուծոյ և աղօթիւք սրբին կե-
րակուրքն, կեր և մի խտրեր:
Ապա եթէ տկարացեալ ես հա-
ւատովք և խղճես, բանջար եւեթ
կեր, և մի գայթակղիր: Եւ յոր-
ժամ ոչ հաւատասն ուտել զա-
մենայն իբրև զուրբ, մի իշխեր
դատել զայն որ ուտէն. որպէս
և որ ուտէն՝ ոչ պարտի անզոս-
նել զքեզ իբրեւ զտկար, որ ոչդ
հաւատաս ուտել զամենայն ինչ
իբրև զուրբ: Քանզի ոչ եթէ
կերակուրքն կացուցանեն զմեզ
առաջի Աստուծոյ, և ոչ հանեն
յերեսաց Աստուծոյ. այլ կամ
հաւատքն կամ խիղճ մտացն և
գայթակղութիւն:

ԺԳ. իԱկ ձեր ուխտաւորքն, ա-
սեն, ընդէ՞ր են մսահամք:

Մեր ուխտաւորքն ոչ վասն այս
նորիկ հրաժարեն ի կերակրոց՝
եթէ զկերակուրսն պիղծս համա-
րիցին և ի հիւղեայ իբրեւ իշարէ
իմբքէ։ Եթէ վասն պիղծ զկերա-
կուրսն համարելոյ ուխտաւոր
էին, և ոչ ուխտաւորութիւնն
նոցա յուխտաւորութիւն համա-
րէր։ Այլ կարճեն զանձինս ի
կերակրոց, զի զարքութիւնն՝ զոր
ի մտի եղին պահել՝ դիւրաւ պա-
հիցեն։

Յոր սակս և հարքն մեր սուրբ
եպիսկոպոսք սահմանեցին կա-
նոնս. եթէ ոք հաւատացեալ միս
ոչ ուտիցէ, և բանջար ընդ մսոյ
եփեալ իցէ, և ի բանջարոյն ոչ
կամիցի ճաշակել, նզովեալ լիցի։
Ընդէր . նախ՝ զի զԱստուծոյ
տուեալ զկերակուրսն ոչ իշխիցէ
խոտան համարել. և ապա՝ զի
տարապարտ հալարտութեամբն ոչ
վնասիցի, որպէս թէ այնու ա-
ռաւել ինչ իցէ քան զայլ մար-
դիկ։

Նա և կուսանք սրբոյ եկեղեց-
ւոյ ոչ վասն այնորիկ պահեն
զկուսութիւն, եթէ զամուսնու-
թիւնն տուեալ յԱստուծոյ՝ պղղ-
ծութիւն համարիցին, որպէս
Մարկիոնն և Մանի և մծղնեայք.
զի եթէ յայն միտս ուխտաւորք
էին, ապա և կուսութիւնն չէր
յանգարի կուսութիւն. այլ վասն
առաւել սիրելոյ զԱստուծած, ի-
բարւոք արարածոց Աստուծոյ
հրաժարեն. զի նմանեալք հրեշ-
տակաց Աստուծոյ, ուր ոչ ա-
րուն է և ոչ էզ, ցուցանիցեն և
յերկրի զնոյն առաքինութիւն.
ըստ այնմ՝ թէ են ներքինիք, որ
զանձինս իւրեանց արարին ներ-
քինիս վասն արքայութեանն երկ-
նից, լինել ի յարութեանն հա-
ւասար հրեշտակաց։ Եւ առա-
քեալն՝ այր հաւատարիմ կոչէ
զկուսանսն. բայց հայեցեալ ի
բնութիւնն՝ չիշխէ յայտ հրաման
տալ, այլ ակնարկելով յօժարե-

ցուցանէ . որպէս և Տէրն ակնարկէ , այլ ոչ ստիպէ :

ԺԴԱ Ամենայն վասն Մարկիոնաց աղանդին ասացաւ , որք զամուսնութիւն և զմսակերութիւն խոտեն . և ուխտաւորեալք հանգերձ աշխարհականօքն ի կուսութիւն , ստեն ուխտին : Զի առջուժակայ ցանկութեանն , արկանին միւսանգամ զնոսա ընդապաշխարութեամբ :

Արդ եթէ օրինաց ոչ հաւատայցեն , որ ասէ՝ եթէ թողցէ այր զհայր և զմայր իւր , և երթիցէ զհետ կնոջ իւրոյ , և եղիցին երկոքին ի մարմին մի , Յեսուայն ընդէ՞ր ոչ հաւատայցեն՝ որ զնոյն հաստատէ , և յաւելութէ զոր Աստուած զուգեաց , մարդմի մեկնեսցէ : Արդ հաւատացելոց՝ որ զիշմարտութիւնն կամիցին ցուցանել՝ նախ զործ այնէ , զի զիրսն՝ որպէս և իցեն՝ նոյնպէս խոստովանիցին . և ապա

թէ այրընտիր լինիցին յառաքինութիւննուն , այն ընդունելի է : Եւ ոչ որպէս նոքա , որք մեծամեծս կոտորեն՝ թէ մեք անդուտին իսկ յաւագանէն ուխտաւորիմքի մսակերութենէ և յամուսնութենէ . և ապա լուծանեն զուխտն , և զան մտանեն ընդ ապաշխարութեամբ :

Եւ եթէ հարցանես՝ եթէ տանջանք զո՞ն բարւոյն . ասեն . ոչ զո՞ն : Եւ եթէ ի տանջանաց կասկած չիցէ , ապաշխարութիւն առիմ իցէ . ոչ ապաքէն յայտ է՝ թէ ի տանջանաց ոչ երկնչին , և ի մեղսն անխտիր են : Բայց որոյ տանջանք չեն , յայտ է թէ նորա և պարգեւք չզո՞ն :

Այլ մեք , ասեն , յայն սակս փախեաք յարդարոյն , զի ահագին սպառնալիս սպառնայ յօրէնսն իւր՝ թէ հուր վառեալ է ի բարկութեանն իմում , և այրիցէ մինչեւ ի դժոխս ներքինս ,

և թէ այս ամենայն պահեալ էր
ի գանձի իմում, և այլուր՝ թէ
հրով դատի Աստուած:

Ո՞ անմիտք և մոլորեալք, թէ
վասն ահազին սպառնալեացն
փախչիցիս յօրինացն Աստուածոյ,
յորժամ ջիսուս ևս աւելի սպառ-
նալիս քան զայն սպառնայցէ,
հուր անշէջ և որդն անմահ և
տանջանս յաւիտենականս, յո՞
ունիցիս փախչէլ: Եւ յորժամ ի
հուրում և ի նորումս զնոյն սպառ-
նալիս և զնոյն խոսդմունս բաշ-
րութեանց զտանեմք, ոչ ապա-
քէն յայտ յանդիման ցուցանի՝
թէ մի տուիչ է հնոյն և նորոյս:

ՖԵ. ԱՅԼ և յարութեան մար-
մոց չհաւատալ ուստի իցէ Մար-
կիոնի և Մանեայ և այլոցն նոյն-
պիսեաց:

Ասեն. Առաքեալ ասաց՝ թէ
մարմին և արիւն զարքայութիւնն
Աստուածոյ ոչ ժառանգեն, և ոչ
ապականութիւն զանապականու-

թիւն. և դարձեալ՝ թէ ելանել
ի մարմնոյս ցանկացեալ եմ և
ընդ Տեառն լինել: Որով յայտ
է, ասեն, թէ վասն զի ի հիւ-
զեայ է մարմինս, յայն սակս
չառնի արժանի յարութեանն:

Եւ թէ վասն զի ի հիւզեայն
է մարմին՝ չառնիցի արժանի ար-
քայութեանն, ապա՝ և վասն զի
յարդարոյն են ոգիքն՝ մի՛ լիցին
արժանի արքայութեան բարւոյն:
Այլ յանդիմանէ զնոսա նոյն Առ-
ուաքեալ՝ անդէն ի նմին տեղոջ.
որոյ իբրև մատամբ ցուցեալ
զմարմինն, ասէ՝ թէ պարտ է
ապականութեանս այսմիկ զգե-
նուլ զանապականութիւն, և մահ-
կանացուիս այսմիկ զգենուլ զան-
մահութիւն: Ուստի յայտ է՝ թէ
ոչ զոգիսն կոչէ ապականացուս
և մահկանացուս, այլ զմարմինսն;
Եւ ի միւսում թղթին ասէ՝ թէ
ամենեցուն մեզ յանդիման լինել
կայ առաջի բեմին Քրիստոսի,

զի ընկալցի իւրաքանչիւր ոք իւրով մարմնով զինչ և գործեաց յառաջ, եթէ բարի և եթէ չար: Տեսանե՞ս զի մարմնով հանդերձ ասէ կրել զբարիս կամ զչարիս, և ոչ միայն ոգւով:

Այլ ասեն, ասաց Առաքեալ՝ թէ ապականութիւն զանապականութիւն ոչ ժառանգէ:

Ո՞վ բանաքաղ Մարկիոն, որ զմին լսէ և զմիւսն ստունգանէ: Եթէ ուղիղ մտօք լսէր զայն՝ թէ ապականութիւն զանապականութիւն ոչ ժառանգէ, կարէր կալ ի վերայ ճշմարտութեանն: Զի Առաքեալ այնչափ ստուգէ զյարութիւն մարմնոյ, մինչ զի և բազում օրինակս ի մէջ բերէ:

Նախ առաջին և բուն զբրիս տոսի յարութիւնն՝ եթէ Քրիստոս մեռաւ ըստ զրոց և թաղեցաւ և յարեաւ յաւուր երրորդի: Եւ զետեղեալ անդէն զտեղեաւն, բազում հանգամանս ցուցանէ

վասն յարութեանն հաստատութեան, և առաւել զայն, զոր իբրեւ յունկանէ Մարկիոնի և Մանեայ աղաղակէ և ասէ. եթէ մեռեալք ոչ յառնեն, զինչ գործիցեն այնոքիկ որ վասն մեռելոցն մկրտեցան: Դուք, ասէ, ասէք՝ թէ մարմինք վասն զի ի հիւղեայն են, ոչ յառնեն. եթէ մարմինքն մահկանացուք ոչ յառնիցեն, հոգիքն կենդանիք վասն մարմնոցն մեռելոց ընդէ՞ր դաւանիցեն. և կամ մարմինքն մահկանացուք ընդ ոգւոցն կենդանեաց վասն էր մկրտիցին, թէ որպէս ասէք՝ չիցեն յառնելոց մարմինքն մահկանացուք:

Այսպէս իմանալի է բանս, և ոչ որպէս Մարկիոնն դանդաչէ՝ թէ փոխանակ երախայի մեռելոյ, պարտ է կենդանւոյն մերձաւորի իւրում մկրտել. զի անդնման համարիցի: Զոր և առնեն իսկ Մարկիոնքն: Այլ յանդիւ

մանէ զնոսա բանն տէրունական ,
որ ասէ՝ թէ ոք ոչ ծնցի վերստին ,
ոչ կարէ տեսանել զարքայու-
թիւնն Աստուծոյ . և դարձեալ .
եթէ ոք ոչ ծնցի ի ջրոյ և ի
հոգլոյ , ոչ մացէ յարքայութիւնն
երկնից : Որով յայտ է՝ թէ իւ-
րաքանչիւր ումեք պարտ է մկըր-
տել , և ոչ այլում ընդ այլոյ :

Եւ դարձեալ՝ ի սերմանեացն
առակէ յայտնի ցուցանի յարու-
թիւն մարմնոց . թէ որպէս ըզ-
սերմն , զոր սերմանես , ոչ այլ
ընդ այլոյ զայ , թէպէտ և բազ-
մապատիկ վայելչութիւն զգենու .
այլ ոչ երբեք սերմանեցեր զզարի
և հնձեցեր ցորեան . և ոչ սերմա-
նեցեր կորեակ , և հնձեցեր հա-
ճար . այլ զոր սերմանեցեր , զնոյն
հնձեցեր . ըստ նմին օրինակի ,
ասէ , և մարմինն որ անկաւ՝
նոյն և յառնելոց է :

Դարձեալ , և մարմին և արիւնն
ասել Առաքելոյն՝ թէ զարքայու-

թիւնն Աստուծոյ ոչ ժառանգէ ,
և ոչ ապականութիւն զանապա-
կանութիւն ժառանգէ , ոչ յայն
միտս իմանալի է , յոր Մար-
կիոնն առնու՝ թէ վասն զի ի
հիւղեայն են մարմինքն , ոչ յառ-
նեն . այլ յայլ երկուս օրինակս :

Մի յայն՝ թէ մինչ դեռ ի մար-
մնոյ խորհուրդս և ի գործս իցէ
մարդն , շնչաւոր է և մարմին և
արիւն . և զի լսու մարմնոյն ե-
ւեթ խորհի և գործէ , չէ արժանի
մտանելոյ յարքայութիւն երկ-
նից : Որպէս և ի միւսում թղթին
զրէ Առաքեալ առ աշակերտեալսն՝
թէ որ մարմնովն են , զմարմնոյ
խորհուրդս խորհին . բայց դուք
ոչ էք մարմնով , այլ հոգլով :

Մի թէ յորժամ զայս զրեաց առ
աշակերտեալսն՝ կէսք էի՞ն ի
մարմնի , և կէսքն չէ՞ն : Ուստի
յայտ է թէ ի մարմնի ամենե-
քան էին , այլ ի գործս մարմնոյ
և հոգլոյ ոչ բոլորեքեան :

Դարձեալ ի միւս ևս միւս ի մանալի է, եթէ ոչ շաղղով և արեամբ ուռուցեալ յառնեն մարմինքն, այլ նորոգեալք յարութեամբն՝ ապականացուք զանապականութիւն ժառանգեն: Որպէս և ածէ իսկ զնովիմբ՝ թէ փող հարկանի, և մեռեալք՝ որ ի Քրիստոս՝ յառնեն անապականացուք. և մեք նորոգիմք:

Որով ցուցանի թէ մարմինք նորոգեալք յարութեամբն, ազատացեալ յամենայն կարեաց՝ յառնեն: Եւ ընկդմի մահ ի պարտութիւն, յորժամ ապականեալքն զանապականութիւն զգենուցուն, և մահկանացուքն զանամառթեամբն նորութիւն, և սերմանեալք տկարութեամբ՝ զօրութիւն, և վարեալք անարգութեամբ՝ զփառաւորութիւն: Եւ չիք մարմին՝ որ ի հող մնայցէ. այլ իւրաքանչիւր ոգուց զանցնիւր մարմին զգեցեալ յական քթթել՝ կայցեն

առաջի ահեղ ատենին, ումանք ի կեանսն յաւիտենականս, և ումանք ի պատիժս գատաստանի:

Փ. ՄԱՐԿԻՈՆԱ այս ի պոնտացւոց աշխարհէ անոփի եղեալ էր, որդի եպիսկոպոսի: Եւ ապականեալ զկոյս՝ մի, զնաց փախստական վասն մերժելոյ զնայեկեցւոյ՝ իւրոյ իսկ հօրն: Եւ երթեալ ի Հռոմ խնդրել ապաշխարութիւն յայնմ ժամանակին, և չհասեալ այնմ՝ զրգուեցաւ ընդուժմ հաւատոց: Եւ եղեալ երիս առաջս, ուսուցանէ զբարոյ և զարդարոյ և զչարէ: Եւ զնորկտակարանն օտարութի համարի ի հնոյն. և յայնմանէ, որ ի նմայն խօսէր, զյարութիւն մարմնոյ արհամարհէ: Եւ մկրտութիւն ոչ մի միայն տայ, այլ և երիս յետ յանցանելոյ. և փոխանակ երախայից մեռելոց՝ այլոց սուխաէ առնուլ կնիք: Եւ այնչափ յանդգնեալ՝ մինչեւ կանանց հրա-

մայէ մկրտութիւն տալ, որ ոչ
ոք իշխեաց յայլոց աղանդոցն
առնել, ոչ կնիք կրկին և երեք-
կին տալ, և ոչ զկանայս առ
քահանայս ունել:

Նա ն նմա իսկ ուստի իցէ
քահանայութիւնն, որոյ ապա-
կանեալ զկոյս՝ տարագիր եղեւ
յեկեղեցւոյ յիւրմէ հօրէ, մինչեւ
ապաշխարութեան ևս հասանել
ոչ եղեւ արժանի: Եւ յիրաւի
չեղեւ արժանի, զի ի պատգամս
չոգւյն սրբոյ իշխեաց ձեռն ար-
կանել, զկէսն հատանել ընկենուլ
իբրեւ զխոտան, և զկէսն ընտրել
առնուլ իբրեւ զպիտոյս: Եւ զայն
ոչ զիտէ՛ թէ յորժամ ի մարմնոց
մատն մի կտրիցէ առնուցու, զա-
մենայն մարմնոյն իսկ վկայէ՛
սակաւ ինչ մասնն կտրեալ: Ա-
ռաւել ևս յանդիմանէ զնա կա-
տարիչն օրինաց, որ ասէր՝ թէ
ոչ եկի լուծանել զօրէնս և զմար-
գարէս, այլ լնուլ զնոսա: և Ա-

ուաքեալն, որ ասէ՛ թէ Քրիստոս
է խաղաղութիւնն մեր, որ արար
գերկոսին ի մի: Որում փառք
յաւիտեանս յաւիտենից. ամէն:

Վ Ե Ր Զ

Ն Ա Յ Ն Ե Զ Ն Ը Կ Ա Յ
Վ Ա Ր Դ Ա Պ Ե Տ Ի

Խ Ը Ա Տ Ա Ք

ԱՍՏՈՒՄԾԱՍԵՐՆ յիւր կա-
մացն որպէս ի թշնամոյ զգու-
շանայ:

Լաւէ յստակ խորհրդով ննջել,
քան պիղծ խորհրդով ալօթս
մատուցանել, և վարձս ոչ առ-
նուլ և ի զուր աշխատել:

Միենա զմարմինդ նեղութեամբ,
և զսիրագ երկեղիւն Աստուծոյ,
զի աներկեղ լիցիս ի մահաբեր
նետից սատանայի:

Որ զերկեղածն սիրէ, սիրոյ
արձան կանգնէ առ Աստուած,
և անհաշտ թշնամութիւն առ սա-
տանայ:

Զսէր և զերկեղ բնութիւն արա
քեզ, որ խաբէութեամբ չաշխա-
տիս:

Որչափ զրկիս և աշխատիս և
նեղիս, և համբերես, անապական
գանձ պատրաստես քեզ յերկինս.
ապա թէ տրտնջես և նեղասրտիս,
ի զուր աշխատիս և անվարձ եւ
լանես :

Զօրացիր չարչարանօքն Քրիս-
տոսի, և համբերեա վասն նորա,
զի վայելեսցես յանանց բարու-
թիւնսն :

Որ գարուն ի հանգստեան կայ,
ձմեռն ի սովոյ և ի սառամա-
նեաց սատակի :

Որ աստ զմարմինն պարարէ,
ի յաւիտենական հանգիստն ոչ
մտանէ :

Հնազանդեա սիրով, ալօթեա
յուսով, աշխատեա հաւատով, և
պայծառասցիս յերկնային հար-
սանիսն :

Զոր ինչ Աստուած քեզ շնորհ
տայ, ի պէտս կարօտելոցն սպա-
սաւորեա, զի շնորհքն աղբիւ-
րասցին, և դու փառաւորեսցիս :

Կրօնաւոր մարմնասէր՝ խոզի
նման է, ի ծովացեալ մեղացն
հեղձնու :

Արտասուս լուացումն է մեղաց,
և հոգւոց հանելն ապաշխարու-
թիւն. ապա որ գամենայն ժա-
մանակս կրօնաւորական կարգօք
անցուցանէ ի սուր և ի տրտմու-
թիւն, նա զորպիսի՞ զերանական
զփառսն ժառանգէ :

Կեղծաւոր կրօնաւոր՝ պատ-
րուակ է սատանայի. ընդ իւրեաւ
ունելով զստանայ՝ զզազրու-
թիւն անդամոցն ծածկէ, և նկա-
րակերպ պատրուակօք պատրէ
գտեսողն։ Այօք են գայլք գա-
ռնզգեստք՝ որոց սպառնացաւ
Քրիստոս ընդ անհաւատօն դա-
սել :

Որ զեղբայր իւր տեսանէ և
տրտում կայ, յաղթեալ է ի կեղ-
ծաւորութենէ. որ առանձինն
նստի և զուարթ կայ, զերեալ
է ի սատանայէ :

Բերանք մեր հոտեալ են ի պահոց, և լեզուք մեր ընդարմացեալ ի սաղմոսէրգութենէ. և զոր Աստուած խնդրէ՝ զայն ոչ ունիմք, զսէր և զխոնարհութիւն. շրթամբք սիրեմք զԱստուած, և ի զուր աշխատիմք:

Զմիս անասնոյ ոչ ուտեն, և զեղբայրն անյազաբար ուտեն. զինի ոչ ըմպեն, և զհոգին արեամբ շաղախեն. զամուսնացեալոն ատեն, և պիղծ խորհրդով հանապազ պոռնկին. զգեստ զյունին զգենուն, և ազահութեամբն այրին. յայնպիսեացն արժան է փախչել, և ոչ հազորդութիւն ունել:

Զէ պարտ կրօնաւորի մանկանց կենակից լինել. զի որ ի նոցանէ նետաձգութիւն է, չարէ քան զթիւնս իժից:

Զպայծառութիւն աչաց շլացանէ ծուխ, և զպարծանս կրօնաւորի ընտելութիւն ման-

կանց. Եթէ զերկինս բանայ, մի՛ մտաներ. Եթէ հրեշտակական վարս ունի, մի՛ հաւատար:

Մանուկ կրօնաւոր, որ ոչ է առ ուս ծերոց, անջան որս է սատանայի:

Մանկագոյն կրօնաւորի մի՛ ասեր զծածուկսն քո, զի մահ է նորա:

Կրօնաւոր ուրախամիտ դեւ է զերգեսացի:

Մի՛ սիրեր զյազուրդ կերակրոց կամ զըմպելեաց. ապա թէ ոչ՝ զմարմինդ քաղաք պոռնկութեան շինես և ամրոց սատանայի:

Գինի զբազմութիւն ախտից զարթուցանէ, և զերկիղն Աստուծոյ հալածէ:

Մի՛ սիրեր զեղբայրն փափուկ կերակրովք կամ զըմպելեօք կամ պատուական հանգերձիւ կամ դատարկութեամբ, զի մի՛ զկայենին ժառանգեսցես զպատիժն:

Մի՛ տրտմեցուցաներ զոք. և մի՛ տրտմիր յումեքէ:

Մի բարկանար աշակերտի մեռ
դուցելոյ, զի հիւանդն ոչ թէ
յիւր կամաց հիւանդանայ:

Աստուածսիրութիւն է առան-
ձինն յանդիմանել:

Մի թիւնաթափ լինիր յեղ-
բայրն խրատու պատճառաւ:

Զվերն՝ կակուզ դեղն բժշկէ,
և զախտո՞ բարեգործութիւնն:

Աշխատութիւն զոհութեամբ՝
առանց պսակի ոչ լինի: —
Կրօնաւոր պճնող ասպնջական
է դիւաց:

Որ մարմնական ընչից ցան-
կայ, պոռնկութիւն է:

Եթէ վասն Աստուծոյ հալա-
ծիս, մի խէթ պահեր:

Յորժամ աղօթես՝ ընտրեա ըզ-
խորհուրդդ, և ապա սաղմոսեա:

Թէ թշնամւոյն չաղօթես որ-
պէս քեզ, ապա լաւ է չաղօթել:

Եթէ առնուս ինչ յումեքէ, յա-
ւել ի սովորական աղօթսն:

Դեւք յինչոն ժողովին, և հրեշ-
տակք ի բաշխելն:

Ընչասիրութիւն լծակցութիւն
է կոապաշութեան:

Աղօթք ի սուրբ սրտէ զպա-
տարագի փրկութիւն գործէ:

Մի խնդրեր զհամեղութիւն կե-
րակրոց:

ԶՔրիստոս նա տեսանէ, որ
զինչոն ատէ:

Կրօնաւորի բերդ ամուր է ան-
զբաղութիւն:

Եղբայրասէր կրօնաւոր ազգա-
կցութիւն ունի առ Քրիստոս:

Խաղաղասէր կրօնաւոր ջահ
պայծառ է եղբայրութեանն:

Որ ոխս ունի ընդ եղբօրն,
դաշնաւոր է սատանայի. որ խե-
թիւ ննջէ՝ բարկացուցանէ զԱս-
տուած:

Երիկունն, երբ ի մահիճսն ե-
լանես, համարեա, թէ ի գերեզ-
ման ես իջեալ:

Թուղ զխորհուրդս և զբանս՝ որ
սիութիս ընթանան. և բեւեռեա
զքեզ ընդ երկիղն Աստուծոյ, և
ած զմտաւ զօրն դատաստանին:

Որ զեղբայրն ի մարմնաւոր կերակրոյ զրկէ, չէ ցանկացօղ սեղանոյն Քրիստոսի:

Որ փութայ առնուլ ինչ յումեքէ, ոչ ունի յոյս առ Քրիստոս:

Եթէ խնդրէ ոք ի՞քն և տաս, գոհացիր զԱստուծոյ՝ զի դուառաւել շահեցար քան զնա:

Մի լինիր ծաղրածու և կատակերգակ, զի մի ժառանգեսցես զանվախճան զլացն:

Խոնարհութեամբ և յուսով հնազանդել, և զիտութեամբ աշխատել՝ կատարելութիւն է:

Այլ են առաքինութիւնք, և այլ ընտրութիւնք:

Զհաց աւուրն քրտամբք հրամայեց քեզ ուտել, և դու ըզկեանսն յաւիտենից քնով կամիս ժառանգել: Եւթանասուն ամ է կարգեալ զենաց քոց; և զայն ցաւօք և հեծութեամբ. կու զհաց զարամեայ օրն առանց ցաւոց կամիս ժառանգել:

Աշխատելոցն հրամայեաց ըզհանգիստն, և ոչ որդնապարար մարմնասիրացն:

Նահանջեա զորոմօղ բարսդ չորակերութեամբ, և զիստութիւն սրտիդ կակղեա տքնութեամբ, և զգիճութիւն մարմնոյդ ցամաքեցո աշխատութեամբ, և ապակարես բառնալզիան Քրիստոսի: Ուսո և զսիրտ քո՛ սիրել զեղբայրն. և այնպէս սիրեա զմարմին քո, որպէս զնենզաւոր եղբայր:

Որ զերկիզածն ատէ, և զաներկիզն սիրէ, մի չարիք են:

Եթէ ցաւակցութեամբ չսիրես զեղբայրն, մի կար ընդ նմա:

Նեղեազմարմինդ զիտութեամբ զրոց վկայութեամբ:

Են առաքինութիւնք՝ որ ոչ են հաճոյ Աստուծոյ, և այն չարին խաբէութիւն է:

Զիափկութիւն և զհանգիստ ատեա:

Որ պէտս ունի յեղբարցն, նմա
տուր:

Ալ աղիւն երթալոց ես ի հայ-
րենիսն, անդ հանգիր:

Յորժամ ազօթես, ծանիրթէ
ընդ ում խօսիս, կամ զինչ խըն-
դրես, և զխորհուրդդ ի քեզ հա-
ւարեա:

Յորժամ առաքէ քեզ Աստուած
վափուկ կերակուր, կամ մա-
քուր հաց, կամ միրգ, զՔրիս-
տոսի մասն կարօւեալ եղբօրն
տուր նախ քան զքո ճաշակելն,
զի Քրիստոս քեզ սեղանակից
լինի:

Յորժամ նստիս ի սեղանն, խո-
նարհեցո զգլուխդ. մի այլ ինչ
տեսաներ, բայց միայն զքեզ. և
ճաշակեա գոհութեամբ:

Մի խնդրեր զհամենութիւն կե-
րակրոց և զյագենալն, այլ միայն
որ զվանգն բառնայ:

Հանդերձ քո մի լիցի առ ի
պճնել, այլ միայն առ ի պէտս

մարմնոյդ, որպէս զայն՝ որ զմե-
ռեալն ծածկէն: Ապա թէ զաւե-
լորդն և զանպատշաճն սիրես,
զրկիս յերկնաւոր զարդուէն:

Եթէ հիւանդ ես կամ աշխա-
տեալ, մի իշխանութեամբ վա-
րիր:

Եթէ առնեն քեզ սէր, գոհա-
ցիր զԱստուծոյ. և եթէ ոչ առ-
նեն, մի տրտնջեր. և մի տրտմե-
ցուցաներ զանձն ուրուք. այլ
նեղեա զքեզ սակաւ մի լուս-
թեամբ. զի որ պատերազմի,
ժուժկալութեան պէտք են:

Զմտաւ ած զօր դատաստանին,
զոր պատրաստեալ է Աստուած:

Այս կեանքս պատերազմ է:

Որ լաւն է, և զուարթ երեւի:

Զայն խնդրեսցուք, զոր Քրիս-
տոս խոստացաւ տալ՝ թէ ուր
եսն եմ, անդ և պաշտօնեայն իմ
եղիցի:

Ծերութիւն և հիւանդութիւն
պատերազմ է ժամանակեայ. զի

մարմնոյ զօրութիւն պակասեալէ, վտանգն բազմացեալ, և հանգիստն սակաւ, և կամ բնաւ իսկոչ. և սատանայ բորբոքէ զբոց ցասմանն, և ատել տայ զկարգն, հայհոյել զառաջնորդն, արտնջել զեղբարցն. աստ պէտք են սիրոյ և գթութեան, երկայնամիտ լինել, և զմարտիրոսական առնուլ պսակ:

Որ բարկանայ եղբօրն, և չէ վասն Աստուծոյ, հրեշտակ անուղորմ հանդիպի նմա:

Որ ի սաղմոսելն ծիծաղի, կամ մարմնական խօսք բերէ ի մէջ, արտաքոյ լիցի սրբութեանցն՝ մինչեւ առողջասցի:

Լաւագոյն է զձեռոն համբառնալ առ Աստուծ, յորժամ ազօթեսցէ. բայց առաւել կարեւորէ, որ ի պէտս եղբարցն սպասաւորեսցէ:

Զձեռոս յորժամ յաղօթս համբառնաս՝ հանդէպ երեսացդ կալ, և զգուշացիր յօտար խորհրդոց:

Եթէ հաւատացեալ ես յեղբայրն, հնազանդեա նմա. ապա թէ ոչ, ի սովորականէն մի եւ լաներ:

Պարտ է կրօնաւորին արեամբ չափ հակառակ կալ ընդգէմ մարմնական ցանկութեանց. և այն պէս պատարագ լինել Աստուծոյ:

Քրիստոս ասաց, ես եմ ճանապարհ և ճշմարտութիւն և կեանք. և որ կամի զալ առ իս, ուրասցի զանձն իւր, և առցէ զիսաչ, և եկեսցէ զկնի իմ: Եւ որ ոչ ուրանայ զանձն իւր, ոչ կարէ բառնալ զիսաչն Քրիստոսի, և չէ ի ճշմարտութենէն, և որ ոչ է ի ճշմարտութենէն, չկարէ ժառանգել զկեանսն յաւիտենից, այլ ի ստուերի կայ և ի խաւարի ըրջի:

Եւ որ զիւր կամսն պաշտէ, զաշխարհական գործ ոչ կարէ վճարել, թող թէ զհոգեորն. թէս պէտ և մեծաջան վաստակօք ան-

ցուցանէ զիւր զկեանսն, չկարէ
հասանել կրօնաւորական կարգի:
իսկ հնագանդն՝ թէպէտ և պղերգ
և ծոյլ, կրօնաւոր է, ծառայու
թեամբ ի տան Աստուծոյ է.

Անգործ մեղու՝ լաւ է քան
զժիր պիծակ:

Որ զինքն ուրացեալ է, և ի
լուծ պատուիրանին մտեալ՝ բառ
նալով զիսաշն Քրիստոսի, չէ
պարտ ընտրողութիւնառնել հրա
մանաց առաջնորդին՝ այլ անսալ
երկիւզիւ. զի և Պետրոս չօգտե
ցաւ ինչ ընտրութեամբն: Եւ եթէ
թերի ես յառաջնորդն, մի կար
ընդ նմա. զի կորուսանես զոգիդ
քո: Երբեմն տրտնջես, երբեմն
նզովես, երբեմն դիմաբանես, առ
այլս չարախօսես, զսէր և զհնա
զանդութիւն բառնաս յեղբարցն,
զամենեսեան յամպարշութիւն
ուսուցանես. այնպիսոյն միա
բանութիւնն զառապարտութիւն
է:

ՏԳԵՏ և անընտրող առաջնորդ՝
ի բժշկելն խոցէ, և յուզգելն
խորտակէ. ի սիրոյ տեղ՝ ատե-
լութիւն ցուցանէ, և յատելու
թեան՝ զսէր. և խառնափնդորե-
լով զեղբարսն անվաստակ հանէ:

Որ սիւն եղեալ է և զբոլոր
շինուածն յինքն հաստատեալ,
եթէ խորտակի՝ զամենեսեան ի
վայր կործանէ: Այսպէս և ա-
ռաջնորդն, թէ ոչ ըստ կամացն
Աստուծոյ վարի, զամենայն եղա
բայրութիւնն սատանայի մատնէ.
և փոխանակ առաջնորդութեանն՝
կորստեան պատճառ լինի: Մեծ
հերձուած և անբժշկելի չարիք
է այնպիսի առաջնորդութիւնն.
զի մարդիկ յօրինակն առաւել
հային, քան ի ճշմարտութիւնն:

Որ զմի ոք ի փոքրկանց զայ-
թազգեցուցանէ, չէ արժանի գիշ-
րեզմանի. իսկ որ բազմաց կո-
րսուածն պատճառ լինի, զնա
զինչ ասես. ոչ ապաքէն գործաւ-

կից եղեւ սատանայի, և ընդ նմա
տանջելոց է ի գեհենին:

Հոգեւոր առաջնորդ՝ ասուուա-
ծային հուր է, զապականարար
ախտն այրէ, և զգիճութիւն ցա-
մաքեցուցանէ, և կրօնաւորական
հանդիսիւ փորձէ որպէս զոսկի
ի բովս, և անաղտ սրբութեամբ
զեղբարսն Աստուծոյ ընծայէ. և
ինքն ըստ հաւատարիմ ծառային
թագաւորէ ի վերայ տասն քա-
զաքաց:

Առաջնորդ ագահ, որ է կուա-
պաշտ, աւազակապետ է: Աւա-
զակը բազումք կան յաշխարհի,
և չեն ամենէքեան սպանողք. իսկ
նա յամենայն աւուր սպանու-
թիւն գործէ: Ոչ զմարմինն միայն
սպանանէ որպէս զաւազակն, այլ
սատանայի գործակից լինի, և
զեզգին կորուսանէ՝ որ նմա հա-
ւատացաւ: Նա զամենայն չարիս
դիւրաւ գործէ, և զբարին ոչ
երբեք:

Եթէ ամենայն եղբարցն հիւան-
դութիւնն քեզ ոչ ցաւէ, մի՛ լի-
նիր առաջնորդ:

Եթէ զանարժանն ըստ պիտո-
յիցն ոչ յանդիմանես, մի՛ լինիր
վարդապետ:

Զվարդապետն քաջաս սիրտ
սուրբ վարքն առնեն:

Քաղցր է մեզր, բայց ախտա-
լից մարմնոյ վնաս առնէ. օգտա-
կար է խրատ և յանդիմանու-
թիւն, բայց որ զգէմս յարեւ-
մուտս է հաստատեալ՝ նմա ա-
նօգուտ է:

ԿԱՏԱՐԵՑԱՆ ԽՐԱՏՔԻՆ



Յ Ա. Կ

- Արեմելք 264.
Արաւամ 110. 211. 237. 264. 316.
Ազահութիւն 35.
Ազոււ 201.
Աղամ 86. 177. 190. 217. 280. 281.
293. 295.
Աղամանը. տես Աղամ.
Ազատութիւն. տես Անձնիշանութիւն.
Ազեցութիւն 200—205.
Ազումն. տես Ազեցութիւն.
Աթէնք 238.
Ախտ. 82.
Ակն. տես Խաղալ և Աղբեկ.
Աղանդ 173. 234. 255. 270. 287.
340.
Աղանդաւոր 325.

- Աղաւնի 201.
 Աղբիւր 10. 11. 139. 142. 164. 282.
 Աղեքսանդր 122.
 Աղուէս 140.
 Աղօթք 100. 126.
 Աճել. տես Ծով, Լուսին, Զուր.
 Ամիս 19. 138.
 Ամուսնութիւն 24. 43. 95. 106. 117.
 279. 289. 325. 329. 330.
 Այծեամի 171.
 Այս 107. 203.
 Անասուն 29. 73. 96. 167. 181. 201.
 254. 256. 322. 323.
 Անարար 27. 39. 51.
 Անզդ 201.
 Անհարթութիւնք. տես Զարիք.
 Անձնիշխանութիւն 12. 37. 47-51.
 64. 89. 200.
 Անպատեհք. տես Զարիք.
 Անջրպետ 28.
 Այզի 96.
 Անդ 96.
 Անտիռ 239. 324.
 Աշխարհ 13. 21. 31. 258-262. 267.
 274. 303. 310.
 Աշխարհական 330.
 Ապողոն 238.

- Առաջք 339.
 Առաքելական թուղթք 291.
 Առիծ 77. 80. 140. 172. 179. 184.
 Առեզ. տես Արալէզ.
 Առն 171.
 Ասրի 61. 107. 218. 298.
 Ասրեստանեայ 175. 185.
 Ասրինեայ. տես Ասրի.
 Աստեղանշմար. տես Քաւեայ.
 Աստեղատուն 179-184. 220. 229.
 Աստղ 16. 174. 178. 179. 185. 215-
 220. 229. 245. 251.
 Աստուած 8. 23. 24. 25. 27. 42.
 108. 166. 197. 288. 302.
 Աստուածն բարի և Օտար. տես Օտար.
 Աստուածն Օրինաց 279. 280. 283.
 312.
 Աստուածպաշտութիւն 45. 238. 263-
 265.
 Աստուածք. տես Դիք.
 Արալէզ 115-116.
 Արար 292-305. 331. 333. 339.
 Արեգակն 8. 13-18. 138. 142. 160-
 163. 183. 212-220. 229. 233.
 234. 245-261.
 Արև. տես Արեգակն.
 Արևապաշտ 135. 162.
 Արթք 300.

- Արիական ազգն. տես Արիք.
 Արիք 141. 142.
 Արհին 131–134. 139. 141. 143–168.
 Արմատ 135.
 Առուեստ 35.
 Արջ 77. 81. 201.
 Արջառ 73. 77. 141. 153. 171.
 Արտաւազդ 122.
 Արցայից արցայ 289.
 Աւետարան 291. 320.
 Աքաաը 211.
 Աքազեան 217.
 Բարիլացի 75.
 Բարիլոն 114.
 Բազմաստուածեան պաշտամունք 15.
 Բախտ 131. 137. 152. 173. 179.
 Բանջար 328.
 Բանսարկու 62. 175.
 Բառնաբաս 301.
 Բասիլիսկու 125.
 Բարերարութիւն 103. 137. 150. 272.
 286.
 Բարի 12. 134. 141. 143. 152–161.
 166. 167. 292. 297. 338. 339.
 Բարեացն արարիչ 12. 35. 82. 141.
 166.
 Բարսունք 133. 138. 149. 150. 158.
 159.

- Բժիշկ 33. 54–56. 57. 78. 203. 207.
 268. 306.
 Գարաւոն 217.
 Գազան 75. 77. 153. 168. 169. 171.
 205. 322.
 Գայթակղութիւն 326.
 Գայլ 80. 141. 153.
 Գառն 141. 153. 322.
 Գեցն 283. 296. 297. 315.
 Գետ 124. 142. 222.
 Գերեզման 315. 323.
 Գինի 234.
 Գոռեխ 170.
 Գրաստ 317.
 Գանիէլ 104. 205.
 Գար 283. 314.
 Գաւիթ 174. 175. 185. 268.
 Գելփին 120.
 Գեւ. տես Ատանայ.
 Գէրի 33. 138. 152.
 Գժոխական 284.
 Գժոխը 284. 314. 315.
 Գի 23.
 Գիւահարութիւն 95.
 Գիւապաշտ 162.
 Գիւապաշտութիւն 265.
 Գիւթութիւն 212.

Գիւցազունք 116. 121. 141.
 Գիւցապաշտ 122.
 Գիք 116. 117.
 Գրախա 300.
 Գրօշեալ 237.
 Երրայեցիք 61.
 Եղեկիս 178. 217.
 Եղեկէլ 111.
 Եղն 125. 140. 180. 200.
 Եկեղեցի 129. 172. 263. 329. 340.
 Եղիս 85. 121.
 Եղիուս 264.
 Եղջերու 171. 202.
 Ենոպք 85. 121.
 Եպիկուրեանք 236. 262.
 Եպիսկոպոս 105.
 Եսաւ 190. 191. 199.
 Եսիոդոս 276.
 Երազազանք 124.
 Երազ 204. 205.
 Երախայ 335. 339.
 Երախտիք. տես Բարերարութիւն.
 Երանք. տես Խաղալ.
 Երեմիս 196.
 Երեւել Աստուծոյ 109.
 Երեք մանկունքն 104.
 Երիվար 21. 22.

Երեքով 310.
 Երկաթ 46. 221.
 Երկարմատեան 135.
 Երկինք 9. 47. 131. 137. 150. 158.
 168. 183-185. 215. 246. 279.
 283. 291. 298-301.
 Երկիր 13-20. 47. 75. 76. 131. 137.
 138. 150. 168. 183. 184. 220-
 234. 246. 256. 291.
 Երուսաղէմ 122. 310.
 Եւթանատունք 173. 298. 299.
 Եւրոպ 247.
 Զանդիկ 135.
 Զատիկ 321.
 Զեռուն. տես Սոզուն.
 Զրադաշտ 163.
 Զրուան 131-156.
 Զօրութիւն երկրի. տես Հիւզ.
 Էլոն 217.
 Էն 15.
 Էշ 140.
 Էռոթիւն բարի և չար 8. 12. 15. 63.
 Էրէ 124. 202.
 Ըմբան. տես Կծել.
 Ծարա 237.
 Թէրիսկէ 74.
 Թէոդոս 180.

- Թոիւր 134.
 Թոոժիւն 81.
 Թուչուն 168.
 Ժամ 138.
 Խղոս 235. 257.
 Խմասառնք 117. 215. 218.
 Խնձ 172.
 Խշավայրի 202.
 Խշացուլ 114.
 Խոսհակ 322.
 Խորայէլ 175. 191.
 Լեզու. աես կծել.
 Լոյս 75. 112. 160–163. 253.
 Լու 170. 171.
 Լուսաւորք 138. 142. 162. 164. 183.
 213–217. 232. 234. 236. 243–
 245. 250.
 Լուսին 13. 19. 138. 160. 163. 183–
 215.
 Լուսնապաշտք 249.
 Լուսնոտ 208.
 Լութիւն 235. 256.
 Լութիւն 202.
 Խաղալ 305. 306. 308.
 Խաչելութիւն 167. 207.
 Խարաման 167. 207.
 Խաւար 17. 18. 40. 246.
 Խաւարել արեգական 231. 248.

- Խնամակալութիւն 236. 253. 262.
 Խող 101. 208. 322.
 Խոյ 180. 322.
 Խոնաւ 40.
 Խոնաւութիւն 21. 214. 215.
 Խորաշետ 165.
 Խորդ 201.
 Խորշակ 81.
 Ծառ 57. 86. 139. 140. 283. 301.
 Ծիծառն 201.
 Ծոյզ 20. 218. 222. 247.
 Ծովացուլ 115. 116.
 Ծուխ 221. 301.
 Կախարդ 100. 101. 103. 104. 249.
 Կաղաճչանան 78.
 Կայոր 289.
 Կանեփուկ 78.
 Կանխազէտ 68.
 Կանխազիտութիւն 189. 271.
 Կապիկ 81.
 Կառց 21.
 Կարիճ 141. 168. 180.
 Կեկրոփս 237.
 Կեղծաւոր 72.
 Կերակուր 94. 121. 324–328.
 Կէտ 120.

- Կին 154. 205. 206. 235. 259. 339.
340.
- Կիւրոս 191.
- Կնիք. տես Մկրտութիւն.
- Կծել 203.
- Կոյս 117. 164. 329. 339.
- Կով 115. 116. 140.
- Կորեակ, կորեակատ 220.
- Կորիւն 80.
- Կուռք 237-239. 282. 319.
- Կուսութիւն 329. 330.
- Կուպաշտութիւն 173. 174. 191. 212.
- Կոռնոս 180. 220. 237.
- Կրակ. տես Հուր
- Կրօնք. տես Աղանդ.
- Հազար 78.
- Համբարու 113. 114.
- Հայր 44. 49. 95.
- Հայք 122.
- Հաստատութիւն 216. 222.
- Հաւ 317.
- Հեթանոս 12. 16. 74. 141.
- Հեթանոսութիւն 126. 237. 263.
- Հելէնք 237. 238.
- Հեծեալ 124.
- Հեղինոս 238.
- Հեշմակապատ 264.

- Հերակլ 251.
- Հերձուածող 12. 298.
- Հէն 187.
- Հիւանդութիւն 82.
- Հեւդ 12. 27. 40. 128. 129. 235.
241. 253. 257-258. 288.
- Հմայք 212.
- Հնդիկ 179.
- Հոգի. տես Ոզի.
- Հողամադք 262.
- Հողմ 20. 105. 106. 107. 183.
- Հոմերոս 276.
- Հուր 16. 17. 105. 112. 142. 153.
176. 182. 221. 224-226. 251.
253. 256. 261. 267.
- Հոսու 339.
- Հոկայ 120.
- Հրաման. տես Ճակատազիր.
- Հրեայ 122. 174. 211. 212. 304. 307.
- Հրեշտակ 17. 105-111. 118. 125.
173. 174. 175. 204. 224. 240.
241. 243. 329.
- Հոհշտակ պահապան 125. 126.
- Հոկութիւն 239.
- Զգտել 203.
- Զին. տես Կծել.
- Զի 140. 200.

Զիւն 81.
 Զուկն 120. 168. 321. 322. 323. 326.
 Պովու 110.
 Ճակատագիր 174. 186.
 Ճայ 201.
 Ճանճ 170.
 Ճարտար 33.
 Ճարտարութիւն 33. 271. 272.
 Ճճի 73. 121. 153. 168. 169. 260.
 Ճռագ 182. 183. 215.
 Ճռազու 76.
 Մակաբէացիք 185.
 Մակեղոն 325.
 Մահ 82. 83. 84. 88. 295. 303.
 Մահմի 160. 161.
 Մահ տարածամ 24. 82. 92.
 Մաղաս 203. 207.
 Մաղճ 207.
 Մանի 134. 135. 329. 332. 335.
 Մանուէ 110.
 Մանրագոր 78.
 Մատն 340.
 Մարդ 31. 32. 37. 40. 41. 46. 48.
 60. 84. 118. 168. 169. 180.
 202. 208. 267. 280. 290.
 Մարկին 225. 279. 287. 290. 291.
 298. 304. 306. 313. 329. 332-
 335. 339.

Մարկիոնք 330. 335.
 Մարմին 84. 85. 88. 106. 262. 332.
 339. 340.
 Մարտուսոյց 66.
 Մացի 140.
 Մելքիսեդեկ 264.
 Մեղու 201.
 Մերովպս 238.
 Մժիկ 170.
 Միութիւն 253.
 Միս 77. 202. 284. 252. 321-326.
 Միտք 142. 233.
 Միքայէլ 110.
 Մծնեայք 329.
 Մկրտութիւն 335. 339.
 Մողք 12. 16. 75. 135. 255. 270.
 290.
 Մոլախինա 78.
 Մովսէս 110. 213. 223. 298.
 Մորենի 110.
 Մուկն 170. 171.
 Մուն 170.
 Մսակերութիւն 330.
 Մսահատ 327.
 Մսավաճառանոց 325.
 Մրուր 26. 128.
 Մրջին 201. 230.

Արրախառն 32. 36.
 Արցութիւն 42.
 Յաղել 158. 255.
 Յաթն 299.
 Յակովը 190. 191. 199.
 Յաշտ առնել 158-159.
 Յառաջիւտութիւն. տես Կանխագիւտութիւն.
 Յարութիւն 19. 85. 165. 197. 304.
 321. 332-335. 338.
 Յաւան 238.
 Յաւանակ 202.
 Յեսու 110. 175. 217. 285-305. 330.
 Յիսուս. տես Քրիստոս.
 Յոբ 90. 102. 208.
 Յոզոց հանել 204.
 Յոյն 12. 129. 141. 238. 298. 300.
 Յունացիւմաստունք 128. 229. 233.
 251. 270.
 Յովագ 172.
 Յովաննէս 305.
 Յովսեղեկ 175.
 Յովսէփ 205.
 Յովսիս 191.
 Յուդա 102. 185. 191. 209. 239.
 Յունան 321.
 Յուշապարիկ 113. 114.

Յուսութք 75.
 Յատակ 36.
 Յօդուածոյք 38.
 Յօրանջել 203. 204.
 Նախանձ 52. 58.
 Ներքինի 327.
 Նինուէացիք 178. 196.
 Նիւթ. տես Հիւզ.
 Նհանգ 119. 123. 124.
 Նշխարք սրբոց 98.
 Շահապետ 123.
 Շնութիւն 33. 43. 318.
 Շողի 221.
 Շոնք 80. 115.
 Շունչ. տես Ոզի.
 Շունչան 245.
 Ողի 17. 84. 85. 105. 107. 135. 181.
 205. 223. 233. 242. 254-262.
 276. 280. 284-303. 313.
 Ողոքել 72.
 Ոչինչ 20. 221. 222. 251.
 Ոչխար 73. 153. 171. 322.
 Ոտն. տես Կծել.
 Որդի 49. 95. 280.
 Որդն 170.
 Որ բն. տես Աստուած.
 Որմիզ 131. 134. 139. 168.

- Որովայն 132. 147. 207.
 Ու 317.
 Ուստ 330. 331.
 Ուստաւորք 327. 328.
 Ուզիդ (ած.) 134. 147.
 Ուզիդ (զոյ.) 207. 247.
 Ուզտ 123. 171. 172.
 Ունկանն հարկանել 203.
 Ուսումն տես Աղանդ.
 Զար 12. 23-51. 58. 69. 75. 76.
 79. 128. 134. 139. 142. 143.
 152. 155. 159. 161. 166. 167.
 172. 213. 294.
 Զարեացն արարիչ 12. 30. 34. 60.
 82. 141-142. 166.
 Զարագործ 34. 43. 72.
 Զորքոսանի 167-8.
 Պահապան. տես Շահապետ և Հրեշ-
 տակ.
 Պահը 94. 100.
 Պայ 115. 116.
 Պատերագի 24. 95. 178.
 Պատկեր 45. 237.
 Պատճառ 30. 52. 233. 253.
 Պարզական 39.
 Պարիկ 113. 114.
 Պարսք 128. 129. 141.


- Պաւղոս 196. 287. 290.
 Պետրոս 301. 302.
 Պերիպատիկեանք 234. 253.
 Պիեթազորաս 234. 253. 255.
 Պիեթազորեանք 234.
 Պղատոն 257. 277.
 Պղատոնեանք 235.
 Պոնտացի 339.
 Պոռնկութիւն 42. 43. 71. 95.
 Զեր. Զերմ. Զերմութիւն 21. 40. 75.
 112. 142. 220.
 Զորի 124. 140.
 Զուր 13-19. 40. 112. 153. 164.
 168. 172. 176. 182. 223. 227.
 230. 247. 251. 253. 267.
 Զրհեղեղ 177. 190.
 Սամուէլ 196.
 Սառամանիք 81.
 Սասան 185.
 Սասանական 185. 289.
 Սատանայ 53-68. 87-127. 159. 161-
 162. 166. 172-176. 203. 208.
 209. 212. 240-249. 315.
 Սերմի 154. 164. 241. 242. 243.
 Սերուք 237. 263.
 Սէր Աստուծոյ 111.
 Սիրամարգ 161.

- Առղում 110.
 Առղումն 185.
 Առղուն 168. 169. 171. 206. 252.
 253. 255.
 Ապանութիւն 44. 318.
 Առամբս 207.
 Առյիկեանք 236. 261.
 Առուեր 17. 246.
 Վարազ 77. 171.
 Վիշապ 62. 73. 75. 119-124.
 Տաճար 31.
 Տանջանք 97. 98. 331.
 Տարերք 13. 39. 231. 299.
 Տարի 138.
 Տեսութիւն. տես Խնամակալութիւն
 Տէրն աշխարհի կամ արարածոց 281-
 293. 310.
 Տիտան 141.
 Տունկ 55. 138. 183.
 Տօթ 81. 94.
 Բէտ 237.
 Յամացութիւն 21.
 Յաւ 83. 84.
 Յեց 170.
 Յուլ 77.
 Յուրտ 94.
 Յրտութիւն 21. 94.

- Յօդ 13. 219.
 Փամփուշտ 220.
 Փայլատակունց 252.
 Փայտ. տես ծառ 221.
 Փառք. տես բախտ.
 Փարաւոն 151.
 Փարիսացի 310. 321.
 Փիլիսոփայ 234. 239. 261. 263.
 276. 277. 288.
 Փիդ 171. 172.
 Փնչել 203. 204.
 Փոկ 123.
 Փոփոխմունք ոգւոց 235. 236. 254.
 260.
 Փրկութիւն 303.
 Քահանայ 264. 340.
 Քահանայութիւն 340.
 Քաղաք 31.
 Քար 31. 221.
 Քարը 81.
 Քաւզայ 178. 180.
 Քաւզութիւն 212.
 Քերոբէ 111.
 Քէշ 128. 129. 134. 135. 141. 162.
 Քէշակարկատ 141.
 Քրիստոնքութիւն 239.
 Քրիստոն 91. 122. 239. 265. 304.
 310. 312. 316. 319.

- Օ_Դ 13. 17-21. 29. 105. 119. 168.
 183. 214. 215. 220. 221. 251.
 252. 267. 301.
- Օ_Ժ 53. 58. 73. 74. 120. 121. 123.
 127. 140. 168.
- ՕՃԱԿԱՀՄՈՒԹԻՒՆ 123.
- ՕՄԱՐ 283. 287. 289. 311. 313.
- ՕՐ 138.
- ՕՐԵՒՐ 285. 307. 315. 316. 317. ■
 318. 319.
-





0025283

2013

10

20.01

ՀՀ Ազգային գրադարան



NL0015183

